

欽定全唐詩

第一函
第七冊

欽定全唐詩
第一函
第七冊
PD

全唐詩目

韋應物 十卷

孟彥深

劉灣

孫昌胤

喬琳

柳渾 共一卷

張謂 一卷

岑參 四卷

沈宇

張鼎

薛奇童

楊諫

張萬頃

沈頌

梁鎰 共一卷

杜儼

趙良器

黃麟

郭向

郭良

王喬

徐九皋

閻寬

李收

程彌綸

屈同仙

豆盧復

荆冬倩

梁洽

鄭紹

朱斌

梁德裕

常非月

張良璞

孫欣

王羨門

芮挺章

樓穎

李康成 共二卷

楊賁

李清

陳季

王邕

莊若訥

魏瓘

王顥

竇冀

魯收

朱遠

許瑤 共一卷

包佶 一卷

李嘉祐 二卷

包何 一卷

賈邕

劉舟

長孫鑄

房白

元晟

劉太沖

姚發

鄭愕

殷少野

鄔載 共一卷

皇甫曾 一卷

高適 四卷

李岷

李栖筠

徐浩

薛令之

鄔紹先

李穆

馮著

王迴

李暉

敬括 共一卷

全唐詩

韋應物

韋應物京兆長安人少以三衛郎事明皇晚更折節讀書永泰中授京兆功曹遷洛陽丞大曆十四年自鄂令制除櫟陽令以疾辭不就建中三年拜比部員外郎出爲滁州刺史久之調江州追赴闕改左司郎中復出爲蘇州刺史應物性高潔所在焚香掃地而坐唯顧况劉長卿丘丹秦系皎然之儔得屬賓客與之酬倡其詩閑澹簡遠人比之陶潛稱陶韋云集十卷今編詩十卷

擬古詩十二首

辭君遠行邁飲此長恨端已謂道里遠如何中陰艱流水赴大壑孤雲還暮山無情尚有歸行子何獨難驅車背鄉園朔風一作卷行迹嚴冬霜斷肌日入不遑息憂歡一作容一作髮變寒暑人事易中心君詎知冰玉徒貞白黃鳥何關關幽蘭亦靡靡此時深閨婦日照紗一作窗裏娟娟雙青娥微微答玉齒自惜桃李年誤身遊俠子無事久離別不知今生歎

峩峩高山巔澆澆青川流世人不自悟馳謝如驚塵百金非所重厚意良難得肯酒親與朋芳年樂京國京城繁華地軒蓋凌晨出垂楊十二衢隱映金張室漢宮南北對飛觀齊白日游泳屬芳時一作平生自云畢綺樓何氛氳朝日正杲杲四鉉含清風丹霞射其牖玉顏上哀轉絕耳非世有但感離恨情不知誰家婦孤雲忽無色邊馬爲回首曲絕碧天高餘聲散秋草徘徊惟中意獨夜不堪守思逐朔風翔一去千里道

嘉樹藹初綠靡蕪吐幽芳君子不在賞寄之雲路長路長信難越惜此芳時歇孤鳥去不還絨情向天末

月滿秋夜長驚鳥號北林天河橫木落斗柄當西南寒蛩悲洞房好鳥無遺音商飈一夕至獨宿懷重衾舊交

日一作千里隔我浮與沉人生豈草木寒暑移此心

酒星非所酌月桂不爲食虛薄空有名爲君長歎息蘭蕙雖可懷芳香與時息豈如凌霜葉歲暮藹顏色折柔

將有贈延意千里容草木知賤微所貴寒不易

神州高爽地遐瞰靡不通寒月野無綠寥寥天宇空陰陽不停馭貞脆各有終汾沮何鄙儉考槃何退窮反志解牽跼無爲尚勞躬美人奪南國一笑開芙蓉清鏡理容一作髮塞簾出深重豔曲呈皓齒舞羅不堪風慄慄情

有待贈芳為我容可嗟青樓月流影君帷中

春至林木變洞房夕含清單居誰能裁好鳥對我鳴良人久燕趙新愛移平生別時雙鴛綺留此千恨情碧草

生舊迹綠琴歌芳聲思一作願將魂夢歡反側寐不成攬衣迷所次起望空前庭一作夕起望前庭孤影中自惻不知雙涕

零

秋天無留景萬物藏光輝落葉隨風起一作遠愁人獨何依華一作明月屢圓缺君還浩無期如何雨絕天一作雲一去音

問一作違

有客天一方寄我孤桐琴迢迢萬里隔託此傳幽音冰霜中自結龍鳳相與吟絃以明直道一作漆以固形文

深

白日淇上沒空閨生遠愁寸心不可限淇水長悠悠芳樹自妍芳一作云自交結又春禽自相求徘徊東西廂孤妾誰

與儔年華逐絲波一落俱不一作難收

雜體五首

沈沈匣中鏡為此塵垢蝕輝光何所如月在雲中黑南金既雕錯擊帶共輝飾空存一作有鑿物名坐使妍黨感美

人竭肝膽思照冰玉色自非磨瑩工日日空嘆息

古宅一作字集秋鳥羣號枯樹枝黃昏窺人室鬼物相與期居人不安寢搏擊思此時豈無鷹與鷂飽肉不肯飛既

乖逐鳥節空養凌雲安孤負肉食思何異城上鷓

春羅雙鴛鴦出自寒夜女心精煙霧色指歷千萬緒長安貴豪家一作室妖艷不可數裁此百日功唯將一朝舞舞

罷復裁新豈思勞者苦

同聲自相應體質不必齊誰知賈人鐸能使大一作音樂諧鏗鏘發宮徵和樂變其哀人神既昭享鳳鳥一作皇亦下來

豈非至賤物一奏升天階物情苟有合莫問玉與泥

碌碌荆山璞卞和獻君門荆璞非有求和氏非有思所獻知國寶至公不待言是非吾一作語欲然此道今豈存

與友生野飲效陶體

攜酒花林下前有千載墳於時不共酌奈此泉下人始自翫芳物行當念徂春聊舒遠世蹤坐望還山雲且遂

一歎笑焉知賤與貧

效何水部二首

玉宇含清

一作秋

露香籠散輕煙應當結沈抱難從茲夕眠

夕漏起遙恨蟲響一作管亂秋陰反覆相思字中有故人心

效陶彭澤

霜露悴百草時菊獨妍華物性有如此寒暑其奈何掇英泛濁醪日入會田家盡醉茅簷下一生豈在多

大梁亭會李四栖梧作

梁王昔愛才千古化不泯平至今蓬池上遠集八方賓車馬平明合城郭滿埃塵逢君一相許豈要平生親入

仕三十載如何獨未伸英聲久籍籍臺閣多故人置酒發清彈相與一作新樂佳辰孤亭得長望白日下廣津富貴

良可取一作求竭來西入秦秋風旦夕起安得客梁陳

燕李錄事

與君十五侍皇闈曉拂爐煙上赤墀花開漢苑經過處雪下驪山沐浴時近臣零落今猶在仙駕飄飄不可期

此日相逢

一作思

舊日一杯成喜亦一作又成悲

淮上喜會梁川故人

江漢曾爲客相逢每醉還浮雲一別後流水十年間歡笑情如舊蕭疎鬢已斑何因北一作不歸去淮上對一作有秋

山

揚州偶會前洛陽盧耿主簿

唐書耿成器傳

楚塞故人稀相逢本不期猶存袖裏字忽怪發中絲客舍盈樽酒江行滿篋詩更能連騎出還似洛橋時

賈常侍林亭燕集

高賢侍天陞一作陪跡顯心獨幽朱軒鶯闕右池館在東周繚繞接都城氤氳望嵩丘羣公盡詞客方駕永日遊朝

旦氣候佳逍遙寫煩憂綠林蕩已布華沼澗不流沒露摘幽草涉煙甃輕舟圓荷既出水廣廈可淹留放神遺

所拘能司屢見酬崇燕良未極安知有沈浮醉罷各云散何當復相求

月下會徐十一草堂

空齋無一事，忻憤故人期。誓報觀書夜，還題翫月詩。達鍾高枕後，清露捲簾時。暗覺新秋近，殘河欲曙遲。

移疾會詩客元生與釋子法朗因貽諸祠曹

對此嘉樹林，獨有成感。顏抱瘵，知曠職。淹旬非樂閑，釋子來問訊。詩人亦扣關，道同意一作暫遣客散疾徐還。園徑自幽靜，玄蟬噪其間。高聽瞰遠郊，暮色起秋山。英曹幸休暇，懷懷一作思心所攀。

慈恩伽藍清會

素爰俱薄世，屢招清景賞。鳴鐘偃音聞，宿昔心已往。重門相洞達，高宇亦遐一作朝嵐。嶺曉城分清陰，夏條長一作清氣。氛芳臺覆蕭蕭散，竹池廣平荷隨波。泛迴颺激林，響蔬食遵道侶。泊懷遺滯想，何彼塵昏人。區區在天壤。

夜偶詩客操公作

塵襟一瀟灑，清夜得禪公。遠自鶴林寺，了知人世空。鶯禽翻暗葉，流水注幽叢。多謝非玄度，聊將詩興同。

與韓庫部會王祠曹宅作

開一作門蔭堤柳秋，渠舍夕清微。風送荷氣坐，客散塵纓守。默共無恹抱，冲俱寡營良。時頗高會琴，酌共開情。

晦日處士叔園林燕集

遽看萱葉盡，坐闕芳年賞。賴此林下期，清風滌煩想。始萌動新煦，佳禽發幽響。嵐嶺對高齋，春流灌蔬壤。樽酒遺形迹，道言屢開獎。幸蒙終夕懽，聊用稅歸鞅。

危亭西陂燕賞

杲杲朝陽時，悠悠清陂望。嘉樹始氤氳，春遊方浩蕩。况逢文翰侶，愛此孤舟漾。綠野際遙波，橫雲分疊嶂。公堂日爲倦，幽襟自茲曠。有酒今滿盈，願君盡弘量。

西郊燕集

濟濟衆君子，高宴及時光。羣山霽遐曠，綠野布熙陽。列坐遵曲岵，披襟襲蘭芳。野庵薦嘉魚，激澗泛羽觴。衆鳥鳴茂林，綠草延高岡。盛時易徂謝，浩思坐飄颺。眷言同心友，茲遊安可忘。

春宵燕萬年吉少府中孚南館

始見斗柄迴，復茲霜月霽。河漢上縱橫，春城夜迢遞。賓筵接時彥，樂燕凌芳歲。稍愛清觴滿，仰歎高文麗。欲去

返郊扉端爲一歡滯

滁州園池燕元氏親屬

日暮遊清池疎林暈一作高天餘綠飄霜露夕氣變風煙水門架危閣竹亭列廣筵一展私烟禮屢歎芳樽前感
往在茲會傷離屬頽年明晨復云去且願此流連

郡樓春燕

衆樂雜軍鞞高樓邀上客思逐花光亂賞餘山景夕爲郡訪彫瘵守程難損益聊假一杯歡暫忘終日迫

南塘泛舟會元六昆季

端居倦時煥輕舟泛迴塘微風飄襟襟散橫吹繞林長雲澹水容夕雨微荷氣涼一寫捐勤意一作華
鷺

郡齋雨中與諸文士燕集

兵衛森畫戟宴寢凝清香海上風雨至道遙池閣涼煩病近一作消散嘉賓復滿堂自慙居處崇未覩斯民康理
會是非遣性達形迹忘鮮肥屬時禁蔬菓幸見嘗俯飲一杯酒仰聆金玉章神歡體自輕意欲凌風一作翔吳中
盛文史羣彥今汪洋方知大藩地一作豈曰財賦疆一作

軍中冬燕

滄海已云晏皇恩猶念勤式燕徧恒秩柔遠及斯人茲邦實大藩伐鼓軍樂陳是時冬服成戎士氣益振虎竹
謬朝寄英賢降上賓旋罄周旋禮媿無海陸珍庭中丸劍闢堂上歌吹新光景不知晚觥酌豈言頻單醪昔所
感大醺况同忻顛謂軍中士仰答何由申

司空主簿琴席

煙華方散薄蕙氣猶含露澹景發清琴幽期默一作悟流連白雲意斷續迴風度掩抑雖已終忡忡在幽素

與邨老對飲

鬢眉雪色猶嗜酒言辭淳朴古人風鄉村年少生雖亂見話先朝如夢中

城中臥疾知閣薛二子屢從邑令飲因以贈之

車一作馬日蕭蕭胡不枉一作我廬方來從令飲臥病獨何如秋風起漢江一作阜開戶望平蕪即此悵一作音素一作馬知

中密疎渴者不思火寒者不求水人生羈寓一作時去就當如此循希心異跡一作心迹異一作眷眷存終始

聽嘉陵江水聲寄深上人

鑿崖泄奔湍稱古神禹跡夜宣山門店獨宿不安席水性自云一作靜石中本無聲如何兩相激雷轉空山驚胎

之道門舊一作友一作了此物我情

高陵書情寄三原盧少府

直方難為進守此微賤班開卷不及頓沉埋案牘間兵凶一作互相踐徭賦豈得閑促戚下可哀寬政身致患日

夕思自退出門望故山君心儻如此攜手相與還

假中對兩呈縣中僚友

卻足甘一作為笑閑居夢杜陵殘鶯知夏淺社一作兩報年登流麥非關忘收書獨不能自然憂曠職緘此謝良朋

贈蕭河南

厭劇辭京縣褒賢待詔書鄧侯方繼業潘令且閑居霽後三川冷秋深一作萬木疎對琴無一事新興復何如

示從子河南尉班一作并序

永泰中余任洛陽丞以撲扶軍騎時從子河南尉班亦以剛直為政俱見訟於居守因詩示意府縣好我

者豈曠斯文

拙直余恒守公方爾所存同占朱鳥剋俱起小人言立政思懸棒謀身類觸藩不能林下去祇戀府廷恩

趨府候曉呈兩縣僚友

趨府不違安中宵出戶看滿天星尚在近僻燭仍一作殘立馬頻驚曙番簾却避寒可憐同宦者應一作悟下流難

贈李儋

絲桐本異質音響合一作自然吾觀造化意二物相因緣誤觸龍鳳嘯靜聞寒夜泉心神自安宅煩慮頓可捐何

因知久要絲白漆亦堅

贈盧嵩

百川注東海東海無虛盈泥滓不能濁澄波非益清恬然自安流日照萬里晴雲物不隱象三山共分明奈何疾風怒忽若砥柱傾海水雖無心洪濤亦相驚怒號在倏忽誰識變化情

寄馮著

春雷起萌蟄土壤日已疎胡能遭盛明才俊伏里閭仰遂真性所求惟斗儲披衣出茅屋盥漱臨清渠吾道亦自適退身保玄虛幸無職事牽且覽案上書親友各馳騫誰當訪散廬思君在何夕明月照廣除

早春對雪寄前殿中元侍御

掃雪開幽徑端居望故人猶殘臘月酒更值早梅春幾日東城陌何時曲水濱聞闕且共賞莫待繡衣新

贈王侍御

心同野鶴與塵遠詩似冰壺見底清府縣同趨昨日事升沈不改故人情上陽秋晚蕭蕭雨洛水寒來夜夜聲自歎猶爲折腰吏一作客可憐馳馬路傍行

將往江淮寄李十九僖余自西京至李又於河洛同道不遇

鶯鶯東向來文鷁亦西飛如何不相見羽翼有高卑徘徊到河洛華屋未及窺秋風飄我行遠與淮海期迴首隔煙霧遙遙兩相思陽春自當返短翮欲追隨

自鞏洛舟行入黃河卽事寄府縣僚友

夾水蒼山路向東東南山路大河通寒樹依微遠天外夕陽明滅亂流中孤邨幾歲臨伊恠一鴈初晴下朔風爲報洛橋遊宦侶扁舟不繫與心同

寄盧庚

悠悠遠離別分比歡會難如何兩相近反使心不安亂疑思一搨垢衣思一浣臨豈如望友生對酒起長嘆時節異京洛孟冬天未寒廣陵多車馬日夕自遊盤獨我何耿耿非君誰爲歡

發廣陵留上家兄兼寄上長沙

將違安可懷宿戀復一方家貧無舊業薄宦各飄颻執板身有屬淹時心恐惶拜言不得留聲結淚滿裳襟漾

動行舫亭亭遠相望離晨苦須臾獨往道路長蕭條風雨過得此海氣涼感秋意已違况自結中腸推道固當
遣及情豈所忘何時共還歸舉翼鳴春陽

初發揚子寄元大校書

悽悽去親愛泛泛入煙霧歸棹洛陽人殘鐘廣陵樹今朝此爲別何處還相遇世事波上舟汭泗安得住
淮上卽事寄廣陵親故

前舟已眇眇欲渡誰相待秋山起暮鐘楚雨連滄海風波雜思滿一作道宿昔容鬢改獨鳥下東南廣陵何處在

寄洪州幕府盧二十一侍御自南宮今拜
頭向官洛陽

忽報南昌令乘驄入郡城同時趨府客此日望塵迎文苑臺中妙冰壺暮下清洛陽相去遠猶使故林榮

經少林精舍寄都邑親友

息駕依松嶺高閣一攀緣前瞻路已窮既詣喜更延出巖聽萬籟入林濯幽泉鳴鐘生道心暮磬一作空雲煙獨
往雖暫適多累終見牽方思結茅地歸息期暮年

同長源歸南徐寄子西子烈有道

東洛何蕭條相思邀遐路策駕復誰遊入門無與晤一作出入還因送歸客連此緘中素屢嗔心所歡豈得頽如故
所歡不可嗔嚴霜晨淒淒如彼萬里行孤妾守空閨臨觴一長嘆素欲何時諧

雷中聞李僖過門不訪聊以寄贈

度門能不訪冒雪屢西東已想人如玉遙憐馬似驄乍迷金谷路稍變上陽宮還比相思意紛紛正滿空

同德精舍養疾寄河南兵曹東廳掾

道遙東城隅雙樹寒葱蘢廣庭流華月高閣凝餘霰杜門非養素抱疾阻良讌孰謂無他人思君歲云變官曹
亮先忝陳躅慙俊彥豈知晨與夜相代不相見緘書問所如一作訓藻當芬綯

同德寺雨後寄元侍御李博士

川上風雨來須臾滿城闕峩峩青蓮界一作蕭條孤興發前山遽已淨陰霧夜來歇喬木生夏涼流雲吐華月嚴
城自有限一水非難越相望曙河一作遠高齋坐超忽

同德閣期元侍御李博士不至各投贈二首

庭樹忽已暗故人那一作何不來祇因厭煩暑永日坐霜臺 官榮多所繫閑居亦愆期高閣猶相望青山欲暮時

使雲陽寄府曹

夙駕祇府命冒炎不遑息百里次雲陽閣問漂溺上天屢憊氣胡不均寸澤仰瞻香樹顛見此洪流跡良苗免湮沒蔓草生宿昔頽墮滿故墟喜返新安宅周旋涉塗潦側峭緣溝脉仁賢憂斯民賤子甘所役公堂衆君子言笑思與親

過扶風精舍舊居簡朝宗巨川兄弟

佛剎出高樹晨光閭井中年深念陳迹迨此獨忡忡零落逢故老寂寥悲草蟲舊宇多改構幽篁延本藜栖止事如昨芳時去已空佳人亦携手再往今不同新文聊感舊想子意無窮

贈令狐士曹

自八月朔至同使監田洩謂沙亭事在平日而不相得故有戲贈

秋簷一作窗滴滴對林寢山路迢迢聯騎行到家俱及東籬菊何事先歸半日程

贈馮著

契闊仕兩京念子亦飄蓬方來屬追往十載事不同歲晏乃云至微褐還未充慘悽遊子情風雪自關東華觴發權顏嘉藻播清風始此盈抱恨曠然一夕中善蘊豈輕售懷才希國工誰當念素士零落成華空

對雨寄韓庫部協

颯至池館涼窈然和曉霧蕭條集新荷氤氳散高樹閑居興方澹默想心已屢暫出仍濕衣况君東城住

寄子西

夏景已難度懷賢思方續喬樹落疎陰微風散煩燠傷離枉芳札忻逢見心曲藍上舍已成田家雨新足託鄰素多欲一作難殘帙猶見束日夕上高齋但望東原綠

縣內閑居贈溫公

滿郭春色嵐已昏鷄栖散吏掩重門雖居世網常清淨夜對高僧無一言

對雪贈徐秀才

靡靡寒欲收，霧霑陰暹結。晨起望南端，千林散春雪。妍光屬瑤階，亂緒陵新節。無爲掩扉臥，獨守袁生轍。

西郊遊宴寄贈邑僚李吳

升陽暖春物，置酒臨芳席。高宴關英僚，衆賓寡懽懽。是時尚多壘，板築興頽弊。羈旅念越疆，領徒方祗役。如何嘉會日，當子憂勤夕。西郊鬱已茂，春嵐重如積。何當返徂雨，雜英紛可惜。

對雨贈李主簿高秀才

暹暹曙雲薄，散漫東風來。青山滿春野，微雨灑輕埃。吏局勞佳士，賓筵得上才。終朝狎文墨，高興共徘徊。

休沐東還曹貴里示端

宦遊三十載，田野久已疎。休沐遂茲日，一來還故墟。山明宿雨霽，風暖百卉舒。泓泓野泉潔，熠熠林光初。竹木稍摧翳，園場亦萋蕪。俯驚鬢已衰，周覽昔所娛。存沒惻私懷，遷變傷里閭。欲言少留心中，復畏簡書世道良。自退榮名亦空虛，與子終攜手歲晏當來居。

朝請後還邑寄諸友生

宰邑分旬服，夙駕朝上京。是時當暮春，休沐集友生。抗志青雲表，俱踐高世名。樽酒且歡樂，文翰亦縱橫。良遊昔所希，累讎夜復明。晨露含瑤琴，夕風頽素英。一旦遵歸路，伏軾出京城。誰言再念別，忽若千里行。聞閣寡喧訟，端居結幽情。况茲畫方永，展轉何由平。

澧上西齋寄諸友

七月中書擬
之西齋作

絕岬臨西野，曠然塵事遙。清川下暹暹，茅棟上岵峩。翫月愛佳夕，望山屬清朝。俯砌視歸翼，開襟納遠颺。等陶辭小秩，效朱方負樵。閑遊忽無累，心跡隨景超。明世重才彥，雨露降丹霄。羣公正雲集，獨子忻寂寥。

獨遊西齋寄崔主簿

同心忽已別，昨事方成昔。幽徑還獨尋，綠苔見行跡。秋齋正蕭散，煙水易昏夕。憂來結幾重，非君不可釋。

紫閣東林居士叔絨賜松英丸捧對折喜蓋非塵侶之所當服輒獻詩代答

碧澗蒼松五粒稀，侵雲采去露沾衣。夜塔羣僊合靈藥，朝思俗侶寄將歸。道場香戒今初服，人事輩羶已覺非。一望嵐峰拜還使，腰間銅印與心違。

秋集罷還途中作謹獻壽春公黎公

東帶自衡門奉命宰王畿君侯柱高鑿舉善掩瑕疵斯民本已安工拙兩無施何以酬明德歲晏不磷細時節
乃來集欣懷方載馳平明大府開一得拜光輝溫如春風至蕭若嚴霜威羣屬所載瞻而忘倦與飢公堂燕華
筵禮罷復言辭將從平門道憩車澧水湄山川降嘉歲草木蒙潤滋孰云還本邑懷德獨遲遲

閑居贈友

補吏多下邊罷歸聊自度園廬既蕪沒煙景空澹泊閑居養病瘵守素甘葵藿顏髮日衰耗冠帶亦寥落青苔
已生路綠筠始分籜夕氣下遙陰微風動疎薄草玄良見諳杜門無請託非君好事者誰來一作顧寂寞

四禪精舍登覽悲舊寄朝宗巨川兄弟

蕭散人事憂迢遞古原行春風日已暄百草亦復生躋閣謁金像攀雲造禪局新景林際曙雜花川上明徂歲
方極遶陳事尚縱橫溫泉有佳氣馳道指京城攜手思故日山河留恨情存者邈難見去者已冥冥臨風一長
慟誰畏一作行路驚

善福閣對雨寄李儋幼遐

飛閣凌太虛晨躋鬱崢嶸懸檻白雲冒層甍太陰布其地密雨垂八紘仰觀固不測俯視但冥冥感此
窮秋氣沈鬱命友生及時未高步羈旅遊帝京聖朝無隱才物品俱昭形國士秉繩墨何以表堅貞寸心東北
馳思與一會并我車風已駕將逐晨風征郊塗住成淹默默阻中情

寺居獨夜寄崔主簿

幽人寂不一作寐木葉紛紛落寒雨暗深更流螢度高閣坐使青燈曉還傷夏衣薄寧知歲方晏離居更蕭索

九日澧上作寄崔主簿倬二李端繫

淒淒感時節望望臨澧渚翠嶺明華秋高天澄遙洋川寒流愈迅霜交物初委林葉索已空晨禽迎颺起時菊
乃盈泛濁醪自爲美良遊雖可娛殷念在之子人生不自省營欲無終已孰能同一酌陶然冥斯理

西郊養疾閑暢校書有新什見贈久佇不至先寄此詩

養病愜清夏郊園敷卉木應夕一作含澗涼雨餘愛筠綠披懷始高詠對琴轉幽獨仰子遊羣英吐詞如蘭馥還

聞在嘉燕竹望延昏旭唯見草青青閉戶澧水曲

澧上寄幼遐

寂寞到城關惆悵返柴荆端居無所為念子遠徂征夏晝人已息我懷獨未寧忽從東齊起兀兀尋澗行習墨
叢榛密披翫孤花明曠然西南望一極山水情周覽同遊處逾恨阻音形壯圖非旦夕君子勤令名勿復久留
燕蹉跎在北京

善福精舍示諸生

湛湛嘉樹陰清露夜景沈悄然羣物寂高閣似陰岑方以玄默處豈為名跡侵法妙一作不知歸獨此抱冲襟齋
舍無餘物陶器與單衾諸生時列坐共愛風滿林

晚出澧上贈崔都水

臨流一舒嘯望山意轉延隔林分落景餘霞明遠川首起趣東作已看耘夏田一從民里居歲月再徂遷昧質
得全性世名良自牽行忻攜手歸聊復飲酒眠

寓居澧上精舍寄于張二舍人

萬木藜雲出香閣西連碧澗竹林園高齋宿宿遠山曙微霰下庭寒雀喧道心淡泊對流水生事蕭疎空掩門
時憶故交那得見曉排闥闌奉明恩

開元親懷舊寄李二韓二裴四兼呈崔郎中嚴家令

宿昔清都燕分散各西東車馬行跡在霜雪竹林空方軫故物念誰復一樽同聊披道書暇還此聽松風
春日郊居寄萬年吉少府中孚三原少府偉夏候校書審

谷鳥時一轉田園春雨餘光屈動林早高懸照日初獨飲澗中水吟咏老氏書城闕應多事誰憶此閑居

澧上醉題寄潯武

芳園知夕燕西郊已獨還誰言不同賞俱是醉花間

西郊期潯武不至書示

山高鳥過雨澗樹一作落殘花非關春不待當由期自餘

澧上對月寄孔諫議

思懷在雲關泊素守中林出處雖殊跡明月兩知心

將往潞城戀新竹簡崔都水示端

停車欲去繞叢竹偏愛新筠十數竿莫遣兒童觸瓊粉留待幽人迴日看

還闕首途寄精舍親友

休沐日云滿冲然將罷觀嚴車候門側晨起正一作朝冠山澤含餘雨川澗注驚湍攬轡遵東路一作迴首一長

嘆居人已不見高閣在林端

秋夜南宮寄澧上弟及諸生

暝色起煙閣沈抱積離憂况茲風雨夜蕭條梧葉秋空宇感涼至頽頽驚歲周日夕遊關下山水憶同遊

途中書情寄澧上兩弟因送二甥却還

華簪豈足戀幽林徒自違遙知別後意寂寞掩郊扉迴首昆池上更羨爾同歸

雪夜下朝呈省中一絕

南望青山滿禁闈曉陪鴛鴦正差池共愛朝來何處雪蓬萊宮裏拂松枝

寄柳州韓司戶郎中

遠一作識與昧機智殊迹同靜於焉得攜手屢賞清夜景瀟灑陪高詠從容羨華省一逐風波遷南登桂陽嶺舊

里門空掩歡一作遊事皆屏帳望城關遙幽居時序永春風吹百卉和煦變閨井獨悶終日眠篇書不復省唯當

望雨露露子荒遐境

寄令狐侍郎

三山有瓊樹霜雪色逾新始自風塵交中結綢繆烟西掖方掌誥南宮復司春夕燕華池月朝奉玉階塵眾寶

歸和氏吹噓多俊人羣公共然諾聲問邁時倫孤鴻既高舉鶯雀在荆棘翔集且不同豈不欲殷勤一旦遷南

郡江湖渺無垠寵辱良未定君子豈緇磷寒暑已推斥別離生苦辛非將會面目書札何由申

閑居寄端及重陽

山明野寺曙鐘微，雲滿幽林人跡稀。閑居寥落生高興，無事風塵獨不歸。

園林晏起寄昭應韓明府盧主簿

田家已耕作，井屋起晨煙。園林鳴好鳥，閑居猶獨眠。不覺朝已晏，起來望青天。四體一舒散，情性亦忻然。還復茅簷下，對酒思數賢。東帶理官府，簡牘盈目前。當念中林賞，覽物遍山川。上非遇明世，庶以道自全。

寄大梁諸友

分竹守南譙，弭節過梁池。雄都衆君子，出餞擁河湄。燕謔始云洽，方舟已解維。一為風水便，但見山川馳。昨日次睢陽，今夕宿符離。雲樹愴重疊，烟波念還期。相教在勤事，海內方勞師。

新秋夜寄諸弟

兩地俱秋夕，相望共一作星河。高梧一葉下，空齋歸思多。方用憂人瘼，况自抱微病。無將別來近，頽鬢已蹉跎。

郊園聞蟬寄諸弟

去歲郊園別，聞蟬在蘭省。今歲臥南譙，蟬鳴歸路永。夕響依山谷，餘悲散秋景。一作餘響緘書報此時，一作此心方耿耿。

寄中書劉舍人

雲霄路竟別中年，跡暫同比翼。趨丹陛，連騎下南宮。佳詠邀清月，幽賞滯芳叢。迨予一出守，與子限西東。晨露方愴愴，一作離抱更忡忡。忽睹九天詔，東綸歸國工。玉座浮香氣，秋禁散涼風。應向橫門度，一作環珮杳玲瓏。光輝恨未曛，歸思坐難通。蒼松桂安想，在掖垣中。

郡齋感秋寄諸弟

首夏辭舊國，窮秋臥潞城。方如昨日別，忽覺徂歲驚。高閣收煙霧，池水晚澄清。一作戶牖已淒爽，晨夜感深情。昔遊郡署間，是月天氣晴。一作授衣還西郊，曉露田中一作行。采菊投酒中，昆弟自同傾。簪組掛鉞焉，知有世榮一。旦居遠郡山川間，音形大道庶無累。及茲念已盈。郡中對雨贈元錫兼簡楊凌

宿雨冒空山，空城響秋葉。沈沈暮色至，淒淒涼氣入。蕭條林表散，的皪荷上集。夜霧著衣重，新苔侵履濕。遇茲端慶日，賴與嘉賓接。

冬至夜寄京師諸弟兼懷崔都水

理郡無異一作美政，所憂在素飡。徒令去京國，羈旅當歲寒。子一作生二氣陽京極，南端已憶時。節感更抱別，離酸私燕席。一作夕云罷還齋夜，方闌運暮沈。空宇一作月孤燈照，牀單應同茲。夕念寧忘故，歲歡川途恍。悠遊涕下一，關于元日寄諸弟兼呈崔都水。

一從守茲郡，兩鬢生素髮。新正加我年，故歲去超忽。淮濱益時候了，似仲秋月川谷。風景溫城池，草木發高齋。屬多暇，惆悵臨芳物。日月昧還期，念君何時歇。

寄職方劉郎中

相聞二十載，不得展平生。一夕一作旦南宮遇，聊用寫中情。端服光朝次，羣烈慕一作英聲歸。來坐紛闈揮筆，乃縱橫始陪文翰遊。歡燕難久，并予困謬忝。出君為沈疾，嬰別離。寒暑適在，再春草生。故園茲日隔，新禽池上鳴。郡中永無事，歸思徒自盈。

社日寄崔都水及諸弟羣屬

山郡多暇日，社時放吏歸。坐閱獨成悶，行塘閣清輝。恣風動高柳，芳園掩夕扉。遙思里中會，心緒悵微微。

寒食日寄諸弟

禁火暖莊辰，念離獨傷抱。見此野田花，心思杜陵道。聯騎定一作竟何時，予今顏已老。

三月三日寄諸弟兼懷崔都水

暮節看已謝，茲晨愈可惜。風澹意傷春，池寒花斂夕。一作色對酒始依依，懷人還的的。誰當曲水行，相思尋舊跡。

贈李儋侍御

風光山郡少，來看廣陵春。殘花猶待客，莫問意中人。

寄楊協律

吏散門闌掩，鳥鳴山郡中。遠念長江別，俯覺座隅空。舟泊南池雨，簾捲北樓風。併罷芳樽燕，為憶昨時同。

郡齋贈王卿

無術謬稱簡素食空自嗟秋齊雨成滯山藥寒始華葎落人皆笑幽獨歲逾賒唯君出塵意賞愛似山一作家

簡恆燦

室一作臺虛多涼氣一作天高屬秋時空庭夜風雨草木曉離披簡書日云曠文墨誰復持聊因遇澄靜一與道人期

開居寄諸弟

秋艸生庭白露時故園諸弟益相思盡日高齋無一事芭蕉葉上獨題詩

登樓寄王卿

踏閣攀林恨不同楚雲滄海思無窮數家砧杵秋山下一郡荆榛寒雨中

寄暢當開以子弟
被召從軍

寇賊起東山英俊方未闕聞君新應募籍籍動京關出身文翰場高步不可攀青袍未及解白羽插腰間昔為瓊樹枝一作今有風霜頽秋郊細柳道走馬一夕還丈夫當為國破敵如摧山何必事州府坐使鬢毛斑

贈崔員外

一別十年事相逢淮海濱還思洛陽日更話府中人且對清鶴滿寧知白髮新忽忽何處去車馬冒風塵

寄李億元錫

去年花裏逢君別今日花開已一年世事茫茫難自料春愁黯黯一作是獨成眠身多疾病思田里邑有流亡愧俸錢聞道欲來相問訊西樓望月幾迴圓

京師叛亂寄諸弟

弱冠遭世難二紀猶未平羈誰官一作守遠郡虎豹滿西京上懷犬馬戀下有骨肉情歸去在何時流淚忽霑纓憂來上北樓左右但軍營函谷行人絕淮南春草生烏鳴野田間思憶故園一作里行何當四海晏甘與齊民耕

贈琮公

山僧一相訪吏案正盈前出處似殊致喧靜兩皆一作依禪暮春華池宴清夜高齋眠此道本無得寧復有心筌

寄諸弟

建中四年十月三日京師兵亂自徐州起遣使明年興元甲子歲五月九日使還作

歲暮兵戈亂京國，書問道訪存亡。還信忽從天上落，唯知彼此渡千行。

寄恒璨

心絕去來緣跡

一作順

人間事獨尋秋草，徑夜宿寒山寺。今日郡齋閑思問，楞伽字

簡郡中諸生

守郡臥秋閣，四面盡荒山。此時聽夜雨，孤燈照窗間。藥園日蕪沒，書帷長自閑。惟當上客至，論詩一解顏。

寄全椒山中道士

今朝郡齋冷，忽念山中客。澗底束荆薪，歸來煮白石。欲持一瓢酒，遠慰

一作寄

風雨夕落葉滿

一作

空山何處尋行跡

寄釋子良史酒

秋山僧冷病，聊寄三五杯。應瀉山瓢裏，還寄此瓢來。

重寄

復寄滿瓢去，定見空瓢來。若不打瓢破，終當費酒材。

答釋子良史送酒瓢

此瓢今已到，山瓢知已空。且飲寒塘水，還將回也同。

一作同知

簡陟巡建三甥

盧氏

忽羨後生連榻話，獨依寒燭一齋空。時流歡笑事從別，把酒吟詩待爾同。

覽襄子臥病一絕聊以題示

沈氏生

念子抱沈疾，霜露變滌城。獨此高窗下，自然無世情。

寄璨師

林院生夜色，西廊上紗燈。時憶長松下，獨坐一山僧。

寄盧陟

柳葉遍寒塘，晚霜凝高閣。累日此流連，別來成寂寞。

途中寄楊遊裴緒示襄子

水陽縣館中作

上宰領淮右下國，屬星馳霧野，騰曉騎，霜竿裂凍旗，蕭蕭陟連岡，莽莽望空陂。風截鴈，嘹唳雲參樹，參差高齋。明月夜中庭，松桂姿當睽。一酌恨况此兩旬期。

宿永陽寄樂律師

遙知郡齋夜凍雪，封松竹時有山僧來。懸燈獨自宿。

雪行寄裴子

浙溼覆寒騎，飄飄暗川容。行子郡城曉，披雲看杉松。

寄裴處士

春風駐遊騎，晚景澹山暉。一問清冷子，獨掩荒園扉。草木雨來長，里閭人到稀。方從廣陵宴，花落未言歸。

偶入西齋院示釋子恒燦

僧齋地雖密，忘子跡要賒。一來非問訊，自是看山花。

示全真元常元常道氏生

余辭郡符去爾爲外事，牽寧知風雪夜復此。對牀眠話南池飲，更詠西樓篇無將。一會易歲月坐推遷。

寄劉尊師

世間荏苒繁，此身長望碧。山到無因白，鶴徘徊看不去。遙知下有清都人。

寄廬山樓衣居士

兀兀山行無處歸，山中猛虎識樓衣。俗客欲尋應不遇，雲溪道士見猶稀。

因省風俗與從姪成緒遊山水中道先歸寄示

累宵同燕酌，十舍攜征騎。始造雙林寂，遐搜洞府祕。羣峰繞盤鬱，懸泉仰特一作異。陰敷雲松埋，崖煙花燼每。處觀省章中，乖遊踐志我。尚山水行子，歸棲息地一。探臨流袂上，聳干雲轡獨。往倦危途懷，冲一作寒幽致賴爾。

還都期方將登樓遲

寒食寄京師諸弟

雨中禁火空齋冷，江上流鶯獨坐聽。把酒看花想諸弟，杜陵寒食草青青。

歲日寄京師諸李端武等

獻歲抱深惻，傷居念歸緣。常患親愛離，始覺世務牽。少事河陽府，晚守淮南壖。平生幾會散，已及蹉跎年。昨日罷符竹，家貧遂留連。部曲多已去，車馬不復全。關將酒爲偶，默以道自詮。聽松南巖寺，見月西澗泉。爲政無異術，當責豈望遷。終理一作來時衰，路鑿杜陵田。

簡盧陟

可憐白雲曲，未遇知音人。恠惶戎旅下，蹉跎淮海濱。澗樹含朝雨，山鳥嘒餘春。我有一瓢酒，可以慰風塵。

西澗卽事示盧陟

寢扉臨碧澗，晨起澹忘情。空林細雨至，圓文遶水生。永日無餘事，山中伐木聲。知子塵喧久，暫可散一作煩縷。

登郡寄京師諸李淮南子弟

始罷永陽守，復臥潯陽樓。懸檣飄寒雨，危堞侵一作江流。迨茲聞雁夜，重憶別離秋。徒有盈樽酒，鎮此百端憂。

寄黃尊師

結茅種杏在雲端，掃雪焚香宿石壇。靈祇不許世人到，忽作雷風登嶺難。

寄黃劉二尊師

廬山兩道士，各在一峰居。矯掌白雲表，晞髮陽和初。清夜降真侶，焚香滿空虛。一作虛中有無爲，樂自然與世疎。道尊不可屈，符守豈暇餘。高齋遙致敬，願示一編書。

秋夜寄丘二十二員外

懷君屬秋夜，散步詠涼天。山空松子落，幽人應未眠。

贈丘員外二首

高詞棄浮靡，貞行表鄉閭。未真南宮拜，聊偃東山居。大藩本多事，日與文章疎。每一觀之子，高詠遂起予。宵晝方連燕，煩愴亦頓祛。格言雅海闊，善誥矜數餘。久踞思遊曠，窮慘遇陽舒。丘丘恆登眺，吳門恨躊躇。方此戀攜手，豈云還舊墟。告諸吳子弟，文學爲何如。

跡與孤雲遠，心將野鶴俱。那同石氏子，每到府門趨。

贈李判官

良玉定爲寶長材世所稀佐幕方巡郡奏命布恩威
食蔬程獨守飲冰節靡違決獄興邦頌高文稟天機
賓館在林表望山啓西扉下有千畝田決滌吳土肥
始耕已見穫袷緜今授衣政拙勞詳省淹留未得歸
雖慙且忻願日夕觀光輝

寄皎然上人

吳興老釋子野雲蓋精廬詩名徒自振道心長晏如
想茲棲禪夜見月東峰初鳴鐘一作驚巖燈焚香滿空虛
叨慕端成舊未識豈爲疎願以碧雲思方君怨別餘
茂苑文華地流水古僧居何當一遊詠倚闌吟躊躇

贈舊識

少年遊太學負氣蔑諸生蹉跎三十載今日海隅行

復理西齋寄丘員外

前歲理西齋得與君子同迨茲已一周悵望臨春風
始自疎林竹還復長榛叢端正良難久蕪穢易爲功
援斧開衆鬱如師塔臺蒙庭宇還清曠煩抱亦舒通
海隅雨雪霽春序風景融時物方如故懷賢思無窮

和張舍人夜直中書寄吏部劉員外

西垣草詔罷南宮憶上才月臨蘭殿出涼自鳳池來
松桂生丹禁鶯鷺集雲臺託身各有所相望徒徘徊

和李二主簿寄淮上茶母三

滿城憐傲吏終日賦新詩請去聲報淮陰客春帆浪作音期

寄二嚴

士良嚴敬
士元嚴敬

絲竹久已懶今日遇君欣打破蜘蛛千道網總爲鶉鴒兩箇嚴

李五席送李主簿歸西臺

請告嚴程盡西歸道路寒欲陪鷹隼集猶戀鶉鴒單
洛邑人全少嵩高靈尚殘滿臺誰不故報我在微官

送崔押衙相州

頃任相州
黃少

禮樂儒家子英豪燕趙風驅雜嘗理邑走馬却從戎白刃千夫闢黃金四海同嫖姚思顧下諸將指揮中別路
憐芳草歸心伴塞鴻鄴城新騎滿魏帝舊臺空望闕應懷德遺時貴立功萬方如已靜何處欲輸忠

送宣城路錄事

江上宣城郡孤舟遠到時雲林謝家宅山水敬亭祠網紀多閑日觀遊得賦詩都門且盡醉此別數年期

送李十四山東遊

一作山人東遊

聖朝有遺逸披膽謁至尊豈是買榮寵誓將救元元權豪非所便書奏寢禁門高歌長安酒忠憤不可吞歎來
客河洛日與靜者論濟世職小事丹砂駐精魂東遊無復繫梁楚多大蕃高論動侯伯疎懷脫塵喧送君都門
野飲我林中樽立馬望東道白雲滿梁園踟躕欲何贈空是平生言

送李二歸楚州

時李季弟改楚州汝公赴忠

情人南楚別復詠在原詩忽此嗟岐路還令泣素絲風波朝夕速音信往來遲好去扁舟客青雲何處期

送闕案赴東川辟

冰炭俱可懷孰云熱與寒何如結髮友不得攜手惟晨登嚴霜野送子天一端祇承簡書命俯仰豈角冠上陟
白雲嶠下冥玄經湍離羣自有託歷險得所安當念反窮巷登朝成慨嘆

送令狐岫宰恩陽

大雪天地閉羣山夜來暗居家猶苦寒子有千里行行行安得辭荷此蒲壁祭賢豪爭追攀飲餞出西京樽酒
豈不歡暮春自有程離人起視日僕御促前征遠遲歲已窮當造已子城和風被草木江水日夜清從來知善
政離別慰友生

送馮著受李廣州署為錄事

鬱鬱楊柳枝蕭蕭征馬悲送君瀟陵舛斜郡南海著名在翰墨場羣公正追隨如何從此去千里萬里期大海
吞東南橫嶺隔地維建邦臨日域溫煥御四時百國共臻奏珍奇獻京師富豪虞興戎繩墨不易持出伯荷天
寵一作還當翊丹墀子為門下生終始豈見遺所願酌貪泉心不為磷緇上將翫國士下以報馮凱

送元倉曹歸廣陵

全唐詩 卷七 韋應物四

官闈得去住告別戀音微一作舊國應無業他鄉到是歸楚山明月滿淮甸夜鐘微何處孤舟泊遙遙心曲遠

送唐明府赴溧水三任

三爲百里宰已過十餘年祇嘆官如舊旋聞邑屢遷魚鹽濱海利薑蔗傍湖田到此安吐俗琴堂又晏然

喜於廣陵拜觀家兄奉送發還池州

青青連枝樹萼萼久別離客遊廣陵中俱到若有期俯仰敘存歿哀腸發酸悲收情且爲歡累日不知飢風駕多所迫復當還歸池長安三千里歲晏獨何爲南出登闔門驚颺左右吹所別諒非遠要令心不怡

送章八元秀才擢第往上都應制

決勝文場戰已酣行應辟命復才堪旅食不辭遊闕下春衣未換報江南天邊宿鳥生歸思關外晴山滿夕嵐立馬欲從何處別都門楊柳正銜飢

送張侍御祕書江左觀省

莫歎都門路歸無駟馬車繡衣猶在篋芸一作閣已觀書沃野收紅稻長江釣白魚晨食亦可薦一作名利欲何如

賦得鼎門送盧耿赴任

名因定鼎地門對鑿龍山水北樓臺近城南車馬還稍閑芳野靜欲掩暮鐘闕去此無嗟屈前賢尚抱關

賦得浮雲起離色送鄭述誠

遊子欲言去浮雲那得知偏能見行色自是獨傷離晚帶城遙暗秋生峰尚奇還因朝吹斷疋馬與相隨

餞雍聿之潞州謁李中丞

鬱鬱兩一作相遇出門草青青酒酣拔劍舞慷慨送子行驅馬涉大河日暮懷洛京前登太行路志士亦未平薄

遊五府都高步振英聲主人且賢重士百金輕絲竹促飛觴夜醺達晨星娛樂易淹暮諒在執高情

上東門會送李幼舉南遊徐方

離絃既罷彈罇酒亦已闌聽我歌一曲南徐在雲端雲端雖云遊行路本非難諸侯皆愛才公子遠結歡濟濟都門宴將去復盤桓令妾何昂昂良馬速遊冠意氣且爲別由來非所嘆

送洛陽韓丞東遊

仙鳥何飄飄綠衣翠為襟顧我差池羽咬咬懷好音徘徊洛陽中遊戲清川淨神交不在結歡愛自中心驚言
忽徂征雲路邈且深朝遊尚同啄夕息當異林出餞宿東郊列筵屬城陰舉酒欲為樂憂懷方一作沈沈

送鄭長源

少年一相見一作飛轡河洛間歡遊不知罷中路忽言還冷鷄絃哀悄悄冬夜關丈夫雖耿介遠別多苦顏君
行拜高堂速駕難久攀鷄鳴僑侶發朔雪滿河關須臾在今夕罇酌且循環

送李儋

別離何從生乃在親愛中反念行路子拂衣自西東日吳不留宴嚴車出崇墉行遊一作非所樂端憂一作道未通
一作春野百卉發清川思無窮芳時坐離散世事誰可同歸當掩重關默默想音容

賦得暮雨送李儋

楚江微雨裏建業暮鐘時漠漠帆來重冥冥鳥去遲海門深不見浦樹遠含滋相送情無限沾襟比散絲

留別洛京親友

握手出都門駕言通京師豈不懷舊愴悵與子辭麗日坐高閣清觴醺華池昨遊修已過後遇良未知念結
路方永歲陰野無暉單車我當前一作暮雪子獨歸臨流一作一相望零淚忽沾衣

賦得沙際路送從叔象

獨樹沙邊人跡稀欲行愁遠暮鐘時野泉幾處侵應盡不遇山僧知問誰

送榆次林明府

無嗟千里遠亦是宰王畿策馬兩中去逢人關外稀邑傳榆石在路速晉山微別思方蕭索新秋一葉飛

雜言送黎六郎

冰壺見底未為清少年如玉有詩名聞話嵩峰多野寺不嫌黃綬向陽城朱門厭訓朝辭去騎出東郊滿飛絮

河南庭下拜府君陽城歸路山氛氳山氛氳長不見釣臺水淥荷已生少姨廟寒花始徧縣闌吏傲與塵隔移

竹疏泉常聒憤莫言去作折腰官豈似長安折腰客

天長寺上方別子西有道

時任京兆府功曹攝高僧室別
四曹盧象昇曾贊賢因而不作

假邑非拙素况乃別伊人聊登釋氏居攜手戀一作茲最高曠出塵表道遙滌心神青山對芳苑別樹遠一作通津
車馬無時絕行子倦風塵今當遵往路佇立欲何申唯持貞白志以慰心所親

送黎六郎赴陽翟少府

試吏向嵩陽春山踟躕芳腰垂新綬色衣滿舊芸香喬樹別時綠客程關外長祇應傳善政日夕慰高堂

送別覃孝廉

思親自當去不第未蹉跎家住青山下門前芳草一作多種歸通遠微巫峽注驚波州舉年年事還期復幾何

送關封盧少府

雄籓車馬地作尉有光輝滿席賓常侍一作開街燭夜歸關河征旆遠煙樹夕陽微到處無留滯梁園花欲稀

送槐廣落第歸揚州

下第常稱屈少年心獨輕拜親歸海畔似舅得詩名晚對青山別遙尋芳草行還期應不遠寒露濕蕪城

送汾城王主簿

少年初帶印汾上又經過芳草歸時徧情人故郡多禁鐘春兩細宮樹野煙和相望東橋別微風起夕波

送灑池崔主簿

邑帶洛陽道年年應此行當時匹馬客今日縣人迎暮雨投關郡春風別帝城東西殊不遠朝夕待佳聲

送顏司議使蜀訪圖書

朝駕一封急一作蜀門千扇曠詎分江轉字但見路緣雲山館夜聽雨秋猿獨叫羣無爲久留滯聖主待遺文

奉送從兄宰晉陵

東郊暮草歇千里夏雲生立馬愁將夕看山獨送行依微吳苑樹迢遞晉陵城樹此斷行別邑人多頌聲

贈別河南李功曹

耿耿抱私戚寥寥獨掩扉臨觴自不飲况與故人違故人方琢磨瓊朝代所稀憲禮更右職文翰灑天機一作未

來自東山墨彥仰餘輝談笑取高第綰綬即言歸洛都遊燕地千里及芳菲今朝章臺別楊柳亦依依雲霞未

改色山川猶夕暉忽復不相見心思亂霏霏

送五經趙隨登科授廣德尉

明經有清秩當在石渠中獨往宣城郡高齋謁謝公寒原正蕪漫一作夕鳥自西東秋日不堪別淒淒多朔風

宴別幼遐與君說兄弟

乖闕一作意方一作弭安知忽來翔累日重歡宴一旦復離傷置酒慰茲夕東燭坐華堂契闊未及展晨星出東方

征人慘已辭車馬儼成一作裝我懷自無歡原野滿春光一作羣水含時澤野雉鳴朝陽平生有壯志不覺淚霑裳

况自守空宇日夕但徬徨

送宣州周錄事

清時重儒士糾郡屬伊人薄遊長安中始得一文親英豪若雲集餞別塞城闌高駕臨長路日夕起風塵方念

清宵宴已度芳林春從茲一分手緬邈吳與秦但覩年運駛安知後會因唯當存令德可以解悁勤

謝櫟陽令歸西郊贈別諸友生

結髮仕一作州縣蹉跎在文墨徒有排雲心何由生羽翼幸遭明盛日萬物蒙生植獨此抱微病頽然謝斯職一作

步清都宮迎風嘉樹側晨起西郊道原野分黍稷自樂陶唐人服勤在微力佇君列丹陛出處兩為得

送姚孫還河中一作世道方荏苒郊園思偃息為歡日已延君子情未極馳鶻一作忽云晏高論良難測遊

送端東行

世承清白遺一作躬服古人言從官一作俱守道歸來共閉門驅車何處去暮雪滿平原

送姚孫還河中一作世道方荏苒郊園思偃息為歡日已延君子情未極馳鶻一作忽云晏高論良難測遊

上國旅遊罷故園生事微風塵滿路起行人何處歸留思芳樹飲惜別暮春暉幾日投關郡河山對掩扉

始除尚書郎別善福精舍一作建中二年四月十九日自前

簡略非世器委身同草木逍遙精舍居飲酒自為足累日曾一櫺對書常懶讀社服會高年山川恣遊曠明世

方選士中朝懸美祿除書忽到門冠帶便拘束愧忝郎署跡謬蒙君子錄俯仰垂華纓飄飄翔輕轂行將親愛

別戀此西澗曲遠峰明月川夏雨生衆綠迅風飄野路一作迴首不遑宿明晨下煙閣白雲在幽谷

送常侍御却使西蕃

歸奏聖朝行萬里却銜天詔報蕃臣本是諸生守文墨今將匹馬靜煙塵旅宿關河逢暮雨春耕亭郭識遺民
此去多應收故地寧辭沙塞往來頻

送鄒詹事

聖朝列羣秀穆穆佐休明君子獨知止懸車守國程忠良信舊德文學播英聲既獲天爵美况將苗位并書奏
蒙省察命駕乃東征皇恩賜印綬歸爲田里榮朝野同稱歎園綺鬱齊名長衢軒蓋集飲饒出西京時屬春陽
節草木已含英洛川當盛宴斯焉爲達生

送蘇評事

季弟仕譙都元兄坐蘭省言訪始忻忻念離當耿耿嗟峨夏雲起迢遞山川永登高望去塵紛思終難整一作

送李侍御益赴幽州幕

二十揮篇翰三十窮典墳碑書五府至名爲四海開始從車騎暮今赴嫖姚軍契闊晚相遇草感遽離羣悠悠
行子遠眇眇川途分登高望燕代日夕生夏雲司徒擁精甲誓將除國氛儒生幸持斧可以佐功勳無言羽書
急坐闕相思文

自尚書郎出爲潯州刺史

留別朋友
兼示諸弟

少年不達仕秉笏東西京中歲守淮郡奉命乃征行素慙省闈姿况忝符竹榮効愚方此始顧私豈獲并徘徊
親交戀愴恨昆友情日暮風雪起我去子還城登塗建隼旗勒駕望承明雲臺煥中天龍關營上征展興奉早
朝玉露霑華纓一朝從此去服膺理庶叱皇恩憶歲月歸復劇羣英

送元錫楊凌

荒林霽山郭積水成秋晦端居意自違况別親與愛歡筵慊未足離燈悄已對還當掩郡關佇君方此會

送楊氏女

永日方慙感出門復悠悠女子今有行大江泝輕舟爾輩况無恃撫念益慈柔幼爲長所育幼女爲楊氏所撫育兩別泣不
休對此結中腸義往難復留自小闕內訓事姑始貽我憂賴茲託令門仁恤庶無尤貧儉誠所尚資從豈待一作
周孝恭遵婦道容止順其猷別離在今晨見爾當何秋居閑始自遣臨感忽難收歸來視幼女零淚綠纓流

送中弟一作送

秋風一作入疎戶離人起晨朝山郡多風雨西樓更蕭條嗟子淮海老送子關河遙同來不同去沈憂寧復消

寄別李偕

首戴惠文冠心有決勝籌翩翩四五騎結束向并州名在相公幕一作府丘山恩未酬妻子不及顧親友安得留宿昔同文翰交分共網繆忽枉別離札涕淚一交流遠郡臥殘疾一作病涼氣滿西樓想子臨長路時當淮海秋

送倉部蕭員外院長存

襖被蹉跎老江國情人邂逅此相逢不隨鴛鴦朝天去遙想蓬萊臺閣重

送王校書

同宿高齋換時節共看移石復栽杉送君江浦已惆悵更上西樓看遠帆

送丘員外還山

長樓白雲表覽訪高齋宿還辭郡邑誼歸泛松江潦結茅隱蒼嶺伐薪響深谷同是山中人不知往來躅靈芝非庭草遼鶴委一作池池鶯終當署里門一表高陽族

重送丘二十二還臨平山居

歲中始再親方來又解攜纔留野艇語已憶故山棲幽澗人夜汲深林鳥長啼還持郡齋酒慰子一作霜露淒

送鄭端公弟移院常州

時瞻憲臣重禮爲內兄全公程儻見責私愛信不憊况昔陪朝列今茲俱海壖清觴方對酌一作天書忽告遷豈徒咫尺地使我心思綿應當自此始歸拜雲臺前

送房杭州一作

專城未四十暫謫豈蹉跎風雨吳門夜惻愴別情多

送陸侍御還越

居藩久不樂遇子聊一欣英聲頗籍甚文辟通時珍繡衣過舊里驄馬輝四鄰一作敬恭尊郡守殷簡具州民謬忝誠所愧思懷方見申置榻宿清夜加籩醢良辰遵塗還盛府行舫遠長津自有賢方伯得此文翰賓

聽江笛送陸侍御

同丘員外賦題

遠聽江上笛臨觴一送君還愁獨宿夜更向郡齋聞

送丘員外歸山居

郡閣始嘉宴青山憶舊居爲君量革履且願住藍輿

送崔叔清遊越

忘茲適越意愛我郡齋幽野情豈好謁詩興一相留遠水帶寒樹聞門望去舟方伯憐文士無爲成滯遊

送雲陽邵儒立少府侍奉還京師

建中卽藩守天寶爲侍臣歷觀兩都士多閱諸侯人邵生乃後來英俊亦罕倫爲文頗瓌麗稟度自貞醇甲科推令名延閣播芳塵再命趨王畿請告奉慈親一鍾信榮祿可以展歡欣昆弟俱時秀長衢當自伸聊從郡閣暇美此時景新方將極娛宴已復及離晨一作後省署慙再入江海綿十春今日聞門路握手子歸秦

送豆盧策秀才

歲交冰未

一作始

泮地卑海氣昏子有京師遊始發吳閩門新黃含遠林微綠生陳根詩人感時節行道當憂煩

古來蓬落者俱不事田園文如金石韻豈乏知音言方辭郡齋榻爲一作酌離亭樽無爲倦羈旅一去高飛翻

送王卿

別酌春林啼鳥稀雙旌背日晚風吹却憶回來花已盡東郊立馬望城池

送劉評事

聲華滿京洛蔡翰發陽春未遂鶴鴻舉尚爲江海賓吳中高宴罷西上一遊秦已想函關道遊子冒風塵籠禽羨歸翼遠守懷交親况復歲云暮凜凜冰霜辰旭霽開郡閣寵餞集文人洞庭摘朱實松江獻白鱗丈夫豈恨別一酌且歡忻

送雷監赴闕庭

才大無不備出入爲時須雄藩精理行祕府擢文儒詔書忽已至焉得久踟躕方舟趁朝謁觀者盈路衢廣筵列衆賓送爵無停迂琴餞誠愴恨一作賀榮且歡娛長陪柏梁宴日向丹墀趨時方重右職蹉跎獨海隅

送秦系赴潤州

近作新婚鑷白鬚長懷舊卷映藍衫更欲攜君虎丘寺不知方伯望征帆

送孫徵赴雲中

黃鸞少年舞雙戟目視傷人皆辟易百戰曾誇膽上兒一身復作雲中客寒風動地氣蒼茫橫吹先悲出塞長
敲石軍中傳夜火斧冰河畔汲朝漿前鋒直指陰山外虜騎紛紛翦應碎匈奴破盡看君歸金印酬功如斗大

期盧嵩枉書稱日暮無馬不赴以詩答

佳期不可失終願枉衡門南陌人猶度西林日未昏庭前空倚杖花裏獨留蟬莫道無來駕知君有短轅

任洛陽丞答前長安田少府問

相逢且對酒相問欲何如數歲猶卑吏家人笑著書告歸應未得榮官又知疎日日生春草空令憶舊居

假中枉盧二十二書亦稱卧疾兼訝李二久不訪問以詩答書因亦戲李二

微官何事勞趨走服藥闔眠養不才花裏甚盤憎烏汙枕邊書卷訝風開故人問訊緣同病芳月相思阻一杯

應笑王戎成俗物遙持麈尾獨徘徊

酬盧嵩秋夜見寄五韻

喬木生夜涼月華滿前墀去君咫尺地勞君千里一作思素秉棲遁志况貽招隱詩坐見林木榮一作生願赴滄洲

期何能待歲晏攜手當此時盧詩三歲

酬鄭戶曹驪山感懷

蒼山何鬱盤飛閣凌上清先帝昔好道下元朝百靈白雲已蕭條麋鹿但縱橫泉水今尚煖舊林亦青青我念

綺襦歲危從當太平小臣職前驅馳道出瀟湘翻日月旗旂殷聲鼓聲萬馬自騰驤八駿按轡行日出煙嶠

綠氛氳麗層臺登臨起遐想沐浴權聖情朝燕詠無事時豐賀國祚日和絃管音下使萬室聽海內奏朝貢賢

愚共歡榮合香車馬喧西聞長安城事往世如寄感深述所經申章報蘭藻一望雙涕零

荅李幹三首

孤客逢春暮，絨情寄舊遊。海隅人使遠，書到洛陽秋。
馬卿猶有壁，漁父自無家。想子今何處，扁舟隱荻花。
林中觀易罷，溪上對鷗閑。楚俗饒辭客，何人最往還。

酬柳郎中春日歸揚州南郭見別之作

廣陵三月花正開，花裏逢君醉一迴。南北相過殊不遠，暮潮從去早潮來。

酬豆盧倉曹題庫壁見示

揀局勞才子，新詩動洛川。運籌知決勝，聚米似論邊。宴罷常分騎，晨趨又比肩。莫嗟年髮改，郎署定推先。

酬李億

開門臨廣陌，旭旦車駕喧。不見同心友，徘徊憂且煩。都城二十里，居在良與坤。人生所各務，乖闊累朝昏。湛湛樽中酒，青青芳樹園。絨情未及發，先此枉瓊筵。世超一作高躅，尋流得真源。明當策疲馬，與子同笑言。

酬元偉過洛陽夜燕

三載寄關東，所懼皆遠思。懷方耿耿，忽得觀容輝。親燕在良夜，歡攜闕中闕。問我猶杜門，不能奮高飛。明燈照四隅，炎炭正可依。清觴雖云酌，所媿乏珍肥。晨裝復當行，家落星已稀。何以慰心曲，佇子西還歸。

酬韓質舟行阻東

晨坐枉嘉藻，持此慰寢興。中獲辛苦奏，長河結陰冰。皓曜羣王發，淒清孤景凝。一作至柔反成堅，造化安可恒。方舟未得行，鑿飲空兢兢。寒苦彌時節，待泮豈所能。何必涉廣川，荒徼且升騰。殷勤宣中意，庶用達吾朋。

李博士弟以余罷官居同德精舍共有伊陸名山之期久而未去枉詩見問中云宋生昔登覽末云那

能顧蓬華直寄都懷聊以為答

初夏息衆緣，雙林對禪客。枉茲芳蘭蕙，促我幽人策。冥搜企前哲，逸句陳往迹。髣髴陸渾南，迢遞千峰碧。從來遲高駕，自顧無物役。山水心所娛，如何更朝夕。晨興涉清洛，訪子高陽宅。莫言往來疎，驚馬知阡陌。

寄酬李博士永寧主簿叔廳見待

解鞍先幾日，款曲見新詩。定向公堂醉，遙憐獨去時。葉寒霜雨落，鐘度遠山遲。晨策已云整，當同林下期。

答令狐士曹獨孤兵曹聯騎暮歸望山見寄

共愛青山住近南行臺吏役背雙膝枉書獨宿對流水遙羨歸時滿夕嵐

荅李博士

休沐去人遠高齋出林杪晴山多碧峰顯氣疑秋晚端居喜良友枉使千里路緘書當夏時開緘時已度簪鶴已飄颻荷露方蕭颯蔓遠竹窻幽行稀蘭徑合舊居共南北往來只如昨問君今為誰日夕度清洛

荅劉西曹

時為京兆功曹

公館夜云寂微涼羣樹秋西曹得時彥華月共淹留長嘯舉清觴志氣誰與儔千幹事雖邀俯念忽已周篇翰如雲與京洛頗優游詮文不獨古理妙即同流淺劣見推許恐為識者尤空慙文璧贈日夕一作不能酬

荅貢士黎逢

時任京兆功曹

茂等一作才方上達諸生安可希栖神澹物表漢汗布令詞如彼崑山玉本自有光輝鄙人徒區區稱歎亦何為彌月曠不接公門但一作設驅馳蘭章忽有贈持用慰所思不見心尚一作兼密况當相見時

荅韓庫部

時

良玉表貞度麗藻頗為工名列金閨籍心與素士同日晏下朝來車馬自生風清宵有佳典皓月直南宮矯翮方上征顧我邈仲仲豈不願攀舉執事府庭中智乖時亦寒才大命有一作通還當以道推解組守蒿蓬

荅崔主簿倬

朗月分林靄遙管動雜聲故驩良已阻空宇澹無情窈窕雲雁沒蒼茫河漢橫蘭童不可荅冲襟徒自盈

荅徐秀才

鈿鈿謝貞器時秀猥見稱豈如白玉仙一作仙山鶴方與紫霞升清詩舞艷雪孤抱瑩玄冰一枝非所貴懷書思武一作陵

荅東林道士

紫閣西邊第幾峰茅齋夜雪虎行蹤遙看黛色知何處欲出山門一作欲向西山尋暮鐘

荅長寧令揚敏

皓月升林表公堂滿清輝嘉賓自遠至觴飲夜何其宰邑視京縣歸來無寸資瓊文溢泉竇雅正得吾師廣川含澄瀾茂一作芳樹擢華滋短才何足數枉贈媿妍詞歡盼良見屬素懷亦已披何意雲樓翰不嫌蓬艾卑但恐河

漢沒回車首路岐

荅馮魯秀才

晨坐枉瓊藻知子返中林澹然山景晏泉谷響幽禽髣髴謝塵跡道遙舒道心顧我腰間綬端為華髮侵簿書
勞應對篇翰曠不尋薄田失鋤耨生苗安可任徒令慙所問想望東山岑

荅崔主簿問兼簡溫上人

緣情生衆累晚悟依道流諸境一已寂了將身世浮閑居澹無味忽復四時周靡靡芳草積稍稍新篁抽即此
抱餘素塊然誠寡儔自適一忻意愧蒙君子憂

清都觀荅幼遐

道遙仙家子日夕朝玉皇典高清露沒渴飲瓊華漿解組一來款披衣拂天香粲然顧我笑綠簡發新章泠
如玉音一作覆額若蘭芳浩意坐盈此月華殊未央却念虛譚日何由得清涼疎松抗一作高殿密竹陰長廊榮名
等糞土攜手隨風翔

善福精舍荅韓司錄清都觀會宴見憶

弱志厭衆紛抱素寄精廬嚶嚶仰時彥悶悶一作獨為愚之子亦辭秩高蹤罷馳驅忽因西飛禽贈我以瓊瑤始
表仙都集復言歡樂殊人生各有因契聞不獲俱一來田野中日與人事疎水木澄秋景道遙清賞餘枉駕懷
前諾引領豈斯須一作變無為便高翔邈矣不可迂

荅長安丞裴說

出身忝時士於世本無機爰以林壑趣遂成頑鈍委臨流意已淒采菊露未稀舉頭見秋山萬事都若遺獨踈
幽人蹤邈將親友遠髦士佐京邑懷念枉貞詞久兩積幽抱清樽宴良知從容操劇務文翰方見推安能戢羽
翼顧此林樞時

奉酬處士叔見示

挂纓守貧賤積重卧郊園叔父親降趾壺觴攜到門高齋樂宴罷清夜道心存即此同疎氏可以一忘言

荅庫部韓郎中

高士不羈世願將榮辱齊
適委華冕去欲還幽林
栖雖懷承明戀忻與物累
睽道遙觀運流誰復識
端倪而我豈高一作能致
偃息平門西愚者世所遺
沮溺共耕犁風雪積深
夜園田掩荒蹊幸蒙相思
札款曲期見攜

答暢校書當

偶然棄官去投跡在田中
日出照茅屋園林一作養
愚蒙雖云無一資罇酌會
不空且忻百穀成仰嘆造化
功出入與民伍作事靡不同
時伐南澗竹夜還澧水東
貧蹇自成退豈爲高人蹤
覽君金玉篇彩色發我容一作日月

欲爲報方一作春已徂冬

答崔都水

深夜竹亭雪孤燈案上書
不遇無爲化一作誰復得閒居

酬令狐司錄善福精舍見贈

野寺望山雪空齋對竹林
我以養愚地生君道者心

澧上精舍答趙氏外生伉

遠跡出塵表寓身雙樹林
如何小子伉一作亦有超世心
擔書從我遊攜手廣川陰
雲開夏郊綠景晏青山沈對

榻遇清夜獻詩合一作雅音所推苟禮數於性道豈深隱拙在冲默經世味古今無爲率爾言可以致華簪

答趙氏生伉

誓與雲林別忽陪鷺鷥翔
看山不得去知爾獨相望

答端

郊園夏雨歇閑院綠陰生
職事方無効幽賞獨違情
物色坐如見離抱悵多盈
况感夕涼氣聞此亂蟬鳴

答史館張學士段一作柳庶子學士集賢院看花見寄兼呈柳學士

班揚東文史對院自爲鄰
餘香掩閣去遲日看花頻
似雪飄闈闈從風點近臣
南宮有芳樹不竝禁垣春

答王郎中

臥閣枉芳藻覽旨悵秋晨
守郡猶羈寓無以慰嘉賓
野曠歸雲盡天清曉露新
池荷涼已至總梧落漸頻
風物殊京國邑里但荒榛
賦繁屬軍興政拙媿斯人
髦士久臺閣中路一漂淪
歸當列盛朝一作豈念臥淮濱

荅崔都水

亭亭心中人，迢迢居秦關。常絨素札去，一作適枉華章還。憶在澧郊時，攜手望秋山。久嫌官府勞，初喜罷秩閑。終年不事業，寢食長慵頑。不知爲時來，一作名籍挂郎間。攝衣辭田里，華簪耀顏顏。卜居又依仁，日夕正追攀。故人本無術，命至苟復還。離念積歲序，歸途眇山川。郡齋有佳月，園林含清泉。同心不在宴，樽酒徒盈前。覽君陳述遊詞意，俱悽妍。忽忽已終日，將洲不能宣。忙稅况重疊，公門極熬煎。責逋甘首免，一作歲晏當歸田。勿厭守窮轍，一作慎爲名所牽。

荅王卿送別

去馬嘶春草，歸人立夕陽。元知數日別，要使兩情傷。

荅裴丞說歸京所獻

執事頗勤久，行去亦傷乖。家貧無僮僕，吏卒升寢齋。衣服藏內篋，藥草曝前階。誰復知次第，漫落且安排。還期在歲晏，何以慰吾懷。

荅裴處士

遺民愛精舍，乘櫂入青山。來署高陽里，不遇白衣還。禮賢方化俗，聞風自款關。况子逸羣士，栖息逢高間。

荅楊奉禮

多病守山郡，自得接嘉賓。不見三四日，曠若十餘旬。臨觴獨無味，對榻已生塵。一詠舟中作，灑雪忽驚新。煙波見樓旅，景物具昭陳。秋塘唯落葉，野寺不逢人。白事廷吏簡，閑居文墨親。高天池閣靜，寒菊霜露頻。應當整孤棹，歸來展殷勤。

荅端

坐憶故園人，已老寧知遠。郡雁還來長，瞻西北是歸路。獨上城樓日幾迴。

荅僮奴重陽二甥

僮奴氏甥也
重陽氏甥也

弃職曾守拙，翫幽遂忘喧。山澗依磽確，竹樹蔭清源。貧居煙火濕，一作歲熟梨棗繁。風雨飄茅屋，蒿草沒瓜園。羣屬相歡悅，不覺過朝昏。有時看禾黍，落日立秋原。飲酒任具性，揮筆肆狂言。一朝忝蘭省，三載居遠藩。復與諸

弟子篇翰每相敦西園休習射南池對芳樽一作經兩碧海榴凌霜纔念爾不同此悵然復一論重陽守故家
家個子旅湘沅俱有絨中藻惻惻動雜魂不知何日見衣上淚空存

荅重陽

省札陳往事愴憶數年中一身朝北闕家累守田農望山亦臨水暇日每來同性情一疎散園林多清風忽復隔淮海夢想在滢東病來經時節起見秋塘空城郭連榛嶺鳥雀噪溝叢坐使驚霜鬢撩亂已如蓬

酬劉侍郎使君

劉太

瓊樹凌霜靈蔥蒨如芳春英賢雖出守本自玉階人宿昔陪郎署出入仰清塵執云俱列郡比德豈爲鄰風雨飄海氣清涼悅心神重門深夏晝賦詩延衆賓方以歲月舊每蒙君子親繼作郡齋什遠贈荆山珍一作高閣庶務理遊眺景物新朋友亦遠集燕酌在佳辰始唱已懸拙將酬益難伸瀟毫意僂僂一用寫悃勤

答令狐侍郎

令狐

一凶迺一吉一是復一非孰能逃斯理亮在識其微三黜故無愠高賢當庶幾但以親文總音容邈難希况昔別離久俱忻藩守歸朝宴方陪厠山川又乖違吳門冒海霧峽路凌連磯同會在京國相望涕沾衣明時重英才當復列彤闈白玉雖塵垢拂拭還光輝

酬張協律

昔人驚春地今人復一賢屬余藩守日方君卧病年馳思阻文一作宴芳蹤闕賓筵經時豈不懷欲往事屢牽公府適煩倦開緘瑩新篇非將握中寶何以比其妍感茲棲寓詞想復病瘵纏空宇風霜交幽居情思綿當以貧非病孰云白未玄邑中有其人憔悴卽我愆由來牧守重英俊得薦延匪人等鴻毛斯道何由宣遭時無早晚蘊器俟良緣觀文心未衰勿藥疾當痊一云當晨期簡牘罷馳慰子仲然

荅秦十四校書

秦

知掩山扉三十秋魚須翠碧弃林頭莫道謝公方在郡五言今日爲君休

荅賓

斜月纔鑿帷凝霜偏冷枕持情須耿耿故作單牀寢

答鄭騎曹青橘絕句

一作故人重九日
未情苦中微贈

憐君臥病思新橘，試摘猶酸亦未黃。書後欲題三百顆，洞庭須待滿林霜。

奉和聖製重陽日賜宴

聖心憂萬國，端居在穆清。玄功致海宴，錫燕表文明。恩屬重陽節，雨應此時晴。寒菊生池苑，高樹出宮城。捧藻千官處，垂戒百王程。復觀開元日，臣愚獻頌聲。

和吳舍人早春歸沐西亭言志

曉漏戒中禁，清香肅朝衣。一門雙掌誥，伯仲一作仲言歸。亭高性情曠，職密交遊稀。賦詩樂無事，解帶偃南扉。陽春美時澤，旭霽望山暉。幽禽響一作好未轉，東原綠猶微。名雖列僊爵，心已遣一作塵機。卽事同巖隱，聖渥良難違。

奉和張大夫戲示青山郎

天生逸世姿，竹馬不曾騎。覽卷冰將釋，援毫露欲垂。金貂傳幾葉，玉樹長新枝。榮祿何妨早，甘羅亦小兒。

答河南李士異題香山寺

洛都遊宦日，少年攜手行。投杯起芳席，總轡振華纓。關塞有佳氣，巖開伊水清。攀林憩佛寺，登高望都城。蹉跎二十載，世務各所營。茲賞長在夢，故人安得并。前歲守九江，恩詔赴咸京。因塗再登歷，山河屬清明。寂寞僧侶少，蒼茫林木成。牆宇或崩剝，不見舊題名。舊遊況存歿，獨此淚交橫。交橫誰與同，書壁胎友生。今茲守吳郡，綿思方未平。子復經陳迹，一感我深情。遠蒙惻愴篇，中有金玉聲。反覆終難答，金玉尚爲輕。

答故人見諭

素寡名利心，自非周圓器。徒以歲月資，屢蒙薄條寄。時風重書札，物情敦貨遺。機杼十緡單，備疎百函愧。常負交親責，且爲一官累。況本漫落人，歸無置錐地。省己已知非，枉書見深致。雖欲効區區，何由枉其志。

酬閻員外陟

寒夜阻良覲，叢竹想幽居。虎符子已誤，金丹子何如。燕集觀農暇，笙歌聽餘鐘。蒙一言教，自愧道情疎。

酬秦徵君徐少府春日見寄

一作奉酬秦徵君少府
西亭野望寄徐少府

終日愧無政，與君聊散襟。城根山半腹，亭影水中心。朗詠竹牕靜，野情花暹深。那能有餘興，不作剡溪尋。

冬夜宿司空曙野居因寄酬贈

南北與山鄰蓬菴庇一身繁霜疑有雪荒草似無人遂性在耕稼所交唯賤貧何緣張椽傲每重德璋親

長安遇馮著

客從東方來衣上灞陵雨問客何爲來一作來采山因買斧冥冥花正開一作滿颺颺燕新乳昨別今已春鬢絲生幾縷

將發楚州經寶應縣訪李二忽於州館相遇月夜書事因簡李寶應

孤舟欲夜發祇爲訪情人此地忽相遇留連意更新停杯嗟別久對月言家貧一問臨卽令如何待上賓

廣陵遇孟九雲卿

雄藩本帝都遊士多俊賢夾河樹鬱鬱華館千里連新知雖滿堂中意頗未宣忽逢翰林友歡樂斗酒前高文
激頽波四海靡不傳西施且一笑衆女安得妍明月滿淮海哀鴻逝長天所念京國遠我來君欲一作還一作又

淮上遇洛陽李主簿

結茅臨古渡臥見長淮流曉裏人將老門前樹已秋寒山獨過雁暮雨遠來舟日夕逢歸客那能忘舊遊

路逢崔元二侍御避馬見招以詩見贈

一臺稱二妙歸路望行塵俱是攀龍客空爲避馬人見招翻踟躕相問良殷勤日日吟趨府彈冠豈有因

逢楊開府

少事武皇帝無賴恃恩私身作里中橫家藏亡命兒朝持一作執樽蒲局暮竊東鄰姬司隸不敢捕立在一一作白玉
墀驪山風雪夜長楊羽獵時一字都不識飲酒肆頑癡武皇升仙去憔悴被人欺讀書事已晚把筆學題詩兩
府始收跡南宮謬見推非才果不容出守撫婢簪忽逢楊開府論舊涕俱垂坐客何由識惟有故人知

休暇日訪王侍御不遇

九日驅馳一日閑尋君不遇又空還怪來詩思清人骨門對寒流雪滿山

因省風俗訪道士姪不見題壁

去年澗水今亦流去年杏花今又折山人歸來問是誰還是去年行春客

有所思

借問堤

江一作

上柳青青爲誰春空遊昨日地不見昨日人繚繞萬家井往來車馬塵莫道無相識要非心所親

暮相思

朝出自不還暮歸花盡豈無終日會惜此花間月空館忽相思微鐘坐來

一作

木歌

夏夜憶盧嵩

靄靄高館暮開軒滌煩襟不知湘雨來滿漉在幽林

一云不知幾萬歲月得涼夜芳樽誰與斟故人南北居累月間微

涼山鳥鳴幽林

音人生無聞日歡會當在今反側候天旦層城苦沈沈

春思

野花如雪繞江城坐見年芳憶帝京閨闈曉開凝碧樹曾陪鴛鴦聽流鶯

春中憶元二

兩歌萬井春柔條已含綠徘徊洛陽陌惆悵杜陵曲遊絲正高下啼鳥還斷續有酒今不同思君登如玉

懷素友子西

廣陌竝遊騎公堂接華襟方歡遽見別永日獨沈吟階暝流暗駛氣疎靈已侵層城湛深夜片月生幽林往歎

良未遂來觀曠無音恒當清觴宴思子玉山岑耿耿何以寫密言空委心

對韓少尹所贈硯有懷

故人謫遐遠留硯寵斯文白水浮香墨清池滿夏雲念離心已永感物思徒紛未有桂陽使裁書一報君

月晦憶去年與親友曲水遊燕

晦賞念前歲京國結良儔騎出宣平里飲對曲池流今朝隔天末空園傷獨遊兩歌林光變塘綠鳥聲幽澗

積逋稅華鬢集新秋誰言戀虎符終當還舊丘

清明日憶諸弟

冷食方多病開襟一忻然終令思故郡煙火滿晴川杏粥猶堪食榆羹已稍煎唯恨乖親燕坐度此芳年

池上懷王卿

幽居捐世事佳雨散園芳入門禽已綠水禽鳴春塘重雲始成夕忽霽尚殘陽輕舟因風泛郡閣望蒼蒼私燕阻外好臨歡一停觴茲遊無時盡旭日願相將

立夏憶京師諸弟

改序念芳辰煩襟倦日永夏木已成陰公門晝恒靜長風始飄閣暴雲纔吐嶺坐想離居人還當惜徂一作景

曉至園中憶諸弟崔都水

山郭恒悄悄林月亦娟娟景清神已澄一作事簡慮絕幸秋塘徧衰草曉露洗紅蓮不見心所受茲賞豈爲妍

懷瑯琊深標二釋子

白雲埋大壑陰崖滴夜泉應居西石室月照山蒼然

兩夜感懷

微雨灑高林塵埃自蕭散耿耿心未平沈沈夜方半獨驚長簟冷遽覺愁鬢換誰能當此夕不有盈襟歎

雲陽館懷谷口

清泚階下流云自谷口源念昔白衣士結廬在石門道高香無累景靜得忘言山夕綠陰滿世移清賞存吏役

豈違暇幽懷復朝昏雲泉非所濯蘿月不可援長往遂真性暫遊恨卑喧出身既事世高躅難等論

憶澧上幽居

一來當復去猶此厭樊籠况我林栖子朝服坐南宮唯獨問啼鳥還如澧水東

重九登潞城樓憶前歲九日歸澧上赴崔都水及諸弟讌集懷然懷舊

今日重九讌去歲在京師聊廻出省步一赴郊園期嘉節始云邁周辰已及茲秋山滿清景當賞屬乖離凋散

民里閭摧翳衆木衰樓中一長嘯惻愴起涼颼

始夏南園思舊里

夏首雲物變雨餘草木繁池荷初帖水林花已掃園紫蠶尚亂依闌鳥猶喧對此殘芳月憶在漢陵原

登蒲塘驛公路見泉谷邛野忽想京師舊居追懷昔年

青山導騎遠春風行旆舒均徭視屬城問疾躬里閭煙水依泉谷川陸散樵漁忽念故園日復憶驪山居荏苒

斑髮及夢寢婚宦初不覺平生事嗟二紀餘存歿開已永悲多歎自疎高秩非爲美闕干波盈裾

經函谷關

洪河絕山根單軌出其側萬古爲要樞往來何時息秦皇旣恃險海內被吞食及嗣同覆顛咽喉莫能塞炎靈
詎西駕婁子非經國徒欲扼諸侯不知恢至德聖朝及天寶豺虎起東北大沈戰死魂上結窮冤色古今雖共
守成敗良可識藩屏無俊賢金湯獨何力馳車一登眺感慨中自惻

經武功舊宅

茲邑昔所遊嘉會常在目歷載俄二九始往今來復感感居人少茫茫野田綠風雨經舊墟毀垣迷往躡門臨
川流駛樹有竊雌宿多累恒悲往長年覺時速欲去中復留徘徊一作結心曲

往雲門郊居塗經迴流作

茲晨乃休暇適往田家廬原谷徑塗澀春陽草木敷纔遵板橋曲復此清澗紆崩壑方見射迴流忽已舒明滅
泛孤景杳靄含夕虛無將爲邑志一酌澄波餘

乘月過西郊渡

遠山含紫氛春野靄云暮值此歸時月留連西澗渡謬當文墨會得與羣英遇賞逐亂流翻心將清景悟行車
儼未轉芳草空盈步已舉候亭火猶愛村原樹還當守故扁悵恨秉幽素

晚歸澧川

凌霧朝闈闌落日返清川簪組方暫解臨水一憐然昆弟忻來集童稚滿眼前適意在無事攜手望秋田南嶺
橫爽氣高林繞遙阡野廬不鋤理翳翳起荒煙名秩斯逾分廉退媿不全已想平門路晨騎復言旋

授衣還田里

公門懸甲令澌濯遂其私晨起懷愴恨野田寒露時氣收天地廣風淒草木衰山明始重疊川淺更逶迤煙火
生閭里禾黍積東菑終然可樂業時節一來斯

夕次盱眙縣

落帆逗一作淮鎮停舫臨孤驛浩浩風起波冥冥日沈夕人歸山郭暗雁下蘆洲白獨夜憶秦關聽鐘未眠客

春月觀省屬城始憩東西林精舍

因時省風俗布惠迨高年建隼出潯陽整駕遊山川白雲斂晴壑羣峰列遙天嶽奇石門狀香霧香爐烟榛荒
屢胥里偏側殆覆顛方臻釋氏廬時物屢華妍曇遠昔經始於茲闕幽玄東西竹林寺灌注寒澗泉人事既云
氓歲月復已綿殿宇餘丹紺燈閣峭欹懸佳士亦棲息善身絕塵緣今我蒙朝寄教化數里鄗道妙苟為得出
處理無偏心當同所尚跡豈辭纒牽

自蒲塘驛迴駕經歷山水

館宿風雨滯始晴行蓋轉潯陽山水多草木俱紛行崎嶇緣碧澗蒼翠踐苔蘚高樹夾潺湲崩石橫陰巖野杏
依寒折餘雲冒嵐淺性愜形豈勞境殊路遺緬憶昔終南下佳遊亦屢展時禽下流暮紛思何由遣

山行積雨歸途始霽

攬轡窮登降陰雨邁二旬但見白雲合不睹巖中春急澗豈易揭峻塗良難遵深林猿聲冷沮洳虎跡新始霽
升陽景山水閱清晨雜花積如霧百卉萎已陳鳴驕屢驥首歸路自忻忻

傷逝

此後十九首盡同德補
金碧是傷懷時所作

染白一為黑焚木盡成灰念我室中人逝去亦不迴結髮二十載賓敬如始來提攜屬時屯契闊憂患災柔素
亮為表禮章夙所該仕公不及私百事委令才一旦入閨門四屋滿塵埃斯人既已矣觸物但傷摧單居移時
節泣涕撫嬰孩知妄謂當遣臨感要難裁夢想忽如睹驚起復徘徊此心良無已遠屋生蒿萊

往富平傷懷

晨起凌嚴霜慟哭臨素帷駕言百里塗惻愴復何為昨者仕公府屬城常載馳出門無所憂返室亦熙熙今者
掩筠扉但聞童稚悲丈夫須出入顧爾內無依銜恨已酸骨何況苦寒時單車路蕭條迴首長遠遲飄風忽截
野嘹唳雁起飛昔時同往路獨往今詎知

出還

昔出喜還家今還獨傷意入室掩無光銜哀寫虛位悽悽動幽慢寂寂驚寒吹幼女復何知時來庭下戲吞嗟
日復老錯莫身如寄家人勸我食對案空垂淚

冬夜

杳杳日云夕鬱結誰爲開
單衾自不暖霜霰已皚皚
晚歲淪風志驚鴻感深哀
深哀當何爲桃李忽凋摧
悵悵徒自設冥寞豈復來
平生雖思重遷去託窮埃
抱此女曹恨顧非高世才
振衣中夜起河漢尚裴回

送終

奄忽逾時節日月復其良
蕭蕭車馬悲祖載發中堂
生平同此居一旦異存亡
斯須亦何益終復委山岡
行出國南門南望鬱蒼蒼
日入乃云造慟哭宿風霜
晨暵俯玄廬臨訣但遑遑
方當永潛翳仰視白日光
俯仰遽終畢封樹已荒涼
獨留不得還欲去結中腸
童稚知所失啼號捉我裳
卽事猶倉卒歲月始難忘

除日

思懷耿如昨季月已云暮
忽驚年復新獨恨人成故
冰池始泮綠梅援一作還飄
素淑景方轉延朝朝自難度

對芳樹

迢迢芳園樹列映清池曲
對此傷人心還如故時
綠風條灑餘靄露葉承新旭
佳人不再攀下有往來躡

月夜

皓月流春城華露積芳草
坐念綺窗空翻傷清景好
清景終若斯傷多人自老

歎楊花

空蒙不自定况值暗風度
舊賞逐流年新愁忽盈素
纜繁下苑曲稍滿東城路
人意有悲歡時芳獨如故

過昭國里故第

不復見故人一來過故宅
物變知景暄心傷覺時寂
池荒野筠合庭綠幽草積
風散花意謝鳥還一作山光夕宿
昔方同賞詎知今念昔絨室
在東廂遺器不忍親柔翰
全分意芳巾尚染澤殘工
委篋篋餘素經刀尺收此還
我家將還復愁腸永絕攜
手歡空存舊行迹冥冥獨
無語杳杳將何適唯思今
古同時緩傷與戚

夏日

已謂心苦傷如何日方永
無人不晝寢獨坐山中靜
悟澹將遣慮學空庶遣境
積俗易爲侵愁來復難整

端居感懷

沈沈積素抱婉婉屬之子永日獨無言忽驚振衣起方如在幃室復悟永終已稚子傷思絕盛時若流水暄涼同寡趣朝晦俱無理寂性常喻人滯情今在已空房欲云暮巢燕亦來止夏木遽成陰綠苔誰復履感至竟何方幽獨長如此

悲絃扇

非關秋命至詎是恩情改掩頰人已無委篋涼空在何言永不發暗使銷光彩

閨齋對雨

幽獨自盈抱陰淡亦連朝空齋對高樹疎雨共蕭條巢燕翻泥濕蕙花依砌消端居念往事倏忽苦驚飄

林園晚霽

雨歇見青山落日照林園山多_{一作}煙鳥亂林清風景翻提攜唯子弟蕭散在琴言_{一作}同遊不同意耿耿獨傷魂寂寞鐘已盡如何還入門

秋夜二首

庭樹轉蕭蕭陰蟲還戚戚獨向高齋眠夜聞寒雨滴微風時動牖殘燈尚留壁惆悵平生懷偏來委今夕霜露已淒淒星漢復昭回朔風中夜起驚鴻千里來蕭條涼葉下寂寞清砧哀歲晏仰空宇心事若寒灰

感夢

歲月轉蕪漫形影長寂寥髮鬢親微夢感嘆起中宵綿思霽流月驚魂颯颯誰念茲夕永坐令顏鬢凋

同德精舍舊居傷懷

洛京十載別東林訪舊靡山河不可望存沒意多違時遷跡尚在同去獨來歸還見窗中鶴日暮遶庭飛

悲故交

白壁衆求瑕素絲易成汗萬里顛沛還高堂已長暮積憤方盈抱纏哀忽逾度念子從此終黃泉竟誰訴一爲時事感豈獨平生故唯見荒丘原野草塗朝露

張彭州前與綵氏馮少府各惠寄一篇多故未答張已云沒因追哀敘事兼遠簡馮生

君昔掌文翰西垣復石渠朱衣乘白馬輝光照里閭余時忝南省接燕媿空虛一別守茲郡蹉跎歲再除長懷

關河表永日簡牘餘郡中有方塘涼閣對紅蕖金玉蒙遠眺篇詠見吹噓未答平生意已沒九原居秋風吹寢門長慟涕連如覆視緘中字奄為昔人書髮鬢已云白交友日彫疎馮生遠同恨憔悴在田廬

東林精舍見故殿中鄭侍御題詩追舊書情涕泗橫集因寄呈閩澧州馮少府

仲月景氣佳東林一登歷中有故人詩淒涼在高軒精思長懸一作世音容已歸寂墨澤傳灑餘磨滅親輪跡平生忽如夢百事皆成昔結騎京華年揮文篋筍積朝廷重英彥時輩分珪璧永謝柏梁陪獨關金門籍方嬰存

歿感豈暇林泉適雨餘山景寒風散花光夕新知雖滿堂故情誰能覩唯當同時友緘寄空懷感

同李二過亡友鄭子故第

客車名未滅沒世恨應長斜月知何照幽林判自芳故人驚逝水寒雀噪空牆不是平生舊遺蹤要可傷

話舊

存亡三十載事過悉成空不惜霑衣淚併話一宵中

至開化里壽春公故宅

寧知府中吏故宅一徘徊歷階存往敬瞻位泣餘哀廢井沒荒草陰牖生綠苔門前車馬散非復昔時來

睢陽感懷

豺虎犯天網昇平無內備長驅陰山卒略踐三河地張侯本忠烈濟世有深智堅辭梁宋間遠籌吳楚利窮年方絕輸鄰援皆攜貳使者哭其庭救兵終不至重圍雖可越藩翰諒難弃飢喉待危巢懸命中路墜甘從鋒刃斃莫奪堅貞志宿將降賊庭儒生獨全義空城唯白骨同往無賤貴哀哉豈獨今千載當歎欷

廣德中洛陽作

生長太平日不知太平歡今還洛陽中感此方苦酸飲藥本攻病毒腸翻自殘王師涉河洛玉石俱不完時節屢遷斥山河長鬱盤蕭條孤煙絕日入空城寒寒劣乏高步緝遺守微官西懷咸陽道躑躅心不安

閩門懷古

獨為下高樹遙知吳苑園淒涼千古事日暮倚閩門

感事

感事

霜雪皎素絲何意墜墨池青蒼猶可濯黑色不可移女工再三嘆委弃當此時歲寒雖無褐機杼誰肯施

感鏡

鑄鏡廣陵市菱花匣中發夙昔嘗許人鏡成人已沒如冰結圓器類壁無絲髮形影終不臨清光殊不歇一感平生言松枝樹一作秋月

歎白髮

暹同一葉落對此孤鏡晚絲纒乍難分楊花復相遠時役人易衰吾年白猶少

登高望洛城作

高臺造雲端遐瞰周四垠雄都定鼎地勢據萬國尊河岳出雲雨土圭酌乾坤舟通一作南越貢城背北邙原帝宅夾清洛丹霞捧朝暎葱龍瑤臺榭窈窕雙闕門十載構屯難兵戈若一作雲屯膏腴滿榛蕪比屋空毀垣聖主乃東眷俾賢拯元元熙熙居守化泛泛太府思至損當一作受益苦寒必生溫平明四城開稍見市井喧坐感理亂迹永懷經濟言吾生自不達空鳥何翩翩天高水流遠日晏城郭昏襄回訖旦夕聊用寫憂煩

同德寺閣集眺

芳節欲云晏遊遨樂相從高閣照丹霞颺颺含遠風寂寥氛氳趣忽神慮空旭日霽皇州峒堯見兩宮嵩少多秀色羣山莫與崇三川浩東注溼澗亦來同陰陽降大和宇宙得其中舟車滿川陸四國靡不通舊堵今既葺庶吐亦已豐周覽思自奮行當遇時邕

登寶意寺上方舊遊

寺在武功曾居此寺

翠嶺香臺出半天萬家煙樹滿晴川諸僧近住不相識坐聽微一作鐘記往年

登樂遊廟作

高原出東城鬱鬱見咸陽上有千載事乃自漢宣皇頽喘久凌遲陳迹翳丘荒春草雖復綠驚風但飄揚周覽京城內雙闕起中央微鐘何處來暮色忽蒼蒼歌吹喧萬井車馬塞康莊昔人豈不爾百世同一傷一作歸當守冲漠跡寓心自忘

登西南岡卜居遇雨尋竹浪至澧壩縈帶數里清流茂樹雲物可賞

登高創危構林表見川流微雨颯已至蕭條川氣秋下尋密竹盡忽曠沙際遊紆曲一作直水分野綿延稼盈疇寒花明廢墟樵牧笑榛丘雲水成一作陰澹竹樹更清幽適自戀佳賞一作幽賞復茲永日留

澧上與幼遐月夜登西岡翫花

置酒臨高隅佳人自城關已翫滿川花還看滿川月花月方浩然賞心何由歇

臺上選客

高臺

一作情

望遠樹間朝暉但見東西騎坐一作令心賞違始霽郊原綠暮春啼鳥稀徒然對芳物何能獨醉歸

登樓

茲樓日登眺流歲暗蹉跎坐厭淮南守秋山紅樹多

善福寺閣

殘霞照高閣青山出遠林晴明一登望滿澗此幽襟

樓中月夜

編令倚懸檻長望抱沈憂寧知故園月今夕在茲樓衰蓮送餘馥華露湛新秋坐見蒼林變清輝一作已休

寒食後北樓作

園林過新節風花亂高閣遙聞擊鼓聲蹴鞠軍中樂

西樓

高閣一長望故園何日歸煙塵擁一作在函谷秋雁過來稀

夜望

南樓夜已寂暗鳥動林間不見城郭事沈沈唯四山

晚登郡閣

悵然高閣望已掩東城關春風偏送柳夜景欲沈山

登重玄寺閣

時暇陟雲構晨霽澄景光始見吳都一作郡大十里鬱蒼蒼山川表明麗湖海吞大荒合沓臻水陸駢闐會四方俗繁節又喧雨順物亦康禽魚各翔泳草木遍芬芳於茲省叱俗一用勸農桑誠知虎符忝但恨歸路長

觀早朝

伐鼓通嚴城車馬溢廣驪煌煌列明燭朝服照華鮮金門杳深沈尚聽清漏傳河漢忽已沒司關放展關丹殿據龍首崔嵬對南山寒生千門裏日照雙闕間禁旅下成列爐香起中天輝輝視明聖濟濟行一作行俊賢媿無驚鴛姿短翮空飛還誰當假毛羽雲路相追攀

陪元侍御春遊

何處醉春風長安西復東不因俱罷職豈得此時同黃酒宣平里尋芳下苑中往來楊柳陌猶避昔年驄

遊龍門香山泉

山水本自佳遊人已忘慮碧泉更幽絕賞愛未一作不能去潺湲寫幽磴綠繞帶一作帶嘉樹激轉忽殊流歸泓又同注羽觴自成一作成翫永日亦延趣靈草有時香一作山源不知處還當候圓月攜手重遊寓

龍門遊眺

鑿山導伊流中斷若天闕都門遙相望佳氣生朝夕素懷出塵意適有攜手客精舍遠一作遠層阿千龕鄰一作峭壁緣雲路猶緬憩澗鐘已寂花樹發煙華淙流散石脈長嘯招遠風臨潭漱金碧日落望都城人間何役役一作東園多物役

洛都遊寓

東風日已和元化亮無私草木同時植生條有高卑罷官守園廬豈不懷渴飢窮通非所干踟促當何爲佳辰幸可遊親友亦相追朝從華林宴暮返東城期擬英出蘭皋翫月步川坻軒冕誠可慕所憂在繁維

再遊龍門懷舊侶

會與寶安州各陽韓孟嘉九字未悉那一得同遊兩山鬱相對晨策方上千霧靄眺都城悠悠俯清澗邈矣二三子茲焉屢遊盤良時忽已周獨往念前歡好鳥始云至衆芳亦未闌遇物豈殊昔慨傷自有端

莊嚴精舍遊集

良遊因時暇乃在西南隅綠煙凝層城豐草滿通衢精舍何崇曠煩謁一弘舒架虹旄廣蔭構雲眺八區卽此

幸應物七

塵境遠忽聞幽鳥殊新林一作秋泛景光叢綠含露濡永日亮難遂平生少歡娛誰能遽還歸幸與一作得高士俱

府舍月遊

官舍一作中耿深夜佳月喜同遊橫河俱半落泛露忽驚秋散彩疎羣樹分規澄素流心期與浩景蒼蒼殊未收

任鄆令漢陂遊眺

野水灑長塘煙花亂晴日氤氳綠樹多蒼翠千山出遊魚時可見新荷尚未密屢往心獨閑恨無理人術

西郊遊曠

東風散餘馥陂水淡已綠一本作綠煙芳何處尋杳蕩春山曲新禽哢喧節晴光泛嘉木一與諸君遊華陽忻見屬

再遊西郊渡

水曲一追遊遊人重懷戀嬋娟昨夜月還向波中見驚禽棲不定流芳寒未徧攜手更何時佇看花似霰

月溪與幼遐君貺同遊時二十

岸篠覆迴溪迴溪曲如月沈沈水容綠寂寂流鶯一作鶯歇淺石方凌亂遊禽時出沒半兩夕陽霏綠源雜花發明

晨重來此同心應已闕

與幼遐君貺兄弟同遊白家竹潭

清賞非素期偶遊方自得前登絕嶺險下視深潭黑密竹已成幕歸雲殊未極春鳥依谷喧紫蘭含幽色已將

芳景遇復款平生憶終念一歡別臨風還默然

秋夕西齋與僧神靜遊

晨登西齋望不覺至夕曛正當秋夏交原野起煙氛坐聽涼颺舉華月稍披雲漠漠山猶隱觀觀川始分物幽

夜更殊境靜興彌臻息機非傲世于時乏嘉聞究空自爲理况與釋子羣

觀田家

微雨衆卉新一雷驚蟄始田家幾日閑耕種從此起丁壯俱在野場園亦就理歸來晏常晏飲饋西澗水飢幼

不自苦膏澤且爲喜倉廩無宿儲徭役猶未已方慙不耕者祿食出閭里

園亭覽物

積雨時物變夏綠滿園新殘花已落實高笋半成筠守此幽棲地自是忘機人

觀澧水漲

夏雨萬經湊澧漲一作暮渾渾草木盈川谷瀘漫一平吞槎梗方瀰泛濤沫亦洪翻北來注涇渭所過無安源雲

嶺同昏黑觀望悻心魂舟人空斂棹風波正自奔

陪王卿郎中遊南池

鷓鴣俱失侶同爲此地遊露浥荷花氣風散柳園秋煙草凝衰嶼星漢泛歸流林高初上月塘深未轉舟清言屢往復華樽始獻酬終憶秦川賞端坐起離憂

南園陪王卿遊鵬

形跡雖拘檢世事澹無心郡中多山水日夕聽幽禽八閤文墨暇園林春景深雜花芳意散綠池暮色沈君子有高躅相攜在幽尋一酌何爲貴可以寫冲襟

遊西山

時事方擾擾幽賞獨悠悠丟泉朝涉澗采石夜歸州揮翰題蒼峭下馬歷嵌丘所愛唯山水到此卽淹留

春遊南亭

川明氣已變巖寒雲尚擁南亭草心綠春塘泉脈動景煦聽禽響兩餘看柳重逍遙池館華益媿專城寵

再遊西山

南譙古山郡信是高人居自歎乏弘量終朝親簿書於時忽命駕秋野正蕭疎積道誠待責尋山亦有餘測測石泉冷曖曖煙谷虛中有釋門子種果一作結茅虛出身屐名利遇境卽躊躇守直雖多忤視險方晏如况將塵埃外襟袍從此舒

遊靈巖寺

始入松路永獨忻山寺幽不知臨絕檻乃見西江流吳岫分煙景楚甸散林丘方悟關寒杪重軫故園愁聞鐘戒歸騎憩澗惜良遊地疎泉谷狹春深草木稠茲焉賞未極清景一作期杪秋

與盧陟同遊永定寺北池僧齋

密竹行已遠子規啼更深綠池芳草氣開齊春樹陰晴蝶飄蘭逕遊蜂遠花心不遇君攜手誰復此幽尋

遊溪

野水煙鶴唳楚天雲雨空翫舟清景晚垂釣綠蒲中落花飄旅衣歸流澹清風綠源不可極遠樹但青葱

遊開元精舍

夏衣始輕體遊步愛僧居果園新雨後香臺照日初綠陰生畫靜一作寂孤花表春餘符竹方為累形跡一來疎

襄武館遊眺

州民知禮讓訟簡得遊遊高亭憑古地山川當暮秋是時杭稻熟西望盡田一作疇疇仰思懸攻汕念夢喜歲收澹

泊風景晏綠繞雲樹幽節往情剗側天高思悠悠嘉賓幸雲集芳樽始淹留還希習池賞一作遊學聊以駐鳴騶

秋景詣椰椰精舍

屢訪塵外跡未窮幽賞情高秋天景遠始見山水清上階巖殿憩暮看雲壑平蒼茫寒色起迢遞晚鐘鳴意有

清夜戀身為符守嬰悟言一作方緇衣子蓄灑中林行

同韓郎中開庭南望秋景

朝下抱餘素地高心本閑如何趨府客罷秩見秋山疎樹共寒意遊禽同暮還因君悟清景西望一開顏

慈恩精舍南池作

清境豈云遠炎氛忽如遺重門布綠陰菡萏滿廣池石髮散清淺林光動連漪綠崖插紫房扣檻集靈龜浥浥

餘露氣覆覆幽襟披積喧忻物曠耽玩覺景馳明晨復趨府幽賞當反思

兩夜宿清都觀

靈颺動闔闔微雨灑瑶林復此新秋夜高閣正沈沈曠歲恨殊跡茲夕一披襟洞戶含涼氣網軒構層陰况自

展良友芳樽遂盈斟適悟委前妾清言怡道心豈戀腰間綬如彼篋中禽

善福精舍秋夜遲諸君

廣庭獨閑步夜色方湛然丹閣已排雲皓月更一作高懸繁露降秋節蒼林響羊羊仰觀天氣涼高詠古人篇撫

已亮無庸結文賴羣賢屬予起思時方子中夜眠相去隔城關佳期屢租一作遷如何日夕待見月三四圓

東郊

吏舍踞終年出郊曠清曙楊柳散和風青山澹吾慮依叢適自憩綠澗還復去微雨霽芳原春鳩鳴何處樂幽心屢止蓮事跡猶遠終罷斯一作結廬慕陶真可庶

秋郊作

清露澄境遠旭日照林初一望秋山淨蕭條形迹疎登原忻時稼采菊行故墟方願沮溺耦淡泊守田廬

行寬禪師院

北望極長廊斜扉映一作藜竹亭午一來尋院幽僧亦獨唯聞山鳥啼愛此林下宿

神靜師院

青苔幽巷徧新林露氣微經聲在深竹高齋獨掩扉憩樹愛嵐嶺聽禽悅朝暉方耽靜中趣自與塵事違

精舍納涼

山景寂已晦野寺變蒼蒼夕風吹高殿露葉散林光清鐘始戒夜幽禽尚歸翔誰復掩扉卧不詠南軒涼

藍嶺精舍

石磴精舍高排雲聊直上佳遊愜始願忘險得前賞崖傾景方晦谷轉川如掌綠林含蕭條飛閣起弘敞道人上方至深夜還獨往日落羣山陰天秋百泉響所嗟累一作成安得長偃仰

道晏寺主院

北鄰有幽竹潛筠穿我廬往來地已密心樂道者居殘花迴往節輕條蔭夏初聞鐘北牕起嘯傲永日餘

義演法師西齋

結茅臨絕岬隔水聞清磬山水曠蕭條登臨散情性稍指綠原騎還尋汲澗逕長嘯倚亭樹悵然川光暝

澄秀上座院

縵繞西南隅鳥聲轉幽靜秀公今不在獨禮高僧影林下器未收何人適煮茗

至西峰蘭若受田婦饋

攀崖復緣澗遂造幽人居鳥鳴泉谷暖土起萌甲舒聊登石樓憩下翫潭中魚田婦有嘉獻登撤新歲餘常怪

投錢飲事與賢達疎今我何為答鰥寡欲馬如

疊智禪師院

高年不復出門徑一作衆草生時夏方新雨果藥發餘榮疎澹下林景流暮幽禽情身名兩俱遣獨此野寺行

起度律師同居東齋院

釋子喜相偶幽林俱避喧安居同僧夏清夜諷道言對閣景恆晏步庭陰始繁道遙無一事松風入南軒

遊瑯琊山寺

受命恤人隱茲遊久未遑鳴騶響幽澗一作前旌耀崇岡青冥臺砌寒綠縹草木香填經躋花界疊石構雲房經

裂隨巖轉線繞豈定方新泉泄陰僻高蘿蔭綠塘攀林一栖止飲水得清涼物累誠可遣疲叱終未忘還歸坐

郡閣但見山茶蒼

同越瑯琊山趙氏生

石門有室無行跡松壑凝烟滿象香餘食施庭寒鳥下破衣掛樹老僧亡

詣西山深師

曹溪舊弟子何緣住此山世有征戰事心將流水開埽林驅虎出宴坐一林間藩守寧為重擁騎造雲關

尋簡寂觀瀑布

躡石敬危過急澗攀崖迢遞弄懸泉猶將虎竹為身累欲付歸人絕世緣

簡寂觀西澗瀑布下作

宗一作流絕群散虛煙翠澗深叢際松風起飄來灑塵襟窺蘿罷猿鳥解組傲雲林茶果邀真侶觴酌洽同心廣

歲懷茲賞行春始重尋聊將橫吹笛一寫山水音

遊南齋

池上鳴佳禽僧齋日幽寂高林晚露清紅藥無人摘春水不生煙荒岡筠斲石不應朝夕遊良為蹉跎客

南園

清露夏天曉荒園野氣通水禽遙泛雪池蓮迥披紅幽林詎知暑環舟似不窮頓灑塵喧意長嘯滿襟風

西亭

亭宇麗朝景，簾牖散暄風。小山初構石，珍樹正然紅。弱藤已扶樹，一作幽蘭欲成叢。芳心幸如此，佳人時不同。

夏景園盛

羣木晝陰靜，北牕涼氣多。閑居逾時節，夏雲已嵯峨。寒葉愛繁綠，綠澗弄驚波。豈爲論夙志，對此青山阿。

夏至避暑北池

晝晷已云極，宵漏自此長。未及施政教，所憂變炎涼。公門日多暇，是月農稍忙。高居念田里，苦熱安可當。亭午息羣物，獨遊愛方塘。門閉陰寂寂，城高樹蒼蒼。綠筠尚含粉，圓荷始散芳。於焉灑煩抱，可以對華觴。

題從姪成緒西林精舍書齋

棲身齒_{一作}多暮，息心君獨少。慕謝始精文，依僧欲觀妙。列泉煎塔注清池，北窗照果藥。雜芬敷松筠，疎蒨峭屢躋。幽人境每肆，芳辰眺採栗。玄猿窟顛芝，丹林燭紵衣。豈寒禦蔬食，非飢療雜甘。巷北單_{一作}豈寒青紫耀，郡有優賢榻。朝編貢士詔，欲同_{一作}朱輪載勿憚。移文諧。

題鄭弘憲侍御遺愛草堂

居士近依僧，青山結茅屋。疎松映嵐晚，春池含苔綠。繁華冒陽嶺，新禽響幽谷。長嘯攀喬林，慕茲高世躅。

同元錫題瑯琊寺

適從郡邑喧，又茲三伏熱。山中清景多，石罅寒泉潔。花香天界事，松竹人間別。殿分嵐嶺明，磴_{一作}磴懸_{一作}壑絕。昏旭窮陟降，幽顯盡披闕。嶽_{一作}駭風雨區，寒知龍蛇穴。情虛澹泊生，境寂塵妄滅。經世豈非道，無爲厭車_{一作}轍。

題鄭拾遺草堂

借地結茅棟，橫竹掛朝衣。秋園雨中綠，幽居塵事違。陰_{一作}井夕蟲亂，高林霜果稀。子有白雲意，構此想巖扉。

詠玉

乾坤有精物，至寶無文章。雕琢爲世器，真性一朝傷。

詠露珠

全唐詩

卷七 韋應物八

七

金唐言 卷七
秋荷一滴露清夜墜玄天將來玉盤上不定始知圓

詠水精

映物隨顏色含空無表裏持來向明月的皪愁成水

詠珊瑚

絳樹無花葉非石亦非瓊世人何處得蓬萊石上生

詠珊瑚

有色同寒冰無物隔纖塵象筵看不見堪將對玉人

詠琥珀

曾爲老茯神本是寒松液蛟蚋落其中千年猶可說

詠曉

軍中始吹角城上河初落深沈猶隱帷晃明先分闕

詠夜

明從何處去暗從何處來但覺年年老半是此中催

詠聲

萬物自生一作聽聽太空恒寂寂還從一作靜靜中起却向靜中消

任洛陽丞請告一首

方鑿不受圓直木不爲輪揆材各有用反性生苦辛折腰非吾事飲水非吾貧休告卧空館養病絕鷺塵遊魚自成族野鳥亦有羣家園杜陵下千歲心氛氲天晴嵩山高雪後河洛春喬木猶未芳百草日已新著書復何爲當去東臯耘

縣齋

仲春時景好草木漸舒榮公門且無事微雨園林清浚浚水泉動忻忻衆鳥鳴閑齋始延賜東作興庶毗即事
翫文墨抱冲披道經於焉日淡泊徒使芳尊盈

晚出府舍與獨孤兵曹令狐士曹南尋朱雀街歸里第

分曹幸同簡聯騎方愜素還從廣陌歸不覺青山暮翻翻鳥未沒杳杳鐘猶度尋草遠無人望山多枉路聊參
世士跡嘗得靜者額出入雖見臺忘身綠所一作明晤

休暇東齋

由來束帶士請謁無朝暮公暇及私身何能獨閑步摘葉愛芳在捫竹怜粉污岸幘偃東齋夏天清曉露懷仙
閱具詰貽友題幽素榮達頗知疎恬然自成度綠苔日已滿幽寂誰來顧

夜直省中

河漢有秋意南宮生早涼玉漏殊杳杳雲闕更蒼蒼華燈發新燄一作煙浮夕香額跡知爲忝束帶愧周行

郡內閑居

棲息絕塵侶屏鈍得自怡腰懸竹使符心與一作廬山縑永日一酣寢起坐兀無思長廊獨看雨衆藥發幽姿今
夕已云罷明晨復如斯何事能爲累寵辱豈要辭

燕居即事

蕭條竹林院風雨叢蘭折幽鳥林上啼青苔人跡絕燕居日已永夏木紛成結几閣積羣書時來北窗閱

幽居

貴賤雖異等出門皆有營獨無外物牽遂此幽居情微雨夜來過不知春草生青山忽已曙鳥雀繞舍鳴時與
道人偶或隨樵者行自當安蹇劣一作誰謂薄世榮

野居書情

世事日可見身名良蹉跎尚瞻白雲嶺聊作負新歌

郊居言志

負暄衡門下望雲歸遠山但要尊中物餘事豈相關交無是非責且得任疎頑日夕臨清澗逍遙思慮開出去
唯空屋弊簣委窗間何異林棲鳥戀此復來還世榮斯獨已頽志一作亦何榮唯當歲豐熟閭里一歎顏

夏景端居即事

北齋有涼氣嘉樹對層城重門永日掩清池夏雲生過此庭訟簡始聞蟬初鳴逾懷故園愴點點以緘情

始至郡

澄城古雄郡一作雄橫江千里馳高樹上迢遞峻堞繞欹危井邑煙火晚郊原草樹滋洪流蕩一作蕩北趾崇嶺鬱南圻斯民本樂生逃逝竟何為早歲屬荒歉舊道積如坻到郡方逾月終朝理亂絲賓朋未及讌簡牘已云疲昔賢播高風得守愧無施豈待干戈戢且願撫惻黎

郡中西齋

似與塵境一作世絕蕭條齋舍秋寒花獨經兩山禽時到州清觴養真氣玉書示道流豈將符守戀幸已棲心幽

新理西齋

方將此訟理久翳西齋居草木無行次閑暇一艾除春陽土脉起膏澤發生初養條刊朽枿護樂鋤穢一作蕪稍覺林鶯歷歷折竹疎始見庭宇曠頓令煩抱舒茲焉即可愛何必是吾廬

晚坐西齋

琴琴城鼓動稍稍林鴉去柳意不勝春巖光已知曙寢齋有單梯一作梯靈藥為朝茹盥漱忻景清焚香澄神慮公

門自常事道心寧易一作易其處

郡齋臥疾絕句

香爐宿火滅蘭燈宵影微秋齋獨卧病誰與覆寒衣

寓居永定精舍一作精舍

政拙忻罷守閑居初理生家貧何由往夢想在京城野寺霜露月農與羈旅情聊租二頃田方課子弟耕暇暗文字廢身閑道心精即與人羣遠豈謂是非嬰

永定寺喜辟強夜至

子有新歲慶獨此苦寒歸夜叩竹林寺山行雪滿衣深爐正燃火空齋共掩扉還將一尊對無言百事違

野居

結髮屢辭秩立身本疎慢今得罷守歸幸無世欲患棲止且偏僻嬉遊無早晏遂免上坡岡捕魚綠赤澗高歌

意氣在貫酒貧居慣時啓北窗扉豈將文墨間

同袁子秋齋獨宿

山月皎如燭風霜時動竹夜半鳥驚栖窗間人獨宿

餌黃精

靈藥出西山服食採其根九蒸換凡骨經著上世言候火起中夜馨香滿南軒齋居感衆靈藥術啓妙門自懷物外心豈與俗士論終期脫印綬永與天壤存

昭國里第聽元老師彈琴

竹林高宇霜露清朱絲玉轂多故情暗識啼鳥與別鶴紙線中有斷腸聲

野次聽元昌奏橫吹

立馬蓮塘吹橫笛微風動柳生水波北人聽罷淚將落南朝曲中怨更多

樓中聞清管

山陽遺韻在林端橫吹驚響迴憑高閣曲怨繞秋城浙澁危葉振蕭瑟涼氣生始遇茲管賞已懷故園情

寒食

清明寒食好春園百卉開綵繩拂花去輕毳度闌來長歌送落日緩吹逐殘杯非關無燭罷良爲羈思催

七夕

人世拘形迹別去間山川豈意靈仙偶相望亦彌年夕衣清露濕晨駕秋風前臨歡定不佳當爲何所牽

九日

今朝把酒復惆悵憶在杜陵田舍時明年九日知何處世難還家未有期

秋夜

暗窗涼葉動秋天一作寢席單憂人半夜起明月在林端一與清景遇每憶平生歡如何方惻愴披衣露更一作寒

秋夜一絕

高閣漸凝露涼葉稍飄闌憶在南宮直夜長鐘漏稀

滁城對雪

晨起滿闌雪憶朝闈闈時玉座分曙早金爐上煙遲飄散雲臺下凌亂桂樹安厠跡鴛鴦末踏舞豐年期今朝覆山郡寂寞復何爲

雪中

空堂歲已晏密室獨安眠壓篠夜偏積覆闌曉逾妍連山暗古郡驚風散一川此時騎馬出忽省京華年

詠春雪

裴回輕雪意似惜豔陽時不悟風花冷翻令梅柳遲

對春雪

蕭屑杉松聲寂寥寒夜慮州貧人吏稀雪滿山城曙春塘看幽谷栖禽愁未去聞闌正亂流寧辨花枝處

對殘燈

獨照碧窗久欲隨寒燼滅幽人將遽眠解帶翻成結

對芳尊

對芳尊醉來百事何足論遙見青山始一醒欲著接離還復昏

夜對流螢作

月暗竹亭幽螢光拂席流還思故園夜更度一年秋自慙觀書興何慙秉燭遊府中徒冉冉明發好歸休

對新篁

新綠苞初解嫩氣筍猶香含露漸舒葉抽叢稍自長清晨止亭下獨愛此幽篁

夏花明

夏條綠已密朱萼綴明鮮炎炎日正午灼灼火俱燃翻風適自亂照水復成妍歸視窗間字焚煌滿眼前

對萱草

何人樹萱草對此郡齋幽本是忘憂物今夕一作日重生憂叢疎露始滴芳餘蝶尚留遠思杜陵園離披風雨秋

見紫荊花

雜英紛已積舍芳獨暮春還如故園樹忽憶故園人

詠螢火

時節變衰草物色近新秋度月影纔斂繞竹光復流

對雜花

朝紅爭景新一作夕素含露翻妍姿如有意流芳復滿園
單棲守遠郡永日掩重門不與花爲偶終遣與誰言

種藥

好讀神農書多識藥草名持錢購山客移蒔羅衆英不改幽澗色
宛如此地生汲井既蒙澤插稷亦扶傾陰頽夕房斂陽條夏花明
悅詵從茲始日夕繞庭行州民自寡訟養閑非政成

西澗種柳

宰邑乖所願僂愧昔人聊將休暇日種柳西澗濱置錡息微倦
臨流聯歸雲封壤自人力生條在陽一作春成陰豈自取爲茂屬
佗辰延詠留佳賞山水變夕曛

種瓜

率性方由芥理生尤自疎今年學種瓜園圃多荒蕪衆草同
雨露新苗獨翳如直以春窘迫過時不得鋤田家笑枉費日
夕轉空虛信非吾儕事且讀古人書

喜園中茶生

潔性不可汗爲飲滌塵煩此物信靈味本自出山原聊因理郡
餘率爾植荒園喜隨衆草長得與幽人言

移海榴

葉有苦寒色山中霜霰多雖此蒙陽景移根意如何

郡齋移杉

權幹方數尺幽姿已蒼然結根西山寺來植郡齋前新舍野
露氣稍靜高窗眠雖爲賞心過豈有巖中綠

花徑

山花夾徑幽古甃生苔澀胡牀理事餘玉琴承露濕朝與詩人
賞夜攜禪客入自是塵外蹤無令吏趨急

慈恩寺南池秋荷詠

對殿含涼氣，裁規覆清沼。衰紅受露多，餘馥依人少。蕭蕭遠塵跡，颯颯凌秋晚。節謝客來稀，迴塘方獨遠。

題桐葉

參差剪綠綺，瀟灑覆瓊柯。憶在灋東寺，偏書此葉多。

題石橋

遠學臨海嶠，橫此莓苔石。郡齋三四峰，如有靈仙跡。方愁暮雲滑，始照寒池碧。自與幽人期，逍遙竟朝夕。

池上

郡中臥病久，池上一來賒。榆柳飄枯葉，風雨倒橫查。

滁州西澗

獨憐幽草一一作草澗邊生一作行。上有黃鸝深樹鳴，春潮帶雨晚來急，野渡無人舟自橫。

西塞山

勢從千里奔，直入江中斷。嵐橫秋塞雄，地束驚流滿。

山耕叟

蒼蕭垂白髮，黧黧詎知情。獨放寒林燒，多尋虎跡行。暮歸何處宿，來此空山耕。

上方僧

見月出東山，上方高處禪。空林無宿火，獨夜汲寒泉。不下藍溪寺，今年一作三十年。

煙際鐘

隱隱起何處，迢迢送落暉。蒼茫隨思遠，蕭散逐一作煙微。秋野寂云方晦，望山僧獨歸。

始聞夏蟬

徂夏暑未晏，蟬鳴景已曛。一聽知何處，高樹但侵雲。響悲過衰齒，節謝屬離羣。還憶郊園日，獨向澗中聞。

射雉

走馬上東岡，朝日照野田。野田雙雉起，翻射斗迴鞭。雖無百發中，聊取一笑妍。羽分繡臆碎，頭一作施錦鞞懸。方

將悅羈旅非關學少年弦弓一長嘯憶在灞城阡

夜聞獨鳥啼

失侶度山窺投林舍北啼今將獨夜意偏知對影栖

述園鹿

野性本難畜翫習亦適年麕班始力直麕角已蒼然仰首嚙園柳俯身飲清泉見人若開眼蹙走忽低蹇茲獸有高貌凡類寧比肩不得遊山澤踣促誠可憐

聞鴈

故園眇何處歸思方悠哉淮南秋雨夜高齋聞鴈來

子規啼

高林滴露夏夜清南山子規啼一聲鄰家嬌婦抱兒泣我獨展轉何時明一作為情

始建射侯

男子本懸弧有志在四方虎竹忝明命熊侯始張皇賓登時事畢諸將備戎裝星飛的屢破鼓譟武更揚曾習鄒魯學亦陪鴛鴦翔一朝願投筆世難激中腸

仙人祠

蒼岑古仙子清廟闕華容千載去寥廓白雲遺舊蹤歸來灞陵上猶見最高峰

鷓鴣啼一作字鷓鴣

可憐鷓鴣飛飛向樹南枝南枝日照暖北枝霜露滋露滋不堪栖使我夜常啼願逢雲中鶴銜我向寥廓願作城上鳥一年生九雛何不舊巢住枝弱不得一作去何意道苦辛客子常畏人

長安道

漢家宮殿含雲煙兩宮十里相連延晨霞出沒弄丹闕春雨依稀自甘泉春雨依稀春尚早長安貴遊愛芳草寶馬橫來下建章香車却轉遊馳道貴遊誰最貴衛霍世難比何能蒙主恩幸遇邊塵起歸來甲第拱皇居朱

門峩峩臨九衢中有流蘇合歡之寶帳一百二十鳳凰羅列含明珠下有錦鋪翠被之架爛博山吐香五雲散
麗人綺閣情飄飄頭上駕釵雙翠翹低鬟曳袖迴春雪聚黛一聲愁碧霄山珍海錯棄藩籬烹犢魚羔如折葵
既請列侯封部曲還將金印授盧兒歡榮一作若此何所苦但苦白日西南馳

行路難一作連環歌

荆山之白玉今良工瑀琢雙環連月蝕中央鏡心穿故人贈妾初相結思在環中尋不絕人情厚薄苦須史昔
似連環今似决連環可碎不可離如何物在人自移上客勿遽歡聽妾歌路難旁人見環環可憐不知中有長
恨端

橫塘行

妾家住橫塘夫婿却家郎玉盤的歷雙白魚寶簾玲瓏透象牀象牀可寢魚可食不知即意何南北岸上種蓮
豈得生池中種槿豈得成丈夫一去花落樹妾獨夜長心未平

貴遊行

漢帝外家子思澤少封侯垂楊拂白馬曉日上青樓上有顏如玉高情世一作無儔輕裾含碧煙窈窕似雲浮良
時無還景促節爲我謳忽聞豔陽曲四坐亦已柔賓友仰稱歎一生何所求平明擊鐘食入夜樂未休風雨憊
歲候兵戎橫九州焉知坐上客草草心所憂

酒肆行

豪家沽酒長安陌一旦起樓高百尺碧疏玲瓏含春風銀題彩幟邀上客迴瞻丹鳳闕直視樂遊苑四方稱賞
名已高五陵車馬無近遠晴景悠揚三月天桃花飄俎柳垂筵繁絲急管一時合他壺鄰肆何寂然主人無厭
且專利百斛須臾一壺一作費初釀後薄爲大偷飲者知名不知味深門潛醞客來稀終歲醇醞味不移長安酒
徒空擾擾路傍過去那得知

相逢行

二十登漢朝英聲邁今古適從東方來又欲謁明主猶酌新豐酒尚帶灞陵雨邂逅兩相逢別來問一作寒暑寧
知白日晚暫向花間語忽聞長樂鐘走馬東西去

鳥引鷓

日出照東城春鳥鳴鷓和鳴鷓和鳴羽猶短巢在深林春正寒引飛欲集東城暖羣雛襍穢睨高舉翅不及墜蓬高雉雌來去飛又引音聲上下懼鷹隼引雛鳥爾心急急將何如何得比日搜索雀卵敬爾雛

鷓鴣巢

野鷓野鷓巢林梢鷓鴣恃力奪鷓巢吞鷓之肝啄鷓腦竊食偷居還自保鳳凰五色百鳥尊知鷓爲害何不言
霜鷓野鷓得殘肉同啄羶腥不肯逐可憐百鳥紛縱橫雖有深林何處宿

鷓鴣泥

御泥燕聲嘒嘒尾涎涎秋去何所歸春來復相見豈不解決絕高飛碧雲裏何爲地上御泥滓銜泥雖賤意有
管杏梁朝日巢欲成不見百鳥畏人林野宿翻遭網羅俎其肉未若銜泥入華屋燕銜泥百鳥之智莫與齊

聲鼓行

淮海生雲暮慘澹潯廣陵城頭鼙鼓暗寒聲坎坎風動邊忽似孤城萬里絕四望無人煙又如虜騎截遼水胡馬
不食仰朔天座中亦有燕趙士聞鼙不語客心死何況鯨鯨孤火絕無晨炊獨婦夜泣官有期

古劍行

千年土中兩刃鐵土蝕不入金星滅沈沈青脊麟甲滿蛟龍無足蛇尾斷忽欲飛動中有靈豪士得之敵國寶
仇家舉意半夜鳴小兒女子不可近龍蛇變化此中隱夏雲奔走雷闐闐恐成霹靂飛上天

金谷園歌

石氏滅金谷園中水流絕當時豪右爭驕侈錦爲步障四十里東風吹花雪滿川紫氣疑閭朝景妍洛陽陌上
人迴首絲竹飄飄入青天晉武平吳恣歡燕餘風靡靡朝廷變嗣世衰微誰肯憂二十四友日日空追遊追遊
詎可足共惜年華促禍端一發埋恨長百草無情春自綠

溫泉行

出身天寶今年幾頑鈍如鍾一作命如紙作官不了却來歸還是杜陵一男子北風慘慘投溫泉忽憶先皇遊幸
年身騎廐馬引天仗直入華清列御前玉林瑤雪滿寒山上昇玄閣遊絳煙平明羽衛朝萬國車馬合沓溢四

鄼蒙恩每浴華池水危獵不蹂渭北田朝廷無事共歡燕美人絲管從九天一朝鑄鼎降龍馭小臣髯絕不得
去今來蕭瑟一作蕭萬井空唯見蒼山起煙霧可憐蹭蹬失風波仰天大叫無奈何舞裘羸馬凍欲死賴遇主人杯
酒多

學仙二首

昔有道士求神仙靈真下試心確然千金巨石一髮懸臥之石下十三年存道忘身一試過名奏玉皇乃升天
雲氣冉冉漸不見雷語弟子但精堅

石上鑿井欲到水情心一起中路止豈不見古來三人俱弟兄結茅深山讀仙經上有青冥倚天之絕壁下有
颺颺萬壑之松聲仙人變化爲白鹿二弟翫之兄誦讀讀多七過可乞言爲子心精得神仙可憐二弟仰天泣
一失毫釐千萬年

廣陵行

雄藩鎮楚郊地勢鬱岌堯雙旌擁萬戟中有霍嫫姚海雲助兵氣寶貨益軍饒嚴城動寒角晚騎踏霜橋翕習
英豪集振奮士卒駭列郡何足數趨拜等卑寮日晏方云罷人逸馬蕭蕭忽如京洛間遊子風塵飄歸來視寶
劍功名豈一朝

萼綠華歌

有一人兮昇紫霞書名玉牒兮萼綠華仙容矯矯兮雜瑤珮輕衣重重兮蒙絳紗雲雨愁思兮望淮海鼓吹蕭
條兮駕龍車世淫濁兮不可降胡不來兮玉斧家

王母歌一作玉女歌

衆仙翼神母羽蓋隨雲起上遊玄極杳冥中下看東海一盃水海畔種桃經幾時千年開花千年子玉顏眇眇
何處尋世上茫茫人自死

馬明生遇神女歌

學仙貴功亦貴精神女變化感馬生石壁千尋啓雙檢中有玉堂一作琳鋪玉簾立之一隅不與言玉體安隱三日
眠馬生一立一作心心轉堅知其丹白蒙哀憐安期先生來起居請示金鑑玉佩天皇書神女呵責不合見仙子謝

過手足戰大瓜玄棗冷如冰海上摘來朝霞疑賜仙復坐對食訖頷之使去隨煙升一作使隨乃言馬生合不死少姑教勅令付爾安期再拜將生出一授素書天地畢

石鼓歌

周宣大獵兮岐之陽刻石表功兮燔煌煌石如鼓形數止十風雨缺訛苔蘚澀今人濡紙脫其文既擊既埽白黑分忽開滿卷不可識驚潛動蟄走云云喘逶迤相亂錯乃是宣王之臣史籀作一書遺此天地間精意長存世冥冥秦家祖龍還刻石碣石之杲李斯跡世人好古猶共一作傳持來比比此殊懸隔

寶觀主白鸚鵡歌

鸚鵡鸚鵡衆皆如漆爾獨如玉鸚之鸚之衆皆蓬蒿下爾自三山來一作音三山處子下人間綽約不妝冰雪顏仙鳥隨飛來掌上來掌上時拂拭人心鳥意自無猜玉指霜毛本同色有時一去凌蒼蒼朝遊汗漫暮玉堂巫峽雨中飛暫濕杏花林裏過來香日夕依仁全羽翼空欲銜環非報德豈不及阿母之家青鳥兒漢宮來往傳消息

彈碁歌

圓天方地局二十四氣子劉生絕藝難對曹客爲歌其能請從中央起中央轉關破欲闌零落勢背誰能彈此中舉一得六七旋風忽散霹靂履屨乘變安可當置之死地翻取強不見短兵反掌收已盡唯有猛士守四方四方又何難橫擊且緣邊豈如昆明與碣石一箭飛中隔遠天神安志愜動十全滿堂驚視誰得然

聽鶯曲

東方欲曙花冥冥啼鶯相喚亦可聽乍去乍來時近遠纔聞南陌又東城忽似上林翻下苑綿綿蠻蠻如有情欲轉不轉意自嬌羌兒弄笛曲未調前聲後聲不相及秦女學箏指猶濕須臾風暖朝日嫩流音變作百鳥喧誰家懶婦驚殘夢何處愁人憶故園伯勞飛過聲蹄促戴勝下時桑田綠不及流鶯日日啼花間能使萬家春意闕有時斷續聽不了飛去花枝猶裊裊還栖碧樹鏤千門春漏方殘一聲曉

白沙亭逢吳叟歌

龍池宮裏上皇時羅衫寶帶香風吹滿朝臺士今已盡欲話舊遊人不知白沙亭上逢吳叟愛客脫衣且沽酒

問之執戟亦先朝零落艱難却負樵親觀文物蒙雨露見我昔年侍丹霄冬狩春祠無一事歡遊洽宴多頒賜
嘗陪月夕竹宮齋每返溫泉瀟陵醉星歲再周十二辰爾來不語今爲君盛時忽去良可恨一生坎壈何足云
送褚校書歸舊山歌

握珠不返泉匣玉不歸山明皇重士亦如此忽怪褚生何得還方稱羽獵賦未拜蘭臺職漢篋亡書已暗傳萬
丘遺簡還能識朝朝待詔青鑠閣中有萬年之樹蓬萊池世人仰望樓此地生獨徘徊意何爲故山可往薇可
採一自人間星歲改藏書壁中苔半侵洗藥泉中月還在春風飲餞瀟陵原莫厭歸來朝市喧不見東方朔避
世從容金馬門

五弦行

美人爲我彈五絃塵埃忽靜心悄然古刀幽磬初相觸千珠貫斷落寒玉中曲又不宣徘徊夜長月當軒如伴
風流紫豔雪更逐落花飄御園獨鳳寥寥有時隱碧霄來下聽還近燕姬有恨楚客愁言之不盡聲能盡末曲
感我情解幽釋結和樂生壯士有仇未得報拔劍欲去憤已平夜寒酒多愁遽明

驪山行

君不見開元至化垂衣裳厭坐明堂朝萬方訪道靈山降聖祖沐浴華池集百祥千乘萬騎被原野雲霞草木
相輝光禁仗圍山曉霜切離宮積翠夜漏長玉塔寂歷朝無事碧樹萎蕤寒更芳三清小鳥傳仙語九華真
人奉瓊漿下元味爽漏一作編恒秩登山朝禮玄元室翠華稍隱天半雲丹闕光明海中日羽旄旒節穆瑤臺清絲
妙管從空來萬井九衢皆仰望彩雲白鶴方徘徊憑高覽古一作嗟寰宇造化茫茫思悠悠秦川入水長繚繞漢
氏五陵空崔嵬乃言聖祖奉丹經以年爲日億萬齡蒼生咸壽陰陽泰高謝前王出塵外英豪共理天下晏戎
夷警伏兵無戰時豐賦斂未告勞海闊珍奇亦來獻干戈一起文武乖歡娛已極人事變聖皇弓劍墜幽泉古
木蒼山閉宮殿纒承鴻業聖明君威震六合驅妖氛太平遊幸今可待湯泉嵐嶺還氛氤

漢武帝雜歌三首

漢武好神仙黃金作臺與天近王母摘桃海上還感之西過聊問訊欲來不來夜未央殿前青鳥先迴翔綠鬢
紫雲裾曳霧雙節飄飄下仙步白日分明到世間碧空何處來時路玉盤捧桃將獻君踟躕未去雷彩雲海水

桑田幾翻覆中問此桃四五熟可憐穆滿瑤池燕正值花開不得薦花開子熟安可期邂逅能當漢武時顏如芳華潔如玉心念我皇多嗜欲雖留桃核桃有靈人間糞土種不生由來在道一作德豈在藥徒勞方士海上行掩扇一言相謝去如煙非煙不知處

金莖孤峙兮凌紫煙漢宮美人望杳然通天臺上月初出承露盤中珠正圓珠可飲壽可永武皇南面曙欲分從空下來玉杯冷世間綠翠亦作囊八月一日仙人方仙方稱上藥靜者服之常綽約柏梁沈飲自傷神猶聞駐顏七十春乃知甘醲皆是腐腸物獨有淡泊之水能益人千載金盤竟何處當時鑄金恐不固蔓草生來春復秋碧天何言空墜露

漢天子觀風自南國浮舟大江屹不前蛟龍索鬪風波黑春秋方壯雄武才彎弧叱浪連山開愕然觀者千萬衆舉塵齊呼一矢中死蛟浮出不復靈舳艦千里江水清鼓聲餘響數日在天吳深入魚鼈驚左有伏飛落霜翻右有孤兒貫犀革何為臨深親射蛟示威以奪諸侯魄威可畏皇可尊平田校獵書猶陳此日從臣何不言獨有威聲振千古君不見後嗣尊為武

梭欄蠅拂歌

梭欄為拂登君席青蠅掩一作亂飛四壁文如輕羅散如髮馬尾羣牛不能絮柄出湘江之竹碧玉寒上有織羅縈縷尋未絕左揮右灑繁暑清孤松一枝風有聲麗人統素可憐色安能點白還為黑

信州錄事參軍常曾古鼎歌

三年糾一郡獨飲寒泉井江南鑄器多鑄銀罷官無物唯古鼎彫螭一作刻篆相錯盤地中歲久青苔寒左對蒼山右流水云有古來葛仙子葛仙埋之何不還耕者鎗然得其間持示世人不知寶勸君鍊丹永壽考

夏冰歌

出自玄泉香杳之深井汲在朱明赫赫之炎辰九天含露未銷鑠閨闈初開賜貴人碎如墜瓊方截璐粉壁生寒象筵布玉壺紈扇亦玲瓏座有麗人色俱素咫尺炎涼變四時出門焦灼君詎知肥羊甘醴心悶悶飲此瑩然何所思當念關于鑿者苦臘月深井汗如雨

龜頭山神女歌

龜頭之山直上洞庭連青天蒼煙樹閉古廟中有蛾眉成水仙水府沈沈行路絕蛟龍出沒無時御魂同魁
魁潛太陰身與空山長不滅東晉永和今幾代雲髮素顏猶踰昧陰一作深靈氣靜疑美的礫龍綃雜瓊珮山精
木魅不敢親昏明想像如有人蕙蘭瓊芳積煙露碧窗松月無冬春舟客經過莫椒醕巫女南音歌激楚碧水
冥空惟一作見鳥飛長天何處雲隨雨紅蕖綠蘋芳意多玉靈蕩漾凌清波孤峰絕島儼相向鬼嘯猿啼垂女蘿皓
雪瓊枝殊異色北方絕代徒傾國雲沒煙銷不可期明堂翡翠無人得精靈變態狀無方游龍宛轉驚鴻翔相
如獨立九疑暮漢女菱歌春日長始知仙事無不有可惜吳宮空白首

寇季膺古刀歌

古刀寒鋒青槭槭少年交結平陵客求之時一作年代不可知千痕萬穴如星離重疊泥沙更剝落縱橫鱗甲相參
差古物有靈知所適貂裘拂之橫廣席陰森白日掩雲虹錯落池光動金碧知君寶此誇絕代求之不得心常
愛厭見今時繞指柔片鋒折刃猶堪佩高山成谷蒼海填英豪埋沒誰所捐吳鉤斷馬不知處幾度煙塵今獨
全夜光投人人不畏知君獨識精靈器醉思結思心自知死生好惡不相棄白虎司秋金氣清高天寥落雲崢
嶸月肅風淒古堂淨精芒切切如有聲何不跨蓬萊斬長鯨世人所好殊遠關千金買鉛徒一割

交霧行

秋城海霧重職事凌晨出浩浩合元天溶溶迷朗一作朝日纔看含鬢白稍視一作似霏衣密道騎全不分郊樹都如失
霏微誤嗟吸膚滕生寒慄歸當飲一杯庶用蠲斯疾

樂燕行

良辰且燕樂樂住不再來趙瑟正高張音響清塵埃一彈和妙謳吹去繞瑤臺豔雪凌空散舞羅起徘徊輝輝
發衆顏灼灼歎令才當喧既無寂中飲亦停杯華燈何遽升馳景忽西頰高節亦云立安能滯不迴

采玉行

官府徵白丁言采藍谿玉絕嶺夜無家深榛雨中宿獨婦偏糧還哀哀一作是舍南哭

難言

拘土移山望山盡一作投石填海望海滿持索捕風幾時得將刀斫水幾時斷未若不相知中心萬仞何由款

易言

洪爐熾炭燎一毛大鼎炊湯沃殘雪疾影隨形不覺至千鈞引縷不知絕未若同心言一言和同解千結

三臺二首

按樂苑唐天寶中魏謩
曲有三臺又有急三臺

一年一年老去明日後日花開未報長安平安定萬國豈得銜杯

冰泮寒塘始綠雨餘百草皆生朝來門閭無事晚下高齋有情

上皇三臺

不寐倦長更披衣出戶行月寒秋竹冷風切夜窗聲

荅楊參軍

乘筆振芳步少年且吏遊官閑高興生夜直河漢秋念與清賞遇方抱沈疾憂嘉言忽見贈良藥同所瘳高樹
起栖鴉晨鐘滿皇州淒清露華動曠朗景氣浮偶宦心非累處喧道自幽空虛爲世薄子獨意網繆

南池宴錢子辛賦得科斗

臨池見科斗美爾樂有餘不憂網與鉤幸得免爲魚且願充文字登君尺素書

詠徐正字畫青蠅

誤點能成物遠具許一時筆端來已久座上去何遲顧白曾無變聽雖不復疑詎勞才子賞爲入國人詩

虞獲子鹿

并序

虞獲子鹿憫園鹿也遭虞之機張見畜于人不得遂其天性焉

虞獲子鹿畜之城陬園有美草池有清流但見覺覺亦聞啾啾誰知其思巖谷云一作游

陪王郎中尋孔微君

俗吏閑居少同人會面難偶隨香署客來訪竹林歡暮館花微落春城雨暫寒
麴間聊共酌莫使宦情闌

送宮人入道

捨寵求仙畏色衰辭天素面立天墀金丹擬駐千年貌寶鏡休勻八字眉
公主與收珠翠後君王看戴角冠時
從來宮女皆相妒說著瑤臺總淚垂

和晉陸丞早春遊望

一作杜
富言詩

獨有宦遊人偏驚物候新雲霞出海曙梅柳渡江春淑氣催黃鳥晴光照綠蘋忽聞歌苦調歸思欲露中

九日

一為吳郡守不覺菊花開始有故園思且喜眾賓來

孟彥深

孟彥深字士源登天寶二年進士第為武昌令元結居樊上常作選谷銘曰干進之客不得遊之又作杯湖銘曰為人厭者勿汎杯湖孟士源嘗黜官無情干進在武昌不為人厭可遊退谷可汎杯湖矣詩一首

元次山居武昌之樊山

一作
上

新春大雪以詩問之

江山十日雪雪深江霧漲起來望樊山但見羣玉峰林鶯却不語野獸翻有蹤山中應大寒短褐何以完

一作皓
安

劉灣

劉灣字靈源西蜀人天寶進士祿山之亂以侍御史居衡陽與元結相友善詩六首

出塞曲

一作別
齊詩

將軍在重圍音信絕不通羽書如流星飛入甘泉宮倚是并州兒少年心膽雄一朝隨召募百戰爭王公去年桑乾北今年桑乾東死是征人死功是將軍功汗馬收

一作
秋

秋月疲卒臥霜風仍聞左賢王更將

一作
欲

圍雲中

雲南曲

百蠻亂南方羣盜如蝟起騷然疲中原征戰從此始白門太和城來往一萬里去者無全生十人九人死岱馬臥陽山燕兵哭瀝水妻行求死夫父行求死子蒼天滿愁雲白骨積空壘哀哀雲南行十萬同已矣

李陵別蘇武

漢武愛邊功李陵提步卒轉戰單于庭身隨漢軍沒李陵不受死心存歸漢闕誓欲還國恩不為匈奴屈身辱家已無長居虎狼窟胡天無春風虜地多積雪窮陰愁殺人况與蘇武別登聲天地哀執手肺腸絕白日為我

愁陰雲爲我結生爲漢宮臣死爲胡地骨萬里長相思終身望南月

虹縣嚴孝子墓

至性教不及因心天一作天所資禮聞三年喪爾一作獨終身期下由一作骨肉思上報父母慈禮聞哭有卒汝獨哀

無時前有松柏林荆墓一作結驂隴墓門白日閉泣血黃泉中草服蔽枯骨垢容戴飛蓬舉聲哭蒼天萬木皆悲風

對雨愁悶寄錢大郎中

積雨細紛紛飢寒命不分攬衣愁見肘窺鏡覓從文九陌成泥海千山盡濕雲龍鍾馗欵段到處倍思君

即席賦露中菊

衆芳春競發寒菊露偏滋受氣何曾異開花獨自遲晚成猶有分欲採未過時勿棄東籬下看隨秋草衰

孫昌胤

孫昌胤登天寶進士第柳宗元與韋中立書稱其爲子舉冠禮事人以爲迂詩四首

遇旅鶴

靈鶴產絕境昂昂無與儔羣飛滄海曙一叫雲山秋野性方自得人裏何所求時因戲祥風偶爾來中州中州

帝王宅園沼深且幽希君惠稻梁欲并離丹丘不然奮飛去將適汗漫游肩作池上鷺年年空沈浮

清明

清明暮春裏悵望北山陔燼火開新焰桐花發故枝沈冥慙歲物歡宴阻朋知不及林間鳥遷喬並羽儀

和司空曙劉蒼虛九日送人

京邑數離羣江樓喜遇君開筵當九日汎菊外浮雲朗詠山川審酣歌物色新君看酒中意未肯表斯文

越裳獻白翟一作丁

聖哲符休運伊臯列上台覃恩丹徵遠入貢素瑩來北闕欣初見南枝顧未迴故容殘雪淨蟠翼片雲開馴擾將無懼翻飛幸莫猜甘從上苑裏飲啄自裛回

喬琳

喬琳太原人天寶間舉進士累授興平尉郭子儀辟爲節度掌書記拜監察御史貶巴州司戶歷果綿遂三州

刺史入爲大理少卿國子祭酒又出爲懷州刺史以張涉稱引拜御史大夫平章事後受朱泚僞署伏誅詩一首
綿州越王樓卽事

三蜀澄清郡政閑登樓攜酌日躋攀頓覺留懷無俗事迴看掌握是人寰灘聲曲折涪州水雲影低銜富樂山
行雁南飛似鄉信忽然西笑向秦關

柳渾

柳渾字夷曠一字惟深本名戴襄州人天寶初擢進士第大曆中累官至尚書右丞貞元三年以兵部侍郎同
中書門下平章事集十卷今存詩一首

牡丹

近來無柰牡丹何數十千錢買一顆今朝始得分明見也共戎葵不校多

張謂

張謂字正言河南人天寶二年登進士第乾元中爲尚書郎大曆間官至禮部侍郎三典貢舉詩一卷

讀後漢逸人傳二首

子陵沒已久讀史思其賢誰謂潁陽人千秋如比肩嘗聞漢皇帝曾是曠周旋名位苟無心對君猶可眠東過
富春渚樂此佳山川夜卧松下月朝看江上煙釣時如有待釣罷應忘筮生事在林壑悠悠經暮年于今七里
灘一作遺迹尚依然高臺竟寂寞流水空潺湲

龐公南郡人家在襄陽里何處偏來往襄陽東坡是誓將業田種終得保妻子何言二千石乃欲勸吾仕鷓鴣
巢茂林龜窟穴深水萬物從所欲吾心亦如此不見鹿門山朝朝白雲起采藥復采樵優游終暮齒

同孫構免官後登薊樓

昔在五一作陵時年少心亦壯嘗矜有奇骨必是封侯相東走到營州投身似邊將一朝去鄉國十載履亭障部
曲皆武夫功成不相讓猶希虜塵動更取林胡帳去年大將軍忽一作負樂生謗北別傷士卒南遭死炎瘴漢落
悲無成行登薊丘上長安三千里日夕西南望寒沙榆塞沒秋水灤河漲策馬從此辭雲山保關放

代北州老翁答

負薪老翁往北州北望鄉關生客愁自言老翁有三子兩人已向黃沙死如今小兒新長成明年聞道又徵兵
定知此別必零落不及相隨同死生盡將田宅借鄰伍且復伶俜去鄉土在生本求多子孫及有誰知更辛苦
近傳天子尊武臣強兵直欲靜胡塵安邊自合有長策何必流離中國人

湖上對酒行

夜坐不厭湖上月晝行不厭湖上山眼前一尊又長滿心中萬事如等閒王人有黍百餘石濁醪數斗應不惜
即今相對一作不盡歡別後相思復何益茱萸灣頭歸路賒願君且宿黃公家風光若此人不醉參差負東園花

贈喬琳一作劉

去年上策不見收今年寄食仍淹留羨君有酒能使醉羨君無錢能不憂如今五侯不受一作客羨君不問一作五
侯宅如今七貴方自尊羨君不過七貴門丈夫會應有知己世上悠悠何足論

邵陵作

嘗聞虞帝苦憂人祇爲蒼生不爲身一作道一作一朝辭北闕何須五月更南巡昔時文武皆銷鑠今日精靈常寂
寞斑竹年來笋自生白蘋春盡花空落遙望零陵見舊丘蒼梧雲起至今愁惟餘帝子千行淚添作瀟湘萬里
流一作

寄李侍御

柱下聞周史書中慙越吟近看三歲字遙見百年心憤以吹噓長思從顧盼深不裁桃李樹何日得成陰

寄崔澧州

共襍臺郎被俱塞郡守惟罰金珠往日鳴玉幸同時五馬來何晚雙魚贈已遲江頭望鄉月無夜不相思

送裴侍御歸上都

楚地勞行役秦城罷鼓鼙舟移洞庭岸路出武陵谿江月隨人影山花趁一作馬蹄離魂將別夢先已一作到關西

送青龍一公

事佛輕金印勤王度玉關不知從樹下還肯一作到人間楚水青蓮淨吳門白日闕聖朝須助理一作絕一作莫愛東山

送韋侍御赴上都

天朝辟書下風憲取才難更謁麒麟殿重簪犀冠月明湘水夜霜重桂林寒別後頭堪白時時鏡裏看

餞田尚書還兗州

忠義三朝許威名四海聞更乘歸魯詔猶憶破胡勳別路逢霜雨行營對雪雲明朝郭門外長揖大將軍

送杜侍御赴上都

避馬臺中貴登車嶺外遙還因貢賦禮來謁大明朝地入商山路鄉連渭水橋承恩返南越尊酒重相邀

道林寺送莫侍御

一作蕭州精舍
送莫侍御歸寧

何處堪畱客香林隔翠微薜蘿通驛騎山竹挂朝衣霜引臺烏集風驚塔鴈飛飲茶勝飲酒聊以送將一作歸

別睢陽故人

少小客遊梁依然似故鄉城池經戰陣人物恨存亡夏雨桑條綠秋風麥穗黃有書無寄處相送一露裳

郡南亭子宴

一作
春宴

亭子春城外朱門向綠林柳枝經雨重松色帶烟深漉酒迎山客穿池集水禽白雲常在眼聊足慰人心

早春陪崔中丞浣花溪宴得暄字

旌節臨溪口寒郊斗覺暄紅亭移酒席畫鷁逗江村雲帶歌聲颺風飄舞袖翻花間催秉燭川上欲黃昏

譙鄭伯璵宅

正月風光好逢君上客稀曉風催鳥轉春雪帶花飛堂上吹金管庭前試舞衣俸錢供酒債一作
僕行子未須歸

夜同宴用人字

北斗回新歲東園值早春竹風能醒酒花月解畱人邑宰陶元亮山家鄭子真平生頗同道相見日相親

過從弟制疑官舍竹齋

羨爾方爲吏衙門獨宴如野猿偷紙筆山鳥污圖書竹裏藏公事花間隱使車不妨垂釣坐時贈小江魚

揚州雨中張十七宅觀妓

一作劉
長卿詩

夜色帶寒煙燈花拂更然殘妝添石黛豔舞落金鈿掩笑須欹扇迎歌乍動弦不知巫峽雨何事海西邊

登金陵臨江驛樓

古戍依重險高樓見五梁山根盤驛道河水浸城牆庭樹巢鸚鵡園花隱麝香忽然江浦上憶作捕魚郎

同王徵君湘中有懷

一作嚴

八月洞庭秋蕭湘水北流還家萬里夢爲客五更愁不用開書帙一作偏宜上酒樓故人京洛滿一作何日復同遊

官舍早梅

階下雙梅樹春來盡不成晚時花未一作落陰處葉難生摘子防人到攀枝畏鳥驚風光先占得桃李莫相輕

王清公主挽歌

代宗之女

學鳳年猶小乘龍日尚賒初封千戶邑忽駕五雲車地接金人岸山通一作玉女家秋風何太早吹落禁園花

別韋郎中

星報計日赴岷峨雲樹連天阻笑歌南入洞庭隨鴈去西過巫峽聽猿多崢嶸洲上飛黃蝶瀝灑堆邊起白波不醉郎中桑落酒故人無奈別離何

送皇甫齡宰交河

將軍帳下來從容小邑彈琴不易逢樓上胡笳傳別怨尊中臘酒爲誰濃行人醉出雙門道少婦愁看七里烽今日相如輕武騎多應朝暮一作客臨邛

杜侍御送貢物戲贈

銅柱朱崖道路難伏波橫海舊登壇越人自貢珊瑚樹漢使何勞獬豸冠疲馬山中愁日晚孤舟江上畏春寒由來此貨稱難得多恐君王不忍看

春園家宴

南園春色正相宜大婦同行少婦隨竹裏登樓人不見花間覓路鳥先知櫻桃解結垂簷子楊柳能低入戶枝山簡醉來歌一曲參差笑殺郢中兒

西亭子言懷

數叢芳草在堂陰幾處閒花映竹林舉樹玄猿呼郡吏傍谿白鳥應家禽青山看景知高下流水聞聲覺淺深

金唐言 卷上
官屬不令拘禮數時時緩步一相尋

辰陽即事

一作別長沙
計題云感懷

青楓落葉正堪悲黃菊殘花欲待誰
水近偏逢寒氣早山深常見日光遲
愁中卜命看周易病裏招魂讀楚詞
自恨不如湘浦鴈春來即是北歸時

送僧

童子學修道誦經求出家手持貝多葉
心念優曇花得度一作北州近隨緣東路賒
一身求清淨百義納袈裟
鐘磬更飛錫爐峰期結跏深心大海水
廣願恒河沙此去不堪別彼行安可涯
殷勤結香火來世上牛車

同諸公遊雲公禪寺

一作院

共許尋難足誰能惜馬蹄長空淨雲雨斜
日半虹霓簷下千峰轉窗前萬木低
看花尋徑遠聽鳥入林迷地與
喧聞一作隔人將物我齊不知樵客意何事
武陵谿

哭護國上人

昔喜三身淨今悲萬劫長不應歸北斗應一作是向西方舍利衆
生得袈裟弟子將鼠行殘藥椀一作蟲網舊繩牀
別起千花塔空留一草堂支公何處在神理竟茫茫

送盧舉使河源

故人行役向邊州匹馬今朝不少留
長路關山何日盡滿堂綠竹一作爲君愁

題長安壁主人

世人結交須黃金黃金不多交不深
縱令然諾暫相許終是悠悠行路心

長沙失火後戲題蓮花寺

金園寶剎半長沙燒劫旁延一萬家
樓殿縱隨煙焰去一作火中何處出一作蓮花

早梅

一樹寒梅白玉條迥臨村路傍
谿橋不知近水花先發疑是經春一作雪未銷

贈趙使君美人

紅粉青蛾映楚雲桃花馬上石橋裙羅數獨向東方去漫學他家作使君

句

嵇山賀老盡知名吳郡張顛曾不易 奔蛇走虺勢入坐驟雨旋風聲滿堂

韻類集見
類具四集

岑參

岑參南陽人文本之後少孤貧篤學登天寶三載進士第由率府參軍累官右補闕論斥權佞改起居郎尋出為虢州長史復入為太子中允代宗總戎陝服委以書奏之任由庫部郎出刺嘉州杜鴻漸鎮西川表為從事以職方郎兼侍御史領幕職使罷流寓不還遂終於蜀參詩辭意清切迴拔孤秀多出佳境每一篇出人競傳寫比之吳均何遜馬集八卷今編四卷

北庭西郊候封大夫受降回軍獻上

胡地首宿美輪臺征馬肥大夫討匈奴前月西出師甲兵未得戰降虜來如歸橐駝何連連穹帳亦纍纍陰山烽火滅劔水羽書稀却笑霍嫫媿區區徒爾為西郊候中軍平沙懸落暉驛馬從西來雙節夾路馳喜鵲捧金印蛟龍盤畫旗如公未四十富貴能及時直上排青雲傍看疾若飛前年斬樓蘭去歲平月支天子日殊寵朝廷方見推何幸一書生忽蒙國士知側身佐戎幕斂衽事邊陲自逐定遠侯亦着短後衣近來能走馬不弱并州兒

初至西號官舍南池呈左右省及南宮諸故人

黜官自西掖待罪臨下陽空積犬馬戀豈思鷓鴣驚行素多江湖意偶佐山水鄉滿院池月靜捲簾溪雨涼軒窓竹翠濕案牘荷花香白鳥上衣桁青苔生筆牀數公不可見一別盡相忘敢恨青瑣客無情華省郎早年遠進退晚節悟行藏他日能相訪嵩南舊草堂

過梁州奉贈張尚書大夫公

漢中二良將今昔各一時韓信此登壇尚書復來斯手把銅虎符身總丈人師錯落北斗星照耀黑水瀟英雄若神授大材濟時危頃歲遇雷雲精神感靈祇勲業振青史恩德繼鴻私羌虜昔未平華陽積僵屍人煙絕墟

落鬼火依城池巴漢空水流衰斜惟鳥飛自公布德政此地生光輝百堵創里閭千家恤憐廢層城重鼓角甲士如熊羆坐嘯風自調行春雨仍隨芄芄麥苗長藹藹桑葉肥浮客相與來羣盜不敢窺何幸永嘉惠小年即相知富貴情易疎相逢心不移置酒宴高館嬌歌雜青絲錦席繡拂塵玉盤金屈卮春景透高戟江雲籜長麾櫂馬嘶柳陰美人映花枝門傳大夫印世擁上將旗承家令名揚許國苦節施戎幕寧久駐台階不應遲別有彈冠士希君無見遺

登北庭北樓呈幕中諸公

嘗讀西域傳漢家得輪臺古塞千年空陰山獨崔嵬二庭近西海六月秋風來日暮上北樓殺氣凝不開大荒無鳥飛但見白龍堆堆即舊國眇天末歸心日悠哉上將新破胡西郊絕煙埃邊城寂無事撫劍空徘徊幸得趨幕中託身厠羣才早知安邊計未盡平生懷

初過隴山途中呈宇文判官

一驛過一驛驛騎如星流平明發咸陽暮及隴山頭隴水不可聽嗚咽令人愁沙塵撲馬汗霧露凝貂裘西來誰家子自道新封侯前月發安西路上無停留都護猶未到來時在西州十日過沙磧終朝風不休馬走碎石中四蹄皆血流萬里奉王事一身無所求也知塞垣苦豈爲妻子謀山口月欲出先照關城樓豁流與松風靜夜相颺颺一作別家一作賴歸夢山塞多難憂與子且攜手不愁前路脩

陪狄員外早秋登府西樓因呈院中諸公

常愛張儀樓西山正相當千峰帶積雪百里臨城牆煙氣掃晴空草樹映朝光車馬隘百井里閉盤二江亞相自登壇時危安此方威聲振蠻貊惠化鍾華陽旌節羅廣庭戈鋌禦秋霜階下驪虎士暮中鷓鴣行今我忽登臨顧思不望鄉知已猶未報鬢毛颯已蒼時命難自知功業豈暫忘蟬鳴秋城夕鳥去江天長兵馬休戰爭風塵尚蒼茫誰當共攜手賴有冬官郎

冬夜宿仙遊寺南涼堂呈謙道人

太乙連太白兩山知幾重路盤石門窄匹馬行才通日西倒山寺林下逢支公昨夜山北時星星闌此鐘秦女去已久仙臺在中峰簫聲不可聞此地留遺蹤石潭積黛色每歲投金龍亂流爭迅湍噴薄如雷風夜來聞清

馨月出蒼山空空山滿清光水樹相玲瓏迴廊映密竹秋殿隱深松燈影落前谿夜宿水聲中愛茲林巒好結
宇向谿東相識唯山僧鄰家一釣翁林晚栗初拆枝寒梨已紅物幽興易愜事勝趣彌濃願謝區中緣永依金
人宮寄報乘輦客簪裾爾何容

潼關鎮國軍勾覆使院早春寄王同州

胡寇尚未盡大軍鎮關門旌旗遍草木兵馬如雲屯聖朝正用武諸將皆承恩不見征戰功但聞歌吹喧儒生
有長策閉口不敢言昨從關東來思與故人論何爲廡廟器至今居外藩黃霸寧淹留蒼生望騰翥卷簾見西
岳仙掌明朝暎昨夜聞春風戴勝過後園各自限官守何由敘涼溫離憂不可忘襟背思樹萱

青山峽口泊舟懷秋侍御

峽口秋水壯沙邊且停橈奔濤振石壁峰勢如動搖九月蘆花新彌令客心焦誰念在江島故人滿天朝無處
豁心胸憂來醉能銷往來巴山道三見秋草彫狄生新相知才調凌雲霄賦詩折造化入幕生風颺把筆判甲
兵戰士不敢驕皆云梁公後遇鼎還能調難別倏經時音塵殊寂寞何當見夫子不歎鄉關遙

寄青城龍谿真道人

五嶽之丈人西望青霄^{一作}雲開露崖嶠百里見石稜龍谿盤中峰上有蓮華僧絕頂小^{一作}蘭若四時嵐氣^{一作}
疑身同雲虛無心與谿清澄誦戒龍每聽賦詩人則稱杉風吹^{一作}袈裟石壁懸孤燈久欲謝微祿誓將歸大乘
願聞開士說庶以心相應

梁州對雨懷趙二秀才便呈趙大判官時疾贈余新詩

江上雲氣黑崑山昨夜雷水惡平明飛雨從幡冢來濛濛隨風過蕭颯鳴庭槐隔簾濕衣中當暑涼幽齋麴生
住相近言語阻且乖臥疾不見人午時門始開終日看本草藥苗滿前堦兄弟早有名甲科皆秀才二人事慈
母不弱古老萊昨歎攜手遲未盡平生懷愛君有佳句一日吟幾迴

潼關使院懷王七季友

王生今才子^{一作}時輩咸所仰何當見顏色終日勞夢想驅車到關下欲往阻河廣滿目徒春華思君罷心賞開
門見太華朝日映高掌忽覺蓮花峰別來更如長無心顧微祿有意在獨往不負林中期終當出塵網

至一作大梁却寄匡城主人

一從棄魚釣十載于明王無由謁天階却欲歸滄浪仲秋至東郡遂見天雨霜昨日夢故山蕙草一作色已黃平
明辭鐵丘薄暮遊大梁仲秋蕭條景拔刺飛鷄鶴四郊陰氣一作閉萬里無晶光長風吹白茅野火燒枯桑故人
南燕吏籍籍名更香聊以玉壺贈置之君子堂

宿華陰東郭客舍憶閩方

次舍山郭近解鞍鳴鐘時主人炊新粒行子充夜飢關月生首陽照見華陰祠蒼茫秋山晦蕭瑟寒松悲久從
園廬別遂與朋一作知辭舊壑蘭杜晚歸軒今已遲

宿東谿王屋李隱者

山店不鑿井百家同一泉晚來南村黑雨色和人煙霜畦吐寒菜沙鴈噪河田隱者不可見天壇飛鳥邊

郊行寄杜位

嶺岫空城煙淒清一作寒山景秋風引歸夢昨夜到汝潁近寺聞鐘聲映陂見樹影所思何由見東北徒引領

懷葉縣關操姚曠韓涉李叔齊

數子皆故人一時吏宛葉經年總不見晝札徒滿篋斜日半空庭旋風走梨葉去君千里地言笑何時接

西蜀旅舍春歎寄朝中故人呈秋評事

春與人相乖柳青頭轉白生平未得意覽鏡私自惜四海猶未安一身無所適自從兵戈動遂覺天地窄功業
悲後時光陰歎虛擲却爲文章累幸有開濟策何負當途人無心矜箬厄回瞻後來者皆欲肆一作輔轡起草思
南宮寄言憶西掖時危任舒卷身退知損益窮巷草轉深閨門日將夕橋西暮雨黑籬外春江碧昨者初識君
相看俱是客聲華同道術世業通往昔早須歸天階不得安孔席吾先稅歸鞅舊國如咫尺

太白東溪張

一作老舍即事寄舍弟姪等

一作上弟等

渭上秋雨過北風何一作騷騷天晴諸山出太白峰最高主人東溪老兩耳生長毫遠近知百歲子孫皆二毛中
庭井闌上一架獼猴桃石泉飯香梗酒甕開新槽愛茲田中趣始悟世上勞我行有勝事書此寄爾曹

上嘉州青衣山中峯題惠淨上人幽居寄兵部楊郎中

青衣之山在大江之中屹然絕崖壁蒼峭周廣七里長波四匝有惠淨上人廬于其巔唯繩牀竹杖而已恒持蓮花經十年不下山子自公浮舟聊一登眺友人夏官弘農楊侯清談之士也素工爲文獨立於世與余有方外之約每多獨往之意今者幽躅勝樂歎不得與此公俱爰命小吏刮磨石壁以識其事乃詩以達揚友爾

青衣誰開鑿獨在水中中央浮舟一躋攀側運緣一作穹蒼絕頂詣一作老僧豁然登上方諸嶺一何小三江奔茫茫蘭若向西開峨眉正相當猿鳥樂鐘磬松蘿泛天香江雲入袈裟山月吐繩牀早知清淨理久乃機心忘尚以名官拘聿來夷獠鄉吾友不可見鬱爲尚書郎早歲受丹經留心向青囊渺渺雲智遠幽幽海懷長勝賞欲與俱引領遙相望爲政媿無術分憂幸時康君子滿天朝老天憶滄浪況值廬山遠抽簪歸法王

入劔門作寄杜楊二郎中時二公並爲杜元帥判官

不知造化初此山誰開拆雙崖倚天立萬仞從地劈雲飛不到頂鳥去難過壁遠駕畏巖傾單行愁路窄平明地仍黑停午日暫赤凜凜三伏寒巉巖五丁迹與時忽開閉作固或順逆磅礴跨岷峨巍蟠限蠻貊星當嶺參分地處西南僻陡覺煙景殊杳將華夏隔劉氏昔顛覆公孫曾敗績始知德不脩恃此險何益相公總師旅遠近罷金革杜母來何遲蜀人應更惜暫回丹青慮少用開濟策二友華省郎俱爲幕中客良籌佐戎律精理皆碩畫高文出詩騷與學窮討贖聖朝無外戶寰宇被德澤四海今一家徒然劔門石

鞏北秋興寄崔明允

白露披梧桐玄蟬晝夜號秋風萬里動日暮黃雲高君子佐休明小人事蓬蒿所適在魚鳥焉能徇錐刀孤舟向廣武一鳥歸成臯勝樂日相與思君心鬱陶

春遇南使貽趙知音

端居春心醉襟背思樹萱美人在南州爲爾歌北門北風吹煙物戴勝鳴中園枯楊長一作新條芳草滋舊根網絲結寶琴塵埃被空樽適遇江海信聊與南客論

冀州客舍酒酣貽王綺寄題南樓時王子欲題南樓酒上

夫子傲常調詔書下徵求知君欲謁帝秣馬趨西周逸足何駸駸美聲實風流學富騰清詞下筆不能休君家

一何盛赫奕難爲倚伯父四五人同時爲諸侯憶昨始相值值君客貝丘相看復乘興攜手到冀州前日在南
縣與君上北樓野曠不見山白日落草頭客舍梨花繁深花隱鳴鳩南鄰新酒熟有女彈箜篌醉後或狂歌酒
醒滿離憂主人不相識此地難淹留吾廬終南下堪與王孫遊何當肯相尋澧上一孤舟

終南雲際精舍尋法澄上人不過歸高冠東潭石淙望秦嶺微雨作貽友人

昨夜雲際宿

一作從

西峰

一作嶺

回不見林中僧

微雨潭上來

諸峰皆青翠

秦嶺獨不開

石鼓有時鳴

秦王安在

哉東南雲開處

突兀猶猴臺

崖口懸瀑流

半空白皚皚

道日夕生塵埃

若訪張仲蔚

衡門滿

一作

蒿萊

敬酬杜華洪上見贈兼呈熊曜

杜侯實才子盛名不可及祇曾效

一作

一官

今已年四十

是君同時者

已有尚書郎

憐君獨未遇

淹泊在他鄉

我

從京師來到

此喜相見

共論窮途事

不覺淚滿面

憶昨癸未歲

吾兄自江東

得君江湖詩

骨氣凌謝公

熊生尉

淇上開館常待客

喜我二人來

歡笑朝復夕

縣樓壓春岸

戴勝鳴花枝

吾徒在舟中

縱酒兼彈碁

三月猶未還

寒愁滿春草

賴蒙瑤華贈

詠慰懷抱

酬成少尹駱谷行見呈

聞君行路難

惆悵臨長衢

豈不憚險艱

王程剩相拘

憶昨蓬萊宮

新授刺史符

明主仍賜衣

價直千萬餘

何幸

承命日得與

夫子俱攜手

出華省連鑣

赴長途五馬當路嘶

按節投蜀都

千崖

一作

信繁折一徑

何盤紆

層冰滑

征輪密竹礙

隼旗深林迷

昏旦棧道凌

空虛飛雪縮

馬毛烈風擊

我膚峰攢望

天小亭午見日初夜宿月近人

朝行雲滿車

泉澆石罅

火入松心枯

亞尹同心者

風流賢大夫

榮祿上及親之官

隨板輿高價振

臺閣清詞

出應徐成都

春酒香且用

俸錢沽浮名

何足道海上堪乘桴

說中酬陝西甄判官見贈

微才棄散地

拙宦慙清時

白髮徒自負

青雲難可期

胡塵暗東洛

亞相方出師

分陝振鼓鞞

二嶺滿旌旗

夫子

廊廟器迥然

青冥姿

閭外佐戎律

幕中吐兵奇

前者驛使來

忽枉行軍詩

畫吟庭花落

夜諷山月移

昔君隱蘇

門浪跡不可

羈詔書自

微用令譽

天下知

別來春草長

東望轉相思

寂寞山城暮

空聞畫角悲

送許子擢第歸江寧拜親因寄王大昌齡

建業控京口金陵款滄溟君家臨秦淮傍對石頭城十年自勤學一鼓遊上京青春登甲科動地聞香名解榻
皆五侯結文畫章一作時英六月槐花飛忽思尊萊羹跨馬出國門丹陽返柴荆楚雲引歸帆淮水浮客程到家拜
親時入門有光榮鄉人盡來賀置酒相邀迎開眺北嶺一作登江樓醉眠湖上亭月從海門出照見茅山青昔爲帝
王州今幸天地一作下平五朝變人世千載空江聲玄元告靈符丹洞獲其銘皇帝受玉冊羣臣羅天庭喜氣薄太
陽祥光徹官冥奔走朝萬國崩騰集百靈王兄尚謫宦屢見秋雲生孤城帶後湖心與湖水清一縣無諍辭有
時開道經黃鶴垂兩翅徘徊但悲悲且鳴相思不可見空望牛女星

武威送劉單判官赴安西行營使一作使呈高開府

熱海亘鐵門火山赫金方白草磨天涯湖沙莽茫茫夫子佐戎幕其鋒利如霜中歲學兵符不能守文章功業
須及時立身有行藏男兒感忠義萬里忘越鄉孟夏邊候遲胡國草木長馬疾過飛鳥天窮超夕陽都護新出
師五月發軍裝甲兵二百萬錯落黃金光揚旗拂崑崙崑崙崑崙崑崙崑崙崑崙崑崙崑崙崑崙崑崙崑崙崑崙崑崙
夷知喪亡渾驅大宛馬繫取樓蘭王曾到交河城風土斷人腸寒驛遠如點邊烽互相望赤亭多颺風鼓怒不
可當有時無人行沙石亂飄揚夜靜天蒼條鬼哭夾道傍地上多髑髏皆是古戰場置酒高館夕邊城月蒼蒼
軍中宰肥牛堂上羅羽觴紅淚金燭盤嬌歌豔新妝望君仰青冥短翮難可翔蒼然西郊道握手何慨慷

送王大昌齡赴江寧

對酒寂不語悵然悲送君明時未得用白首徒攻文澤國從一官滄波幾千里羣公滿天關獨去過淮水舊家
富春渚嘗憶臥江樓自聞君欲行頻望南徐州窮巷獨閉門寒燈靜深屋北風吹微雪抱被肯同宿君行到京
口正是桃花時舟中鏡孤興湖上多新詩潛虬且深蟠黃鶴舉一作晚晚惜君青雲器努力加餐飯

送祁樂歸河東

祁樂後來秀挺身出河東往年詣驪山獻賦溫泉宮天子不召見揮鞭遂從我前月還長安囊中金已空有時
忽乘興盡出江上峰林頭蒼梧雲簾下天台松忽如高堂上颯颯生清一作開風五月火雲屯氣燒天地紅鳥且不
敢飛子行如轉蓬少華與首陽隔河勢爭雄新月河上出清光滿關中置酒灞亭別高歌披心胸君到故山時

爲謝五一作老翁

北庭貽宗學士道別

萬事不可料，數君在軍中。讀書破萬卷，何事來從戎。曾逐李輕車，西征出太蒙。荷戈月窟外，擐甲崑崙東。兩度皆破胡，朝廷輕戰功。十年祇一命，萬里如飄蓬。容鬢老胡塵，衣裘脆邊風。忽來輪臺下，相見披心胸。飲酒對春草，彈碁聞夜鐘。今且還龜茲，臂上懸角弓。平沙向旅館，匹馬隨飛鴻。孤城倚大磧，海氣迎邊空。四月猶自寒，天山雪濛濛。君有賢主將，何謂泣途窮。時來整六翮，一舉凌蒼穹。

送許拾遺恩歸江寧拜親

詔書下青瑣，駟馬還吳洲。束帛仍賜衣，恩波漲滄流。微祿將及親，向家非遠遊。看君五斗米，不謝萬戶侯。適出西掖垣，如到南徐州。歸心望海日，鄉夢登江樓。大江盤金陵，諸山橫石頭。楓樹隱茅屋，橋林繫漁舟。種藥疏故畦，釣魚垂舊鉤。對月京口夕，觀濤海門秋。天子憐諫官，論事不可留。一作休早來丹墀下，高駕無淹留。

虢州郡齋南池幽興因與閣二侍御道別

池色淨天碧，水涼雨淒淒。快風從東南，荷葉翻向西。性本愛魚鳥，未能返巖谿。中歲徇微官，遂令心賞睽。及茲佐山郡，不異尋幽棲。小吏趨竹徑，訟庭侵藥畦。胡塵暗河洛，二陵震鼓鼙。故人佐戎軒，逸翮凌雲霓。行軍在函谷，兩度聞鶯啼。相看紅旗下，飲酒白日低。聞君欲朝天，駟馬臨道嘶。仰望浮與沈，忽如雲與泥。夜眠驛樓月，曉發關城雞。惆悵西郊暮，鄉書對君題。

青龍招提歸一上人遠遊吳楚別詩

久交應真侶，最歎青龍僧。棄官向二年，削髮歸一乘。了然瑩心身，潔念樂空寂。名香泛牕戶，幽磬清曉夕。往年仗一劔，由是佐二庭。於焉久從戎，兼復解論兵。世人猶未知，天子願相見。朝從青蓮宇，暮入白虎殿。宮女擎錫杖，御筵出香爐。說法開藏經，論邊窮陣圖。忘機厭塵喧，浪迹向江海。思師石可訪，惠遠峰猶在今。旦飛錫去，何時持鉢還。湖煙冷吳門，淮月銜楚山。一身如浮雲，萬里過江水。相思眇天末，一作外南望無窮已。

送李翥遊江外

相識應十載，見君只一官。家貧祿尚薄，霜降衣仍單。惆悵秋草死，蕭條芳歲闌。且尋滄洲路，遙指一作望吳雲端。匹

馬關塞遠孤舟江海寬
夜眠楚煙濕曉飯湖山寒
砧淨紅綸落袖香朱橘圍帆前
見禹廟枕底聞嚴灘便獲賞
心趣豈歌行路難青門須醉別
少爲解征鞍

送王著作赴淮西幕府

燕子與百勞一西復一東
天空信寥廓翔集何時同
知己悵難遇良朋非易逢
憐君心相親與我家又通言笑
日無度書札凡幾封
湛湛萬頃陂森森千丈松
不知有機巧無事千心胸
滿堂皆酒徒豈復羨王公
早年抱將略累歲依幕中
昨者從淮西歸來奏邊功
承恩長樂殿醉出明光宮
逆旅悲寒蟬客夢驚飛鴻
發家見春草却去聞秋風
月色冷楚城淮光透霜空
各自務功業當須激深衷
別後能相思何嗟山水重

送張秘書充劉相公通汴河判官便赴江外覲省

前年見君時見君正泥蟠
去年見君處見君已風搏
朝趨赤墀前高視青雲端
新登麒麟閣通脫解豸冠
劉公領舟楫汴水揚波瀾
萬里江海通九州天地寬
昨夜動使星今旦送征鞍
老親在吳郡令弟雙同官
鱸膾刺堪憶萼羹殊可餐
旣參幕中畫復展膝下歡
因送故人行試歌行路難
何處路最難在長安
長安多權貴珂珮聲珊珊
儒生直如弦權貴不須干
斗酒取一醉孤琴爲君彈
臨岐欲有贈持以握中蘭

冬宵家會餞李郎司兵赴同州

急管雜青絲玉瓶金屈卮
寒天高堂夜撲地飛雪時
賀君關西棟新綬腰下垂
白面皇家郎逸翮青雲姿
明日之官去他辰良會稀
惜別冬夜短務歡盃
行遲季女猶自小老夫未令歸
且看匹馬行不得鳴鳳飛
昔歲到馮翊人煙接京師
曾上月樓頭遙見西嶽祠
沙苑逼官舍蓮峰壓城池
多暇或自公讀書復彈棊
棊州縣信徒勞雲霄亦可期
應須力爲政聊慰此相思

送顏平原

十二年春有詔補尚書十數公爲郡守上親賦詩餞羣公宴于蓬萊前殿仍贈以繒帛寵餞加等參美顏

公是行爲寵別章句

天子念黎庶詔書換諸侯
仙郎授剖符華省輟分憂
置酒會前殿賜錢若山丘
天章降三光聖澤該九州
吾兄鎮河朔拜命宣皇猷
駟馬辭園門一星東北流
夏雲照銀印暑雨隨行翰
赤筆仍在篋鑑香惹衣裘
此地鄰東

溟孤城弔滄洲海風掣金戟導吏呼鳴騶郊原北連燕剗劫風未休魚鹽隘里巷桑柘盈田疇爲郡豈淹旬政
成應未秋易俗去猛虎化人似馴鷗蒼生已望君黃霸寧久留

送狄員外巡按西山軍

得憲字

兵馬守西山中國非得計不知何代策空使蜀人斃八州崖谷深千里雲雪閉泉澆關道滑水凍絕橋脆戰士
常苦飢糗糧不相繼胡兵猶不歸空山積年歲儒生識損益言事皆審諦狄子幕府郎有謀必康濟胸中懸明
鏡照耀無巨細莫辭冒險艱可以裨節制相思江樓夕愁見月澄霽

杭州送鄭興宗弟歸扶風別廬

佐郡已三載豈能長後時出關少親友賴汝常相隨今日忽言別愴然俱淚垂平生滄洲意獨有青山知州縣
不敢說雲霄誰敢期因懷東谿老最憶南峰縹爲我多種藥還山應未遲

澧頭送蔣侯

君住澧水北我家澧水西兩村雜喬木五里聞鳴雞飲酒溪雨過彈碁山月低徒聞一作聞蔣生徑爾去誰相攜

送永壽王贊府還

一作歸縣得權字

當官接閑暇暫得歸林泉百里路不宿兩鄉山復連夜深露濕簾月出風驚蟬且盡主人酒爲君從醉眠

南池宴餞辛子賦得蝌斗子

臨池見蝌斗羨爾樂有餘不憂網與釣幸得免爲魚且願充文字登君尺素書

登嘉州凌雲寺作

寺出飛鳥外青峰戴朱樓搏壁躋半空喜得登上頭始知宇宙濶下看三江流天晴見峩峩如向波上浮迴曠
煙景豁陰森棕桷願割區中緣永從塵外遊迴風吹虎穴片雨當龍湫僧房雲濛濛夏月寒颼颼回合俯近
郭寥落見遠舟勝槩無端倪天宮可淹留一官詎足道欲去令人愁

與高適薛據登慈恩寺浮圖

塔勢如湧出孤高聳天宮登臨出世界磴道盤虛空兀壓神州崢嶸如鬼工四角礙白日七層摩蒼穹下窺
指高鳥俯聽聞驚風連山若波濤奔湊似朝東青槐夾馳道宮館何玲瓏秋色從西來蒼然滿關中五陵北原

上萬古青濛濛淨理了可悟勝因夙所宗普將桂冠去覺道資無窮

登千福寺楚金禪師法華院多寶塔

多寶滅已久蓮華付吾師寶塔凌太空忽如湧出時數年功不成一志堅自持明主親夢見世人今始知千家
獻黃金萬匠磨琉璃既空泰山木亦罄天府賞焚香如雲屯幡蓋瓊瑤垂悉窳神繞護衆魔不敢窺作禮觀靈
境焚香方證疑庶割區中緣脫身恒在茲

出關經華嶽寺訪法華雲公

野寺聊解鞍偶見法華僧開門對西嶽石壁音稜層竹徑厚蒼苔松門盤紫藤長廊列古畫高殿懸孤燈五月
山雨熱三峰火雲蒸側聞樵人言深谷猶積冰久願尋此山至今嗟未能謫官忽東走王程苦相仍欲去戀雙
樹何由窮一乘月輪吐山郭夜色空清澄

春半與羣公同遊元處士別業

郭南處士宅門外羅羣峰勝築忽相引春華今正濃山厨竹裏費野碓藤間春對酒雲數片捲簾花萬重巖泉
嗟到晚州縣欲歸慵草色帶朝雨灘聲兼夜鐘愛茲清俗慮何事老塵容況有林下約轉懷方外蹤

陪羣公龍岡寺泛舟

漢水天一色寺樓波底看鐘鳴長空夕月出孤舟寒映酒見山火隔簾聞夜灘紫鱗掣芳餌紅燭然金盤良友
興正愜勝遊情未闕此中堪倒載須盡主人歡

終南山雙峰草堂作

斂跡歸山田息心謝時輩畫還草堂臥但與雙峰對興來恣佳遊事愜符勝築著書高牕下日夕見城內曩爲
世人誤遂負平生愛久與林壑辭及來松杉大偶茲近精廬屢得名僧會有時逐樵漁盡水日不冠帶崖口上
新月石門破蒼靄色向羣木深一作光搖一潭碎緬懷鄭生谷頗憶嚴子瀨勝事猶可追斯人邈千載

左僕射相國冀公東齋幽居

同前韻

丞相百僚長兩朝居此官成功雲雷際翊聖天地安不矜南宮貴祗向東山看宅占鳳城勝牕中雲嶺寬午時
松軒夕六月藤齋寒玉珮冑女蘿金印耀牡丹山蟬上衣桁野鼠緣藥盤有時披道書竟日不着冠幸得趨省

聞常欣在門闌何當復持衡短翮期風搏

過緱山王處士黑石谷隱居

舊居緱山下偏識緱山雲處士久不還見雲如見君別來逾十秋兵馬日紛紛青谿開戰場黑谷屯行軍遂令巢由輩遠逐麋鹿羣獨有南澗水潺湲如昔聞

緱山西峰草堂作

結廬對中嶽青翠常在門遂耽水木興盡作漁樵言頃來闕章句但欲閒心魂日色隱空谷蟬聲喧暮村曩聞道士語偶見清淨源隱几聞吹葉乘秋眺歸根獨遊念求仲開徑招王孫片雨下南澗孤峰出東原棲遲慮益澹脫略道彌敦野禽晴拂枕客帆遙入軒尚平今何在此意誰與論佇立雲去盡蒼蒼月開圓

觀楚國寺璋上人寫一切經院南有曲池深竹

璋公不出院羣木閉深居誓寫一切經欲向萬卷餘揮毫散林鵲研墨等池魚音翻四句偈字譯五天書鳴鐘竹陰晚汲水桐花初雨氣潤衣鉢香煙泛庭除此地日清淨諸天應未如不知將錫杖早晚躡空虛

尋鞏縣南李處士別業

先生近南郭茅屋臨東川桑葉隱村戶蘆花映釣船有時著書暇盡日牕中眠且喜聞井近灌田同一泉

聞崔十二侍御灌口夜宿報恩寺

聞君尋野寺便一作宿支公房溪月冷深殿江雲擁迴廊然燈松林靜煮茗柴門香勝事不可接相思幽興長

自潘陵尖還少室居止秋夕憑眺

草堂近少室夜靜聞風松月出潘陵尖照見十六峰九月山葉赤谿雲淡秋容火點伊陽村煙深嵩角鐘尚子不可見蔣生難再逢勝愜只自知佳趣爲誰濃昨詣山僧期上到天壇東向下望雷雨雲間見回龍夕與人疎轉愛丘壑中心澹水木會與幽鳥通稀微了自釋出處乃不同况本無宦情誓將依道風

南池夜宿思王屋青蘿舊齋

池上臥煩暑不柳復不巾有時清風來自謂羲皇人天晴雲歸盡雨洗月色新公事常不閑道書日生塵早年家王屋五別青蘿春安得還舊山東谿垂釣綸

過王判官西津所居

勝迹不在遠愛君池館幽素懷巖中諾究得塵外遊何必到清谿忽來見滄洲潛移岷山石暗引巴江流樹密
晝先衣竹深夏已秋沙鳥上筆牀谿花簾簾釣夫子賤簪冕注心向林丘落日公堂垂綸乘釣舟賦詩憶楚
老載酒隨江鷗儵然一傲吏獨在西津頭

因假歸白閣西草堂

雷聲傍太白雨在八九峰東望白閣雲半入紫閣松勝繁紛滿目衡門趣彌濃幸有數畝田得延二仲蹤早聞
達士語偶與心相通誤徇一微官還山愧塵容釣竿不復把野雉無人春惆悵飛鳥盡南谿聞夜鐘

題華嚴寺環公禪房

寺南幾十峰峰翠晴可掬朝從老僧飯昨日崖口宿錫杖倚枯松繩牀映深竹東谿草堂路來往行自熟生事
在雲山誰能復羈束

東歸留題太常徐御草堂

在蜀

不謝古名將吾知徐太常年纔三十餘勇冠西南方頃曾策匹馬獨出持兩鎗虜騎無數來見君不敢當漢將
小衛霍蜀將凌關張卿月益清澄將星轉光芒復居少城北遙對岷山陽車馬日盈門賓客常滿堂曲池陰高
樹小徑穿叢篁江鳥飛入簾山雲來到牀題詩芭蕉滑對酒棕花香諸將射獵時君在翰墨場聖主賞勳業邊
城最輝光與我情綢繆相知久芬芳忽作萬里別東歸三峽長

太一石鑿崖口潭舊廬詔王學士

驟雨鳴淅瀝颺颺谿谷寒碧潭千餘尺下見蛟龍蟠石門吞衆流絕岸呀層巒幽趣倏萬變奇觀非一端偶逐
干祿徒十年皆小官抱板尋舊園弊廬臨迅湍君子滿清朝小人思挂冠釀酒漉松子引泉通竹竿何必濯滄
浪不能釣嚴灘此地可遺老勸君來考槃

林臥

偶得魚鳥趣復茲水木涼遠峰帶雨色落日搖川光白中西山藥袖裏淮南方唯愛隱几時獨遊無何鄉

驪姬墓下作

夷吾重耳墓隔河相去十三里

驪姬北原上閉骨已千秋澗水日東注惡名終不流獻公恣耽惠視子如仇
雖此事成蔓草我來逢古丘蛾眉
山月苦蟬鬢野雲愁欲弔二公子橫汾無輕舟

東歸晚次潼關懷古

暮春別鄉樹晚景低津樓伯夷在首陽欲往無輕舟
遂登關城望下見洪河流自從巨靈開流血千萬秋行行
潘生賦赫赫曹公謀川上多往事淒涼滿空洲

楚夕旅泊古興

獨鶴唳江月孤帆凌楚雲秋風冷蕭瑟落花紛紛忽思湘川老欲訪雲中君
騏驎息悲鳴愁見豺虎羣

先主武侯廟

先主與武侯相逢雲雷際感通君臣分義激魚水契遺廟空蕭然英靈貫千歲

文公講堂

文公不可見空使蜀人傳講席何時散高臺豈復全豐碑文字誠冥漠不知年

楊雄草玄臺

吾悲子雲居寂寞人已去娟娟西江月猶照草玄處精怪喜無人睢盱藏老樹

司馬相如琴臺

相如琴臺古人去臺亦空臺上寒蕭條至今多悲風荒臺漢時月色與舊時同

嚴君平卜肆

君平曾賣卜卜肆蕪已久至今杖頭錢時時地上有不知支機石還在人間否

張儀樓

傳是秦時樓巍巍至今在樓南兩江水千古長不改曾聞昔時人歲月不相待

昇僊橋

長橋題柱去猶是未達時及乘駟馬車却從橋上歸名共東流水滔滔無盡期

萬里橋

成都與維揚相去萬里地滄江東流疾帆去如鳥翅楚客過此橋東看盡垂淚

石犀

江水初蕩瀟蜀人幾爲魚向無爾石犀安得有邑居始知李太守伯禹亦不如

龍女祠

龍女何處來來時乘風兩祠堂青林下宛宛如相語蜀人競祈恩捧酒仍擊鼓

使交河郡在火山脚其地苦熱無雨雪獻封大夫

奉使按胡俗平明發輪臺暮投交河城火山赤崔巍九月尚流汗炎風吹沙埃何事陰陽工不遣雨雪來吾君
方憂邊分關資大才昨者新破胡安西兵馬回鐵關控天涯一作萬里何遠哉煙塵不敢飛白草空皚皚軍中日
無事醉舞傾金盞漢代李將軍微功合一作可吟

與鮮于庶子自梓州成都少尹自褒城同行至利州道中作

剖竹向西蜀岷峩眇天涯空深北關懸豈憚南路賒前日登七盤曠然見三巴漢水出嶠冢梁山控褒斜棧道
籠迅湍行人賞層崖巖傾劣通馬石窄難容車深林怯魍魎洞穴防龍蛇水種新插秧山田正燒畝夜猿嘯山
雨曙鳥鳴江花過午方始飯經時旋及瓜數公各遊宦千里皆辭家言笑忘羈旅還如在京華

下外江舟懷終南舊居

杉冷曉猿悲楚客心欲絕孤舟巴山兩萬里陽臺月水宿已淹時蘆花白如雪顏容老難頽把鏡悲鬢髮早年
好金丹方士傳口訣散廬終南下久與真侶別道書誰更開藥竈煙遂滅頃來壓塵網安得有仙骨巖壑歸去
來公卿是何物

安西館中思長安

家在日出處朝來起東風風從帝鄉來不異家信通絕地欲盡孤城天遂窮彌年但走馬終日隨飄蓬寂寞
不得意辛勤方在公胡塵淨古塞兵氣屯邊空鄉路眇天外歸期如夢中遙憑長房術爲縮天山東

暮秋山行

疲馬臥長坂夕陽下通津山風吹空林颯颯如有人蒼昊霽涼雨石路無飛塵千念集暮節萬籟悲蕭晨鷄

鴉昨夜鳴蕙草色已陳況在遠行客自然多苦辛

赴捷爲經龍關道

側徑轉一作青壁危梁透滄波汗流出鳥道膽碎窺龍窟一作渴驟雨暗豁口一作暮歸雲網松蘿屢聞羌兒笛厭聽巴童歌江路險復永夢魂愁更多聖朝幸典郡不敢嫌氓叟

江上一作阻風雨

江上風欲來泊舟未能發氣昏雨已過突兀山復出積浪成高丘盤渦爲嵌窟雲低岸花梅水漲灘草沒老樹地坼皮崩崖龍退骨平生抱志信艱險殊可忽

經火山

火山今始見突兀蒲昌東赤焰燒虜雲炎氛蒸塞空不知陰陽炭何獨然此中我來嚴冬時山下多炎風人馬盡汗流孰知造化功

題鐵門關樓

鐵關天西涯極目少行客關門一小吏終日對石壁橋跨千仞危路盤兩崖窄試登西樓望一望頭欲白

早上五盤嶺

平旦驅駟馬曠然出五盤江迴兩崖關日隱羣峰攢蒼煙景曙森沈雲樹寒松疎露孤驛花密藏迴灘棧道谿兩滑會田原草乾此行爲知己不覺蜀道難

峨着東脚臨江聽猿懷二室舊廬

峨着煙翠新昨夜秋雨洗分明峰頭樹倒插秋江底久別二室間圖他五斗米哀猿不可聽北客欲流涕

東歸發捷爲至泥谿舟中作

前日解侯印泛舟歸山東平旦發捷爲道遙信回風七月工水大滄波漲秋空復有峨着僧誦經在舟中夜泊防虎豹朝行逼魚龍一道鳴迅湍兩邊走連峰猿拂岸花落鳥啼簷樹重煙靄吳楚連沂沿湖海通憶昨在西掖復曾入南宮日出朝聖人端笏陪羣公不意今棄置何由豁心胸吾當海上去且學乘桴翁

阻戎瀘間羣盜凡中流余區官東歸屬

臨江路時清泊長川作

南州林莽深亡命聚其間殺人無昏曉屍積填江灣餓虎銜鬮饑鳥啄心肝腥裏灘草死血流江水殷夜雨
風蕭蕭鬼哭連楚山三江行人絕萬里無征船唯有白鳥飛空見秋月圓罷官自南蜀假道來茲川瞻望陽臺
雲惆悵不敢前帝鄉北近日瀘口南連蠻何當遇長房縮地到京關願得隨琴高騎魚向雲煙明主每憂人節
使恒在邊兵革方禦寇爾惡胡不悅吾竊悲爾徒此生安得全

郡齋閑坐

負郭無良田屈身狗微祿平生好疎曠何事就羈束幸曾趨丹墀數得侍黃屋故人盡榮寵誰念此幽獨州縣
非宿心雲山欣滿目頃來廢章句終日披案牘佐郡竟何成自悲徒碌碌

衡郡守還

漢書曰監司郡守初上事既交官史參謁至暉時復屬
後同於客次寄史立庭下通判曰衡以聽道運之命

世事何反覆一身難可料頭白翻折腰還家私自笑所嗟無產業妻子嫌不調五斗米留人東谿憶垂釣

行軍詩二首

珠息從
在風箱

吾竊悲此生四十幸未老一朝逢世亂終日不自保胡兵奪長安宮殿生野草傷心五陵樹不見二京道我皇
在行軍兵馬日浩浩胡雖尚未滅諸將懇征討昨聞成陽敗殺戮淨如埽積屍若丘山流血漲豐鎬干戈礙鄉
國豺虎滿城堡村落皆無人蕭條空桑棗儒生有長策無處豁懷抱塊然傷時人舉首哭蒼昊
早知逢世亂少小謾讀書悔不學彎弓向東射狂胡偶從諫官列謬向丹墀趨未能匡吾君虛作一丈夫撫劍
傷世路哀歌泣良圖功業今已遲覽鏡悲白鬢平生抱忠義不敢私微軀

秋夕聽羅山人彈三峽流泉

皤皤岷山老抱琴鬢蒼然衫袖拂玉徽為彈三峽泉此曲彈未半高堂如空山石林何慙慙忽在牕戶間繞指
弄鳴咽青絲激潺湲演漾怨楚雲虛徐韻秋煙疑兼陽臺雨似雜巫山猿幽引鬼神聽淨令耳目便楚客腸欲
斷湘妃淚斑斑誰裁青桐枝短以朱絲絃能含古人曲遞與今人傳知音難再逢惜君方老年曲終月已落惆
悵東齋眠

尹相公京兆府中棠樹降甘露詩

相國尹京兆政成人不欺甘露降府庭上天表無私非無他人家豈少羣木枝被茲甘棠樹美掩召伯詩園園

甜如密晶晶凝若脂千柯玉光碎萬葉珠顆垂崑崙何時來慶雲相逐飛魏宮銅盤貯漢帝金掌持王澤布人和精心動靈祇君臣日同德禎瑞方潛施何術令大臣感通能及茲忽驚政化理暗與神物期却笑趙張輩徒稱今古稀爲君下天酒醴藟將用時

劉相公中書江山畫障

相府微墨妙揮毫天地窮始知丹青筆能奪造化功蒲相在簾間虛壑樓座中忽疑鳳凰池暗與江海通粉白湖上雲黛青天際峰盡日恒見月孤帆如有風巖花不飛落澗草無春冬擔錫香鑪緇釣魚滄浪翁如何平津意尚想塵外蹤富貴心獨輕山林興彌濃喧幽趣頗異出處事不同請君爲蒼生未可追赤松

精衛

負劍出北門乘桴適東溟一鳥海上飛云是帝女靈玉顏溺水死精衛空爲名怨積徒有志力微竟不成西山木石盡巨壑何時平

石上藤

石上生孤藤弱蔓依石長不逢高枝引未得凌空上何處堪託身一作可堪託爲君長萬丈

臨河客舍呈秋明府兄留題縣南樓

黎陽城南雪正飛黎陽渡頭人未歸一作渡頭人未歸河邊酒家堪寄宿主人小女能縫衣故人高臥黎陽縣一別三年不相見邑中雨雪偏着時隔河東郡人遙羨鄴都唯見古時丘漳水還如舊日流城上望鄉應不見朝來好是嬾登樓

客舍悲秋有懷兩省舊遊呈幕中諸公

三度爲郎便白頭一從出守五經秋莫言聖主長不用其那蒼生應未休人間歲月如流水客舍秋風今又起不知心事向誰論江上蟬鳴空滿耳

白雪歌送武判官歸京

北風捲地白草折胡天八月即飛雪忽然一夜春風來千樹萬樹梨花開散入珠簾濕羅幕狐裘不煖錦衾薄

將軍角一作弓不得控都護鐵衣冷難著瀚海關千百丈一作冰愁雲黯淡萬里凝中軍置酒飲歸客胡琴琵琶與羌笛紛紛暮雪下轅門風掣紅旗凍不翻輪臺東門送君去去時雪滿天山山路山迴路轉不見君雪上空留馬行處

熱海行送崔侍御還京

側聞陰山胡兒語西頭熱海水如煮海上衆鳥不敢飛中有鯉魚長且肥海中亦有岸傍青草常不歇空中白雪暈旋滅蒸沙爍石然虜雲沸浪炎波煎漢月陰火潛燒天地鑪何事偏烘西一隅勢吞月窟侵太白氣連赤坂通單于送君一醉天山郭正見夕陽海邊落柏臺霜威寒逼人熱海炎氣爲之一作薄

輪臺歌奉送封大夫出師西征

輪臺城頭夜吹角輪臺城北旄頭落羽書昨夜過渠黎單于已在金山西戍樓西望煙塵黑漢兵屯在輪臺北上將擁旄西出征平明一作吹笛大軍行四邊伐一作鼓雪海湧三軍大呼陰山動虜塞兵氣連雲屯戰場白骨纏草根劒河風急雪片濶沙一作河口石凍馬蹄脫亞相勸王甘苦辛誓將報主靜邊塵古來青史誰不見今見功名勝古人

數水歌送竇漸入京

羅敷昔時秦氏女千載無人空處所昔時流水至今流萬事皆逐東流去此水東流無盡期水聲還似舊來時岸花仍自羞紅臉隄柳猶能學翠眉春去秋來不相待水中月色長不改羅敷養蠶空耳聞使君五馬今何在九月霜天水正寒故人西去度征鞍水底鯉魚幸無數願君別後垂尺素

天山雪歌送蕭治一作歸京

天山有雪常不開千峰萬嶺雪崔嵬北風夜捲赤亭口一夜天山雪更厚能兼漢月照銀山復逐胡風過鐵關交河城邊飛鳥絕輪臺路上馬蹄滑暗竊寒氛萬里凝關千陰崖千丈冰將軍狐裘臥不暖都護寶刀凍欲斷正是天山雪下時送君走馬歸京師雪中何以贈君別惟有青青松樹枝

火山雲歌送別

火山突兀赤亭口火山五月火雲厚火雲滿山疑未開飛鳥千里不敢來平明乍逐胡風斷薄暮渾隨塞雨回

緣繞斜吞鐵關樹象盃半掩交河戍迢迢征路火山東山上孤雲遶馬去

青門歌送東臺張判官

青門金鎖平旦開城頭日出使車回青門柳枝正堪折路傍一日幾人別東出青門路不窮驛樓官樹灑綬東花撲征衣看似繡錦雲隨去馬色疑驄胡姬酒壚日未午絲繩玉缸酒如乳灑頭落花沒馬蹄昨夜微雨花成泥黃鸝翅濕飛轉低關東尺書醉嬾題須臾望君不可見揚鞭飛鞚疾如箭借問使乎何時來莫作東飛伯勞西飛燕

梁園歌送河南王說判官

君不見梁孝王脩竹園頽牆隱轡勢仍存嬌娥曼臉成草蔓羅帷珠簾空竹根大梁一旦人代改秋月春風不相待池中幾度雁新來洲上千年鶴應在梁園中有雁池梁園二月梨花飛却似梁王雪下時當時置酒延枚叟肯料平臺孤兔走萬事翻覆如浮雲昔人空在今人口單父古來稱宓生祇今爲政有吾兄家兄時嘗單父轄軒若過梁園道應傍琴臺聞政聲

走馬川行奉送出師西征一作行

君不見走馬川行雪海邊一作君不見平沙莽莽黃入天輪臺九月風夜吼一川碎石大如斗隨風滿地石亂走匈奴草黃馬正肥金山西見煙塵飛漢家大將西出師將軍金甲夜不脫半夜軍行戈相撥風頭如刀面如割馬毛帶雪汗氣蒸五花連錢旋作冰幕中草檄硯水凝虜騎聞之應膽慄料知短兵不敢接車師西門佇獻捷

函谷關歌送劉評事使關西

君不見函谷關崩城毀壁至今在樹根草蔓遮古道空谷千年長不改寂寞無人空舊山聖朝無外一作不須關白馬公孫何處去青牛老人更不還蒼苔白骨空滿地月與古時長相似野花不省見行人山鳥何曾識關吏故人方乘使者車吾知郭丹却不如請君時憶關外客行到關西多致書

胡笳歌送顏真卿使赴河隴

君不聞胡笳聲最悲紫髯綠一作眼胡人吹吹之一曲猶未了愁殺樓蘭征戍兒涼秋八月蕭關道北風吹斷天山草崑崙山南月欲斜胡人向月吹胡笳胡笳怨今將送君秦山遙望隴山雲邊城夜夜多愁夢向月胡笳誰

喜聞

秦箏歌送外甥蕭正歸京

汝不聞秦箏聲最苦五色纏弦十三柱怨調慢聲如欲語一曲未終日移午紅亭水木不知暑忽彈黃鐘和白紵清風颯來雲不去聞之酒醒淚如雨汝歸秦兮彈秦聲秦聲悲兮聊送汝

與獨孤漸道別長句兼呈嚴八侍御

輪臺客舍春草滿潁陽歸客腸堪斷窮荒絕漠鳥不飛萬磧千山夢猶嫩憐君白面一書生讀書千卷未成名五侯貴門脚不到數畝山田身自耕興來浪跡無遠近及至辭家憶鄉信無事垂鞭信馬頭西南幾欲窮天盡秦使三年獨未歸邊頭詞客舊來稀借問君來得幾日到家不覺換春衣高齋清晝卷帷幕紗帽接羅幃不著中酒朝眠日色高彈棊夜半燈花落冰片高堆金錯盤滿堂凜凜五月寒桂林蒲萄新吐蔓武城刺蜜未可饗軍中置酒夜撾鼓錦筵紅燭月未午花門將軍善胡歌葉河蕃王能漢語知爾園林壓渭濱夫人堂上泣羅衣魚龍川北盤谿兩鳥鼠山西洮水雲臺中嚴公於我厚別後新詩滿人口自憐棄置天西頭因君爲問相思否

送費子歸武昌

漢陽歸客悲秋草旅舍葉飛愁不掃秋來倍憶武昌魚夢着只在巴陵道曾隨上將過折連離家十年恒在邊劍鋒可惜虛用盡馬蹄無事今已穿知君開館常愛客樽藉百金每一擲平生有錢將與人江上故園空四壁吾觀費子毛骨奇廣眉大口仍赤髭看君失路尚如此人生貴賤那得知高秋八月歸南楚東門一壺聊出祖路指鳳皇山北雲衣沾鸚鵡洲邊雨勿歎蹉跎白髮新應須守道勿羞貧男兒何必戀妻子莫向江村老却人

送韓巽入都覲省便赴舉

槐葉蒼蒼柳葉黃秋高八月天欲霜青門百壺送韓侯白雲千里連嵩丘北堂倚門望君憶東歸扇枕後秋色洛陽才子能幾人明年桂枝是君得

送李副使赴磧西官軍

火山六月應更熱赤亭道口行人絕知君慣度祈連城豈能愁見輪臺月脫鞍暫入酒家壚送君萬里西擊胡功名祇向馬上取真是英雄一丈夫

涼州館中與諸判官夜集

彎彎月出挂城頭

一作涼州七里城

十萬家胡人半解彈琵琶
琵琶一曲腸壅斷風蕭蕭
今夜漫漫河西暮
中多故人故人別來三五春花門樓前見秋草
豈能貧賤相看老
一生大笑能幾迴
斗酒相逢須醉倒

醉倒

酒泉太守席上醉後作

琵琶長笛曲相和

一作美酒歸金

兀羅三更醉後軍中寢
無奈秦山歸夢何

偃師東與韓樽同詣景雲寺
寺在偃師 暉上人即事

山陰老僧解楞伽
頽陽歸客遠相過
煙深草濕昨夜雨
雨後秋風波漕河
空山終日塵事少
一作出 郊遠見行人

一作人 尚書磧上黃昏鐘別駕渡頭一歸鳥

醉題匡城周少府廳壁

婦姑城南風雨秋
婦姑城中人獨愁
愁雲遮却望鄉處
數日不上西南樓
故人薄暮公事閒
玉壺美酒琥珀殷

頽陽秋草今黃盡
醉臥君家猶未還

燉煌太守後庭歌

燉煌太守才且賢
郡中無事高枕眠
太守到來山出泉
黃砂磧裏人種田
燉煌耆舊皆皓然
願留太守更五年

城頭月出星滿天
甘房置酒張錦筵
美人紅妝色正鮮
側垂高髻插金鈿
醉坐藏鈎紅燭前
不知鈎在若箇邊

爲君手把珊瑚鞭
射得半段黃金錢
此中樂事亦已偏

喜韓樽相過

三月灞陵春已老
故人相逢耐醉倒
覆頭春酒黃花脂
祿米只充沽酒資
長安城中足年少
少獨共韓侯開口笑

桃花點地紅斑斑
一作斑 斑有酒留君且莫還
與君兄弟日攜手
世上虛名好是閑

銀山磧西館

銀山磧口風似箭
鐵門關西月如練
雙雙愁淚沾馬毛
颯颯胡沙送人面
丈夫三十未富貴
安能終日守筆硯

感遇

五花驄馬七香車云是平陽帝子家
鳳皇城頭日欲斜
門前高樹鳴春鴉
漢家魯元君不聞
今作城西一古墳
昔來唯有秦王女
獨自吹簫乘白雲

太白胡僧歌

并序

太白中峰絕頂有胡僧不知幾百歲
眉長數寸身不製繒帛衣
以草葉恒持楞伽經
雲壁迴絕人跡罕到
嘗東峰有鬪虎弱者將死
僧杖而解之西湫有毒龍
久而爲患僧器而貯之
南山趙叟前年采茯苓
深入

太白偶值此僧訪我而說予恒有獨往之意聞而悅之乃爲歌曰

聞有胡僧在太白
蘭若去天三百尺
一持楞伽入中峰
世人難見但聞鐘
牕邊錫杖解兩虎
牀下鉢盂藏一作盛
一龍草衣不鍼復不線
兩耳垂肩眉覆面
此僧年幾那得知
手種青松今十圍
心將流水同清淨
身與浮雲無是非
商山老人已曾識
願一見之何由得
山中有僧人不知
城裏看山空黛色

衛節度赤驃馬歌

君家赤驃畫不得
一團旋風桃花色
紅纓紫鞵珊瑚鞭
玉鞍錦鞵黃金勒
請君鞚一作出看君騎
尾長窳地如紅絲
自矜諸馬皆不及
却憶百金新買時
香街紫陌風城內
滿城見者誰不愛
揚鞭驟急白汗流
弄影行驕碧蹄碎
紫髯胡雛金剪刀
平明剪出三鬢高
櫪上看時獨意氣
衆中牽出偏雄豪
騎將獵向南山口
城南狐兔不復有
草頭一點疾如飛
卻使蒼鷹翻向後
憶昨看君朝未央
鳴珂擁蓋滿路香
始知邊將真富貴
可憐人馬相輝光
男兒稱意得如此
駿馬長鳴北風起
待君東去埽胡塵
爲君一日行千里

田使君美人舞如蓮花北鋌歌

此南本出北同或

美人舞如蓮花旋世人
有眼應未見高堂滿地紅
氍毹試舞一曲天下無
此曲胡人傳入漢
諸客見之驚且歎
慢臉嬌娥纖復穠
輕羅金縷花蔥籠
回裾轉袖若飛雪
左鋌右鋌生旋風
琵琶橫笛和未匝
花門山頭黃雲合
忽作出塞入塞聲
白草胡沙寒颯颯
翻身入破如有神
前見後見回回新
始知諸曲不可比
采蓮落梅徒聒耳
世八學舞祇是舞恣一作姿
豈能得如此

裴將軍宅蘆管歌

遼東九月蘆葉斷
遼東小兒采蘆管
可憐新管清且悲
一曲風飄海頭滿
海樹蕭索天雨霜
管聲寥亮月蒼蒼

白狼河北堪愁恨，玄兔城南皆斷腸。遼東將軍長安宅，美人蘆管會佳客。弄調秋廳勝洞簫，發聲窈窕橫笛。夜半高堂客未回，祇將蘆管送君杯。巧能陌上驚楊柳，復向園中誤落梅。諸客愛之聽未足，高捲珠簾列紅燭。將軍醉舞不肯休，更使美人吹一曲。

韋員外家花樹歌

今年花似去年好，去年人到今年老。始知人老不如花，可惜落花君莫埽。君家兄弟不可當，列御史尚書郎。朝回花底恒會客，花撲玉缸春酒香。

醉後戲與趙歌兒

秦州歌兒歌調苦，偏能立唱濮陽女。座中醉客不得意，聞之一聲淚如雨。向使逢着漢帝憐，董賢氣咽不能語。

范公叢竹歌

序片

職方郎中兼侍御史范公乃於陝西使院內種竹，新製叢竹詩以見示。美范公之清致雅操，遂爲歌以和之。世人見竹不解愛，知君種竹府城內。此君託根幸得地，種來幾時聞已大。盛夏脩條叢色寒，閑宵槭槭葉聲乾。能清奉贖簾下見，宜對琴書牕外看。爲君成陰將蔽日，迸笋穿階踏還出。守節偏凌御史霜，虛心願比郎官筆。君莫愛南山松樹枝，竹色四時也不移。寒天草木黃落盡，猶自青青君始知。

玉門關蓋將軍歌

蓋將軍真丈夫，行年三十執金吾。身長七尺頗有鬚，玉門關城迴且孤。黃沙萬里白草枯，南鄰犬戎北接胡。將軍到來備不虞，五千甲兵膽力盡。軍中無事但歡娛，暖屋繡簾紅地爐。織成壁衣花氍毹，燈前侍婢瀉玉壺。金錯亂點野醅紫，絃金章左右趨問着。只是蒼頭奴，美人一雙閑。且都朱脣翠眉映明瞳，一作清歌一曲世所無。今日喜聞鳳將雛，可憐絕勝秦羅敷。使君五馬謾踟躕，野草繡窠紫羅襪。紅牙纓馬對樽罍，玉盤纖手撒一作作。盧象中誇道不曾輪，櫪上昂昂皆駿駒。桃花叱撥價最殊，騎將獵向城南隅。臘日射殺千年狐，我來塞外按邊儲。爲君取醉酒剝沽，醉爭酒蓋相喧呼。一作憶成陽舊酒徒。

贈酒泉韓太守

太守有能政，遙聞如古人。俸錢盡供客，家計常清貧。酒泉西望玉關道，千山萬壑皆白草。辭君走馬歸長安，憶

君侯忽令人老

贈西嶽山人李罔

君隱處當一星蓮花峰頭飯黃精仙人掌上演丹經烏可到人莫攀隱來十年不下山袖中短書誰爲達華陰道士賣藥還

送張獻心充副使歸河西雜句

將門子弟君獨賢一從受命常在邊未至三十已高位腰間金印色赭然前日承恩白虎殿歸來見者誰不羨篋中賜衣十重餘案上軍書十二卷看君謀智若有神愛君詞句皆清新澄湖萬頃深見底清冰一片光照人雲中昨夜使星動西門驛樓出相送玉瓶素蟻臘酒香金鞭白馬紫遊韉花門南燕支北張掖城頭雲正黑送君一去天外憶

送郭又雜言

地上青草出經冬今始歸博陵無近信猶未換春衣憐汝不忍別送汝上酒樓初行莫早發且宿霸橋頭功名須及早歲月莫虛擲早年已工詩近日兼注易何時過東洛早晚度盟津朝歌城邊柳韞地邯鄲道上花撲人去年四月初我正在河朔曾上君家縣北樓樓上分明見恒嶽中山明府待君來須計行程及早回到家速寬長安使待汝書封我自開

送魏升卿一作擢第歸東都因懷魏校書陸渾喬潭

井上桐葉雨一作灞亭卷秋風故人適戰勝匹馬歸山東問君今年三十幾能使香名滿人耳君不見三峰直上五千仞見君文章亦如此如君兄弟天下稀雄辭健筆皆若飛將軍金印鞶紫綬御史鐵冠重繡衣喬生作尉別來久因君爲問平安否魏侯校理復何如前日人來不得書陸渾山下佳可賞蓬閣開時日應往自料青雲未有期誰知白髮偏能長墟頭青絲白玉瓶別時相顧酒如傾搖鞭舉袂忽不見千樹萬樹空蟬鳴

送魏四落第還鄉

東歸不稱意客舍戴勝鳴臘酒飲未盡春衫縫已成長安柳枝春欲來洛陽梨花在前開魏侯池館今尚在猶有太師歌舞臺君家盛德豈徒然時人注意在吾賢莫令別後無佳句祇向墟頭空醉眠

送宇文南金放後歸太原寓居因呈太原郝主簿

歸去不得意北京關路賒却投晉山老愁見汾陽花翻作瀟陵客憐君丞相家
夜眠旅舍兩曉辭春城鴉送君繫馬青門口胡姬壚頭勸君酒爲問太原賢主人
春來更有新詩否

西亭子送李司馬

高高亭子郡城西直上千尺與雲齊盤崖壁試攀躋羣山向下飛鳥低使君五馬
天半嚼絲繩玉壺爲君提坐來一望無端倪紅花綠柳鶯亂啼千家萬井連迴
谿酒行未醉聞暮雞點筆操紙爲君題爲君題惜解攜草萋萋沒馬蹄

漁父

扁舟滄浪叟心與滄浪清不自道鄉里無人知姓名朝從灘上飯暮向蘆中宿歌
竟還復歌手持一竿竹竿頭釣絲長文餘鼓棹乘流無定居世人那得識一作深意此翁取適非取魚

登古鄴城

下馬登鄴城城空復何見東風吹野火暮入飛雲殿一作城隅南對望陵臺漳水東流不復回武
帝宮中人去盡年年春色爲誰來

邯鄲客舍歌

客從長安來驅馬邯鄲道傷心叢臺下一帶生蔓草客舍門臨漳水邊垂楊下繫
釣魚船邯鄲女兒夜沽酒對客挑燈誇數錢酩酊醉時日正午一曲狂歌壚上眠

宿蒲關東店憶杜陵別業

關門鎖歸客一夜夢還家月落河上曉遙聞秦樹鴉長安二月歸正好杜陵樹邊
純是花

感遇

北山有芳杜靡靡花正發未及得采之秋風忽吹殺君不見拂雲百丈青松柯縱使
秋風無奈何四時常作青黛色可憐杜花不相識

優鉢羅花歌

并序

參嘗讀佛經聞有優鉢羅花目所未見天寶庚申歲參忝大理評事攝監察御史領伊西北庭度支副使自公多暇乃於府庭內栽樹種藥爲山鑿池婆娑乎其間足以寄傲交河小吏有獻此花者云得之於天山之南其狀異於衆草勢龍嵒如冠弁巖然上聳生不傍引攢花中折一作折駢葉外包異香騰風秀色媚景因賞而歎曰爾不生於中土僻在遐裔使牡丹價重芙蓉譽高惜哉夫天地無私陰陽無偏各遂其生自物厥性豈以偏地而不生乎豈以無人而不芳乎適此花不遭小吏終委諸山谷亦何異懷才之士未會明主擯于林藪耶因感而爲歌歌曰

白山南赤山北其間有花人不識綠莖碧葉好顏色六瓣花九房夜掩朝開多異香何不生彼中國今生西方移根在庭媚我公堂恥與衆草之爲伍何亭亭而獨芳何不爲人之所賞兮深山窮谷委嚴霜吾竊悲陽關道路長曾不得獻于君王

蜀一作葵花歌美華作劉春虛詩注云附見本參詩

昨日一花開今日一花開今日花正好昨日花已老始知人老不如花可惜落花君莫埽上二句與家勣詩同歌相重他本多無此二句不得長少年莫惜牀頭沽酒錢請君有錢向酒家君不見蜀葵花

題李士曹廳壁畫度雨雲歌

似出棟梁裏如和風雨飛椽曹有時不敢歸謂言雨過濕人衣

入蒲闥先寄秦中故人

秦山數點似青黛渭上一作水一條如白練京師故人不可見寄將兩眼看飛燕

長門怨

君王嫌妾妬閉妾在一作向長門舞袖重新寵愁眉結舊思綠錢侵履跡紅粉濕啼痕羞被天桃笑看春獨不言

寄左省杜拾遺

聯步趨丹陛分曹限紫微曉隨天仗入暮惹御香歸白髮悲花落青雲羨鳥飛聖朝無闕事自覺諫書稀

歲暮磧外寄元搗

西風傳戍鼓南望見前軍沙磧人愁月山城犬吠雲別家逢逼歲出塞獨離羣
到陽關白書今遠報君

寄宇文判官

西行殊未已東望何時還終日風與雪連天沙復山二年領公事兩度過陽關
相憶不可見別來頭已斑

宿關西客舍寄東山嚴許二山人時天寶初七月初三日在內學見有高一本有道舉徵別本俱作七月三日在內學見有高道舉徵

宿關西客舍寄東山嚴許二山人

雲送關西雨風傳渭北秋孤燈然客夢寒杵搗鄉愁灘上思嚴子山中憶許由蒼生今有望飛詔下林丘

丘中春臥寄王子

田中開白室林下閉玄關卷跡人方處無心雲自閑竹深喧暮鳥花缺露春山勝事那能說王孫去未還

江行夜宿龍吼灘臨眺思裴君隱者兼寄幕中諸公

官舍臨江口灘聲人一作慣聞水煙晴吐月山火夜燒雲且欲尋方士無心戀使君異鄉何可住況復久離羣

漢川山行呈成少尹

西蜀方攜手南宮憶比肩平生猶不淺羈旅轉相憐山店雲迎客江村犬吠船秋來取一醉須待月光眠

奉和杜相公初發京城作

按節辭黃閣登壇戀赤墀銜恩期報主授律遠行師野鶴迎金印郊雲拂畫旗叨陪幕中客敢和出車詩

敬酬李判官使院即事見呈

公府日無事吾徒只是閑草根侵柱礎苔色上門關飲硯時見鳥卷簾晴對山新詩吟未足昨夜夢東還

號州酬辛侍御見贈

門柳葉已大春花今復闌鬢毛方二色愁緒日千端夫子屢新命鄙夫仍舊官相思難見面時展尺書看

酬崔十三侍御登玉壘山思故園見寄

玉壘天晴望諸峰盡覺低故園江樹北斜日嶺雲西曠野看人小長空共鳥齊高山徒仰止不得日攀躋

南樓送衛憑字

近縣多過客似君誠亦稀南樓取涼好便送故人歸鳥向望中滅雨侵晴處飛應須乘月去且為解征衣

送王伯倫應制授正字歸

當年最稱意數子不如君戰勝時偏許名高人共一作聞半天城北兩斜日瀟西雲科斗皆成字無令錯古文

送宇文舍人出宰元城得賜字

雙鳧出未央千里過河陽馬帶新行色衣聞舊御香縣花迎墨綬關柳拂銅章別後能為政相思淇水長

崔駙馬山池重送宇文明府得苗字

竹裏過紅橋花間藉綠苗池涼醒別酒山翠拂行鑣鳳去妝樓閉鳧飛葉縣遙不逢秦女在何處聽吹簫

送李郎尉武康

潘郎腰綬新霽上縣花春山色低官舍湖光映吏人不須嫌邑小莫即取家貧更作東征賦知君有老親

磧西頭送李判官入京

一身從遠使萬里向安西漢月垂鄉淚胡沙費一作馬蹄尋河愁地盡過磧覺天低送子軍中飲家書醉裏題

陪使君早春西亭送王贊府赴選得歸字

西亭繫五馬為送故人歸客舍草新出關門花欲飛到來逢歲酒却去換春衣吏部應相待如君才調稀

送劉郎將歸河東同用邊字

借問虎賁將從軍凡幾年殺人寶刀缺走馬貂裘穿山雨醒別酒關雲迎渡船謝君賢主將豈忘輪臺邊朱智北涼亭送

中丞故有下句

澧水東店送唐子歸嵩陽

野店臨官路重城壓御隄山開瀟水北兩過杜陵西歸夢秋能作鄉書醉蠟題橋回忽不見征馬尚聞嘶

西亭送蔣侍御還京得來字

忽聞驄馬至喜見故人來欲語多時別先愁計日回山河宜晚眺雲霧待一作君開為報烏臺客須憐白髮催

水亭送劉顥使還歸節度得佳字

無計留君住應須絆馬蹄紅亭莫惜醉白日眼看低解帶憐高柳移牀愛小谿此來相見少正一作事各東西

送楊錄事充潼關判官得江字一作充使

夫子方寸裏秋天澄霽江關西望第一郡內政無雙狹窄平珠箔連宵傾玉缸平明一作使乎猶未醉斜月隱書一作高聽

送裴判官自賊中再歸河陽幕府

東郊未解圍忠義似君稀誤落胡塵裏能持漢節歸卷簾山對酒上馬雪沾衣却向嫫媧幕翩翩去若飛

送陝縣王主簿赴襄陽成親

六月襄山道三星漢水邊求風應不速去馬賸須鞭野店愁中雨江城夢裏蟬襄陽多故事爲我訪先賢

送李卿賦得孤島石得嶽

一片他山石巉巖映小池綠窠攢刺蘚尖碩一作頂坐鷓鴣水底看常倒花邊勢欲欹君心能不轉卿月豈相離

送王錄事卻歸華陰王錄事自帝許討賊賊州錄事參軍旬日即復舊官

相送欲狂歌其如此別何琴轅人共惜解印日無多仙掌雲重見關門路再過雙魚莫不寄縣外是黃河

送二十二兄北遊尋羅中

斗柄欲東指吾兄方北遊無媒謁明主失計干諸侯夜雪入穿履朝霜凝敝裘遙知客舍飲醉裏聞春鴻

送鄭堪歸東京汜水別業得開

客舍見春草忽聞思舊山看君瀟陵去匹馬成臯還對酒風與雪向家河復關因悲宦遊子終歲無時閑

送崔全被放歸都觀省

夫子不自銜世人知者稀來傾阮氏酒去著老萊衣渭北草新出關東花欲飛楚王猶自惑宋玉且將歸

送孟孺卿落第歸濟陽

獻賦頭欲白還家衣已穿羞過滎陵樹歸種汶陽田客舍少鄉信牀頭無酒錢聖朝徒側席濟上獨遺賢

送裴校書從大夫淄川觀省

尚書未一作出出守愛子向青州一路通關樹孤城近海樓懷中江橘熟倚處戟門秋更奉輕軒去知君無客愁

送楊千牛一作秋赴汝南郡觀省便成婚得東

問古轉征鞍安仁道姓潘歸期明主賜別酒故人歡珠箔障壺暖狐裘耐臘寒汝南遙倚望蚤去及春盤

送胡象落第歸王屋別業

看君尚少年不第莫悽然可即疲獻賦山村歸種田野花迎短褐河柳拂長鞭置酒聊相送青門一醉眠

送顏韶

遷客猶未老聖朝今復歸一從襄陽住幾度梨花飛世事了可見憐君人亦稀相逢貪醉臥未得作春衣

送杜佐下第歸陸渾別業

正月今初欲半陸渾花未開出關見青草春色正東來夫子且歸去明時方愛才還須及秋賦莫卽隱蒿萊

送張郎中赴隴右觀省卿公時張卿公亦充荆襄節度使

中郎鳳一毛世上獨賢豪弱冠已銀印出身唯寶刀還家卿月迴度隴將星高幕下多相識邊書醉懶操

送楚丘麴少府赴官

青袍美少年黃綬一神仙微子城東面梁王苑北邊桃花色似馬榆莢小於錢單父聞相近家書早爲傳

送蜀郡李椽一作按察

飲酒俱未醉一言聊贈君功曹善爲政明主選應聞夜宿劔門月朝行巴水雲江城菊花發滿道香氣氤

送鄭少府赴滄陽

子真河朔尉邑里帶清漳春草迎袍色晴花拂綬香青山入官舍黃鳥度官牆若到銅臺上應憐魏寢荒

還高冠潭口留別舍弟

昨日山有信祇今耕種時遙傳杜陵吏怪我還山遲獨向潭上酌無人林下碁東谿憶汝處閑臥對鷓鴣

禮泉東谿送程皓元鏡微入蜀得寒字

蜀郡路漫漫梁州過七盤二人來信宿一縣醉衣冠谿逼春衫冷林交宴席寒西南如噴酒遙向雨中看

夏初禮泉南樓送太康顏少府

何地堪相餞南樓出萬家可憐高處送遠見故人車野果新成子庭槐欲作花愛君兄弟好書向穎中誇

送嚴旼擢第歸蜀

巴江秋月新閣道發征輪戰勝眞才子名高勳世人工文能似舅擢第去榮親十月天官待應須早赴秦

送張直公歸南鄭拜省

夫子思何速世人皆歎奇萬言不加點七步猶嫌遲對酒落日後還家飛雪時北堂應久待鄉夢促征期

送周子落第遊荆南

足下復不第家貧尋故人且傾湘南酒羞對關西塵山店橘花發江城楓葉新若從巫峽過應見楚王神

送薛彥偉擢第東歸

時輩似君稀青春戰勝歸名登都說第身著老萊衣稱意人皆羨還家馬若飛一枝誰不折棣萼獨相輝

送楊瓌一作張子尉南海

不擇南州尉高堂有老親樓臺重登氣邑里雜鮫人海暗三山雨花一作江明五嶺春此鄉多寶玉慎莫厭清貧

鳳翔府行軍送程使君赴成州

程侯新出守好日發行軍拜命時人羨能官聖主聞江樓黑塞兩山郭冷秋雲竹馬謫童子朝朝待使君

送張昇卿宰新淦

官柳葉尚小長安春未農送君潯陽宰把酒青門鐘水驛楚雲冷山城江樹重遙知南湖上祇對香爐峰

送陳子歸陸渾別業

雖不舊相識知君丞相家故園伊川上夜夢方山花種藥畏春過出關愁路賒青門酒壚別日暮東城鴉

稠桑驛喜逢嚴河南中丞便別得時字

駟馬映花枝人人夾路窺離心且莫問春草自應知不謂青雲客猶思紫禁時參卷四別君能幾日看取鬢成絲

送蒲秀才擢第歸蜀

去馬疾如飛看君戰勝歸新登都說第更著老萊衣上四句與送薛彥偉詩相同漢水行人少巴山客舍稀向南風候暖臘月見春輝

送郭司馬赴伊吾郡請示李明府郭子京

安西美少年脫劍卸弓弦不倚將軍勢皆稱司馬賢秋山城北面古治郡東邊江一作上舟中月遙思李郭仙

送滕亢擢第歸蘇州拜親

送爾姑蘇客滄波秋正涼橘懷三箇去桂折一枝將一作湖上山當舍天邊水是鄉江村人事少時作捕魚郎

送任郎中出守明州

罷起郎官草初封刺史符城邊樓枕海郭裏樹侵湖郡政傍連楚朝恩獨借吳觀濤秋正好莫不上姑蘇
臨洮客舍留別祁四

無事向邊外至今仍不歸三年絕鄉信六月未春衣客舍洸水聒孤城胡雁飛心知別君後開口笑應稀
送弘文李校書往漢南拜親

未識已先聞清辭果出羣如逢禰處士似見鮑參軍夢暗巴山雨家連漢水雲慈親思愛子幾度泣霑霈
送李別將攝伊吾令充使赴武威便寄崔員外

詞賦滿書囊胡爲在戰場行間脫寶劍邑里挂銅章馬疾飛行千里鳧飛向五涼遙知竹林下星使對星郎
送四鎮薛侍御東歸

相送淚沾衣天涯獨未歸將軍初得罪門客復何依夢去湖山濶書停隴雁稀園林幸接近一爲到柴扉
送張都尉東歸

白羽綠弓弦年年只在邊還家劍鋒盡出塞馬蹄穿逐虜西踰海平胡北到天封侯應不遠燕領豈徒然
送樊侍御使丹陽便親

臥病窮巷晚忽驚馳馬來知君京口去借問幾時回驛舫江風引鄉書海雁催慈親應倍喜愛子在霜臺
送張卿郎君赴硤石對

卿家送愛子愁見滿頭春草羨青袍色花隨黃綬新縣西函谷路城北大陽津日暮征鞍去東郊一片塵
送顏少府投鄭陳州

一尉便垂白數年唯草玄出關策匹馬逆旅聞秋蟬愛客多酒債罷官無俸錢知君羈思少所適主人賢
趙少尹南亭送鄭侍御歸東臺得長字

紅亭酒麴香白面繡衣郎砌冷蟲喧座簾疎雨一作到牀鐘催離興急絃逐一作醉歌長關樹應先落隨君滿鬢
路霜

祁四再赴江南別詩

萬里來又去三湘東復西別多人換鬢行遠馬穿蹄山驛秋雲冷江帆暮雨低憐君不解說相憶在書題

送許員外江外置常平倉

詔置海陵倉朝推畫省郎還家錦服貴出使繡衣香水驛風催舫江樓月透牀仍懷陸氏橋歸獻老親嘗

送秘書虞校書赴虔鄉丞

花綬傍腰新關東縣欲春殘書厭科斗舊關別麒麟處坂臨官舍條山映吏人看君有知己坦腹向平津

送江陵臬少府赴任便呈衛荊州

神仙吏姓梅人吏待君來渭北草新出江南花已開城邊宋玉宅峽口楚王臺不畏無知己荊州甚愛才

奉送李太保兼御史大夫充渭北節度使

即太尉

詔出未央宮登壇近總戎上公周太保副相漢司空弓抱一作挽關西月旗翻渭北風弟兄皆許國天地荷成功

送江陵黎少府

悔繫腰間綬翻爲膝下愁那堪漢水遠更值楚山秋新橋香官舍征帆拂縣樓王城一作不敢住豈是愛荊州

虢州送天平何丞入京市馬

關樹晚蒼蒼長安近夕陽回風醒別酒細雨濕行裝習戰邊塵黑防秋塞草黃知君市駿馬不是學燕王

送揚州王司馬

君家舊淮水上到揚州海樹青官舍江雲黑郡樓東南隨去鳥人吏待行一作舟爲報吾兄道如今已白頭

陝州月城樓送辛判官入奏

送客飛鳥外城頭樓最高樽前遇風雨臆裏動波濤謁帝向金殿隨身唯寶刀相思瀟陵月祇有夢偏勞

送王七錄事赴虢州

早歲即相知嗟君最後時青雲仍未達白髮欲成絲小店關門樹長河華岳祠弘農人吏待莫使馬行遲

閩鄉送上官秀才歸關西別業

風塵奈汝一作何終日獨波波親老無官養家貧在外多醉眠輕白髮春夢渡黃河相去關城一作近何時更肯過

送羽林長孫將軍赴歙州

剖竹向江濱能名計日間隼旗新刺史虎劔舊將軍驛舫宿湖月州城浸海雲青門酒樓上欲別醉醺醺

送崔主簿赴夏陽

常愛夏陽縣往年曾再過縣中饒白鳥郭外是黃河地近行程少家貧酒債多知君新稱意好得奈春何

送梁判官歸女几舊廬

女几知君憶春雲相逐歸草堂開藥裹苔壁取荷衣老竹移時小新花舊處飛可憐真傲吏塵事到山稀

送懷州吳別駕

灞上柳枝黃墟頭酒正香香流飲去馬暮雨濕行裝驛路通函谷州城接太行覃懷人總喜別駕得王祥

送人歸江寧

楚客憶鄉信向家湖水長住愁春草綠去喜桂枝香海月迎歸楚江雲引到鄉吾兄應借問爲報鬢毛霜

送襄州任別駕

別乘向襄州蕭條楚地秋江聲官舍裏山色郡城頭莫羨黃公蓋須乘彥伯舟高陽諸醉客唯見古時丘

送李司諫歸京

別酒爲誰香春官駁正郎醉經秦樹遠夢怯漢川長雨過風頭黑雲開日脚黃知君解起草早去入文昌

送縣州李司馬秩滿歸京因呈李兵部

久客厭江月罷官思早歸眼看春光_{一作色}老羞見梨花飛劔北山居小巴南音信稀因君報兵部愁淚日沾衣

送崔員外入秦

欲謁明光殿先_{一作應}趨建禮門仙郎去得意亞相正承恩竹裏巴山道花間漢水源憑將兩行淚爲訪邵平園

送柳錄事赴梁州

英掾柳家郎離亭酒裏香折腰思漢北隨傳過巴陽江樹連官舍山雲到臥牀知君歸夢積去去劔川長

送韋侍御先歸京

聞欲朝龍闕應須拂身冠風霜隨馬去炎暑爲君寒客淚題書落鄉愁對酒寬先憑報親友後月到_{一作客}長安

送裴侍御赴楚歲入京

羨他馳馬郎元日謁明光立處聞天語朝回惹御香臺寒柏樹綠江暖柳條黃惜別津亭暮揮戈憶魯陽

送顏評事入京

顏子人歎屈官遊今未遲佇聞明主用豈負青雲委江柳秋吐葉山花寒滿枝知君客一作愁處月滿一作出巴川時

送趙侍御歸上都

驄馬五花毛青雲歸處高霜隨驅夏暑風逐振江濤執簡皆推直勤王豈告勞帝城誰不戀回望動離騷

送楊子

斗酒渭城邊壚頭耐醉眠梨花千樹雪楊一作葉萬條煙惜別添壺酒臨岐贈馬鞭看君頰上去新月到家圓

送人赴安西

上馬帶胡鈞翩翩度隴頭小來思報國不是愛封侯萬里鄉為夢三邊月作愁早須清黠虜無事莫經秋

發臨洮將赴北庭留別一作得飛

聞說輪臺路連年一作見雪飛春風曾一作不到漢使亦應一作稀白草通疎勒青山過武威勤王敢道遠一作不私向

夢中歸

臨洮泛舟趙仙舟自北庭罷使還京

白髮輪臺使邊功竟不成雲沙萬里地孤負一書生池上風迴舫橋西雨過城醉眠鄉夢罷東望羨歸程

春日醴泉杜明府承恩五品宴席上賦詩

兔烏舊稱仙鴻私降自天青袍移草色朱綬奪花然邑裏雷仍震臺中星欲懸吾兄此棲棘因得賀初筵

早春陪崔中丞同泛沔花谿宴

旌節臨谿口寒郊陡覺暄紅亭移酒席畫舸逗江村雲帶歌聲颺風飄舞袖翻花間催秉燭川上欲黃昏

喜華陰王少府使到南池宴集

有客至鈴下自言身姓梅仙人掌裏使黃帝鼎邊來竹影拂棋局荷香隨酒杯池前堪醉臥待月未須回

行軍雪後月夜宴王卿家

子夜雪華餘卿家月影初酒香薰枕席爐氣煖軒除晚歲官情薄行軍歡宴疎相逢剝取醉身外盡空虛

梁州陪趙行軍龍岡寺北庭泛舟宴王侍御一作字長

誰宴霜臺使行軍粉署郎唱歌江鳥沒吹笛岸花香酒影搖新月灘聲聒夕陽江鐘聞已暮歸櫂綠川長

奉陪封大夫宴得征字時封公兼鴻臚卿

西邊虜盡平何處更專征暮下人無事軍中政已成座參殊俗語樂雜異方聲醉裏東樓月偏能照列卿

陪封大夫宴瀚海亭納涼

細管雜青絲千杯倒接羅軍中乘興出海上納涼時日沒鳥飛急山高雲過遲吾從大夫後歸路擁旌旗

號州西亭陪端公宴集

紅亭出鳥外駿馬繫雲端萬嶺隄前睥千家肘底看開瓶酒色嫩踏地葉聲乾爲逼霜臺使重裘也覺寒

陪使君早春東郊遊眺

太守擁朱輪東郊物候新鶯聲隨坐嘯柳色喚行春谷口雲迎馬谿邊水照人郡中叨佐理何幸接芳塵

雪後與羣公過慈恩寺

乘興忽相招僧房暮與朝雪融雙樹濕沙閣一燈燒竹外山低塔藤間院隔橋歸家如欲懶俗慮向來銷

與鄆縣羣官泛漢陂

萬頃浸天色千尋窮地根舟移城入樹岸澗水浮村閣鶯驚鶯管潛蚪傍酒樽暝來呼小吏列火儼歸軒

與鄆縣源少府泛漢陂

載酒入天色水涼難醉人清搖縣郭動碧洗雲山新吹笛驚白鷺垂竿跳紫鱗憐君公事後陂上日娛賓

終南東谿中作

谿水碧於草潺湲花底流沙平堪濯足石淺不勝舟洗藥朝與暮釣魚春復秋興來從所適還欲向滄洲

與鮮于庶子泛漢江

急管更須吹杯行一作金杯莫遣遲酒光紅琥珀江色碧琉璃日影浮歸櫂蘆花罨釣絲山公醉不醉問取葛疆知

晦日陪侍御泛北池

春池滿復寬晦節耐邀歡月帶蝦蟇冷霜隨解身寒水雲低錦席岸柳拂金盤日暮舟中散都人夾道看

登涼州尹臺寺

胡地三月半梨花今始開因從老僧飯更上夫人臺清唱雲不去彈弦風颯來應須一倒載還似山公回

登總持閣

高閣逼諸天登臨近日邊晴開萬井樹愁看五陵煙檻外低秦嶺隴中小渭川蚤知清淨理常願奉金仙

奉陪封大夫九日登高

九日黃花酒登高會昔聞霜威逐亞相殺氣傍中軍橫笛驚征雁嬌歌落塞雲邊頭幸無事醉舞荷吾君

郡齋平望江山

水路東連楚人煙北接巴山光圍一郡江月照千家庭樹純栽橘園畦半種茶夢魂知憶處無夜不京華

宿岐州北郭嚴給事別業

郭外山色暝主人林館秋疎鐘入臥內片月到牀頭暹夜惜已半清言殊未休君雖在青瑣心不忘滄洲

暮秋會嚴京兆後廳竹齋

京兆小齋寬公庭半藥闌甌香茶色嫩隄冷竹聲乾盛德中朝貴清風畫省寒能將吏部鏡照取寸心看

省中即事

華省謬爲郎蹉跎曠已蒼到來恒襜被隨例且含香竹影遮隄暗花陰拂簟涼君王新賜筆草奏向明光

尋陽七郎中宅即事

萬事信蒼蒼機心久已忘無端來出守不是厭爲郎兩滴芭蕉赤霜催橘子黃逢君開口笑何處有他鄉

攜琴酒尋閻防崇濟寺所居僧院

相訪但尋鐘門寒古殿松彈琴醒暮酒卷幔引諸峰事愜林中語人幽物外蹤吾廬幸接近茲地興偏濃

春尋河陽陶處士別業

風暖日暎暎黃鸝飛近村花明潘子縣柳暗陶公門藥椀搖山影魚竿帶水痕南橋車馬客何事苦喧喧

晚過盤石寺禮鄭和尚

暫詣高僧話來尋野寺孤岸花藏水碓谿水一作映風爐頂上巢新鷓一作鷓衣中帶一作珠舊珠談禪未得去輟權且

尋少室張山人聞與偃師周明府同入都

中峰鍊金客昨日遊人間葉縣鬼共去葛陂龍暫還春雲湊深水秋雨懸空山寂寂清谿上空餘丹竈閑
虢州臥疾喜劉判官相過水亭

武威一作春暮閻宇文判官西使還已到晉昌

岸一作兩兩過城頭黃鸝上戍樓塞花飄客淚邊柳挂鄉愁白髮悲明鏡青春換敵裘君從萬里使聞已到瓜州
虢州南池候嚴中丞不至

春興思南山舊廬招柳建正字

池上日相待知君殊未回徒教柳葉長漫使梨花開駟馬去不見雙魚空往來思想一作想思不解說孤負舟中杯
終歲不得意春風今復來自憐蓬壺改羞見梨花開西掖誠可戀南山思早回園廬幸接近相與歸蒿萊
郡齋南池招楊驎

高冠一作官谷口招一作贈鄭野

郡僻人事少雲山常一作作眼前偶從池上醉便向舟中眠與子居最近周官情又偏閑時耐相訪正有牀頭錢
谷口來相訪空齋不見君澗花然暮雨潭樹煖春雲門徑稀人迹蒼峰下鹿羣衣裳與枕席山靄碧氛氳
題新鄉王釜廳壁

題山寺僧房

憐君守一尉家計復清貧米嘗不足俸錢供與人城頭蘇門樹陌上黎陽塵不是舊相識聲同心自親
題影搖羣木牆陰戴一峰野爐風自熱山碓水能春勤學翻知誤為官好欲備高僧曠不見月出但聞鐘
漢上題韋氏莊

題永樂韋少府廳壁

結茅間楚客卜築漢江邊日落數歸鳥夜深聞扣舷水痕侵岸柳山翠借厨煙調笑提筐婦春來蠶幾眠
大河南郭外終日氣昏昏白鳥下公府青山當縣門故人是邑尉過客駐征軒不憚煙波澗思君一笑言

題金城臨河驛樓

古戍依重險高樓見五涼山根盤駁道河水浸城牆庭樹巢鸚鵡園花隱麝香忽如江浦上憶作捕魚郎

初授官題高冠草堂

三十始一命宦情多欲罷自憐無舊業不敢恥微官澗水吞樵路山花醉藥欄祗緣五斗米辜負一漁竿

題虢州西樓

錯料一生事蹉跎今白頭縱橫皆失計妻子也堪羞明主雖然棄丹心亦未休愁來無去處祇上郡西樓

夜過盤石隔河望永樂寄閨中效齊梁體

盈盈一水隔寂寂二更初波上思羅襪魚邊憶素書月如君已畫雲似髮新梳春物知人意桃花笑索居

河西春暮憶秦中

渭北春已老河西人未歸遙城細草出客館梨花飛別後鄉夢數昨來家信稀涼州三月半猶未脫寒衣

過酒泉憶杜陵別業

昨夜宿祈連今朝過酒泉黃沙西際海白草北連天愁裏難消日歸期尚隔年陽關萬里夢知處杜陵田

早發馮者懷終南別業

曉笛別鄉波秋水鳴馬蹄一身虜雲外萬里胡天西終日見征戰連年聞鼓擊故山在何處昨日夢清谿

宿鐵關西館

馬汗踏成泥朝馳幾萬蹄雪中行地角火處宿天倪塞迴心常怯鄉遙夢亦迷那知故園月也到鐵關西

首秋輪臺

異域陰山外孤城雪海邊秋來唯有雁夏盡不聞蟬雨掃牆濕風搖毳幕羶輪臺萬里地無事歷三年

北庭作

雁塞通鹽澤龍堆接醋溝孤城天北畔絕域海西頭秋雪春仍下朝風夜不休可知年四十猶自未封侯

輪臺即事

輪臺風物異地是古單于三月無青草千家盡白榆蕃書文字別胡俗語音殊愁見流沙北天西海一隅

還東山洛上作

楊固店

春流急不淺歸棹去何遲
愁客葉舟裏夕陽花水時
雲晴開蟠螭權發起
鷓鴣莫道東山遠
衝門在夢思

客舍梨葉赤鄰家聞擣衣
夜來曾有夢墜淚緣思歸
洛水行欲盡
縵山看漸微
長安祇千里何事信音稀

巴南舟中思陸渾別業

瀘水南州一作舟遠巴山北
客稀嶺雲撩亂起
谿鷺等閑飛
鏡裏愁衰鬢
舟中換旅衣
夢魂知憶處
無夜不先歸

晚發五渡

客厭巴南地鄉鄰
劔北天江村
片雨外野寺夕陽邊
芋葉藏山徑
蘆花雜一作開渚田
舟行未可住
乘月且須牽

巴南舟中夜市一作夜

渡口欲黃昏
歸人爭渡喧
近鐘清野寺
遠火點一作照江村
見雁思鄉信
聞猿積淚痕
孤舟萬里外一作夜秋月不堪論

江上春歎

臘月江上暖南橋
新柳枝春風觸處到
憶得故園時
終日不如意
出門何所之
從人覓顏色
自笑弱男兒

初至健爲作

山色軒檻內
灘聲枕席間
草生公府靜
花落訟庭閒
雲雨連三峽
風塵接百蠻
到來能幾日
不覺鬢毛斑

使院中新栽柏樹子呈李十五栖筠

愛爾青青色
移根此地來
不曾臺上種
留向磧中栽
脆葉欺門柳
狂花笑院梅
不須愁歲晚
霜露豈能摧

詠郡齋壁畫片雲得歸字

雲片何人畫
塵侵粉色微
未曾行雨去
不見逐風歸
只怪偏疑壁
回看欲惹衣
丹青忽借便
移向帝鄉飛

臨洮龍興寺玄上人院同詠青木香叢

移根自遠方
種得在僧房
六月花新吐
三春葉已長
抽莖高錫杖
引影到繩牀
只爲能除疾
傾心向藥王

成王挽歌

幽山悲舊桂
長坂愴餘蘭
地底孤燈冷
泉中一鏡寒
銘旌門客送
騎吹路人看
漫作琉璃椀
淮王誤合丹

苗侍中挽歌二首

攝政朝章重持衡國相尊筆端通造化掌內運乾坤青史遺芳滿黃樞故事存空悲渭橋路誰對漢皇言
天子悲元老都人惜上公優賢几杖在會葬市朝空丹旆飛斜日清銘怨暮風平生門下客繼美廟堂中

故僕射裴公挽歌三首

盛德資邦傑嘉謀作世程門瞻駟馬貴時仰八龍名罷市秦人送還鄉終老迎莫埋丞相印留着付玄成

五一作府瞻高位三台喪大賢禮容還故絳寵贈冠一作冠新田氣歌汾陰鼎魂飛京兆阡先時劍已沒隴樹久蒼然
富貴徒言久鄉閭歿後歸錦衣都未着丹旆忽先飛哀挽辭秦塞悲笳出帝畿遙知九原上漸覺一作弔人稀

河西太守杜公挽歌四首

蒙叟悲藏壑殷宗惜濟川長安非舊日京兆是新阡黃霸官猶屈蒼生望已愆唯餘卿月在留向杜陵懸
鼓角一作吹城中出墳塋郭外新兩隨思太守雲從送夫人萬里埋雙劍松門閉萬春回瞻北堂上金印已生塵

憶昨明光殿新承天子恩剖符移北地授鉞領西門塞草迎軍幕邊雲拂使軒至今聞隴外戎虜尚亡魂
漫漫澄波澗沈沈大厦深秉心常匪席一作石行義每揮金汲引窺蘭室招攜入翰林多君有令子猶注世人心

故河南尹岐國公贈工部尚書蘇公挽歌二首

河尹思榮舊尚書寵贈新一門傳畫戟幾世駕朱輪夜色何時曉泉臺不復春唯餘朝服在金印已生塵
白日扁泉戶青春掩夜臺舊堂階草長空院砌花開山晚銘旌去郊寒騎吹回三川難可見應惜庾公才

韓員外夫人清河縣君崔氏挽歌二首

令德當時重高門舉世推從夫榮已絕封邑寵難追陌上人皆惜花間鳥亦悲仙郎看隴月猶憶畫眉時
遽聞傷別知忽復歎藏舟燈冷泉中夜衣寒地下秋青松弔客淚丹旆路人愁徒有清河在空悲逝水流

西河郡太原守張夫人挽歌

鶴印慶仍傳魚軒寵莫先從夫元凱貴訓子孟軻賢龍是雙歸日鸞非獨舞年哀容今共盡悽愴杜陵田

南溪別業

結宇依青嶂開軒對翠嶙樹交花兩色溪合水重流竹徑春來埽蘭樽夜不收逍遙自得意鼓腹醉中遊

奉和中書舍人賈至早朝大明宮

雞鳴紫陌曙光寒，鶯轉皇州春色

一作

曉鐘開萬戶，玉階仙仗擁千官。

一作

劍珮星初落，柳拂旌旗

露未乾，獨有鳳皇池上客，陽春一曲和皆難

和祠部王員外雪後早朝即事

長安雪後似春歸，積素凝華速曙暉。色借玉珂迷曉騎，光添銀燭晃朝衣。西山落月臨天仗，北闕晴雲捧禁闈。

聞道仙郎歌白雪，由來此曲和人稀

奉和一本有杜字相公發益昌

相公臨戎別一作帝京，擁麾持節遠橫行。朝登劍閣雲隨馬，夜渡巴江雨洗兵。山花萬朵迎一作征蓋，川柳千條拂

去旌。暫到蜀城應計日，須知明主待持衡

秋夕讀書幽興獻兵部李侍郎

年紀蹉跎四十強，自憐頭白始爲郎。雨滋苔蘚侵塔綠，秋塚梧桐覆井黃。驚蟬也解求高樹，旅雁還應厭後行。

覽卷試穿鄰舍壁，明燈何惜借餘光

使君席夜送嚴河南赴長水字得時

嬌歌急管雜青絲，銀燭金杯映翠眉。使君地主能相送，河尹天明坐莫辭。春城月出人皆醉，野戍花深馬去遲。

寄聲報爾山翁道，今日河南勝昔時

暮春虢州東亭送李司馬歸扶風別廬

柳擘鶯嬌花復殷，紅亭綠酒送君還。到來函谷愁中月，歸去磻谿夢裏山。簾前春色應須惜，世上浮名好是閑。

西望鄉關腸欲斷，對君衫袖淚痕斑

九日使君席奉餞衛中丞赴長水

節使橫行西一作出師，鳴弓擐甲羽林兒。臺上霜風凌草木，軍中殺氣傍旌旗。預一作知漢將宣威日，正是胡塵欲

滅時。爲報使君多泛菊，更將絃管醉東籬

西掖省即事

西掖重雲開曙暉
北山疎雨點朝衣
千門柳色連青瑣
三殿花香入紫微
平明端笏陪鸞列
薄暮垂鞭信馬歸
官拙自悲頭白盡
不如巖下一作偃荆扉

首春渭西郊行呈藍田張二主簿

迴風度雨渭城西
細草新花踏作泥
秦女峰頭雪未盡
胡公陂上日初低
愁窺白髮羞微祿
悔別青山憶舊蹊
聞道輞川多勝事
玉壺春酒正堪攜

赴嘉州過城固縣尋永安超禪師房

滿寺枇杷冬着花
老僧相見具袈裟
漢王城北雪初霽
韓信臺西日欲斜
門外不須催五馬
林中且聽演三車
豈料巴川多勝事
爲君書此報京華

酬暢當嵩山尋麻道士見寄一作盧

閑逐樵夫鬧看棋
忽逢人世是秦時
閑雲種玉嫌山淺
渡海傳書怪鶴遲
陰洞石幢微有字
古壇松樹半無枝
煩君遠示青囊錄
願得相從一問師

和刑部成員外秋夜寓直寄臺省知己

列宿光三署
仙郎直五宵
時衣天子賜
厨膳大官調
長樂鐘應近
明光漏不遙
黃門持被覆
侍女捧香燒
筆爲題詩點
燈緣起草挑
竹喧交砌葉
柳暝拂隄條
粉署新命霜
臺憶舊寮
名香播蘭蕙
重價蘊瓊瑤
擊水翻滄海
搏風透赤霄
微才喜同舍
何幸忽聞韶

送盧郎中除杭州赴任

罷起郎官草
初分刺史符
海雲迎過楚
江月引歸吳
城底濤聲震
樓端蜃氣孤
千家窺驛舫
五馬飲春湖
柳色供詩用
鶯聲送酒須
知君望鄉處
枉道上姑蘇

奉送李賓客荆南迎親

迎親辭舊苑
恩詔下儲闈
昨見雙魚去
今看駟馬歸
驛帆湘水濶
客舍楚山稀
手把黃香扇
身披萊子衣
鵲隨金印喜
烏傍板輿飛
勝作東征賦
還家滿路輝

送嚴維下第還江東

勿歎今不第似君殊未遲且歸滄洲去相送青門時望鳥指鄉遠問人愁路疑散表沾暮雪歸權帶流漸嚴子
灘復在謝公文可追江阜如有信莫不寄新詩

六月三十

一作三十一

日水亭送華陰王少府還縣

得潭字

亭晚人將別池涼酒未酣關門勞夕夢仙掌引歸驛荷葉藏魚艇藤花罨客簪殘雲收夏暑新雨帶秋嵐失路
情無道難懷思不堪賴茲庭戶裏別有小江潭

餞王岑

一作岑

判官赴襄陽道

故人漢陽使走馬向南荆不厭楚山路祇憐襄水清津頭習氏宅江上夫人城夜入橘花宿朝穿桐葉行害草
應自憚持法固須平暫得青門醉斜光遠去程

送薛舟歸河東

薛侯故鄉處五老峰西頭歸路秦樹滅到鄉河水流看君馬首去滿耳蟬聲愁獻賦今未售讀書凡幾秋應過
伯夷廟爲上關城樓樓上能相憶西南指雍州

送薛播擢第歸河東

歸去新戰勝盛名人共聞鄉連渭川樹家近條山雲夫子能好學聖朝全用文弟兄負世譽詞賦超人羣兩氣
醒別酒城陰低暮暉遙知出關後一作去更有一終軍

送陶鈞棄舉荆南觀省

明時不愛壁浪跡東南遊何必世人識知君輕五侯采蘭度漢水問絹過荊州異國有歸興去鄉無客愁天寒
楚塞兩月淨襄陽秋坐見吾道遠令人看白頭

送史司馬赴崔相公幕

一作無名氏詩一作李白詩
一本題上有賦得臨三字

崢嶸丞相府清切鳳皇池羨爾瑤臺鶴高樓瓊樹枝歸飛晴日好吟弄惠風吹正有乘軒樂初當學舞時珍禽
在羅網微命若遊絲願托周南羽相銜谿水瀟

送嚴黃門拜御史大夫再鎮蜀川兼觀省

全唐詩 卷七
投鉞辭金殿承恩戀玉墀登壇漢主用講德蜀人思副相韓安國黃門向子期刀州重入夢劔關再題詞春草
連青綬晴花間赤旗山鶯朝送酒江月夜供詩許國分憂日榮親色養時蒼生望已久來去不應遲

送郭僕射節制劔南

鐵馬撥紅纓幡旗出禁城明王親授鉞丞相欲專征玉饌天厨送金杯御酒傾劔門乘險過關道踏空行山鳥
驚吹笛江猿看洗兵曉雲隨去陣夜月逐行營南仲今時往西戎計日平將心感知已萬里寄懸旌

早秋與諸子登虢州西亭觀眺

亭高出鳥外客到與雲齊樹點千家小天圍萬嶺低殘紅挂陝北急雨過關西酒榼緣青壁瓜田傍綠谿微官
何足道愛客且相攜唯有鄉園處依依望不迷

佐郡思舊遊

并序

已亥歲春三月參自補闕轉起居舍人夏四月暑虢州長史適見秋草涼風復來昔桓譚出爲六安丞常
忽忽不樂今知之矣悲州縣瑣屑思振垣清閑呈左右省舊遊

幸得趨紫殿却憶侍丹墀史筆衆推直諫書人莫窺平生恒自負垂老此安早同類皆先達非才獨後時庭槐
宿鳥亂階草夜蟲悲白髮今無數青雲未有期

減胡曲

都護新減胡士馬氣亦盡蕭條虜塵淨突兀天山孤

尚書念舊垂賜袍衣率題絕句獻上以申感謝

富貴情還在相逢豈間然綈袍更有贈猶荷故人憐

憶長安曲二章寄履道

東望望長安正值日初出長安不可見喜一作見長安日長安何處在只在馬蹄下明日歸長安爲君急走馬

寄韓樽

夫子素多疾別來未得書北庭苦寒地體內今何如

醉裏送裴子赴鎮西

醉後未能別待醒方送君看君走馬去直上天山雲

題井陘雙谿李道士所居

五粒松花酒雙谿道士家唯求縮却地鄉路莫教賒

題雲際南峰上人讀經堂

觀公不下此堂十五年矣

結宇題三藏焚香老一峰雲間獨坐臥祇是對山松

題梁錕城中高居

高一作昂住最高處千家恒眼前題詩飲酒後只對諸峰眠

題三會寺蒼頡造字臺

野寺荒臺晚寒天古木悲空塔有鳥跡猶似造書時

日沒賀延嶺作

沙上見日出沙上見日沒悔向萬里來功名是何物

西過渭州見渭水思秦川

渭水東流去何時到雍州憑添兩行淚寄向故園流

經隴頭分水

隴水何年有潏潏通路傍東西流不歇曾斷幾人腸

秋思

那知芳歲晚坐見寒葉墮吾不如腐草翻飛作螢火

行軍九日思長安故園

時永叔長安

強欲登高去無人送酒來遙憐故園菊應傍戰場開

戲題關門

來亦一布衣去亦一布衣羞見關城吏還從舊路歸

歎白髮

白髮生偏

一作太速交

人不奈何今朝兩鬢上更較數莖多

題平陽郡汾橋邊柳樹

參會居此郡八九年

此地曾居住今來宛似歸可憐汾上柳相見也依依

失題

帝鄉北近日瀘口南連蠻何當遇長房縮地到京關

獻封大夫破播仙凱歌六首

漢將承恩西破戎捷書先奏未央宮天子預開麟閣待祇今誰數貳師功

官軍西出過樓蘭營幕傍臨月窟寒蒲海曉霜凝馬一作尾葱山夜雪撲旌竿

鳴笳疊一作鼓擁回軍破國平蕃昔未聞丈夫鵠印搖一作邊月大一作將龍旗掣海雲

日落棘門鼓角鳴千羣面縛出蕃城洗兵魚海雲迎陣秣馬龍堆月照營

蕃軍遙見漢家營滿谷連山過哭聲萬箭千刀一夜殺平明流血浸空城

暮雨旌旗濕未乾胡煙一作白草日光寒昨夜將軍連曉戰蕃軍只見馬空鞍

春興戲題贈李侯

黃雀始欲銜花來君家種桃花未開長安二月眼看盡寄報春風早爲催

過燕支寄杜位

燕支山西酒泉道北風吹沙卷白草長安遙在日光邊憶君不見令人老

題首窟峰寄家人

首窟峰邊逢立春胡蘆河上淚沾巾閨中只是空相憶不見沙場愁殺人

玉關寄長安李主簿

東去長安萬里餘故人何惜一行書玉關西望堪腸斷況復明朝是歲除

武威送劉判官赴磧西行軍

火山五月行人少看君馬去疾如鳥都護行營太白西角聲一動胡天曉

號州後亭送李判官使赴晉絳

得秋字

西原驛路挂城頭客散紅亭雨未收君去試看汾水上白雲猶似漢時秋

五月四日送王少府歸華陰

得留字

仙掌分明引馬頭西看一點是關樓五月也須應到舍知君不肯更淹留

原頭送范侍御

得山字

百尺原頭酒色殷路傍驄馬汗斑斑別君祇有相思夢遮莫千山與萬山

送李明府赴睦州便拜觀太夫人

手把銅章望海雲夫人江上泣羅帶嚴灘一點舟中月萬里煙波也夢君

號州西山亭子送范端公

得澗字

百尺紅亭對萬峰平明相送到齋鐘驄馬勸君皆卸却使君家醞舊來濃

奉送賈侍御使江外

新騎驄馬復承恩使出金陵過海門荆南渭北難相見莫惜衫襟著酒痕

崔倉曹席上送殷寅充石相判官赴淮南

清淮無底綠江深宿處津亭楓樹林駟馬欲辭丞相府一樽須盡故人心

送崔子還京

匹馬西從天外歸揚鞭只共烏爭飛送君九月交河北雪裏題詩淚滿衣

酒泉太守席上醉後作

酒泉太守能矍舞高堂置酒夜擊鼓胡笳一曲斷人腸座上相看淚如雨

題觀樓

荒樓荒井閉空山關令乘雲去不還羽蓋霓旌何處在空留藥臼向人間

草堂村尋羅生不遇

數株谿柳色依依深巷斜陽暮鳥飛門前雪滿無人迹應是先生出未歸

山房春事二首

風恬日煖蕩春光，戲蝶遊蜂亂入房。
數枝門柳低衣桁，一片山花落筆牀。
梁園日暮亂飛鴉，極目蕭條三兩家。
庭樹不知人死一作盡，春來還發舊時花。

逢入京使

故園東望路漫漫，雙袖龍鍾淚不乾。
馬上相逢無紙筆，憑君傳語報平安。

過磧

黃沙磧裏客行迷，四望雲天直下低。
爲言地盡天還盡，行到安西更向西。

磧中作

走馬西來欲到天，辭家見月兩回圓。
今夜不知何處宿，平沙萬里絕人煙。

赴北庭度隴思家

西向輪臺萬里餘，也知鄉信日應疎。
隴山鸚鵡能言語，爲報家人數寄書。

胡歌

黑姓蕃王貂鼠裘，葡萄宮錦醉纏頭。
關西老将能苦戰，七十行兵仍未休。

趙將軍歌

九月天山風似刀，城南獵馬縮寒毛。
將軍縱博場場勝，賭得單于貂鼠袍。

醉戲竇子美人

朱唇一點桃花殿，宿妝嬌羞偏髻鬟。
細看只似陽臺女，醉著莫許歸巫山。

秋夜聞笛

天門街西聞搗帛，一夜愁殺湘南客。
長安城中百萬家，不知何人吹夜笛。

戲問花門酒家翁

老人七十仍沽酒，千壺百甕花門口。
道傍榆莢仍似錢，摘來沽酒君肯否。

春夢

洞房一作曉昨夜春風起故人尚隔一作遠湘江水枕上片時春夢中行盡江南數千里

冬夕

浩汗霜風刮天地溫泉火井無生意澤國龍蛇凍不伸南山瘦柏消殘翠

句

初程莫早發且宿瀟橋頭性游苦類此句至工

沈宇

沈宇太子洗馬詩三首

武陽送別

菊黃蘆白雁初飛羌笛胡笳淚滿衣送君腸斷秋江水一去東流何日歸

搗衣

日暮連天青霽風入後庭洞房寒未掩砧杵夜泠泠

代閨人

楊柳青青鳥亂吟春風一作花香霽洞房深百花簾下朝窺鏡明月窗前夜理琴

張鼎

張鼎司勳員外郎詩三首

江南遇雨

江天寒意少冬月雨仍飛出戶愁為聽從風灑客衣旅魂驚處斷鄉信意中微幾日應晴去孤舟且欲歸

鄴城引

君不見漢家失統三靈變魏武爭雄六龍戰漫海吞江制中國迴天運斗應南面隱隱都城紫陌關迢迢分野黃星見流年不駐漳河水明月俄終鄴國一作城宴文章猶入管弦新帷座空銷狐兔塵可惜望陵歌舞處松風四面暮愁人

僧舍小池

引出白雲根，潺潺深蘚痕。冷光搖砌錫，疎影露枝猿。淨帶凋霜葉，香通洗藥源。貝多文字古，宜向此中翻。

薛奇童

一作章

薛奇童大理司直詩七首

擬古

沙塵朝蔽日，失道還相遇。寒影波上雲，秋聲月前樹。川氣生曉夕，野陰乍煙霧。沈沈滄池水，人馬不敢渡。吮癰世所薄，挾纊恩難顧。不見古時人，中宵淚橫注。

和李起居秋夜之作

過庭聞禮日，趨侍記言回。獨臥玉甯前，卷簾殘雨來。高秋南斗轉，涼夜北堂開。水影入朱戶，螢光生綠苔。簡成良史筆，年是洛陽才。莫重白雲意，時人許上台。

吳聲子夜歌

一作吳國歸詩題云古意

淨掃黃金堦，飛霜皓一作如雪下。簾彈空篋，不忍見秋月。

塞下曲

驕虜初南下，煙塵暗國中。獨召李將軍，夜開甘泉宮。一身許明主，萬里總元戎。霜甲臥不暖，夜半聞邊風。胡天早飛雪，荒微多轉蓬。寒雲覆水重，秋氣連海空。金鞍誰家子，上馬鳴角弓。自是幽并客，非論愛立功。

雲中行

雲中小兒吹金管，向晚因風一川滿。塞北雲高心已悲，城南木落腸堪斷。憶昔魏家都此方，涼風觀前朝百王。千門曉映山川色，雙闕遙連日月光。舉杯稱壽永相保，日夕歌鐘徹清昊。將軍汗馬百戰場，天子射獸五原草。寂寞金輿去不歸，陵上黃塵滿路飛。河邊不語傷流水，川上含情歎落暉。此時獨立無所見，日暮寒風吹客衣。

楚宮詞

一作楚宮詩二首

禁苑春風起，流鶯繞合歡。玉甯通日氣，珠箔捲輕寒。楊柳垂陰砌，梨花入井闌。君王好長袖，新作舞衣寬。日晚梧桐落，微寒入禁垣。月懸三雀觀，霜度萬秋門。豔舞矜新寵，愁容泣舊恩。不堪深殿裏，簾外欲黃昏。

楊諫

楊諫永樂丞詩二首

長孫十一東山春夜見贈

故人謝城闕揮手碧雲期
谿月照隱處松風生
興時舊林日云暮
芳草歲空滋
甘與子成夢
請君同所思
贈知己

江南折芳草江北贈佳期
江澗水復急過江常苦遲
蘋白蘭葉青恐度先香時
美人碧雲外寧見長相思

張萬頃

東溪待蘇戶曹不至

洛陽城東伊水西
千花萬竹使人迷
臺上柳枝臨岸低
門前荷葉與橋齊
日暮待君君不見
長風吹雨過青溪

登天目山下作

去歲離秦望今冬使楚關
浸添天目水髮變海頭山
別母烏南遊辭兄雁北還
宦遊偏不樂長爲憶慈顏

送爽少府

夕膳望一作東周晨裝不少留
酒中同樂事關外越離憂
座濕秦山雨庭寒渭水秋
何當鷹隼擊來拂故林游

沈頌

沈頌無錫尉詩六首

旅次瀟亭

闌琴開旅思清夜有愁心
圓月正當戶微風猶在林
蒼茫孤亭上歷亂多秋音
言念待明發東山幽意深

春日歌

常聞羸女玉簫臺奏曲情深彩鳳來
欲登此地銷歸恨却羨雙飛去不回

早發西山

游子空有懷賞心香無路前程數千里
乘夜連輕馭緣繞松篠中蒼茫猶未曙
遙聞孤村犬暗指人家去疲馬

全唐詩

卷七

楊諫

張萬頃

沈頌

梁鎰

五

金唐詩 卷七
懷澗泉征衣犯霜露喧呼谿鳥驚沙上或鸞翥娟娟東岑月照耀獨歸處

送人還吳

人心不忘鄉矧余客已久送君江南去秋醉洛陽酒贈言幽徑蘭別思河堤柳征帆暮風急望空延首

送金文學還日東

君家東海東君去因秋風漫漫指鄉路悠悠如夢中煙霧積孤島波濤連太空冒險當不懼皇恩措爾躬

衛中作

衛風愉豔宜春色淇水清冷增暮愁總使榴花能一醉終須萱草暫忘憂

梁鎧

梁鎧官執戟天寶中又詩十五首

天長節

日月生天久年年慶一迴時平祥不去壽遠節長來連吹千家笛同朝百郡杯願持金殿鏡處處照遺才

長門怨

妾命何偏薄君王去不歸欲令遙見悔樓上試春衣空殿看人入深宮羨鳥飛翻悲因買賦索鏡照空輝

美人春臥

妾家巫峽陽羅幌一作帳寢蘭堂一作帳曉日臨窗久春風引夢長落釵仍挂一作掛墜微汗欲消黃綬使臙龐覺魂猶逐楚王

名姝詠

阿嬌年未多弱體性能和怕重愁拈鏡憐輕喜曳羅臨津雙洛浦對月兩嫦娥獨有荆王殿時時暮雨過

豔女詞

露井桃花發雙燕並飛美人姿態裏春色上羅衣自愛頻開鏡時羞欲掩扉不知行路客遙惹五香歸

蜀氏子

杏梁初照日碧玉後堂開憶事臨妝笑春嬌滿鏡臺含聲歌扇舉頰影舞腰迴別有佳期處青樓客夜來

戲贈歌者

白誓歌童子哀音絕又連楚妃臨扇學盧女隔簾傳曉燕喧喉裏春鶯轉舌邊若蓬漢武帝還是李延年

七夕汎舟

雲端有靈匹掩映拂妝臺夜久應搖珮天高響不來片歡秋始展殘夢曉翻催却怨填河鵲留橋又不一作還

崔駙馬宅詠畫山水扇

畫扇出秦樓誰家贈列侯小含吳剡縣輕帶楚揚州掄作山雲暮搖成隴樹秋坐來傳與客漢水又迴流

觀王美人海圖障子

宋玉東家女常懷物外多自從圖渤海誰爲覓湘娥白鸞栖脂粉頰魴躍綺羅仍憐轉嬌眼別恨一橫波

聞百舌鳥

百舌聞他郡聞關媚物華欲形藏一葉分響出千花生愛時寒暄行藏或駐車不須應獨感三載已辭家

省試方士進恒春草

東吳有靈草生彼剡谿傍既亂萑苕色仍連苗苗香掇之稱達士持以奉明王北闕顏彌駐南山壽更長金膏徒聘妙石髓莫矜良倘使露涓滴還游不死方

代征人妻喜夫還

征夫走馬發漁陽少婦含嬌開洞房千日磨臺還挂鏡數年塵面再新妝春風喜出今朝戶明月虛眠昨夜牀莫道幽閨書信隔還衣總是舊時香

贈李中華

莫向嵩山去神仙多誤人不如朝魏闕天子重賢臣

詠木老人

刻木牽絲作老翁雞皮鶴髮與真同須臾弄罷寂無事還似人生一夢中

句

堂高憑上望宅廣乘車行

次和今公宅見謝氏虎閣錄

杜儼

杜儼新安丞詩一首

客中作

書劍催人不敢閑洛陽羈旅復秦關容顏歲歲愁邊改鄉國時時夢裏還

趙良器

趙良器兵部員外詩二首

三月三日曲江侍宴

聖祖發神謀靈符叶帝求一人光錫命萬國荷時休雷解圍丘畢雲需曲水遊岸花迎步輦仙仗擁行舟客藻天中降恩波海外流小臣同品物陪此樂皇猷

鄭國夫人挽歌詞

淑德延公冑宜家接帝姻桂宮男掌侯蘭殿女昇嬪恩澤昭前命盈虛變此辰百年今已矣彤管列何人

黃麟

黃麟金部員外郎詩一首

郡中客舍

蟲響亂啾啾更人正數籌魂歸洞庭夜霜臥洛陽秋微月有時隱長河到曉流起來還鳴雁鄉信在吳洲

郭向

郭向太子尉詩一首

途中口號
一作金

抱玉三朝楚懷書十上秦年年洛陽陌花鳥弄歸人

郭良

郭良金部員外郎詩二首

題李將軍山亭

鳳轄將軍位龍門司隸家衣冠為隱逸山水作繁華徑出重林草池搖兩岸花誰知貴公第一作亭院有煙霞

早行

早行星尚在數里未天明不辨雲林色空聞風水聲月從山上落河入斗間橫漸至重門外依稀見洛城

王喬

王喬安定太守詩一首

過故人舊宅

故人軒騎罷歸來舊宅一作園林閉不開唯餘挾瑟樓中婦哭向平生歌舞臺

徐九臯

徐九臯河陰尉詩五首

關山月

玉塞抵長城金微暎高關遙心萬餘里直望三邊月霜靜影逾懸露晞光漸沒思君不可見空歎將焉歇

戰城南

塞北狂胡旅城南敵漢圍巉嶮一鼓氣拔利一作五兵虜騎瞻山哭王師拓地飛不應須龍戰嘗遂勒金微一作

詠史

亡國秦韓代榮身劉項年金槌擊政後玉斗碎增前聖主稱三傑明離保四賢已申黃石祭方暮赤松仙

途中覽鏡

四海遊長倦百年愁半侵賴窺明鏡裏時見丈夫心

送部四鎮人往單于別知故

天下今無事雲中獨未寧秦驅更戍卒方遠送一作邊庭馬飲長城水軍占太白星國恩行可報何必守經營

閻寬

閻寬醴泉尉詩五首

松滋江北阻風

全唐詩

卷七

王喬 徐九臯 閻寬 李收 程彌綸

七

江風久未歇山雨復相仍巨浪天涯起餘寒川上凝憂人勞夕楊鄉事憶展與遠聽知音駭誠哉不可陵
曉入宜都渚

古意

問俗周楚甸川行眇江濤興隨曉光發道會春言深回眺佳氣象速懷得山林佇應舟楫用曷務歸關心
庭樹發華滋瑤草復葳蕤好鳥飛相從愁人深此時天中有靈匹日夕嘯蛾眉願逐飄風花千里入遙帷心道
愛不見空歌悲莫悲

春宵覽月

月生東荒外天雲收夕陰愛見澄清景象吾虛白心耳目靜無譁神超道性深乘興得至樂寓言因永吟

秋懷

下帷長日盡虛館早涼生芳草猶未薦如何蜻蛚鳴秋風已振衣客去何時歸為問當途者寧知心有違

李收

一作秋

李收右武衛

一作左

錄事詩二首

和中書侍郎院壁畫雲

粉壁畫雲成如能上太清影從霄漢發光照掖垣明暎篠多幽趣臨軒得對情獨思作霖雨流潤及生靈

幽情

幽人惜春暮潭上折芳草佳期何時還欲寄千里道

程彌綸

程彌綸開寶間進士詩一首

懷魯

曲阜國尼丘山周公邈難問夫子猶啓闢履風雩今若見游夏與魯顏天孫天孫何為今今學且難負星明
而東一作遊遊闕關

屈同仙

一作屈同

屈同仙千牛兵曹詩二首

燕歌行

君不見一本無漁陽八月塞草腓，征人相對併思歸。雲和朔氣連天黑，一作蓬雜驚沙散。野飛是時天地陰，埃

瀚海龍城皆習一作戰，兩軍鼓角暗相聞。四面旌旗看不見，昭君連嫁已年多。戎狄無厭不復一作和，漢兵候月秋

防塞。胡騎乘冰夜渡河，河塞東西萬餘里。地與京華不相似，燕支山下一作少春。暉黃沙磧裏無流水，金戈玉

劍十年征紅粉。青樓多怨情，厭向殊鄉一作久離別。秋來愁聽搗衣聲。

為江女

越豔誰家女，朝遊江岸傍。青春猶未嫁，紅粉舊來媪。錦袖盛朱橘，銀鈎摘紫房。見人羞不語，回艇入溪藏。

豆盧復

豆盧復前崇玄生詩二首

昌年宮之作一本無

但有離宮處，君王每不居。旗門芳草合，輦路小槐疎。殿閉山煙滿，宮疑野雉虛。豐年多望幸，春色待攀輿。

落第歸鄉留別長安主人

客裏愁多不記春，聞鶯始歎柳條新。年年下第東歸去，羞見長安舊主人。

荆冬倩

荆冬倩校書郎詩一首

奉試詠青

路關天光清，春暈月道臨。草濃河畔色，槐結路邊陰。未映君王史，先標胄子襟。經明如可拾，自有致雲心。

梁洽

梁洽開寶閣進士詩一首

觀漢水

發源自岷峽，東注經襄陽。一道入溟渤，別流為滄浪。求思詠游女，投弔悲昭王。水濱不可闕，日暮空湯湯。

全唐詩

卷七

屈同仙

豆盧復

荆冬倩

梁洽

鄭紹

三

鄭紹

鄭紹武進尉詩一首

遊越溪

溪水碧悠悠，猿聲斷客愁。漁潭逢釣梅，月浦值孤舟。泊隨煙火迷，途視斗牛今。宵越鄉意，還取醉忘憂。

朱斌

朱斌處士詩一首

登樓一作王之漢詩

白日依山盡，黃河入海流。欲窮千里目，更上一重樓。

梁德裕

梁德裕四門助教詩二首

感寓二首

彩雲呈瑞質，五色發人寰。獨作龍虎狀，孤飛天地間。隱隱臨北極，叢叢象南山。恨在帝鄉外，不逢枝葉攀。

幽澗生蕙若，幽渚老江蘼。榮落人不見，芳香徒爾為。不及綠萍草，生君紅蓮池。左右美人弄，朝夕春風吹。葉洗玉泉水，珠清湛露滋。心亦願如此，託君君不知。

常非月

常非月西河尉詩一首

詠談容娘

舉手整花鈿，翻身舞錦筵。馬圍行處，一作人壓看場圓。歌一作要齊聲，和情教細語傳。不知心大小，容得許多憐。

張良璞

張良璞長安尉詩一首

覽史

享年八十已，歷數窮蒼生。七虎門源上，咆哮關內鳴。建都用鴉宿，設險因金城。舜曲煙火起，汾河珠翠明。海雲

引天仗朔雪留邊兵作孽人怨久其亡鬼信盈素靈感劉季白馬從子嬰昏虐不務德百代無芳聲

孫欣

孫欣開寶間人詩一首

奉試冷井詩

仙閣井初鑿靈液沁

一作成泉色湛青苔裏寒凝紫綆邊銅瓶向影落玉甃抱虛圓永願調神鼎堯時泰萬年

王羨門

王羨門開寶間人詩一首

都中閑居

君王逕海內北闕下明臺雲物天中少煙花歲後來河從御苑出山向國門開寂寞東京裏空留賈誼才

芮挺章

芮挺章國子進士天寶三年編國秀集集中并載挺章詩二首

江南弄

春江可憐事最在美人家鸚鵡能言鳥芙蓉巧笑花地一作銜金作埒水抱玉爲沙薄晚青絲騎長鞭赴狹斜

少年行

任氣稱張放街恩在少年玉階朝就日金屋夜升天軒騎青雲際笙歌綠水邊建章明月好留醉伴風煙

樓穎

樓穎天寶中進士作國秀集序詩五首

伊水門

朝涉伊水門伊水入門流愜心乃成興澹然汎孤舟霏微傍青靄容與隨白鷗竹陰交前浦柳花媚中洲日落

陰雲生彌覺茲路幽聊以恣所適此外知何求

東郊納涼憶左威衛李錄事收昆季太原崔參軍三首

并序

僕三伏於通化門東北數里避暑之地地即故倅天官顧公之舊林今貳宰君李公之別業右抵禁籞斜

全唐詩

卷七

孫欣

王羨門

芮挺章

樓穎

李康成

七

界沁園空水相輝步虹橋而下視竹木交映弄仙權而傍窺足滌煩襟陶蒸暑獨往成興恨不與數公共之率然有作因以見意

水竹誰家宅幽庭向苑門今知季倫沼舊是辟疆園飢鸞窺魚靜鳴鴉帶子喧興成祗自適欲白返忘言納涼每選地近得青門東林與綠垣接池將沁水通枝交帝女樹橋映美人虹想是忘機者悠悠在興中林間求適意池上得清颺稍稍斜回機時時一度橋水光壁際動山影浪中搖不見李元禮神仙何處要

西施石

西施昔日浣紗津石上青苔思殺人一去姑蘇不復返岸旁桃李為誰春

李康成

李康成天寶中與李杜同時其赴使江東劉長卿有詩送之嘗撰玉臺後集自陳後主隋煬帝江總庾信沈宋王楊盧駱而下二百九人詩六百七十首彙為十卷自載其詩八篇今存四首

江南行

楊柳青青鶯欲啼風光搖蕩綠蘋齊金陵城頭日色低日色低情難極水中鳧鷖雙比翼

文苑英華前有楊花
漁父使香車度二句

采蓮曲

采蓮去月沒春江曙翠鈿一作紅袖水中央青荷蓮子雜衣香雲起風生歸路長歸路長那得久各迴船兩揺手

玉華仙子歌

紫陽仙子名玉華珠盤承露餌丹砂轉態凝情五雲裏嬌顏千歲芙蓉花紫陽綠女矜無數遙見玉華皆掩嬈高堂初日不成妍洛渚流風徒自憐璇階霓綺閣碧題霜羅暮仙娥桂樹長自春王母桃花未嘗落上元夫人賓上清深宮寂歷厭層城解佩空憐鄭交甫吹簫不逐許飛瓊溶溶紫庭步渺渺瀛臺路蘭陵賁士謝相逢濟北書生尚迴顧滄洲傲吏愛金丹清心迴望雲之端羽蓋霓裳一相識傳情寫念長無極永相隨攀霄歷金闕弄影下瑤池夕宿紫府雲母帳朝餐玄圃崑崙芝不學蘭香中道絕却教青鳥報相思

自君之出矣

樂府詩集
卷之四

自君之出矣弦吹絕無聲思君如百草撩亂逐春生

句

因緣苟會合萬里猶同鄉運命倘不諧隔僻無津梁

經籍攷云東坡編玉臺後集中間自載其詩八首如河陽居冢女長篇一首
柳五十二韻若欲與大廟及孔稚東曲乘之作方駕者未可云云亦佳

楊賁

楊賁天寶三年登第詩一首

時興

貴人昔未貴咸願顧寒微及自登樞要何曾問布衣平明登紫闥日晏下彤闈擾擾路傍子無勞歌是非

李清

李清登天寶十二年進士第詩一首

詠石季倫

金谷繁華石季倫只能謀富不謀身當時縱與綠珠去猶有無窮歌舞人

陳季

陳季天寶十五年及第詩二首

鶴警露

南國商飈動東臯野鶴鳴溪松寒暫宿露草滴還驚欲有高飛意空聞召侶情風間傳蒸質月下引清聲未假
搏扶勢焉知羽翼輕吾君開太液願得應皇明

湘靈鼓瑟

神女泛瑤瑟古祠巖野亭楚雲來泱泱湘水助清冷妙指微幽契繁聲入杳冥一彈新月白數曲暮山青調苦
荆人怨時遙帝子靈遺音如可賞試奏為君聽

王邕

王邕天寶進士詩二首

湘靈鼓瑟

全唐詩

卷二

楊賁 李清 陳季 王邕 莊若訥

三

寶瑟和琴韻靈妃應樂章依稀聞促柱琴聲夢新妝波外聲初發一作新聲風前曲正長淒清一作清和和萬籟斷續繞三湘
轉覺雲山迴空懷杜若芳誰能傳此意雅奏在宮商

嵩山望幸

峻極位何崇方知造化功降靈逢聖主望幸表維嵩隱映連青壁嗟峨向碧空象車因叶瑞龍駕願升中萬歲
聲長在千巖氣轉雄東都歌盛事西笑佇皇風

莊若訥

莊若訥天寶進士詩一首

湘靈鼓瑟

帝子鳴金瑟餘聲一作音自抑揚悲風絲上斷流水曲中長出沒遊魚聽逶迤彩鳳翔微音時一作扣扣微雅韻乍含商
神理誠難測幽情詎可量至今聞古調應恨滯三湘

魏瓘

魏瓘天寶進士詩一首

湘靈鼓瑟

瑤瑟多哀怨朱弦且莫聽扁舟三楚客兼竹二妃靈浙瀝聞餘響依稀欲辨形柱間寒水碧曲裏暮山青良馬
悲衝草遊魚思繞萍知音若相遇終不滯南溟

王顥

王顥永州太守詩一首

懷素上人草書歌一作王顥詩
今從趙孟頫另編

衡陽雙峽插天峻青壁巉巖萬餘仞此中靈秀衆所知草書獨有懷素奇懷素身長五尺四節滿胸兕吁可畏
銅餅錫杖倚閑庭斑管秋毫多逸意或粉壁或綠牋蒲葵絹素何相鮮忽作風馳如電掣更點飛花兼散雪寒
緩飲水臧枯藤壯士拔山伸勁鐵君不見張芝昔日稱獨賢君不見近日張旭爲老顥二公絕藝人所惜懷素
傳之得真跡崢嶸蹙出海上山突兀狀成湖畔石一縱又一橫一欹又一傾臨江不羨飛帆勢下筆長爲驟雨

聲我牧此州喜相識又見草書多慧力懷素懷素不可得開卷臨池轉相憶

寶篋

寶篋官御史詩一首

懷素上人草書歌

狂僧揮翰狂且逸獨任天機推格律龍虎慚因點畫生雷霆却避鋒銳疾魚腹絹素豈不貴只嫌局促兒童戲
粉壁長廊數十間興來小豁胸一作襟襟氣長幼集賢豪至枕藉藉麴猶半醉忽然絕叶三五聲滿壁縱橫千萬字
吳興張老爾莫顯葉縣公孫我何謂如熊如羆不足比如虺如蛇不足擬涵物爲動鬼神泣狂風入林花亂起
殊形怪狀不易說就中驚燥尤枯絕邊風殺氣同慘烈崩槎臥木爭摧折塞草遙飛大漠霜胡天亂下陰山雪
偏看一作能事轉新奇郡守王公同賦詩枯藤勁鐵虺三舍驟雨寒後驚一時此生絕藝人莫測假此常爲護持
力連城之壁不可量五百年知草聖當

魯收

魯收大曆時人詩一首

懷素上人草書歌

吾觀文士多利用筆精墨妙誠堪重身上藝能無不通就中草聖最天縱有時興酣發神機抽毫點一作墨墨縱橫
揮風聲吼烈隨手起龍蛇迸落空壁飛連拂數行勢不絕藤懸查瘞生奇節劃然放縱驚雲濤或時頓挫紫毫
髮自言轉腕無所拘大笑羲之用陣圖狂來紙盡勢不盡投筆抗聲連叫呼信知鬼神助此道墨池未盡書已
好行路談君口不容滿堂觀者空絕倒所恨時人多笑聲唯知賤實一作實翻貴名觀爾向來三五字顯奇何謝張
先生

朱達

朱達處士詩一首

懷素上人草書歌

幾年出家通宿命一朝却憶臨池聖轉腕摧鋒增嘒嘒秋毫蘭紙常相隨衡陽客舍來相訪連飲百杯神轉王

全唐詩

卷二

寶篋

魯收

朱達

許瑤

包佶

三

忽聞風裏度飛泉紙落紛紛如跼鶯形容脫略真如助一作脫落心思周游在何處筆下惟看激電流字成只畏盤龍去怪狀崩騰若轉蓬飛絲歷亂如迴風長松老死倚雲壁蹙浪相翻驚海鴻于今年少尚如此歷觀一作觀遠代無倫比妙絕當動鬼神泣崔蔡幽魂更心死

許瑤

許瑤官御史詩一首

題懷素上人草書

志在新奇無定則古瘦瀟灑半無墨醉來信手兩三行醒後却書書不得

包信

包信字幼正天寶六年及進士第累官諫議大夫坐善元載貶嶺南劉晏奏起爲汴東兩稅使晏罷以信充諸道鹽鐵輕貨錢物使遷刑部侍郎改祕書監封丹陽郡公詩一卷

祀風師樂章

迎神

太皞御氣句芒肇功蒼龍青旗爰候祥風律以和應神以感通鼎俎脩饗時惟禮崇

奠幣登歌

旨酒告潔青蘋應候禮陳瑤幣樂獻金奏彈弦自昔解凍惟舊仰瞻彤壺羣祥來湊

迎俎酌獻

德盛昭臨迎拜異方爰候發生式薦馨香酌醴具舉工歌再揚神歆入律恩降百祥

亞獻終獻

膏蘇備玉帛陳風動物樂感神三獻終百神臻草木榮天下春

送神

微穆敷華能應節飄揚發彩宜行慶送迎一作送迎靈駕神心饗跪拜靈壇禮容盛氣和草木發萌芽德暢禽魚遂翔

沐永望翠蓋逐流雲自茲率土調春令

祀兩師樂章

迎神

陟降左右誠達幽圓作解之功樂惟有年雲緝戾止灑霧濕煙惟馨展禮爰列豆籩

奠幣登歌

歲正朱明禮布玄制惟樂能感與神合契陰霧雜披靈馭搖裔膏澤之慶期於稔歲

迎俎酌獻

陽開幽蟄躬奉鬱鬱禮備節應震來靈降動植求聲飛沈允望時康氣茂惟神之貺

亞獻終獻

奠既備獻將終神行令瑞飛空迎乾德祈歲功乘煙燎儼從風

送神

整駕升車望寥廓垂陰薦祉蕩昏氛饗時靈貺儼如在樂罷餘聲遙可聞飲福陳誠禮容備撤俎終獻曙光分

跪拜臨壇結空想年年應節候油雲

答竇拾遺臥病見寄

今春扶病移滄海幾度承恩對白花送客屢開簾外鵲銷愁已耕酒中地瓶開枸杞懸泉水鼎鍊芙蓉伏火

砂誤入塵埃牽吏役羞將簿領到君家

對酒贈故人

扶起離披菊霜輕喜重開醉中驚老去笑裏覺愁來月送人無盡風吹浪不回感時將有寄詩思澀難裁

同李吏部伏日口號呈元庶子路中丞

火炎逢六月金伏過三庚幾度衣裳汗新誰家枕簟清頌冰無下位裁扇有高名吏部還開麈尾勤二客情一作

嶺下臥疾寄劉長卿員外

唯有貧兼病能令親愛疎歲時供放逐身世付空虛脛弱秋添絮頭風曉梳波瀾喧眾口藜藿靜吾廬喪馬

恩開卦占鴉懶發書十年江海隔離恨子知子

戲題諸判官廳壁

六十老翁無_{一作何}所取二三君子不相遺願留今日交歡意直到墮官謝病時

酬兵部李侍郎晚過東廳之作

時自判詞作
節詳卷通

酒禮慙先祭刑書已曠官詔馳黃紙連身在絳紗安聖位登堂靜生徒跪席寒庭槐暫搖落幸爲入春看

昭德皇后挽歌詞

西祀馳暉過東園別路長歲華唯隴柏春事罷公桑龜兆開泉戶禽巢閉畫梁更聞哀禮過明詔制心喪

秋日過徐氏園林

回塘分越水古樹積吳煙掃竹催鋪席垂蘿待繫船鳥窺新罅果龜上半散蓮屢入忘歸地長嗟俗事牽

雙山過信公所居

遙禮前朝塔微聞後夜鐘人間第四祖雲裏一雙峰積雨封苔徑多年亞石松傳心不傳法誰可繼高蹤

尚書宗兄使過詩以奉獻

洛下文親滿歸閑意有餘翻嫌舊坐宅却駕所_{一作新}懸車腹飽山僧供頭輕侍婢梳上官唯揖讓半祿代耕鋤兩

散三秋別風傳一字書勝遊如可繼還欲並園廬

抱疾謝李吏部贈訶黎勒葉

一葉生西徼齋來上海查歲時經水府根本別天涯方士真難見商胡輒自誇此香同異域看色勝仙家茗飲

暫調氣梧丸喜伐邪幸棠祛老疾深願駐韶華

奉和柳相公中書言懷

運籌時所貴前席禮偏深羸駕歸貧宅敝冠出禁林風巢方得地牛喘最關心雅望期三入東山未可尋

客自江南話過亡友朱司議故宅

交臂多相共_{一作大}風流憶此人海翻移里巷書盡積埃塵奉佛樓禪久辭官上疏頻故來分半宅惟是舊交親

酬千侍郎湖南見寄十四韻

桂嶺千崖漸湘流一派通長沙今賈傳東海舊子公章甫經殊俗離騷繼雅風金閨文作字玉匣氣成虹翰墨
時招一作侶丹青夙在公一作主恩留左掖人望積南宮巧拙循名異浮沈顧位同九遷歸上略三已契愚衷責謝
庭中吏一作悲寬塞上翁楚材欣有適燕石愧無功山曉重嵐外林春苦霧中雪花翻海鶴波影倒江楓去札頻
逢信回帆早挂空避賢方有日非敢愛微躬

朝拜元陵

宮前石馬對中峰雲裏金鋪閉幾重不見露盤迎曉日唯聞木杵扣寒松

發襄陽後却寄公安人

揮淚送迴人將書報所親晚年多疾病中路有風塵王粲頻徵楚君恩許入秦還同星火去馬上別江春

立春後休沐

心與青春背新年亦掩扉漸窮無相學惟避不材譏積病攻難愈銜恩報轉微定知書課日優詔許辭歸

宿廬山贈白鶴觀劉尊師

蒼蒼五老霧中壇杳杳三山洞裏官手護崑崙象牙簡心推霹靂棗枝籃春飛雪粉如一作毫澗曉漱瓊膏冰齒

寒漸恨流年筋力少惟思露冕事星冠

觀壁畫九想圖

一世榮枯無異同百年哀樂又歸空夜闌烏鵲相爭處林下真僧在定中

送日本國聘賀使晁巨卿東歸

上才生下國東海是西鄰九譯蕃君使千年聖主臣野情偏得禮本性本含真一作錦帆乘風轉金裝照地新孤

城開屋閣曉日上朱輪早識來朝歲塗山玉帛均

顧著作宅賦詩

幾年江海煙霞乘醉一到京華已覺不嫌羊酪誰能長守兔置脫巾偏招相國逢竹便認吾家各在芸臺閣裏

煩君日日登車

近獲風痺之疾題寄所懷

李嘉祐一

病夫將已矣無可答君恩衾枕同羈客圖書委外孫久來從吏道常欲奉空門疾走機先息殺行力漸煩無醫能却老有變是游魂烏宿還依伴蓬飄莫問根寓形齊指馬觀境制心猿唯借南榮地清晨暫負暄

奉和常閣老晚秋集賢院即事寄贈徐薛二侍郎

秘殿掖垣西書樓苑樹齊秋煙凝縹緗曉色上璇題門接承明近池連太液低疎鐘文馬駐繁葉綵禽栖職美綸將絳榮深組及珪九霄偏眷顧三事早提攜對案臨青玉窺書捧紫泥始歡新遇重還一作惜蒼遊睽左宦登吳岫分家渡越溪賦中頻歎鵬卜處幾聽雞望闕應多戀臨津不用迷柏梁思和曲朝夕候金閨

酬顧況見寄

于越城邊楓葉高一作楚人書裏寄難騷寒江鴻鵠思僑侶歲歲臨流刷羽毛

歲日作一作口號

更勞今日春風至枯樹無枝可寄花覽鏡唯看飄亂髮臨風誰爲駐浮槎

元日觀百僚朝會

萬國賀唐堯清晨會百寮花冠蕭相府繡服霍嫫媯壽色凝丹檻歡聲徹九霄御籟分歌炭仙管弄雲韶日照金觴動風吹玉佩搖都城獻賦者不得共趨朝

再過金陵

玉樹歌終王氣收厲行高送石城秋江山不管興亡事一任斜陽伴客愁

寄楊侍御一作何諱

一官何幸得同時十載無媒獨見遺今日不論腰下組請君看取鬢邊絲

李嘉祐

李嘉祐字從一趙州人天寶七年擢第授秘書正字坐事謫郡江令調江陰入爲中臺郎上元中出爲台州刺史大曆中復爲袁州刺史與嚴維劉長卿冷朝陽諸人友善爲詩麗婉有齊梁風集一卷今編詩二卷

江上曲

江心澹澹芙蓉花江口蛾眉獨浣紗可憐應是陽臺女對坐鸞鴛嬌不語掩面羞看北一作地人回身一作忽作空山語一作蒼梧秋色不堪論千載依依帝子魂君看峰上斑斑竹盡是湘妃泣淚痕

傷吳中

館娃宮中春已歸闌闌城頭鶯已飛復見花開人又老橫塘寂寂柳依依憶昔吳王在宮闈館娃滿一作眼看花發舞神朝欺陌上春歌聲夜怨江邊月古來人事亦猶今莫厭清觴與綠琴獨向西山聊一笑白雲芳草自知心

夜聞江南人家賽神因題即事

南方淫祀一作古風俗楚姬一作解一作唱迎神曲鎗鎗銅鼓蘆葉深寂寂瓊筵江水綠雨過風清洲渚閑椒漿醉盡

迎神還一作帝女凌空下湘岸番君隔浦向堯山月隱回塘猶自舞一門依倚神之枯韓康靈一作藥不復求扁鵲醫方曾莫觀逐客臨江空自悲月明流水無已時聽此迎神送神曲攜觴欲弔屈原祠

古興

十五小家女雙鬟人不如蛾眉暫一見可直千金餘自從向蓬萊裏出入金輿乘玉趾梧桐樹上春鴉鳴曉伴君王猶未起莫道君恩長不休姣好團扇苦悲秋君看魏帝鄴都裏惟有銅臺漳水流

雜興

花間昔日黃鸝轉妾向青樓已生怨花落黃鸝不復來妾老君心亦應變君心比妾心妾意舊來深一別十年無尺素歸時莫贈路傍金

送韋邕少府歸鍾山

一本題作送鍾山人歸鍾山別業負笈向桃源萬卷長開帙千峰不閉一作門綠楊垂野渡一作黃鳥倚山村念爾能高枕丹堦會

一論

祈門官罷後一作負笈向桃源萬卷長開帙千峰不閉一作門綠楊垂野渡一作黃鳥倚山村念爾能高枕丹堦會

送盧員外往饒州

為郎復典郡錦帳映朱輪露冕隨龍節停橈得水人早霜蘆葉變寒雨石榴新莫怪諧風土三年作逐臣

送裴五歸京口

君罷江西日家貧為一官還歸五陵去一作只向遠峰看暮色催人別秋風待雨寒遙知到三徑唯有菊花殘

李嘉祐一

唐詩 卷七 李嘉祐一

七言

送嚴維歸越州

艱難只用武歸向剡河東松雪千山暮林泉一水通鄉心綠綠草野思看青楓春日一作好偏相憶裁書寄剡中

送杜士瞻楚州觀省

風流與才思俱似晉時人淮月歸心促一作速江花入興新雲深滄海暮柳暗白田春共道官猶小憐君孝養親

送裴宣城上元所居

水流過海稀爾去換春衣淚向檣柳盡身隨鴻雁歸草思晴後發花怨雨中飛想到金陵渚酣歌對落暉

留別毘陵諸公

久作涪一作楚陽令丹墀忽再還淒涼辭澤國離亂到鄉山北固灘一作湖聲滿南徐草色閒知心從此別相憶鬢毛斑

送獨孤拾遺先輩先赴上都

行春日已晚桂檝逐寒煙轉曲遙峰出看濤極浦連入京當獻賦封事更聞天日日趨黃閣應忘雲海邊

常州章郎中汎舟見餞

主人馮軾貴送客汎舟稀通岸隨芳草回橈背落暉映花雙節駐臨水伯勞飛醉與羣公狎春塘露冕歸

送崔侍御入朝

十年猶執憲萬里獨歸春舊國逢芳草青雲見故人潘郎今髮白陶令本家貧相送臨京口停橈淚滿巾

送岳州司馬弟之任

岳陽天水外念爾一帆過野墅人煙迥山城雁影多有時巫峽色終日洞庭波丞相今爲郡應無勞者歌

裴侍御見贈斑竹杖

騷人誇竹杖贈我意何深萬點湘妃淚三年賈誼心願持終白首誰道貴黃金他日歸愚谷偏宜綠綺琴

送張瓏一作歸袁州

美爾湘東去煙花尚可親綠芳深映鳥一作馬遠岫遙迎人飢秋啼初日殘鶯惜暮春遙憐謝客興佳句又應新

冬夜饒州使堂餞相公五叔赴歙州

丞相過邦牧清絃送羽鶴高情同客醉子夜爲人長斜漢初過斗寒雲正護霜新安江自綠明主待惟良

蔣山開善寺一作蔣山開善寺

山殿秋雲裏香煙出翠微客尋朝暮至僧背夕陽歸下界千門在前朝萬事非看心兼送目陵蕞自依依

晚發江寧道中呈嚴維

惆悵遙江路蕭條落日過蟬鳴獨樹急鴉向古城多轉曲隨青嶂因高見白波潘生秋徑草嚴子意如何

句容縣東青陽館作

句曲千峰暮歸人向遠煙風搖近水葉雲護欲晴一作天夕照留山館秋光落草一作田征途倘斜日一騎獨翩翩

晚春宴無錫蔡明府一作西亭

茅簷閑寂寂無事覺人和井近時澆園城低下見河興綠芳草積情向遠峰多別日歸吳地停橈更一過

送王端赴朝

君承明主意日日上丹墀東閣論兵後南宮草奏期人稀倘河處槐暗入關時獨遣吳州客平陵結夢思

送王正字山寺讀書

欲究先儒教還過支遁居山一作塔閣聽法竹運一作寺獨看書向日荷新卷迎秋柳半疎風流有佳句不一作似帶經鋤

送房明府罷長寧令湖州客舍

君為萬里宰恩及五湖人未滿先求退歸閑不厭貧遠峰晴更近殘柳雨還新要自趨丹陛明年雞樹親

詠螢

映水光難定陵虛體自輕夜風吹不滅秋露洗還明向燭仍分焰投書更有情猶將流亂影來此傷蒼檜

送李中丞楊判官

射策名先著論兵氣自雄能全季布諾不道魯連功流水蒹葭外諸山睥睨中別君秋日晚回首夕陽空

至七里灘作

遷客投於越臨江淚滿衣獨隨流水遠轉覺故人稀萬木迎秋序千峰駐晚暉行舟猶未已惆悵暮潮歸

南浦渡口

寂寞橫塘路新篁覆水低東風潮信滿時雨稻稔齊寡婦共租稅漁人逐鼓鼙無卓魯術解印謝黔黎

暮秋遷客增思寄京華

宋玉怨三秋張衡復四愁思鄉雁北至欲一作別水東流倚樹看黃葉逢人訴一作白頭佳期不可失落日自登樓見

送蘇修往上饒

愛爾無羈束雲山恣意過一身隨遠岫孤擢任輕波世事關心少漁家寄宿多蘆花泊舟處江月奈人何

題王十九弟堂

滿庭多種藥入里作山家終日能留客凌寒亦對花海鷗過竹喚門柳拂江沙知爾卑棲意題詩美白華

送弘志上人歸湖州

山林唯幽靜行住不妨禪高月穿松逕殘陽過水田一作泉詩從宿世悟法爲本師傳能使南人敬修持香火緣

送陸士倫宰義興

陽羨蘭陵近高城帶水閑澗流通野寺綠茗蓋春山長吏多一作先愁罷遊人詎肯還知君日清淨無事掩重關

和張舍人中書宿直

漢主留才子春城直紫微對花閣閨靜過竹吏人稀裁詔催添燭將朝欲更衣玉堂宜歲久且莫厭形閑

司勳王郎中宅送韋九郎中往濠州

憐爾因同舍看書似外家出關逢落葉傷水見寒花送遠添秋思將衰戀歲華清淮倍相憶回首莫令賒

晚春送吉校書歸楚州

吉中書曾爲道士

詩人饒楚思淮上及春歸舊浦菱花發一作待閉門柳絮飛高名鄉曲重少事道流稀定向漁家醉殘陽臥釣磯

送嚴二擢第東歸

隨官就宿薦時輩詎爭先盛業推儒行高科獨少年迎秋見衰葉餘照逐鳴蟬舊里三峰下開門古縣前一作道

送冷朝陽及第東歸江寧

高第由佳句諸生似者稀長安帶酒別建業候潮歸稚子歡迎權隣人爲掃扉含情過舊浦鷗鳥亦依依

送越州辛法曹之任

但能一官適莫羨五侯尊山色垂一作趨府潮聲自到門綠塘剡溪路映竹五湖村王謝登臨處依依今尚存

送樊兵曹潭州謁韋大夫

塞鴻歸欲盡北客始辭春
零桂雖逢竹湘川少見人
江花鋪淺水山木暗殘春
修刺轅門裏多憐爾為親

送杜御史還廣陵

慙君從弱歲一作顧我比諸昆
同事元戎久俱承國士恩
隨鶯過淮水看柳向轅門
草色金陵岸思心那可論

送兗州杜別駕之任

停車邀別乘促軫奏胡笳
若見楚山暮因愁浙水賒
河堤經沒草村徑歷繁花
更有堪悲處梁城春日斜

題裴十六少卿東亭

平津舊閣深巷見南山
卷箔嵐煙潤遮隱竹影開
傾茶兼落帽戀客不開關
斜照窺簾外川禽時往還

同皇甫侍御題薦福寺一公房

虛室獨焚香林空靜磬長
閑窺數竿竹老在一繩床
叟若翻真偈然燈繼夕陽
人歸遠相送步履出回廊

送從姪端之東都

虜近人行少憐君獨出城
故關逢落葉寒日逐徂征
聞笛添歸思看山愜野情
皇華今絕少龍領也相迎

送王諫議充東都留守判官

時稱謝康樂別事漢平津
衰柳寒關道高車左掖臣
背河見北雁到洛問東人
憶昔遊金谷相看華髮新

和都官苗員外秋夜省直對雨簡諸知己

多一作兩南宮夜仙郎寓一作直
時漏長丹鳳闕秋冷一作白雲司
螢影侵塔亂鴻聲出苑遲
蕭條人吏散一作小謝有新詩

送從弟歸河朔

故鄉那可到令弟獨能歸
諸將矜旄節何人重布衣
空城流水在荒澤舊村稀
秋日平原路蟲鳴桑葉飛

送崔夷甫員外和蕃

君過湟中去尋源未是賒
經春逢白草盡日度黃沙
雙節行爲伴孤烽到似家
和戎非用武不學李輕車

春日長安送從弟尉吳縣

春愁能浩蕩送別又如何人向吳臺遠鶯飛漢苑多見花羞白髮因爾憶滄波好是神仙尉前賢亦未過

元日無衣冠入朝寄皇甫拾遺冉從弟補闕舒

伏奏隨廉使周行外冗員白髮空受歲丹陛不朝天秉燭千官去垂簾一室眠羨君青瑣裏並冕入爐煙

和韓郎中楊子津詵雪寄嚴維

雪深楊子岸看柳盡成梅山色潛知近潮聲只聽來夜禽驚曉散春物受寒催粉署生新興瑤華寄上才

送王牧往吉州謁王使君叔

細草綠汀洲王孫耐一作薄遊年華初冠帶文體舊弓裘野渡花爭發春塘水亂流使君憐一作小阮應念倚門愁

廣陵送林宰

清政過前哲香名達至尊明通漢家籍重識府公恩春景生雲物風潮斂雪痕長吟策蹇馬青楚入關門

贈衛南長官赴任

吏曹難茂宰主意念疲人更事文犀節還過白馬津雲間辭北關樹裏出西秦為報陶明府裁書莫厭貧

自常州還江陰途中作

處處空籬落江村不忍看無人花色慘多雨鳥聲寒黃霸初臨郡陶潛未罷一作官乘春務征伐誰肯問凋殘

潤州楊別駕宅送蔣九侍御收兵歸揚州

滄一作氣清金虎兵威壯鐵冠揚旌川色暗一作吹角水風寒人對輜輶醉花垂一作暉晚殘羨歸丞相閣一作空望舊

門一作欄

仲夏江陰官舍寄裝明府

萬室邊江次孤城對海安朝霞晴作雨濕氣晚生寒苔色侵衣桁潮痕上井欄題詩招茂宰思爾欲辭官

送夏侯審參軍遊江東

袖中多麗句未遣世人聞醉夜眠江月關時逐海雲秋花寒漫漫鷗鳥暮羣羣若到長沙苑漁家更待君

送袁員外宣慰勸農畢赴洪州使院

聖主臨前殿殷憂遣使臣氣迎天詔喜恩發土膏春草色催歸權鶯聲為送人龍沙多道里流水自一作相親

送侍御史四叔歸朝

淮南頻送別臨水惜殘春攀折隋宮柳淹留秦地人
含情歸上國論舊見平津更接天津近餘花映綬新

登楚州城望驛路十餘里山村竹林相次交映

十里山村道千峰標樹林霜濃竹枝亞歲晚秋花深
草市多樵客漁家足水禽幽居雖可羨無那子牟心

奉陪韋潤州遊鶴林寺

野寺江城近雙旌五馬過禪心超忍辱梵語問多羅
松竹閑僧老雲煙晚日和一作寒塘歸路轉清磬隔微波

奉酬路五郎中院長新除工部員外見簡

一門同秘省萬里作長城問絹蓮花府揚旗細柳營
詞鋒偏却敵草奏直論兵何幸新詩贈一作輪小謝名

送韋司直西行

此公深
入道門

不恥青袍故尤宜白髮新心朝玉皇帝貌似紫陽人
湘浦眠銷日桃源醉度春能文兼證道莊叟是前身

送上官侍御赴黔中

莫向黔中路令人到欲迷水聲巫峽裏山色夜郎西
樹隔朝雲合後窺曉月啼南方饒翠羽知爾飲清溪

送元侍御還荆南幕府

迢遞荊州路山多水又分霜林澹寒日朔一作朝鴈蔽南雲
八座由持節三湘亦置軍自當行直指應不爲功勳

登淦城浦望廬山初晴直省齋教催赴江陰

西望香爐雪千峰晚色一作新白頭悲作吏黃紙苦一作催人多
負登山屐深藏漉酒巾傷心公府內手板日相親

九日

惆悵重陽日空山野菊新兼葭百戰地江海十年人
歎老堪哀柳傷秋對白蘋孤樓聞夕磬塘路向城闈

九日送人

晴景應重陽高臺愴遠鄉水澄千室倒霧卷四山長
受節人逾老驚寒菊半黃席前愁此別未別已沾裳

春日淇上作

一作淇上

淇上一作春風一作深鴛鴦逐一作浪飛清明桑葉小度雨杏花稀
衛女紅粧薄王孫白馬肥相將踏青去不解惜羅衣

送從叔陽冰祇召赴都

自小從遊慣，多由戲笑偏。常時矜禮數，漸老荷優憐。見主承休命，爲郎貴晚年。伯喈文與業，虛作漢家賢。

送友人入湘

聞說湘川路，年年苦雨多。緩啼巫峽雨，月照洞庭波。窮海人還去，孤城雁共過。青山不可極，來往自蹉跎。

送裴員外往江南

公務江南遠，留驩幕下榮。楓林綠楚塞，水驛到宣城。草知春晚沙禽好，夜驚風帆幾度泊。處處菖蒲潮，驚

登秦嶺

南登秦嶺頭，回望始堪愁。漢關青門遠，高山藍水流。三湘遷客去，九陌故人遊。從此辭鄉淚，雙垂不復收。

送張惟儉秀才入舉

清秀過終童，攜書訪老翁。以吾爲世舊，憐爾繼家風。淮岸經霜柳，關城帶月鴻。春歸定得意，花送到東中。

送韋侍御湖南幕府

執憲隨征虜，逢秋出故關。雨多愁郢路，葉下識衡山地。遠從軍樂兵，強分野閑皇家。不易將此去，未應還

同皇甫冉赴官留別靈一上人

法許廬山遠，詩傳休上人。獨歸雙樹宿，靜與百花親。對物雖留興，觀空已悟身。能令折腰客，遙賞竹房春。

送客遊荊州

草色隨驄馬，悠悠共出秦。水傳雲夢曉，山接洞庭春。帆影連三峽，猿聲在四隣。青門一分首，難見杜陵人。

與鄭錫遊春

東門垂柳長，回首獨心傷。日暖臨芳草，天晴憶故鄉。映花鶯上下，過水蝶悠颺。借問同行客，今朝淚幾行。

故燕國相公輓歌二首

文若爲全德，留侯是重名。論公一作功長不宰，因病得無生。大夢依禪定，高墳共一作化城自應憐。寂滅人世，但傷情。

共美持衡日，皆言折檻時。蜀侯一作侯供廟略，漢主缺台司。車馬行仍止，笳蕭咽又悲。今年杜陵陌，一作陌珍瘞百花遲。

故吏部郎中贈給事中章公挽歌二首

神理今何在斯人竟若斯顏淵徒有德伯道且無兒白髮今非老青雲數有奇誰言夕郎拜翻向夜臺悲
社里東城接松阡北地開閭笳春色慘執紼故人哀終日南山對何時渭水回仁兄與恩舊相望泣泉臺

和袁郎中破賊後經剡縣山水上太尉

受律仙郎貴長驅下會稽鳴笳山月曉搖旆野雲低翦寇人皆賀迴軍馬自嘶地開春草綠城靜夜烏啼破竹
清閨嶺看花入剡溪元戎催獻捷莫道辜攀躋

送評事十九叔入秦

白露沾蕙草王孫轉憶歸蔡州新戰罷鄧路去人稀謁帝不辭遠懷親空有違孤舟看落葉平楚逐斜暉北闕
見端冕南臺當繡衣唯余播遷客只伴鷓鴣飛

贈王八衢

一本此下有州字

丹地偏相逐清江若有期腰金才子貴劄竹老人遲桂楫開迎客茶甌對說詩渚田分邑里山桂樹呆憇心靜
無華駭人和似古時別君遠山去幽獨更應悲

入睦州分水路憶劉長卿

北闕忤明主南方隨白雲沿澗灘草色應接海鷗羣建德潮已盡新安江又分回看嚴子瀨朗詠謝安文雨過
暮山碧猿吟秋日曛吳洲不可到刷鬢爲思君

奉和杜相公長興新宅卽事呈元相公

意有空門樂居無甲第奢經過容法侶雕飾讓侯家隱樹重簷畫開園一選斜據梧聽好鳥行藥寄名花夢蝶
雷清簾垂貂坐絳紗當山不掩戶映日自傾茶雅望歸安石深知在叔牙還成吉甫頌贈答比瑤華

江湖秋思

趨陪禁掖鴈行隨遠向江潭鶴髮垂素浪遙疑八谿水清楓忽似萬年枝嵩南春徧傷魂夢壺口雲深隔路岐
共望漢朝多霈澤蒼蠅早晚得先知

送朱中舍游江東

一作朱中舍

孤城郭外送王孫，越水吳洲共爾論。
野寺山邊斜有徑，漁家竹裏半開門。
青楓獨映搖前浦，白鷺閑飛過遠村。
若到西陵征戰處，不堪秋草自傷魂。

送竇拾遺赴朝因寄中書十七弟

竇拾遺叔尚
其弟竇野也

自歎未嘗黃紙詔，那堪遠送赤墀人。
老爲僑客偏相戀，素是詩家倍益親。
妻兒共載無羈思，鴛鴦同行不負身。
憑爾將書通令弟，唯論華髮愧頭巾。

自蘇臺至望亭驛人家盡空春物增思
悵然有作因寄從弟紆

南浦菰蔣覆白蘋，東吳黎庶逐黃巾。
野棠自發空臨水，江燕初歸不見人。
遠岫依依如送客，平田渺渺獨

傷春。那堪回首長洲苑，烽火年年報虜塵。

承思量移宰江邑臨郢江悵然之作

四年謫宦滯江城，未厭門前鄱水清。
誰言宰邑化黎庶，欲別雲山如弟兄。
雙鷗爲底無心狎，白髮從他遽曠生。
悵悵閉眠臨極浦，夕陽秋草不勝情。

題靈臺縣東山村主人

處處征胡人，漸稀山村寥落暮。
煙微門臨莽蒼經年閉，身逐嫫媧幾日歸。
負妻白發輪殘稅，餘寇黃河未解圍。
天子如今能用武，祇應歲晚息兵機。

同皇甫冉登重玄閣

高閣朱欄不厭遊，蒹葭白水遠長洲。
孤雲獨鳥川光暮，萬井千山海色秋。
清楚林中人轉靜，夕陽城上角偏愁。
誰憐一作堪遠作秦吳別，離恨歸心雙淚流。

宋州東登望題武陵驛

梁宋人稀鳥自啼，登樓一望倍含悽。
白骨半隨河水去，黃雲猶傍郡城低。
平陂戰地花空落，舊苑春田草未齊。
明主頻移虎符守，幾時行縣向黔黎。

晚登江樓有懷

獨坐南樓佳興新，青山綠水共爲隣。
爽氣遙分隔浦岫，斜光偏照渡江人。
心閑鷗鳥時相近，事簡魚竿私自親。

只憶帝京不可到秋琴一弄欲沾巾

遊徐城河忽見清淮因寄趙八

自緣遲暮憶滄洲翻愛南河濁水流初過重陽惜殘菊行看舊浦識羣鷗朝霞映日同歸處曠柳搖風欲別秋
長恨相逢即分首含情掩淚獨回頭

題遊仙閣白一作公廟

仙冠輕舉竟何之薛荔綠苔竹映祠甲子不知風馭日朝昏唯見雨來時霓旌翠蓋終難遇流水青山空所思
逐客自憐雙鬢改焚香多負白雲期

送鄭正則漢陽迎婦

錦字相催鳥急飛郎君暫脫老萊衣遙想雙眉待人畫行者五馬送潮歸望夫山上花猶發新婦江邊鶯未稀
令秩和鳴真可羨此行誰遣負春輝

送皇甫冉往安宜

江皋盡日唯煙水君向白田何日歸楚地蒹葭連海逾隋朝楊柳映堤稀津樓故市無行客山館荒城閉落暉
若問行人與征戰使君雙淚定霑衣

晚登咸陽寄同院遺補

征戰初休草又衰咸陽晚眺淚堪垂去路全無千里客秋田不見五陵兒秦家故事隨流水漢代高墳對石碑
回首青山獨不語羨君談笑萬年枝

早秋京口旅泊章侍御寄書相問因以贈之時七夕

移家避寇逐行舟厭見南徐江水流吳越一作征徭非舊日秣陵凋弊不宜秋千家閉戶無砧杵七夕何人望斗
牛祇有同時驄馬客偏宜一作尺牘問窮愁

秋晚一作招隱寺東峰茶宴送內弟闍伯均歸江州

萬畦新稻傍山村數里深松到寺門幸有香茶留稚子一作不堪秋草送王孫煙塵怨別唯愁隔井邑蕭條誰忍
論莫怪臨歧獨垂淚魏舒偏念外家恩

送嚴員外

一作別
長安詩

春風倚權閣，聞城水國春。寒陰復晴細，雨濕衣看不見。開花落地聽無聲，日斜江上孤帆影。草綠湖南萬里情，君去若逢相識問，青袍今已誤儒生。

赴南中留別褚七少府湖上林亭

一作別
長安詩

種田東郭傍，春陂萬事無。情把釣絲綠，竹放侵行遲。裏青山常對卷簾時，紛紛花發門空閉。寂寂鶯啼日更遲，從此別君千萬里。白雲流水憶佳期。

與從弟正字從兄兵曹宴集林園

竹窓松戶有佳期，美酒香茶慰所思。輔嗣外生還解易，惠連羣從總能詩。簷前花落春深後，谷裏鶯啼日暮時。去路歸程仍待月，垂鞭不控馬行遲。

酬皇甫十六侍御曾見寄

此公時貶
舒州司馬

自顧衰容累玉除，忽承優詔赴銅魚。江頭鳥避青旄節，城裏人迎露網車。長沙地近悲才子，古郡山多憶舊廬。更枉新詩思何苦，離騷愁處亦無如。

暮春宜陽郡齋愁坐，忽枉劉七侍御新詩，因以酬答。

子規夜夜題櫺葉，遠道逢春_{一作春來}半是愁。芳草伴人還易老，落花隨水亦東流。山臨睥睨晚恒多，雨地接瀟湘畏及秋。唯羨君為周柱史，手持黃紙到滄洲。

送舍弟

諸謝偏推永嘉守，三何獨許水曹郎。老兄鄙思難儔匹，令弟清詞堪比量。疊嶂入雲藏古寺，高秋背月轉南湘。定知馬上多新句，早寄袁溪當八行。

送從弟永任饒州錄事參軍

一官萬里向千溪，水宿山行魚浦西。日晚長煙高岸近，天寒積雪遠峰低。蘆花渚裏鴻相叫，苦竹叢邊鵲暗啼。聞道慈親倚門待，到時蘭葉正萋萋。

送馬將軍奏事畢歸滑州使幕

吳門別後蹈滄州帝里相逢俱白頭自歎馬卿常帶病還嗟李廣未封侯棠梨宮裏瞻龍袞細柳營前著豹裘
想到滑臺桑葉落黃河東注荻花秋

聞逝者自憐

亦知死是人間事年老聞之心自疑黃卷清琴總為累落花流水共添悲願將從藥看真訣又欲休官就本師
兒女眼前難喜捨彌憐雙鬢漸如絲

傷欽州陳二使君

憐君辭滿一作病臥滄洲一旦云亡萬事休慈母斷腸妻獨泣寒雲慘色水空流江村故老長懷惠山路孤猿亦共
愁寂寞荒墳近漁浦野松孤月即千秋

白田西憶楚州使君弟

山陽郭裏無潮野水自向新橋魚網平鋪荷葉鷺鷥閑步稻苗秣陵歸人惆悵楚地連山寂寥却憶士龍賓閣
清琴綠竹一作水蕭蕭

送陸澧還吳中一作劉長卿詩

瓜步寒潮送客楊花暮雨霑衣故鄉南望何處秋水連天獨歸

春日憶家一作春山歸山

自覺勞鄉夢無人見客心空餘庭草色日日伴愁襟

遠寺鐘

疎鐘何處來度竹兼拂水漸逐微風聲一作微依依猶在耳

白鷺

江南淥水多蘋影逗輕波落日泰雲裏山高奈若何

夜宴南陵留別

雪滿前庭月色關主人留客未能還預愁明日相思處匹馬千山與萬山

題前溪館

兩年謫宦在江西舉目雲山要自迷今日始知風土異潯陽南去鷓鴣啼

過烏公山寄錢起員外

兩過青山後叫時愁人淚點石榴枝無端王事還相繫腸斷蒹葭君不知

寄王舍人竹樓

傲吏身閑笑五侯西江取竹起高樓南風不用蒲葵扇紗帽閑眠對水鷗

韋潤州後亭海榴

江上年年小雪遲年光獨報海榴知寂寂山城風日暖謝公含笑向南枝

送崔十一弟歸北京

潘郎美貌謝公詩銀印花廳年少時楚地江皋一為別晉山沙水獨相思

訪韓司空不遇

圖書風流似長康文詞體格效陳王蓬萊對去一作歸常晚叢竹一作竹閑飛滿夕陽

題道虔上人竹房

詩思禪心共竹閑任他流水向一作向人間手持如意高窓裏斜日沿江千萬山

秋朝木芙蓉

水面芙蓉秋已衰籜條到是著花時平明露滴垂紅臉似有朝愁暮落悲

袁江口憶王司勳王吏部二郎中起居十七弟

京華不啻三千里客淚如今一萬雙若個最為相憶處青楓黃竹入袁江

答泉州薛播使君重陽日贈酒

欲強登高無力去籬邊黃菊為誰開共知不是潯陽郡那得王弘送酒來

題張公洞

空山杳杳鸞鳳飛神仙門戶開翠微主人白髮雪霞衣松間留我談玄機

句

水田飛白鷺夏木轉黃鸝

白馬撼金珂紛紛侍從多身居驛騎幕家住滹沱河

溪

北映初星

李賀詩此句王右丞取以爲七言今集中無之

包何

包何字幼嗣潤州延陵人融之子與弟信齊名世稱二包登天寶進士第大層中爲起居舍人詩一卷

送泉州李使君之任

一作送李使君赴泉州

傍海皆荒服分符重漢臣雲山百越路市井十洲人執玉來朝遠還珠入貢頻連年不見雪到處即行春

和孟虔州閣齋即事

古郡鄰江嶺公庭半薛蘿府寮閑不入山鳥靜偏過睥睨臨花柳欄十枕芰荷麥秋今欲至君聽雨岐歌

同李郎中淨律院院樹

本一作木枕稀難識沙門種則生葉殊經寫字子爲佛稱名濾水澆新長燃燈暖更榮亭亭無別意只是勸修行

同閻伯均宿道士觀有述

南國佳人去不迴洛陽才子更須媒綺琴白靈無心弄羅幌清風到曉開冉冉修篁依戶牖迢迢列宿映樓臺縱令奔月成仙去且作行雲入夢來

送烏程王明府貶巴江

一片孤帆無四鄰北風吹過五湖濱相看盡是江南客獨有君爲嶺外人

同舍弟估班韋二員外秋苔對之成詠

每看苔蘚色如向薄書開幽思纏芳樹高情寄遠山雨痕連地綠日色出林斑却笑興公賦臨危滑石間

送王文

一作宰江陰

郡北一作北乘流去花間竟日行海魚朝滿市江鳥夜喧城止酒非關病援琴不在聲應緣五斗米數日滯淵明

和苗員外寓直中書

一作和苗員外寓直中書

朝列稱多士君家有一難貞爲臺裏柏芳作省中蘭夜宿一作直分曹潤一作晨趨接武歡每憐雙闕下鴈序入鴛鴦

金唐詩

卷二 包何

關下芙蓉

一人理國致昇平萬物呈祥助聖明天上河從關下過江南花向殿前生慶雲垂蔭開難落湛露爲珠滿不傾
更對樂懸張宴處一作歌工欲奏採蓮聲

江上田家

近海川原薄人家本自稀黍苗期臘酒霜葉是寒衣市井誰相識漁樵夜始歸不須騎馬問恐畏一作狎鷗飛

送韋侍御奉使江嶺諸道催青苗錢

近遠一作遠從王事南行處處經手持霜簡白心在夏苗青迴鷹書應報愁援夜一作屢聽因君使絕域方物盡東庭

和程員外春日東郊即事

郎官休浣憐遲日野老歡娛爲有年幾處折花驚蝶夢數家留葉待鶯眠藤垂宛一作地繁珠履泉迸侵堦沒綠

錢直到閉關朝謁去鶯聲不散一作柳含煙

裴端公使院賦得隔簾見春雨

細雨未成霖垂簾但覺陰唯看上砌濕不遣入簷深度隰霑霜簡因風潤綺琴須移戶外屢簷溜夜相侵

相里使君第七男生日一作

娶妻生子復生男獨有君家衆所談荀氏八龍唯欠一桓山四鳳已過三他時幹壺聲名著今日懸弧宴樂酣

誰道衆賢能繼體須知箇箇出於藍

同諸公尋李方直不遇

聞說到揚州吹簫憶舊遊人來多不見莫是上迷樓

婺州留別鄧使君

西掖馳名久東陽出守時江山婺女分風月隱侯詩別恨雙溪急留歡五馬遲迴舟映沙嶼未遠剩相思

寄楊侍御一作也

一官何幸得同時十載無嫌獨見遺今日不論腰下組請君看取壻邊絲

賦得秤送孟孺卿

願以金秤鏈一作因君贈別雜鈞懸新月吐衡舉衆星隨掌握須平執錫錄必盡知由來投分審莫放一作弄權移

長安晚望寄崔補闕一作可

迢遞山河擁帝京參差宮殿接雲平風吹晚漏經長樂柳帶晴煙出禁城天淨笙歌臨路發日高車馬隔塵行

自憐久滯諸生列未得金閨籍姓名一作詩來句與此異云閣有漢才甘未速自慚名在書牕上

賈豔

賈豔天寶九年登進士第詩一首

送蕭穎士一作李赴東府得路字劉太真撰序

蕭夫子赴東府門人送者十二人劉太真為之序云先師微言既絕者千有餘載至夫子而後洵美無度得夫天和頃東倭之人踰海來賓舉其國俗願師於夫子弗敢私請表聞於天子夫子辭以疾而不之從也退然貧居遠作萬卷去其浮辭存乎正言昔左氏夫於煩穀梁失於短公羊失於俗而夫子為其折衷王公文辟拒而不應從官三年始叅謀於洛京家兒與先鳴者六七八奉壺開筵執弟子之禮於路左太真以文求進以無聞見舉而不悅為夫子羞春雲輕陰草色新碧皎皎疋馬出於青門吾徒喟然瞻望不及賦詩仰餞者自相里造賈豔以下凡十二人皆及門之選也按序滿賦詩十二人其事以鄭載不預會僅得九人之許然記者相里造及劉太真

又選張翊士和柳升及李悅李幼卿並選者

子欲適東周門人盈岐路高標信難仰薄官非始務綿邈千里途張回四郊暮征車日云遠撫已慙深願

劉舟一作舟

劉舟天寶中登進士第詩一首

送蕭穎士一作李赴東府得適字

大名掩諸古獨斷無不道德遂天下宗官為幕中容驪山浮雲散灞岬零雨夕請業非遠期圓光再生魄

長孫鑄

長孫鑄天寶十二年登進士第詩一首

賈豔 劉舟 長孫鑄 房白 元晟

送蕭穎士一作赴東府得雜字

大德詎可擬高梧有長離素懷經綸具昭世猶安卑落日去關外悠悠隔山陂我心如浮雲千里相追隨

房白

房白天寶中登進士第詩一首

送蕭穎士一作赴東府得還字

夫子高世蹟時人不可攀今予亦云幸謬得承溫顏良策資入幕遂行從近關青春灞亭別此去何時還

元晟

元晟河南府進士詩一首

送蕭穎士一作赴東府得引字

吾見夫子德誰云習相近數仞不可窺言味終難盡處喧慮常澹作吏心亦隱更有嵩少峰東南爲勝引

劉太冲

劉太冲彭城人天寶十二年登進士第詩一首

送蕭穎士一作赴東府得淺字

吾師繼微言贊述在墳典寸楮聊自資平生宦情鮮遲遲東州一作州路春草深復淺日遠夫子門中心曷由展

姚發

姚發天寶十二年登進士第詩一首

送蕭穎士一作赴東府得草字

天生良史筆浪跡擅文藻中夏授參謀東夷願聞道行軒翫春日饒席藉芳草幸得師季良欣畱篋笥寶

鄭愕

鄭愕天寶十二年登進士第詩一首

送蕭穎士一作赴東府得往字

斤溪數畝田素心擬長往繫君曲得引使我纓俗網風塵豈不勞道義成心賞春郊桃李月忍此戒征兩

殷少野

殷少野天寶十二年登進士第詩一首

送蕭穎士

官闕幕府下聊以任縱誕文學象仲尼高標嵇中散出門時雨潤對酒春風暖感激知己恩別離魂欲斷

鄔載

鄔載天寶十二年登進士第詩一首

送蕭穎士

策名十二載獨立先斯文通來及門者半已昇青雲青雲豈無姿黃鵠素不羣一辭芸香吏幾歲滄江潰散

戰既不羈天聽亦昭聞雖承急賢詔未詢陶唐君薄倖還自急此言那足云和風媚東郊時物滋南薰蕙

草正可摘豫章猶未分宗師忽千里使我心氛氳

皇甫曾

皇甫曾字孝常丹母弟也天寶十二載登進士第歷侍御史坐事徙舒州司馬陽翟令詩名與兄相上下當時

比張氏景陽孟陽云集一卷今編詩一卷

奉陪韋中丞使君遊鶴林寺

古寺傳燈久層城閉閣閑香花同法侶旌旆入深山寒磬虛空裏孤雲起滅間謝公憶高臥徒御望欲東選

奉送杜侍御還京

罷戰回龍節朝天上鳳池寒生五湖道春入萬年枝召化多遺愛胡清已畏知懷思偏感別墜淚

向旌麾

酬鄭侍御

搖落空林夜河陽興已生未辭公府步知結遠山情高柳風難定寒泉月助明袁公方臥雪尺素及柴荆

酬寶拾遺秋日見呈

殷少野 鄔載 皇甫曾

孤城永巷時相見，衰柳閑門日半斜。欲送近臣朝魏闕，猶憐殘菊在陶家。

韋使君宅海榴詠

淮陽臥理有清風，臘月榴花帶雪紅。閑寂常對此江湖，心在數枝中。

送普上人還陽羨

花宮難久別，道者憶千燈。殘雪入林路，暮山歸寺僧。日光依嫩草，泉響滴春冰。何用求方便，看心是一乘。

送李中丞歸本道

上將還專席，一作宜雙旌復出去。一作送人秦關河三晉，路賔從五原。人孤戍雲連海，平沙雪度春。一作石山道酬思看玉劍

何處有烟塵

和謝舍人雪夜寓直

禁省夜沈沈，春風雪滿林。滄洲歸客夢，青瑣近臣心。揮翰宣鳴玉，承恩在賜金。建章寒漏起，一作東臺更助

掖垣深

尋劉處士

幾年人不見，林下掩柴關。留客當清夜，逢君話舊山。隔城寒杵急，帶月早鴻還。南陌雖相近，其如隱者閑。

哭陸處士

從此無期見，柴門一作對對雪開。二毛逢世難，萬恨掩泉臺。返照空堂夕，孤城弔客迴。漢家偏訪道，猶畏一作鶴書來。

烏程水樓留別

悠悠千里去，惜此一尊同。客散高樓上，帆飛細雨中。山程隨遠水，楚思在青楓。共說前期事，滄波處處同。

題贈吳一門一作送邑上人

春山唯一室，獨坐草萋萋。身寂心成道，花開鳥自啼。細泉松徑裏，返景竹林西。晚與門人別，依依出虎溪。

送陸鴻漸山人採茶回

千峯待逋客，香茗復叢生。採擷知深處，烟霞羨獨行。幽期山寺遠，野飯石泉清。寂寂燃燈夜，一作相思一磬聲。

寄劉貞外長卿

南憶新安郡千山帶夕陽斷後知夜久秋草助江長疎髮應成素青松獨耐霜愛才稱漢主題柱待回鄉一作劉邦

寄張仲一作南

悲風生舊浦雲嶺隔東田伏臘同雞黍柴門閉雪天孤村明夜火稚子候歸船靜者心相憶離居畏度年

送元侍御充使湖南

雲夢南行盡三湘萬里流山川重分手一作徒御亦悲秋白簡勞王事清猿助客愁離羣復多病歲晚憶滄洲

晚至華陰

臘盡促歸心行人及華陰雲霞仙掌出松柏古祠深野渡水生岸寒川燒隔林溫泉看一作漸近宮樹晚沈沈

送孔徵士

谷口山多一作多山處處君歸不可尋家貧青史在身老白雲深掃雪開松徑疏泉過竹林餘一作生負丘壑相送亦何心

秋興

流螢與落葉秋晚共紛紛返照城中盡寒砧雨外聞離人見衰頽獨鶴暮一作暮何羣楚客在千里相思看碧雲

送歸中丞使新羅

南憶一作南銜恩去東夷泛海行天遙辭上國水盡到孤城已變炎涼氣仍愁浩淼程雲濤不可極來往見雙旌

送少微上人東南遊

石梁人不到獨往更迢迢乞食山家少尋鐘野寺遙松門風自掃瀑布雪難消秋夜聞清梵餘音逐海潮

送韋判官赴闕中

孤棹關中客雙旌海上軍路人從北少海一作水向南分野鶴傷秋別林後忘夜聞漢家崇亞相知子一作遠遠邀勲

送人還一作往荊州一作梓

草色隨驄馬悠悠同出秦水傳雲夢曉山接洞庭春帆影連三峽猿聲近四隣青門一分手難見杜陵人

寄淨虛上人一作初至雲門

寒蹤白雲裏法侶自提攜竹徑通城下松門隔水西方同沃州去不似武陵迷彷彿方一作知處高峯是會稽

春和杜相公移入長興宅奉呈諸宰執

全唐詩 卷二 皇甫曾

欲向幽偏適還從絕地移秦官鼎食貴堯世土階早戟戶槐陰滿書窗竹葉垂才一作分午夜漏遙隔萬年枝北
關深思在東林遠夢知日斜門掩一作暎山遠樹參差論道齊鶯一作莫題詩憶鳳池從公亦何幸長與珮聲隨

路中口號

還鄉不見家年老眼多淚車馬上河橋城中好天氣

山下泉

漾漾帶山光澄澄倒林影那知石上喧却憶一作山中靜

早朝日寄所知

長安雪夜一作見歸鴻紫禁朝天拜舞同曙色漸分雙闕下一作漏聲遙在百花中爐煙乍起開仙仗玉佩纒成一一作

引上公共荷發生同雨露不應黃葉久隨風

秋夕寄懷契一作上人

已見槿花朝委露獨悲孤鶴一作在人羣真僧出世心無事靜夜名香手自焚窗臨絕澗聞一作流水客至孤峯掃

白雲更想清晨誦經處獨看松上雪一作紛紛

張芬一作見訪郊居作

林中雨散早涼生已有迎秋促織聲三徑荒蕪羞對客十年衰老愧稱兄愁心自惜江蘿晚一作世事方看木槿

榮君若罷官攜手日一作尋山莫算一作白雲程

贈荃上人一作別荃公

律儀傳教誘僧臘老煙霄樹色依禪誦泉聲入寂寥寶一作龕經末劫一作畫壁見南朝深竹一作風開合寒潭一作

月動搖息心歸靜理愛道坐一作中宵更欲尋真去乘船過海潮

奉寄中書王舍人

腰金載筆謁承明至一作道安禪得此生西掖幾年綸綉貴東山選夜薜蘿情風傳刻漏星河曙月上梧桐雨露

清聖主好文誰為薦閉門空賦子虛成

送湯中丞和蕃

繼好中司出天心外國知已傳堯雨露更說漢威儀隴上應回首河源復載馳孤峯問徒御空磧見旌麾春草鄉愁起邊城旅夢移莫嗟行遠地此去蒼恩私

送和西蕃使

白簡初分命黃金已在腰恩華通外國徒御發中朝雨雪從邊起旌旗上隴遙暮天沙漠空磧馬蕭蕭寒路隨河水關城見柳條和戎先罷戰知勝霍嫫媯

送王相公赴幽州

台衮兼戎律勤憂秉化元鳳池東掖寵龍節北方尊長路山河轉前驅鼓角喧人安布時今地遠蒼君思暮日平沙迴秋風大旆翻漁陽在天末戀別信陵門

送徐大夫赴南海

舊國當分閩天涯蒼聖私大軍傳羽檄老將拜旌旗位重登壇後思深弄印時何年諫獵賦今日飲泉詩海內求民瘼城隅見島夷由來黃霸去自有上台期

贈沛州禪師

南嶽滿一作湘沅源一作源吾師經利涉身歸沃州老名與支公接淨教傳荆吳道緣止漁獵觀空色不染對境心自恬室中人寂寞門外山重一作重登天台積幽夢早晚當一作當負笈

尋嶺四望

漢家仙仗在咸陽洛水東流出建章野老至今猶望幸離宮秋樹獨蒼蒼

過劉員外長卿別墅

謝客關山後郊扉積一作積水通江湖千里一作十年別衰老一尊同返照寒川滿平田暮雪空滄洲自有趣不便哭一作復途窮

遇風兩作

草草理夜裝涉江又登陸望路殊未窮指期今已促傳呼戒徒馭振轡轉林麓陰雲擁巖端雷雨當山腹震雷

如在耳飛電來照目獸跡不敢窺馬蹄惟務速虔心若齋禱濡體如沐浴萬數相怒號百泉暗奔瀑危梁慮足跌峻坂憂車覆問我何以然前日愛微祿轉知人代事纓組乃微東向若家居時安枕春夢熟遵途稍已近候

吏來相續曉霽心始安林端見初旭

送商州杜中丞赴任

安康地理接商於帝命專城總賦與夕拜忽辭青瑣闥展裝獨捧紫泥書深山古驛分驕騎芳草開雲逐隼旗
綺皓清風千古在因君一為謝巖居

送著公歸越

誰能愁此別到越會相逢長憶雲門寺門前千萬峯石林埋積雪山路倒枯松莫學白居易一作士無人知去蹤

送鄭秀才貢舉

西去意如何知隨貢士科吟詩向月路驅馬出煙蘿晚色寒蕪遠秋聲候雁多自憐歸未得相送一勞歌

錫杖歌送明楚上人歸佛川

一作權德輿詩

上人遠自西天至頭陀行過南朝寺口翻貝葉古字經手持金策聲泠泠護法護身惟振錫石瀨雲溪深寂寂
乍來松徑風露寒遙暎霜天月成魄後夜空山禪誦時寥寥挂在枯樹枝真法嘗傳心不住東西南北隨緣路
佛川此去何時迴應真莫便遊天台

玉山嶺上作

悠悠驅匹馬征路上連岡晚翠深雲竇寒臺淨石梁秋花偏似雪楓葉不禁霜愁見前程遠空郊下夕陽

國子柳博士兼領太常博士輒申賀贈

博士本秦官求才帖職難臨風曲臺淨對月碧池寒講學分陰重齋祠曉漏殘朝衣辨色處雙綬更宜看

送裴秀才貢舉

儒衣羞此別去抵漢公卿賓貢年猶少篇童藝已成臨流惜暮景話別起鄉情離酌不辭醉西江春草生

贈老將

白草黃雲塞上秋曾隨驛騎出并州轆轤劔折虬髯白轉戰功多獨不侯

高適字達夫渤海人舉有道科釋褐封丘尉不得志去游河右哥舒翰表為左驍衛兵曹掌書記進左拾遺
轉監察御史潼關失守適奔赴行在擢諫議大夫節度淮南李輔國譖之左授太子少詹事出為蜀彭二州判
史進成都尹劍南西川節度使召為刑部侍郎轉散騎常侍封渤海縣侯永泰二年卒贈禮部尚書謚曰忠邁
喜功名尚節義年過五十始學為詩以氣質自高每吟一篇已為好事者傳誦開寶以來詩人之達者惟適而
已集二卷今編四卷

銅雀妓

日暮銅雀迥秋深玉座清蕭森松柏望委鬱綺羅情君恩不再得妾舞為誰輕

塞下曲

結東浮雲駿翩翩出從戎且憑天子怒復倚將軍雄萬鼓雷殷地千旗火生風日輪駐霜戈月魄懸瑠弓青海
陣雲匝黑山兵氣衝戰酣太白高戰罷旆頭空一作萬里不惜死一朝一作得成功畫圖麒麟閣入朝明光宮大
笑向文士一經何足窮古人昧此道往往成老翁

塞上

東出虛龍塞浩然客思孤亭振列萬里漢兵猶備胡邊塵漲北濱虜騎一作正南驅轉關豈長策和親非遠圖惟
昔李將軍按節出皇一作都總戎掃大漠一戰擒單于常懷感激心願効縱橫謀倚劔欲誰語關一作河空鬱紆

薊門行五首

薊門逢古一作老獨立思氛氳一身既零丁頭鬢白紛紛勳庸今已矣不識霍將軍

漢家能用武開拓窮異域戍卒厭糠粃降胡飽衣食關一作亭試一望吾欲淚沾臆

邊城十一月雨雪亂霏霏元戎號令嚴人馬亦輕肥羌胡無盡日征戰幾時歸

幽州多騎射結髮重橫行一朝事將軍出入有聲名紛紛獵秋草相向角弓鳴

黠黠一作長城外日沒更煙塵胡騎雖憑陵漢兵不顧身古樹滿空塞黃雲愁殺人

效古贈崔二

十月河洲時一看有歸思風塵生慘烈雨雪暗天地我輩今胡為浩哉迷所至緬懷當塗者濟濟居賢位邈然

在雲霄寧肯更淪蹟周旋多燕樂門館列車騎美人芙蓉姿狻室蘭麝氣金鑪陳默炭談笑正得意豈論草澤
中有此枯槁士我慙經濟策久欲甘棄置君負縱橫才如何尚顧頽長歌增鬱快對酒不能醉窮達自有時夫
子莫下淚

鉅鹿贈李少府

李侯雖薄宦時譽何籍籍駸馬常借人黃金每留客投壺華館靜縱酒涼風夕即此遇神仙吾欣知損益

東平留贈狄司馬

曾與留官
西天判官

古人無宿諾茲道以一作未爲難萬里赴知己一言誠可歎馬蹄經月窟劍術指樓蘭地出北庭盡城臨西海寒森
然瞻武庫則是一一作若弄儒輸入幕縮銀綬乘軺兼鐵冠練兵日精銳殺敵無遺殘獻捷見天子論功倖可汗激昂
丹墀下顧盼青雲端誰謂縱橫策翻爲權勢干將軍旣坎壈使者亦辛酸耿介挹一作捐三事羈離從一官知君不
得意他日會鵬搏

過盧明府有贈

良吏不易得古人今可傳靜然本諸己以此知其賢我行挹高風美爾兼少年胸懷豁清夜史漢如流泉明日
復行春邊遙出郊壇登高見百里桑野鬱芊芊時平俯鵲巢歲熟多人烟奸猾唯閉戶逃亡歸種田迴軒自郭
南老幼滿馬前皆賀蠶農至一作而無徭役牽君觀黎庶心撫之誠萬全何幸逢大道願言烹小鮮能奏明廷主
一作誰能
奏明主一試武城弦

單父逢鄧司倉覆倉庫因而有贈

邦牧今坐嘯羣賢趨紀綱四人忽不擾耕者遙相望粲粲府中妙授詞如履霜炎炎伏熱時草木無晶光匹馬
度睢水清風何激揚校緝閑帑藏發廩欣斯箱邂逅得相逢歡言至夕陽開襟自公餘數酒登琴堂舉榻挹山
川寓目窮毫芒白鳥向田盡青蟬歸路長醉中不惜別况乃正遊梁

薊門不遇王之煥郭密之因以留贈

適遠登薊丘茲晨獨搔屑賢交不可見吾願終難說迢遞千里遊羈離十年別才華仰清興功業嗟芳節曠蕩
阻雲海蕭條帶風雪逢時事多謬失路心彌折行矣勿重陳懷君但愁絕

寄孟五少府

秋氣風所落窮巷離憂兼暮蟬後時已如此高興亦徒然知君念淹泊憶我屢周旋征路見來雁歸人悲遠天平

生感一作千里相望在貞堅賢

苦雨寄房四一作昆季

獨坐見多雨况茲兼索居茫茫十月交窮陰千里餘彌望無端倪北風擊林笳白日一作渺難親一作黃雲爭卷舒

安一作得造化功曠然一掃除滴瀝層宇愁寥寥談笑疎泥塗擁城郭水潦盤丘墟惆悵田農喪回傷里閭

曾是力井一作稅局為一作無斗儲萬事切中懷十年思上書君門嗟緬邈身計念居諸沈今顧草茅鬱快任盈虛

黃鵠一作不可羨雞鳴時起予故人平臺側高館臨通衢兄弟方荀陳才華冠應徐彈碁自多暇飲酒更一作何如

知人想林宗直道慙史魚携手風流一作在開襟鄙吝社寧能訪窮巷相與對園一作蔬

和賀蘭判官望北海作

聖代務平典輔軒推上才遙遙一作濱海際曠望滄波開四牡未遲息三山安在哉巨鼇不可釣高浪何崔嵬港

港朝百谷茫茫連九垓挹流納廣大觀異增遐邇日出見魚日月圓知蚌胎跡非想像到心以精靈猜遠色帶

孤嶼虛聲涵殷雷風行越裳貢水遏天吳火攪轡隼將擊志機鷗復來緣情韻騷雅獨立遺塵埃吏道竟殊一作

用翰林仍忝陪長鳴謝知己所媿非龍媒

和崔二少府登楚丘城作

故人亦不遇異縣久棲託辛勤失路意感歎登樓作清晨眺原野獨立窮寥廓雲散芒碭山水還睢陽郭繞梁

即襟帶封衛多漂泊事古悲城池年豐愛墟落相逢俱未展攜手空書索何意千里心仍求百金諾公侯皆我

輩動用在謀畧聖心思賢才竭來刈葵藿

酬司空璠少府

飄飄未得意感激與誰論昨日過夫子仍欣吾道存江山滿詞賦札翰起涼溫吾見風雅作人知德業尊鸞鳳

蕩萬木秋氣屯高原燕趙何蒼茫鴻雁來翩翩此時與君別握手欲無言

酬李少府

高適

出塞魂屢驚懷賢意難說誰知吾道間乃在客中別日夕捧瓊瑤相思無休歌伊人雖薄官舉代推高節述
作凌江山聲華滿冰雪一登蒨丘上一作四顧何慘烈來雁無盡時邊風正騷屑將從崖谷遁且與沈浮絕君若
登青雲余當投魏闕

酬裴秀才

男兒貴得意何必相知早飄蕩與物永一作蹉跎覺年一作老長卿無產業季子慙妻嫂此事難重陳未於一作眾人道

酬陸少府

朝臨淇水岸還望衛人邑別意在山阿征途背原隰蕭蕭一作前村口唯見轉蓬入水渚人去遲霜天雁飛急固

應不遠別一作所與路一作未及欲濟川上舟相思空佇立

奉酬北海李太守丈人夏日平陰亭

天子股肱守丈人山嶽靈出身侍丹墀舉翮凌青雲當昔皇運否人神俱未寧諫官莫敢議酷吏方專刑谷永
獨言事匡衡多引經兩朝納深衷萬乘無不聽感烈播南史雄詞豁東演誰謂整隼旟翻然憶柴扃寄書汝陽
客迴首平陰亭開封見千里結念存百齡隱軫江山麗一作氛氳蘭茝馨自憐過時休漂泊隨流萍春野變木德
夏天臨火星一生徒羨魚四十猶聚螢從此日閒放焉能懷拾青

酬馬八效古見贈

深一作崖無綠竹秀色徒氛氳時代種桃李無人顧此君奈何冰雪操尚與蒿萊羣願託靈仙子一聲吹入雲

酬鴻臚裴主簿兩後唯陽北樓見贈之作一作王

暮霞照新晴歸雲猶相逐有懷晨昏暇想見登眺目問禮侍彤襜題詩訪茅屋高樓多古今陳事滿陵谷地久
微子封臺餘孝王築臺回顧霄漢豁達俯川陸遠水對秋城長天向喬木公門何清淨列戟森已肅不歡攜手
稀恒思着鞭速終當拂羽翰輕舉隨鴻鶴

酬裴員外以詩代書

少時方浩蕩遇物猶塵埃畧身外事交遊天下才單車入燕趙獨立心悠哉寧知戎馬間忽展平生懷且欣
清論高豈顧夕陽頽題詩碣石館縱酒燕王臺北望沙漠垂漫天雪皚皚臨邊無策略覽古空哀回樂轂吾所

之異乎族弟祕書鴈序之白眉者風塵一別俱東西南北之人愴然相逢適與願契旅館之暇長懷益增
因賦是詩愧非六義之流也

亞相膺時傑羣才遇良工翩翩幕下來拜賜甘泉宮信知命世奇適會非常功侍御執邦憲清詞煥春叢末路
望緒衣他時常發蒙款云三軍壯懼我彈射雄誰謂萬里遙在我樽俎中光祿經濟器精微自深衷前席屢榮
問長城兼在躬高蹤激頽波逸翮馳蒼穹將副節制籌欲令沙漠空司業志應徐雅度思冲融相思三十年憶
昨猶兒童今來抱青紫忽若披鴻鴻說劍增慷慨論支持始終祕書即吾門虛白無不通多才陸平原碩學鄭
司農獻封到關西獨步歸山東永意久知處嘉言能充宗客從梁宋來行役隨轉蓬酬贈欣元弟憶賢瞻數公
游鱗戲滄浪鳴鳳棲梧桐並負垂天翼俱乘破浪風眈眈天府間偃仰誰敢同何意搆廣厦翻然顧雕蟲應知
玩步兵惆悵此途窮

淇上酬薛三據兼寄郭少府微一作王

自從別京華我心乃蕭索十年守章句萬事空寥落北上登薊門茫茫見沙漠倚劍對風塵慨然思衛霍拂衣
去燕趙驅馬悵不樂天長滄洲路日暮邯鄲郭酒肆或淹留漁潭屢棲泊獨行備艱險所見窮善惡永願拯弱
莛孰云一作干鼎獲皇情念淳古時俗何浮薄理道資一作任賢安人在求瘼故交負靈竒逸氣抱零謬隱軫經濟
具縱橫建安作才望忽先鳴風期無宿諾飄飄勞州縣迢遞限言諳東馳眇貝丘西顧彌號略洪水徒自流浮
雲不堪託吾謀適可用天路豈寥廓不然買山田一身與耕鑿且欲同鷓鴣焉能志鴻鶴一作

酬岑二十主簿秋夜見贈之作

舍下蛩亂鳴居然自蕭索緬懷高秋興忽枉清夜作感物我心勞涼風驚二毛池枯菡萏死月出梧桐高如何
異鄉一作縣復得交才彥汨沒嗟後時蹉跎耻相見箕山別來久魏闕誰不戀獨有江海心悠悠一作未嘗倦

答侯少府

常日好讀書晚年學垂綸漆園多喬木睢水清醜醜詔書下柴門天命敢遠巡赫赫三伏時十日到咸秦褐衣
不得見黃綬翻在身吏道頽羈束生涯難重陳北使經大寒關山饒苦辛邊兵若芻狗戰骨成埃塵行矣勿復
言歸歟傷我神如何燕趙陸忽遇平生親開館納征騎彈絃娛遠賓飄飄天地間一別方茲晨東道有佳作南

朝無此人性靈出萬象風骨超常倫吾黨謝王粲羣賢推却說明時取秀才落日過蒲津節苦名已富祿微家
轉貧相逢愧薄遊撫已荷陶鈞心事正堪盡離居所寧太頻兩河歸路遙二月芳草新柳接潯沱暗鶯連渤海
春誰謂行路難猥當希代珍提握每終日相思猶比鄰江海有扁舟丘園有角巾君意定何適我懷知所遵浮
沈各異宜老大貴全真莫作雲霄計遑遑隨縉紳

宋中別周梁李三子

曾是不得意適來兼別離如何一尊酒翻作滿堂悲周子負高價梁生多逸詞周旋梁宋間感激建安時白雪
所正如此青雲天無自疑李侯懷英雄一作清英歡讎乃天資方寸且無間衣冠當在斯俱為千里遊忽所念兩鄉辭
且見壯心在莫嗟攜手遲涼風吹北原落日滿所西陂露下草初白天長雲屢滋我心不可問所君去所定何
之京洛多知己誰能憶左思

宋中別李八

歲晏誰不歸君歸意可說將趨倚門望還念同人別駐馬臨長亭飄然事明發蒼茫眺千里正值苦寒節舊國
多轉蓬平臺下明月世情薄疵賤夫子懷賢指行矣各勉旃吾當挹餘烈

別王微

歸客自南楚悵然思北林所蕭條秋風暮迴首江淮深留君終日一作留歡或為梁父吟時輩想鵬舉他人嗟陸
沈載酒登平臺贈君千里心浮雲暗長路落日有歸禽離別未足悲辛勤當自任吾知十年後季子多黃金

送蕭十八與房侍御迴還

常苦所古人遠今見斯人古澹泊遺聲華周旋必鄒魯故交在梁宋遊方出庭戶匹馬鳴朔風一身濟河滸辛

勤采蘭詠款曲翰林主歲月催別離庭闈遠風土寥寥寒煙靜莽莽夕陰吐一作明發不在茲青天叟難親

宋中送族姪式顏時強大夫罷梧州使入召式顏遂有此作

大夫擊東胡胡塵不敢起胡人山下哭胡馬海邊死部曲盡公侯與臺亦朱紫當時有勳業末路遭譏毀轉旆
燕趙間剖符括蒼裏弟兄莫相見親族遠粉梓不改青雲心仍招布衣士平生懷感激本欲候知己去矣難重
陳飄然自茲始遊梁且未遇適越今何以鄉山西北愁竹箭東南美崢嶸縉雲外蒼蒼幾千里旅雁悲啾啾朝

昏執云已登臨多瘴癘動息在風水雖有賢主人終爲客行子我攜一尊酒滿酌聊勸爾勸爾惟一言家聲勿
淪滓

又送族姪式顏

惜君才未遇愛君才若此世上五百年吾家一千里俱遊帝城下忽在梁園裏我今行山東離憂不能已

贈別王十七管記

故交吾未測薄宦空年歲晚節蹤曩賢雄詞冠當世堂中皆食客門外多酒債產業曾未言衣裘與人敝飄飄
戎幕下出入關山際轉戰輕壯心立談有邊計雲沙自迴合天海空迢遞星高漢將驕月盛胡兵銳沙深冷陁
斷雪暗遼陽閉亦謂掃檣旋旋驚陷峰壘歸旌告東捷關騎傳西敗送飛絕漢書已策長安第畫龍俱在葉龍
鶴先居衝勿辭部曲勲不藉將軍勢相逢季冬月悵望窮海裔折劍留贈人嚴裝遠云邁我行將悠緜說文緜及
此還羈滯曾非濟代謀且有臨深誠隨波混清濁與物同醜麗眇憶青巖棲寧忘禍衣拜自言愛前水石本欲
親蘭蕙何意薄松筠翻然重管劇恆深取與分執慢平生契歛曲難黍期酸辛別離袂逢時愧名節遇坎悲淪
替適趙非解紛遊燕往前無說浩歌方振蕩逸翮思凌厲倏若異鵬搏吾當學蟬蛻

漣上別王秀才

飄飄經遠道客思滿窮秋浩蕩對長漣君行殊未休崎嶇山海側想像無前倚何意一作宜照乘珠忽然欲暗投東
路方蕭條楚歌復悲愁暮帆使人感去鳥兼離憂行矣當自愛壯年莫悠悠余亦從此辭異鄉難久留贈言豈
終極慎勿滯滄洲

贈別沈四逸人士

沈侯未可測其況信浮沈十載常獨坐幾人知此心乘舟蹈滄海買劍投黃金世務不足煩有田西山岑我來
遇知己遂得開清襟何意關關間沛然江海深疾風掃秋樹灑上多鳴砧耿耿尊酒前聯雁飛愁音前平生重
離別感激對孤琴前

送韓九

惆悵別離日裴回岐路前歸人望獨樹匹馬隨秋蟬常與天下士許君兄弟賢良時正可用行矣莫徒然

送崔錄事赴宣城

大國非不理小官皆用才欲行宣城印住飲洛陽栢晚景爲人別長天無鳥迴舉帆風波渺倚棹江山來美爾兼乘興蕪湖千里開

別張少府

歸客留不住朝雲縱復橫馬頭向春草斗柄臨高城嗟我久離別羨君看弟兄歸心更難道回首一傷情

洪上別劉少府子英

近來住洪上蕭條惟空林又非耕種時閑散多自任伊君獨知我驅馬欲招尋千里忽攜手十年同苦心求仁見交態於道喜甘臨逸思乃天縱微才應陸沈飄然歸故鄉不復問雜襟南登黎陽渡莽蒼寒雲陰桑葉原上起河凌山下深途窮更遠別相對益悲吟

別耿都尉

四十能學劍時人無此心如何耿夫子感激投知音翩翩白馬來二月青草深別易小千里興酣傾百金

宋中遇林慮楊十七山人因而有別

昔余涉漳水驅車行鄴西遙見林慮山蒼蒼憂天倪邂逅逢爾曹說君彼巖棲羅徑垂野蔓石房倚雲梯秋韭何青青藥苗數百畦栗林隘谷口栢樹森迴谿耕耘有山田紡績有山妻人生苟如此何必組與珪誰謂遠相訪曩情殊不迷簷前舉醇醪竈下烹隻雞朔風忽振蕩昨夜寒蟄啼遊子益思歸罷琴傷解携出門盡原野白日黯已低始驚道路難終念言笑睽因聲謝岑寤歲暮一攀躋

酬別薛三蔡大留簡韓十四主簿

迢遞辭京華辛勤異鄉縣登高俯滄海迴首淚如霰同人久離別失路還相見薛侯懷直道德業應時選蔡子負清才當年擢賓薦韓公有奇節詞賦凌羣彥讀書嵩水間作吏滄海甸伊余寡棲託感激多慍見縱誕非爾情飄淪任疵賤忽枉瓊瑤作乃深平生眷始謂吾道存終嗟客遊倦歸心無晝夜別事除言宴復值涼風時蒼茫夏雲變

送虞城劉明府謁魏郡苗太守

天官蒼生望出入承明廬肅肅領舊藩皇皇降璽書茂宰多感激良將復吹噓永懷一言合誰謂千里疎對酒忽命駕茲情何起予炎天晝如火極目無行車長路出雷澤浮雲歸孟諸魏郡十萬家歌鐘喧里閭傳道賢君至閉關常晏如君將挹高論定是問樵漁今日逢明聖吾為陶隱居

途中酬李少府贈別之作

西上逢節換東征私自憐故人今臥疾欲別還留連舉酒臨南軒夕陽滿中筵寧知江上興乃在河梁偏行李多光輝札翰忽相鮮誰謂歲月晚交情尚貞堅終嗟州縣勞官謗復速遣雖負忠信美其如方寸懸連帥扇清風千里猶眼前曾是趨藻鏡不應翻棄捐日來知自強風氣殊未痊可以加藥物胡為輒憂煎驅馬出大梁原野一悠然柳色感行客雲陰愁遠天皇明燭幽遐德澤普照宣鴻列霄漢燕雀何翩翩余亦愜所從漁樵十二年種瓜漆園裏鑿井盧門邊去去勿重陳生涯難勉旃或期遇春事與爾復周旋投報空回首狂歌謝比肩

睢陽酬別暢大判官

吾友遇知己策名逢聖朝高才擅白雪逸翰懷青霄承詔選嘉賓一作兵慨然即馳輶清晝下公館尺書忽相邀留歡惜別離畢景駐行鑣言及沙漠事益令胡馬驕丈夫拔東蕃聲冠霍嫖姚堯鞞衝矢石鐵甲生風颭諸將出冷一作冰陁連營濟石橋酋豪盡俘馘子弟輪征徭邊庭絕刁斗戰地成漁樵榆關夜不扃塞口長蕭蕭降胡滿薊門一一能射鵰軍中多宴樂馬上何輕趨戎狄本無厭羈縻非一朝飢附誠足用飽飛安可招李牧制僭蓋遺風豈寂寂家君還謝幕府慎勿輕芻蕘

宴韋司戶山亭院

人幽想靈山意愜憐遠水習靜務為適所居還復爾汲流漲華池間酌宴君子苔選試窺踐石屏可攀倚入門見中峰携手如萬里橫琴了無事垂釣應有以高館何沈沈颯然涼風起

同諸公登慈恩寺浮圖

香界泯羣有浮圖豈諸相登臨駭孤高披拂欣大壯言是羽翼生迥出虛空上頓疑身世別乃覺形神王宮闕皆戶前山河盡簷向秋風昨夜至秦塞多清曠千里何蒼蒼五陵鬱相望盛時慙玩步末官知周防輸效獨無

因斯焉可遊放

同薛司直諸公秋霽曲江俯見南山作

南山鬱初霽曲江湛不流若臨瑤池前想望崑崙丘迴首見黛色眇然波上秋深沈俯崢嶸清淺延阻修連潭萬木影插岸千巖幽杳靄信難測澗淪無暗投片雲對漁父獨鳥隨虛舟我心寄青霞世事慙白鷗得意在乘興忘懷非外求良辰自多暇欣與數子遊

登廣陵樓靈寺塔

淮南富登臨茲塔信奇最直上造雲族憑虛納天籟迥然碧海西獨立飛鳥外始知高興盡適與賞心會連山黠吳門喬木吞楚塞城池滿窗下物象一作情歸掌內遠思駐江帆暮時一作晴結春靄軒車疑蠢動造化資大塊何必了無身然後知所退

登百丈峰二首

朝登百丈峰遙望燕支道漢壘青冥間胡天白如掃憶昔霍將軍連年此一作北征討匈奴終不滅寒山徒草草唯見一作雁鴻雁飛令人傷懷抱

晉武輕後事惠皇終已昏豺狼塞渾洛胡羯爭乾坤四海如鼎沸五原徒自尊而今白庭路猶對青陽門朝市不足問君臣隨草根

同羣公秋登琴臺

古跡使人感琴臺空寂寥靜然顧遺塵千載如昨朝臨眺自茲始羣賢久相邀德與形神高孰知天地遙四時何倏忽六月鳴秋蜩萬象歸白帝平川橫赤霄猶是對夏伏幾時有涼颺燕雀滿簷鴻鳩搏扶搖物性各自得我心在漁樵兀然還復醉尚握尊中瓢

同羣公出獵海上

吹獵自古昔況伊心賞俱偶與羣公遊曠然出平蕪層陰漲濱海殺氣窮幽都鷹隼何翩翩馳驟相傳呼豺狼窟榛莽麋鹿羅羅艱虞高鳥下驛弓因獸闕匹夫塵驚大澤晦火燎深林枯失之有餘恨獲者無全軀咄彼工拙間恨非指蹤徒猶懷老氏訓感歎此歡娛

同羣公題鄭少府田家

此公曾任白馬尉今書集卷中

鄭侯應懷惶五十頭盡白昔爲南昌尉今作東郡客與語多遠情論心知所益秋林既清曠窮巷空漸瀝蝶舞園更闊雞鳴日云夕男兒未稱意其道固無適勸君且杜門勿歎人事隔

同羣公題中山寺

平原十里外稍稍雲巖深遂及清淨所都無人世心名僧既禮謁高閣復登臨石壁倚松徑山田多栗林超遙盡巖嶠逼側仍嘔欽吾欲休世事於焉聊自任

同羣公宿開善寺贈陳十六所居

駕車出入境避暑投僧家乘回龍象側始如見香林花讀書不及經飲酒不勝茶知君悟此道所未搜架談空忘外物持誠破諸邪則是無心地相看唯月華

同韓四薛三東亭說月

遠遊悵不樂茲賞吾道存款曲故人意辛勤清夜言東亭何寥寥佳境無朝昏塔堦近洲渚戶牖當郊原矧乃窮周旋游時不怡討論樹陰蕩瑤瑟月氣延清尊明河不帶飛雁野火連荒村對此更愁予悠哉懷故園

同敬八盧五汎河間清河

清川在城下沿汎多所宜同濟愜數公翫物欣良時飄飄波上興燕婉舟中詞昔陟乃平原今來忽漉潯東流連滄海西流延滹池雲樹共晦明井邑相逶迤稍隨歸月帆若與沙鷗期漁父更留我前潭水未滋

同房侍御山園新亭與邢判官同遊

隱隱春城外朦朧陳跡深君子顧榛莽興言傷古今決河導新流疏逕蹤舊林開亭俯川陸時景宜招尋書穆逢使軒寅緣事登臨忝遊芝蘭室還對桃李陰岸遠白波來氣喧不黃鳥吟因暗歌頌作始知經濟心灌壇有遺風單父多鳴琴誰爲久州縣蒼生懷德音

同馬太守聽九思法師講金剛經

吾師晉陽寶傑出山河最途經世諦聞心到空王外鳴鐘山虎伏說法天龍會了義同建瓴梵法若吹籟深知德切苦善喻恆沙大捨施割肌膚攀緣去親愛招提何清淨良牧駐輕蓋露冕衆香中臨人覺苑內心持佛印

久標割魔軍元初退願開元初地因永奉彌天對

連上題樊氏水亭

連上非所趣偶爲世務牽經時駐歸棹日夕對平川莫論行子愁且得主人賢亭上酒初熟厨中魚每鮮自說
宦遊來因之居住偏煮鹽滄海曲種稻長淮邊四時常晏如百口無飢年菱芋藩籬下漁樵耳目前異縣少朋
從我行復追適向不逢此君孤舟已言旋明日又分首元初風濤還眇然

同呂判官從哥舒大夫破洪濟城迴登積石軍多福一本有七級浮圖

塞口連濁河轅門對山寺寧知鞍馬上獨有登臨事七級凌太清千崖列蒼翠飄飄一作方寓目想像見深意高
興殊未平涼風颯然至拔城陣雲合轉旆胡星隊大將何英靈官軍動天地君元初懷生羽翼本欲附騏驎款段
苦不前青冥信難致一歌陽春後三歎終自愧

三君詠并序

開元中適遊於魏郡郡北有故太師鄭公舊館里中有故尚書郭公遺業邑外又有故太守狄公生祠焉
觀物增懷遂爲三君詠

魏鄭公微

鄭公經綸日隋氏風塵昏濟代取高位逢時敢直言道光先帝業義激舊君恩寂寞臥龍處英靈千載魂

郭代公元振

代公實英邁津涯浩難識擁兵抗矯徵仗節歸有德縱橫負才智顧盼安社稷流落勿重陳懷哉爲悽惻

狄梁公仁傑

梁公乃貞固勲烈垂竹帛昌言太后朝潛運儲君策待賢開相府共理登方伯至今青雲元初人猶是門下客

宓公琴臺詩三首

甲申歲適登子賤琴臺賦詩三首首章懷宓公之德千祀不朽次章美太守李公能嗣子賤之政再造琴
臺末章多邑宰崔公能繼子賤之理

宓子昔爲政鳴琴登此臺琴和人亦閑千載稱其才臨眺忽悽愴人琴安在哉悠悠此天壤唯有頌聲來

邦伯感遺事慨然建琴堂乃知靜者心千載猶相望入室想其人出門何茫茫唯見白雲合東臨鄒魯鄉
蟠蟠邑中老自誇邑中理何必升君堂然後知君美開門無犬吠早臥常晏起昔人不忍欺今我還復爾

李雲南征蠻詩并序

天寶十一載有詔伐西南夷右相揚公兼節制之寄乃奏前雲南太守李宓涉海自交趾擊之道路險艱
往復數萬里蓋百王所未通也十二載四月至於長安君子是以知廟堂使能而李公効節適忝斯人之

舊因賦是詩

聖人赫斯怒詔伐西南戎肅穆廟堂上深沈節制雄遂令感激士得建非非常功料死不料敵顧恩寧顧終鼓
行天海外轉戰蠻夷中梯嶮近高鳥穿林經毒蟲鬼門無歸客北戶多南風蜂蟻隔萬里雲雷隨九攻長驅大
浪破急擊羣山空餉道忽已遠懸軍垂欲窮精誠動白日憤薄連蒼穹野食掘田鼠哺餐兼雙僮收兵列亭堦
拓地彌西東臨事耻苟免履危能飭躬將星獨照耀邊色何凜凜澹水夜可涉交州今始通歸來長安道召見
甘泉宮廉蘭若未死孫吳知暗同相逢論意氣慷慨謝深衷

題尉遲將軍新廟

周室旣板蕩賊臣立嬰兒將軍獨激昂誓欲酬恩私孤城日無援高節終可悲家國共淪亡精魂空在斯沈沈
積冤氣寂寂無人知良牧懷深仁與君建明祠父子俱血食軒車每逶迤我來薦蘋蘩感歎興此詞晨光上階
闈殺氣翻旌旗明明幽冥理至誠信莫欺唯夫二千石多慶方自茲

觀李九少府蕭樹宓子殿神祠碑

吾友吏茲邑亦嘗懷宓公安知夢寐間忽與精靈通一見興永歎再來激深衷從何逶迤二十四老翁於焉
建層碑窅兀長林東作者無愧色行人感遺風坐令高岸盡獨對秋山空片石勿謂輕斯言固難窮龍盤色絲
外鵲顧偃波中形勝駐羣目堅貞指蒼穹我非王仲宣去矣徒發蒙

同觀陳十六史興碑并序

楚人陳章甫繼毛詩而作史興碑遠自周末迨乎隋季善惡不隱蓋國風之流未藏名山刊在樂石僕美
其事而賦是詩焉

荆衡氣偏秀江漢流不歇此地多精靈有時生才傑伊人今獨步逸思能間發永懷掩風騷千載常砭砭新碑
亦崔嵬佳句懸日月則是刊石經終然繼構朽我來觀雅製慷慨變毛髮亭主盡荒淫前王徒貽厥東周既削
弱兩漢更淪沒西晉何披猖五胡相唐突作歌乃彰善比物仍惡訐感歎將謂誰對之空咄咄

宋中十首

梁王昔全盛賓客復多才悠悠一千年陳跡唯高堂寂寞向秋草悲風千里來

朝臨孟諸上忽見芒碭間亦帝終已矣白雲長不還時清更何有禾黍偏空山

景公德何廣臨變莫能欺三請皆不忍妖星終自移君心本如此天道豈無知

梁苑白日暮梁山秋草時君王不可見脩竹令人悲九月桑葉盡一作寒風鳴樹枝

登高臨舊國懷古對窮秋落日鴻雁度寒城砧杵愁昔賢不復有行矣莫淹留

出門望終古獨立悲且歌憶昔魯仲尼悽悽此經過衆人不可向伐樹將如何

逍遙漆園吏冥沒不知年世事浮雲外閑居大道邊古來同一馬今我亦忘筌

五霸遞征伐宋人無戰功解圍幸奇說易子傷吾衷唯見盧門外蕃條多轉蓬

常愛宓子賤鳴琴能自親邑中靜無事豈不由其身何意千年後寂寞一作無此人

關伯去已久一作遠高丘臨道傍人皆有兄弟爾獨爲參商終古猶如此而今一作人安可量

薊中一作送作

策馬自沙漠一作長驅登塞垣邊城何一作高蕃條白日黃雲昏一到征戰處每愁胡虜翻豈無安邊書諸將已承

恩惆悵孫吳事歸來獨閉門

自淇涉黃河途中作十三首

川上常極目世情今已闕去帆帶落日征路隨長山親友若雲霄可望不可攀於茲任所愜浩蕩風波間

清晨泛中流羽族滿汀渚黃鶴何處來昂藏寡儔侶飛鳴無人見飲啄豈得所雲漢爾固知胡爲不輕舉

野人頭盡白與我忽相訪手持青竹竿日暮淇水上雖老美容色雖貧亦開放釣魚三十年中心無所向
南登滑臺上却望河淇間竹樹夾流水孤城一作村對遠山念茲川路濶美爾沙鷗閑長想一作離別離處猶一作無無音信還

東入黃河水茫茫汎行直北望太行山峩峩半天色山河相映帶深淺未可測自昔有賢才相逢不相識

秋日登滑臺臺高秋已暮獨行既未愜懷土悵無趣晉宋何蕭條羌胡散馳騫當時無戰畧此地即邊戍兵革徒自勤山河孰云固乘閑喜臨眺感物傷遊寓惆悵落日前飄飄遠帆處北風吹萬里南雁不知數歸意方浩

然雲沙更迴互

亂流自茲遠一作始倚檻時一望遙見楚漢城崔嵬高山上天道昔未測人心無所向屠釣稱侯王龍蛇爭霸王緬

懷多殺戮顧此生慘愴聖代休甲兵吾其得開放

茲川方悠邈一作德雲沙無前後古壘一作塔對河孺長林出淇口獨行非吾意東向一作南日已久憂來誰得知且酌尊中酒

朝從北岸來泊船南河一作河游試共野人言深覺農夫苦去秋雖薄熟今夏猶未雨耕耘日勤一作勤勞租稅兼烏鹵

圍蔬空一作定寥落產業一作薄產不足數尚有獻芹心無因見明主

茫茫濁河注懷古臨河濱禹功本豁達漢跡方因循坎德昔一作克滂沱馮夷胡不仁激一作勃瀾陵隄防東郡多悲辛

天子忽驚悼從官皆負薪春築豈無謀析禱如有神宣房今安在高原空嶮岫

我行倦風滿輟棹將問津空傳歌瓠子感慨獨愁人孟夏桑葉肥穰陰一作深澤夾長津蠶農有時節田野無闕人臨

水狎漁樵一作商望山懷隱淪誰能去京洛顛顛對風塵一作英華作一首

朝景入平川川長復垂柳遙看魏公墓突兀前山後憶昔大業時羣雄角一作各奔走伊人何電邁獨立風塵首傳

檄舉赦倉擁兵屯洛口連營一百萬六合如可有方項終比肩亂隋將假手力爭固難恃驕戰曷能久若使學

著曹功名當不朽

蟠蟠河濱更相遇似有耻輟榜聊問之荅言盡終始一生雖貧賤九十年未死且喜對兒孫彌慙遠城市結廬

黃河曲垂釣長河裏漫一作源漫望雲沙蓄條聽風水所思強飯食永願在鄉里萬事吾不知其心只如此

宋中遇陳二一作兼

常忝一作參鮑叔義所期一作寄王佐才如何守苦節獨此一作自無良媒離別十年外一作內飄飄千里來安知一作能罷官後惟

見柴門開窮巷隱東郭高堂詠南陔籬根長花草井上一作生萋萋昔伊昔一作望望雲漢於今倦蒿萊一作燒男兒

命未一作運且盡一作手中格一作命

宋中遇劉書記有別

何代無秀士高門生此才森然觀毛髮若見河江山來幾載困常調一朝時運催白身謁明主待詔登雲臺相逢梁宋間與我醉蒿萊寒楚眇千里雲天畫不不開末路終離別不能強悲哀男兒爭富貴勸爾莫遲迴

魯郡途中遇徐十八錄事

時此公學王書筆別

誰謂嵩嶺客遂經鄒魯鄉前臨少昊墟始覺東蒙長獨行豈吾心懷古激中腸聖人久已矣游夏遙相望回野澤間左右多悲傷日出見關里川平知汶陽弱冠負高節十年思自強終然不得意去去任行藏

遇冲和先生

冲和生何代或謂遊東溟三命謁金殿一言拜授銀青自云多方術往往通神精靈萬乘親問道六宮無敢聽昔去一作限霄漢今來觀儀形頭戴鸛鳥一作冠手搖白鶴翎終日飲醇酒不醉復不醒常一作憶雞鳴山每誦西昇經拊背念離別依然出戶庭莫見今如此曾為一客星

魯西至東平

沙岸拍不定石橋水橫流問津見魯俗一作懷古傷家丘寥落千載後空傳褒聖侯

東平路作三首

南園適不就東走豈吾心索索涼風動行行秋水深蟬鳴木葉落茲夕更愁霖明時好畫策動欲欲千王公今日無成事依依親老農扁舟向何處吾愛汶陽中

清曠涼夜月裴回孤客舟渺然風波上獨愛一作前山秋秋至復搖落空令行者愁

東平路中遇大水

天災自古有昏墊彌今秋霖霖一作溢川原頌洞涵田疇指途適汶陽挂席經蘆洲永望齊魯郊白雲何悠悠傍沿鉅野澤大水縱橫流蟲蛇擁獨樹麋鹿奔行舟稼穡隨波瀾西成不可求室居相枕藉蛙鼃聲啾啾仍憐穴蟻深益羨雲禽游農夫無倚著野老生殷憂聖主當一作深仁廟堂運良籌倉廩終爾給田租應罷收我心胡鬱陶征旅亦悲愁縱懷濟時策誰肯論吾謀

登壇

應作龍詩同

攏頭遠行客壘上分流水流水無盡期行人未云已淺才登一命孤劍通萬里豈不思故鄉從來感知已

苦雪四首

二月猶北風天陰雪冥冥寒落一室中悵然慚百齡苦愁正如此門柳復青青
惠連發清興袁安念高臥余故非斯人為性兼懶惰賴茲尊中酒終日聊自過
濛濛灑平陸浙漚至幽居且喜潤羣物焉能悲斗儲故交久不見烏雀投吾廬
孰云久閑曠本自保知寡窮巷獨無成春條祇盈把安能羨鵬舉且欲歌牛下乃知古時人亦有如我者

哭單父梁九少府

開篋淚沾臆見君前日書夜臺今一作空寂寞猶是子雲居一作探昔探靈奇登臨賦山水同舟南浦一作下望月西
江裏契濶多別離綢繆到生死九原即一作知何處一作在萬事皆如此晉山徒我我斯人已冥冥常時祿且薄歿後家
復貧妻子在遠道弟兄無一人十上多苦辛一官恆自哂青雲將可一作何致白日忽先一作西盡唯有一作獨身後名空留
一作流無遠近

哭裴少府

世人誰不死嗟君非生慮扶一作無病適到官田園在何處公才羣吏感葬事他人助余亦未識君深悲哭君去

行路難二首

長安少年不少錢能騎駿馬鳴金鞭五侯相逢大道邊美人弦管爭留連黃金如斗不敢惜片言如山莫棄捐
安知顛顛讀書者暮宿靈一作虛臺私自憐

君不見富家翁舊時貧賤誰比數一朝金多結豪貴萬事勝人健如虎子孫成行一作長滿眼前妻能管絃妾能舞
自矜一身忽一作朝如此却笑傍人獨愁苦東鄰少年安所如席門窮巷出無車有才不肯學干謁何用年年空讀書

秋胡行一作胡秋胡

妾本邯鄲未嫁時容華倚翠人未知一朝結髮從君子將妾迢迢東魯一作陸陸時逢大道無艱阻君方遊宦從陳
汝急樓獨臥頻度春彩閣辭君幾徂暑三月垂楊蠶未眠攜籠結侶南陌邊道逢行子不相識贈妾黃金買少

年妾家夫婿經離久寸心誓與長相守願言行路莫多情道一作妾貞心在人口日暮豈飢相命歸攜籠端飾來
庭闈勞心苦力終無恨所冀一作君思即那可依聞說行人已歸止乃是向來贈金子相看顏色不復言相顧懷
慙有何已從來自隱無疑背直為君情也相會如何咫尺仍有情況復迢迢千里外誓將一作此情願恩不顧身念君
此日赴河津莫道向來不得意故欲留規誡後人

古大梁行

古城莽蒼一作鏡荆榛驅馬荒城愁殺人魏王宮觀一作館盡禾黍信陵賓客隨灰塵憶昨雄都舊朝市軒車照耀
歌鐘起軍容帶甲三十萬國步連營一作一五千里全盛須臾那可論高臺曲池無復存遺墟但見狐狸迹一作古
地空餘草木根暮天搖落傷懷抱倚劍悲歌對秋草俠客猶傳朱亥名行人尚識夷門道白壁黃金萬戶侯寶
刀駿馬填山丘年代淒涼不可問往來唯有水東流

邯鄲少年行

邯鄲城南一作西游俠子自矜一作生長邯鄲裏千場縱博家仍富幾度報讐身不死宅中歌笑日紛紛門外車馬常
盛如雲一作如雲未知肝膽向誰是令人却憶平原君君不見今人一作交態薄黃金用盡還疎索以茲感歎一作辭舊
遊更於時事無所求且與少年飲美酒往來射獵西山頭

燕歌行并序

開元二十六年一作英華行

客有從御史大夫張公出塞而還者作燕歌行以示適感征戍之事因而和焉

漢家煙塵在東北漢將辭家破殘賊男兒本自重橫行天子非常賜一作顏色撥金伐鼓下榆關旌旆遠遙碣石
聞校尉羽書飛瀚海單于獵火照狼山山川蕭條極邊土胡騎憑陵雜風雨戰士軍前半死生美人帳下猶歌
舞大漠窮秋塞草腓一作孤城落日闌兵稀身當思遇恒輕敵力盡關山未解圍鐵衣遠戍辛勤久玉筋應啼別
離後少婦城南欲斷腸征人薊北空回首邊庭一作飄飄那可度一作絕域蒼茫一作更何有殺氣三時一作作陣雲
寒聲一作風一夜傳刁斗相看白刃血一作作紛紛死節從來豈顧勳君不見沙場征戰苦至今猶憶李將軍

古歌行

君不見漢家三葉從代至高皇舊臣多富貴天子垂衣方晏如廟堂拱手無餘議蒼生偃臥休征戰露臺百金

以爲費田舍老翁不出門洛陽少年莫論事

人日寄杜二拾遺

人日題詩寄草堂遙憐故人思故鄉柳條弄色不忍見梅花滿枝空一作斷腸身在遠藩一作無所預心懷百憂復千慮今年人日空相憶明年人日知何處一臥東山三十春豈知書劍老風塵龍鍾還忝二千石愧爾東西南北人

九日酬顏少府

簷前白日應可惜籬下黃花爲誰有行客一作子迎霜未授衣主人得錢始沽酒蘇秦頗頌人一作多厭蔡澤棲遲

一作世看醜縱使登高只斷腸不如獨坐空搔首

留別鄭三韋九兼洛下諸公

憶昨相逢論久要顧君哂我輕常調羈旅雖同白社遊詩書已作青雲料寒質一作蹉跎竟不成年過四十尚躬耕長歌遠者一作梧桐中物大一作笑前人身後名幸逢明盛多招隱高山大澤徵求盡此時亦一作得辭漁樵青袍裹身荷聖朝犁牛釣竿不復見縣人邑吏來相邀遠路鳴蟬秋興發華堂美酒雜憂銷不知何日更攜手應念

茲晨去一作折腰一作去

送楊山人歸嵩陽

不到嵩陽動十年舊時心事已徒然一二故人不復見三十六峰猶眼前夷門二月柳條色流鶯數聲淚沾曉鑿井耕田不我招知君以此忘帝力山人好去嵩陽路惟余春春長相憶

送別

昨夜離心正鬱陶三更白露西風高萎飛木落何淅瀝此時夢見西歸客曙鐘寥亮三四聲東鄰嘶馬使人驚攬衣出戶一相送唯見歸雲縱復橫

贈別晉三處士

有人家住清河源渡河問我游梁園手持道經注已畢心知內篇口不言盧門十年見秋草此心惆悵誰能道知已從來不易知慕君爲人與君好別時九月桑葉疎出門千里無行車愛君且欲君先達今上求賢早上書

送渾將軍出塞

將軍族貴兵且強漢家已是渾邪王子孫相承在朝野至今部曲燕支下控弦盡用陰山兒登陣常騎大宛馬銀鞍玉勒繡登弧每逐嫖姚破骨都李廣從來先將士衛青未肯學孫吳傳有沙場千萬騎昨日邊庭羽書至城頭畫角三四聲匣裏寶刀晝夜鳴意氣能甘萬里去辛勤判一作一年行黃雲白草無前後朝建旌旄夕刁斗塞下應多俠少年關西不見春楊柳從軍借問所從誰擊劍酣歌當此時遠別無輕繞朝策平戎早寄仲宣詩

送蔡山人

東山布衣明古今自言獨未逢知音識者聞見一生事到處豁然千里心看書學劍長辛苦近日方思謁明主斗酒相留醉復醒悲歌數年淚如雨丈夫遭遇不可知買臣主父皆如斯我今蹭蹬無所似看爾崩騰何若爲

封丘作

一作我本漁樵孟諸野一生自是悠悠者乍可狂歌草澤中寧堪作吏風塵下祇言小邑無所爲公門百事皆有期拜迎官長心欲碎一作鞭撻黎庶令人悲歸來向家問妻子舉家盡笑今如此生事應須南畝田世情付與東流水夢想舊山安在哉爲衙君命且遲迴乃知梅福徒爲爾轉憶陶潛歸去來

題李別駕壁

去鄉不遠逢知己握手相歡得如此禮樂遙傳魯伯禽賓客爭過魏公子酒筵暮散明月上樞馬長鳴春風起一生稱意能幾人今日從君問終始

寄宿田家

田家老翁住東陂說道平生隱在茲鬢白未曾記日月山青每到識春時門前種柳深成巷野谷流泉添入池牛壯日耕十畝地人閑常掃一茅茨客來滿酌清尊酒感興平吟才子詩巖際窟中藏鼯鼠潭邊竹裏隱鷓鴣村墟日落行人少醉後無心怯路歧今夜只應還寄宿明朝拂曙與君辭

別韋參軍

一作二十解書劍西遊長安城舉頭望君門屈指取公卿國風冲融蓮三五朝廷歡一作樂彌寰宇白壁皆言賜近

臣布衣不得干明主歸來洛陽無負郭東過梁宋非吾土
兔苑爲農歲不登雁池垂釣心長苦世人遇我同
衆人唯君於我最相親且喜百年有見交態未嘗嘗一日辭家貧以下彈碁擊筑白日晚縱酒高歌楊柳春
歡娛未盡分散去使我惆悵驚心神丈夫一作不作兒女別臨岐涕淚沾衣中

送田少府貶蒼梧

沈吟對遠客惆悵西南天昔爲一官未得意今向萬里令人憐
念茲斗酒成睽間停舟歎君日將晏遠樹應憐
北地春行人却羨南歸雁丈夫窮達未可知看君不合長數奇
江山到處堪乘興楊柳青青那足悲

平臺夜遇李景參有別

離心一作忽悵一作然一作策馬對秋天孟諸薄暮涼風起歸客相逢渡睢水
昨時一作攜手已一作十年今一作日分途
各千里歲物蓄條滿路岐此行浩蕩令人悲家貧美爾有微祿欲往從之何所之

送郭處士往萊蕪兼寄苟山人

君爲東蒙客往來東蒙畔雲臥臨嶧陽山行窮日觀少年詞賦皆可聽
秀眉白面風清冷身上未曾染名利口中猶未知臙腥今日還山意無極
豈辭世路多相識歸見萊蕪九十翁爲論別後長相憶

賦得還山吟送沈四山人

還山吟天高日暮寒山深送君還山識君心人生老大須恣意看君解作
一生事山間偃仰無不至石泉淙淙若風雨桂花松子常滿地賣藥囊中
應有錢還山服藥又長年白雲勸盡栢中物明月相隨何處眠
眠時醒時事夢魂可以相周旋

崔司錄宅燕燕大理李卿

多雨殊未已秋雲更沈沈洛陽故人初解印山東小吏來相尋
上卿才大名不朽早朝至暮暮求友豁達常推海內賢殷勤但酌尊
中酒飲醉欲言歸刺溪門前駟馬光照衣路傍觀者徒啣啣我公不
以爲是非

同鮮于洛陽於畢員外宅觀畫馬歌

知君愛鳴琴仍好千里馬水日恒思單父中有時心到宛城下
遇客丹青天下才白生胡雛控龍媒主人娛賓畫障開只言騏驥西
極來半壁趁輝勢不住滿堂風飄颻然度家僮愕視欲先鞭
極馬驚嘶還屢顧始知物妙

皆可憐燕昭市駿豈徒然縱令剪拂無所用猶勝驚駘在眼前

同河南李少尹畢員外宅夜飲時洛陽告捷遂作春酒歌

故人美酒勝濁醪故人清詞合風騷長歌滿酌惟吾曹高談正可揮塵毛半醉忽然持蟹螯洛陽告捷傾前後武侯腰間印如斗郎官無事時飲酒栝中綠蟻吹轉來瓊上飛花拂還有前年持節將楚兵去年留司在東京今年復拜二千石盛夏五月西南行彭門劍門蜀山裏昨逢軍人劫奪我到家但見妻與子賴得飲君春酒數十栝不然令我愁欲死

同李九士曹觀壁畫雲作

始知帝鄉客能畫蒼梧雲秋天萬里一片色只疑飛盡猶氛氲

見薛大臂鷹作一作李

寒楚十二月蒼鷹八九毛寄言燕雀莫相噉一作自有雲霄萬里高

畫馬篇同諸公宴驪陽李

君侯櫪上驄貌在丹青中馬毛連錢蹄鐵色圖畫光輝騎玉勒馬行不動勢若來權奇蹴踏無塵埃感茲絕代稱妙手遂令談者不容口麒麟獨步自可珍駑駘萬匹知何有終未如他櫪上聽載華轂騁飛鴻荷君剪拂與君用一日千里如旋風

詠馬鞭

龍竹養根九幾年工人截之爲長鞭一節一目皆天然珠重重星連連繞指柔純金堅繩不直規不圓把向空中捎一聲良馬有心日馳千

塞下曲一作

君不見芳樹枝春花落盡蜂不窺君不見梁上泥秋風始高燕不棲蕩子從軍事征戰蛾眉嬋娟守空閨獨宿自然堪下淚況復時聞鳥一作啼

漁父歌

曲岸深潭一山叟駐眼看釣不移手世人欲得知姓名良久問他不開口箬皮笠子荷葉衣心無所營守釣磯

料得孤舟無定止日暮持竿何處歸

部落曲

蕃軍傍塞遊代馬噴風秋老將垂金甲開支着錦裘
珣戈蒙豹尾紅旆插狼頭日暮天山下鳴笳漢使愁

贈杜二拾遺

傳道招堤客詩書自討論佛香時入院僧飯屢過門
聽法還應難辨尋經剩欲翻草玄今已畢此外復一作何言

醉後贈張九旭

世上謾相識此翁殊不然興來書自聖醉後語尤顛
白髮老閑事青雲在目前牀頭一壺酒能更幾回眠

途中寄徐錄事

落日風雨至秋天鴻雁初離憂不堪比旅館復何如
君又幾時去我知音信疎空多篋中贈長見右軍書

酬衛八雪中見寄

季冬憶淇上落日歸山樊舊宅帶流水平田臨古村
雪中望來信醉裏開衡門果得希代寶絨之那可論

送白少府送兵之隴右

踐更登隴首遠別指臨洮爲問關山一作事何如
州縣勞軍容隨赤羽樹色引青袍誰斷單于臂今年太白高

河西送李十七

邊城多遠別此去莫徒然問禮知才子登科及少年
出門看落日驅馬向秋天高價人爭重行當早著鞭

送張瑤貶五谿尉

他日維楨幹明時懸鎮鄧江山遙去國妻子獨還家
離別無嫌遠沈浮勿強嗟南登有詞賦知爾弔長沙

別韋五

徒然酌杯酒不覺散人愁相識仍遠別欲歸翻旅遊
夏雲滿郊甸明月照河洲莫恨征途遠東看漳水流

別劉大校書

昔日京華去知君才望新應猶作賦好莫歎在官貧
且復傷遠別不然愁此身清風一作幾萬里江上一歸人

宋中別司功叔各賦一物得商丘

商丘試一望隱隱帶秋天地與辰星在城將大路還干戈悲昔事墟落對窮年即此傷離緒悽悽賦酒筵

送蔡十二之海上

時在衡中

黯然何所爲相對但悲酸季弟念離別賢兄救急難河流水處盡海路雪中寒尚有南飛雁知君不忍看

別韋兵曹

離別長千里相逢數十年此心應不變他事已徒然惆悵春光裏蹉跎柳色前逢時當自取看爾欲先鞭

獨孤判官部送兵

錢君嗟遠別爲客念周旋征路今如此前軍猶眇然出關逢漢壁登隴望胡天亦是封侯地期君早着鞭

別從甥萬盈

諸生曰萬盈四十乃知名宅相予偏重家丘人莫輕美才應自料苦節豈無成莫以山田薄今春又不耕

別崔少府

知君少得意汶上掩柴扉寒食仍留火春風未授衣皆言黃綬屈早向青雲飛借問他鄉事今年歸不歸

別馮判官

碣石遼西地漁陽薊北天關山唯一道雨雪盡三邊才子方爲客將軍正渴作愛賢遙知幕府下書記日翩翩

洪上送韋司倉往滑臺

飲酒莫辭醉多適不愁孰知非遠別終念對窮新秋滑臺門外見洪水眼前流君去應回首風波滿渡頭

送崔功曹赴越

傳有東南別題詩報客居江山知不厭州縣復何如莫恨吳歛曲嘗看越絕書今朝欲乘興隨爾食鱸魚

送蹇秀才赴臨洮

悵望日千里如何今二毛猶思陽谷去莫厭隴山高倚馬見雄筆隨身唯寶刀料君終自致勲業在臨洮

廣陵別鄭威士

落日知分手春風莫斷腸興來無不慙才在亦何傷溪水堪垂釣江田耐插秧人生只爲此亦足傲羲皇

別孫訢

離人去復留白馬黑貂裘屈指論前事停鞭惜舊遊帝鄉那可忘旅館日堪愁誰念無知己年年唯水流

送劉評事充朔方判官賦得征馬嘶

征馬向邊州蕭蕭嘶不休思深應帶別聲斷爲兼秋岐路風將遠關山月共愁贈君從此去何日大刀頭

送魏八

更沽洪上酒還泛驛前舟爲惜故人去復憐嘶馬愁雲山行處合風雨興中秋此路無知己明珠莫暗投

贈別褚山人

攜手贈將行山人道姓名光陰薊子訓才術褚先生牆上梨花白尊中桂酒清洛陽無二價猶是暮風聲

別王八

征馬嘶長路離人挹佩刀客來東道遠歸去北風高時候何蕭索鄉心正更鬱陶傳君遇知己行日有綈袍

送董判官

逢君說行邁倚劍別交親幕府爲才子將軍作主人近關多雨雪出塞有風塵長策須當用男兒莫顧身

送鄭侍御謫閩中

請去君無恨閩中我舊過大都秋雁少只是夜猿多東路雲山合南天瘴癘和自當逢雨露行矣慎風波

送李侍御赴安西

行子對飛蓬金鞭指鐵驄功名萬里外心事一枰中虜障燕支北秦城太白東離魂莫惆悵看取寶刀雄

送裴別將之安西

絕域眇難躋悠然信馬蹄風塵經跋涉搖蕩怨睽攜地出流沙外天長甲子西少年無不可行矣莫悽悽

宴郭校書因之有別

綵服趨庭訓分交載酒過芸香名早著蓬轉事仍多苦戰作知機息窮愁奈別何雲霄莫相待年發已蹉跎

同李太守北池泛舟宴高平鄭太守

每揖龔黃事還陪李郭舟雲從四岳起在水向百城流幽意隨登陟嘉言即獻酬乃知縫掖貴今日對諸侯

同崔員外茶母拾遺九日宴京兆府李士曹

今日好相見羣賢仍廢曹
晚晴催翰墨秋興引風騷
綠葉擁虛砌黃花隨濁醪
閉門無不可何事更登高

同羣公十月朝宴李太守宅

良牧徵高賞寒帷問考槃
歲時當正月甲子入初寒
已聽甘棠頌欣陪旨酒歡
仍憐門下客不作布衣看

武威同諸公過楊七山人得藤字

幕府日多暇田家歲復登
相知恨不早乘興乃無恒
窮巷在喬木深齋垂古藤
邊城唯有醉此外更何能

同羣公登漢陽聖佛寺閣

落日登臨處悠然意不窮
佛因初地識人覺四天空
來雁清霜後孤帆遠樹中
喪回傷寓目蕭索對寒風

同衛八題陸少府書齋

知君薄州縣好靜無冬春
散帙至棲鳥明燈留故人
深房臘酒熟高院梅花新
若是周旋地當令風義親

淇上別業

依依西山下別業桑林邊
庭鴨喜多雨鄰雞知暮天
野人種秋菜古老開原田
且向世情遠吾今聊自然

入昌松東界山行

鳥道幾登頓馬蹄無暫_{一作}閑
崎嶇出長坂合沓猶前山
石激水流處天寒松色開
王程應未盡且莫顧刀環

使青夷軍入居庸三首

匹馬行將久征途去轉難
不知邊地別秋訝客衣單
路冷泉聲苦山空木葉乾
莫言關塞極雲雲尚漫漫

古鎮青山口寒風落日時
巖巒鳥不過冰雪馬堪遲
出塞應無策還家賴有期
東山足松桂歸去結茅茨

登頓驅征騎樓遲愧寶刀
遠行今若此微棹果徒勞
絕坂水連下羣峰雲共高
自堪成白首何事一青袍

自前北歸

驅馬薊門北北風邊馬哀
蒼茫遠山口豁達胡天開
五將已深入前軍止半迴
誰憐不得意長劍獨歸來

東平別前衛縣李東少府

黃鳥翩翩楊柳垂春風送客使人悲
怨別自驚千里外論交却憶十年時
雲開汶水孤帆遠路繞梁山匹馬遲

本難投跡與松喬合心緣啟沃留公才山吏部書癖杜荊州幸沐千年聖何辭一尉休折腰知寵辱迴首見沈浮天地莊生馬江湖范蠡舟道遙堪自樂浩蕩信無憂去此從黃綬歸歟任白頭風塵與霄漢瞻望日悠悠

留上李右相一作李相

右相兼南

風俗登淳古君臣挹大庭深沈謀九德密勿契千齡獨立調元氣清心豁宿寘本枝連帝系長策冠生靈傳說明殷道蕭何律漢刑鈞衡持國柄柱石總朝一作經隱軫江山藻氣鼎彝銘典中皆白雲一作身外即一作丹青江海呼窮鳥詩書問聚螢吹噓成羽翼提握動芳馨倚伏悲還笑棲遲一作醉復醒恩榮初就列含育吞宵形有竊丘山惠無時枕席寧壯心瞻落景生事感浮一作萍莫以才難用終期善易聽未為門下客徒謝少微星

同李員外賀哥舒大夫破九曲之作

遙傳副丞相昨日破西蕃作氣羣山動揚軍大旆翻奇兵邀轉戰連弩絕歸奔泉噴諸戎血風驅死虜魂頭飛攢萬戟面縛聚轅門鬼哭黃埃暮天愁白日昏石城與巖險鐵騎皆一作雲屯長策一言決高蹤百代存威稜懾沙漠忠義感乾坤老將點無色儒生安敢論解圍憑廟算止殺報君恩唯有關河渺蒼茫空樹墩

信安王幕府詩并序

開元二十年國家有事林胡詔禮部尚書信安王總戎大舉時考功郎中王公司勳郎中劉公主客郎中魏公侍御史李公監察御史崔公咸在幕府詩以頌美數公見於詞凡三十韻

雲紀軒皇代星高太白年廟堂咨上策幕府制中權盤石藩維固昇壇禮樂先國章榮印綬公服貴貂蟬樂善旌深德輸忠格上玄剪桐光寵錫題劍美貞聖聖祚雄圖廣師貞武德虔雷霆七校發旌旆五營連華省徵羣又霜臺舉二賢豈伊公望遠曾是茂才選並乘韜鈴銜兼該翰墨筵帝思麟閣像臣獻柏梁篇振玉登遠甸擬金塵薊瑯度河飛羽檄橫海泛樓船北伐聲逾邁東征務以專謀戎喧涿野料敵靜居延軍勢持三略兵戎自九天朝瞻授鉞去時聽偃戈旋大漠風沙裏長城雨雪邊雲端臨碣石波際隱朝鮮夜壁冲高斗寒空駐彩旂倚弓玄兔月飲馬白狼川庶物隨交泰蒼生解劍懸四郊增氣象萬里絕風煙關塞鴻勳著京華甲第全落梅橫吹後春色凱歌前直道常兼濟微才獨棄捐曳裾誠已矣投筆尚悽然作賦同元淑能詩匪仲宣雲霄不可望空欲仰神仙

東平旅遊奉贈薛太守二十四韻

頌美馳千古，欽賢仰大猷。晉公標逸氣，汾水注長流。神與公忠節，天生將相儔。青雲本自負，赤縣獨推尤。御史風逾勁，郎官草屢修。鸞粉署起鷹，隼柏臺秋出入交。三事飛鳴揖，五侯軍書陳。上策廷議借，前籌肅趨朝。列雖雖引帝求，一麾俄出守。千里再分憂，不改任棠水。仍傳晏子裘，歌謠隨舉扇。旌旆逐鳴騶，郡國長河繞。川原大野幽，地連堯泰嶽。山向禹青州，汶上春帆渡。秦亭晚日愁，遺墟當少昊。懸象逼奎婁，即此逢清鑿。終然喜暗投，叨承解榻禮。更得問縑遊，高興陪登陟。嘉言忝獻酬，觀棊知戰勝。探象會冥搜，眺聽情何限。冲融惠勿休，祇應齊語默。寧宵問沈浮，然諾長懷季。樓遲輒累丘，平生感知已。方寸豈悠悠。

真定即事奉贈韋使君二十八韻

飄泊懷書客，遲迴此路隅。問津驚棄置，投刺忽踟躕。方伯思彌重，蒼生詠已蘇。郡稱廉叔度，朝議管夷吾。乃繼三台側，仍將四岳俱。江山澄氣象，崖谷倚冰壺。詔寵金門策，官榮葉縣龜。擢才登粉署，飛步躡雲衢。起草徵調墨，焚香即宴娛。光華揚盛矣，霄漢在茲乎。隱軫推公望，遠述協帝俞。軒車辭魏闕，旌節副幽都。始佩仙郎印，俄兼太守符。尤多蜀郡理，更得潁川謨。城邑推雄鎮，山川列簡圖。舊燕當絕漠，全趙對平蕪。曠野何瀟漫，長亭復鬱紆。始泉遺俗近，活水戰場無。月換思鄉陌，星迴記斗樞。歲容歸萬象，和氣發鴻爐。淪落而誰遇，樓違有是夫。不才羞擁腫，千祿謝侏儒。契濶慚行邁，羈離憶友于。田園同季子，儲蓄異陶朱。方欲呈高義，吹噓揖大巫。永懷吐肝膽，猶憚阻榮枯。解榻情何限，忘言道未殊。從來貴縫掖，應是念窮途。

和實侍御登涼州七級浮圖之作

化塔屹中起，孤高宜上躋。鐵冠雄賞眺，金界寵招攜。空色在軒戶，邊聲連鼓鼙。天寒萬里北，地豁九州西。清興揖才彥，峻風和端倪。始知陽春後，具物皆筌蹄。

酬河南節度使賀蘭大夫見贈之作

高閣憑欄檻，中軍倚旆旌。感時常激切，於已即忘情。河華屯妖氣，伊瀍有戰聲。媿無戰難策，多謝出師名。秉鉞知思重，臨戎覺命輕。股肱瞻列岳，唇齒賴長城。隱隱推鋒勢，光光弄印營。魯連真義士，陸遜豈書生。直道寧殊智，先鞭忽抗行。楚雲隨去馬，淮月尚連營。撫劍堪投分，悲歌益不平。從來重然諾，況值欲橫行。

奉酬睢陽路太守見贈一作

感才膺命代高價動良時帝簡登藩翰人和發詠思神仙去華省鷓鴣憶丹墀清淨能無事優游即賦詩江山紛想像雲物共一作萎蕤逸氣劉公幹玄言向子期多慙汲引速翻愧激昂遲相馬知何限登龍反自疑風塵吏道迫行邁旅心悲拙疾徒爲爾窮愁欲問誰秋庭一片葉朝鏡數莖絲州縣甘無取丘園悔莫追瓊瑤生篋笥光景借茅茨他日青霄裏猶應訪所知

奉酬睢陽李太守

公族稱王佐朝經允帝求本枝疆我李盤石冠諸劉禮樂光輝盛山河氣象幽系高周柱史名重晉陽秋華省膺推擇青雲寵宴遊握蘭多具美前席有嘉謀賦得黃金賜言皆白璧酬着鞭驅駟馬操刃解全牛出鎮兼方伯承家復列侯朝瞻孔北海時用杜荊州廣固纔登陟毘陵忽阻修三台冀入夢四岳尚分憂郡邑連京口山川望名頭海門當建節江路引鳴騶俗見中興理人逢至道休先移白額橫更息諸衣偷梁國歌來晚徐方慙不留豈伊齊政術將以變澆浮訟簡知能吏刑寬察要囚坐堂風偃草行縣雨隨轉地是蒙莊宅城遺關伯丘孝王餘井徑微子故田疇冬至招搖轉天寒蟪蛄收猿巖飛雨雪免苑落梧楸列戟霜侵戶褰幃月在鈎好賢常解榻乘輿每登樓逸足橫千里高談注九流詩題青玉案衣贈黑貂裘窮巷軒車靜閑齋耳目愁未能方管樂翻欲慕巢由講德良難敵觀風豈易僞寸心仍有道江海一扁舟

送柴司戶充劉御一作判官之嶺外

嶺外資雄鎮朝端寵節旄月卿臨幕府星使出詞曹海對羊城濶山連象郡高風霜驅瘴癘忠信涉波濤別恨隨流水交情脫寶刀有才無不適用矣莫徒勞

送蔡少府赴登州推事

膠東連即墨萊水入滄溟國小常多事人訖屢抵刑公才微郡邑詔使出郊垌標格誰當犯風謠信可聽崢嶸大峴口邈迤汶陽亭地迴雲偏白天秋山更青祖筵方卜畫王事急侵星勸爾將爲德斯言蓋有聽

秦中送李九赴越

攜手望千里于今將十年如何每離別心事復逆遭適越雖有以出關終耿耿愁霖一作不可向長路或難前一作

吳會獨行客山陰秋夜船謝家徵故事禹穴訪遺編鏡水君所憶蓴羹余舊便歸來莫忘此兼示濟江篇

餞宋八充彭中丞判官之嶺南

觀君濟時略使我氣填膺長策竟不用高才徒見稱一朝知己達累日詔書徵羽翮忽然就動風颺誰敢凌舉鞭趨一作嶺嶠一作屈指冒炎蒸北雁送馳驛南人思飲冰彼邦本倔強習俗多驕矜翠羽干平法黃金撓直繩若將除害馬慎勿信蒼蠅魃一作寧無患忠貞適有憑猿啼山不斷鳥跼路難登海岫出交趾江城連始興繡衣當節制幕府威威稜勿憚九嶷險須令百越澄立談多感激行李即嚴凝離別胡為者雲霄遲爾昇

陪竇侍御泛靈雲池

白露時先降清川思不窮江湖仍塞上舟楫在軍中舞換臨津樹歌饒向迴一作風夕陽連積水邊色滿秋空衆興宜投轄邀歡莫避驄誰憐持弱羽猶欲伴鷓鴣

陪竇侍御靈雲南亭宴詩得雷字

并序

涼州近胡高下其池亭蓋以耀蕃落也幕府董帥雄勇徑踐戎庭自陽關而西猶枕席矣軍中無事君子飲食宴樂宜哉白簡在邊清秋多興況水具舟檝山兼亭臺始臨泛而寫煩俄登陟以寄傲絲桐徐奏林木更爽鵲蒲萄以遞歡指蘭茝而可掇胡天一望雲物蒼然而蓄蓄而牧馬聲斷風嫋嫋而邊歌幾處又足悲矣員外李公曰七日者何牛女之夕也夫賢者何得謹其時請賦南亭詩列之於後

人幽宜眺聽目極喜亭臺風景知愁在關山憶夢迴一作言殊語默何意忝遊陪連唱波瀾動冥搜物象開新秋歸遠樹殘雨擁一作輕雷簷外長天盡尊前獨鳥來常吟塞下曲多謝幕中才河漢徒相望嘉期安在哉

同熊少府題盧主簿茅齋

盧兼有
人論

虛院野情在茅齋秋興存孝廉趨下位才子出高門乃繼幽人靜能令學者尊江山歸謝客神鬼下劉根階樹時攀折甯書任討論自堪成獨往何必武陵源

同朱五題盧使君義井

高義唯良牧深仁自下車寧知鑿井處還是飲冰餘地即泉源久人當汲引初體清能鑿物色洞一作每含虛上善滋來往中和決里閭濟時應未竭懷惠復何如

同郭十題楊主簿新廳

華館曙沈沈惟良正在今用材兼柱石閩物象高深更得芝蘭地兼營枳棘林向風高戟戶當署近棠陰勿改安卑節聊開理劇心多君有知己一和郭中吟

秋日作

端居值秋節此日更愁辛寂寞無一事蒿萊通四鄰閉門生白髮回首憶青春歲月不相待交游隨衆人雲霄何處託憑直有誰親舉酒聊自勸窮通信爾身

辟陽城

荒城在高岬凌眺俯清淇傳道漢天子而封審食其奸淫且不戮茅土孰云宜何得英雄主返令兒女欺母儀良已失臣節豈如斯太息一朝事乃令人所嗤

赴彭州山行之作

峭壁連崆峒攢峰疊翠微鳥聲堪駐馬林色可忘機怪石時侵徑輕蘿乍拂衣路長愁作客年老更思歸且悅巖巒勝寧寧嗟意緒違山行應未盡誰與玩芳菲

詠史

尚有緜袍贈應憐范叔寒不知天下士猶作布衣看

送兵到薊北

積雪與天迴屯軍連塞愁誰知此行邁不爲覓封侯

同羣公題張處士菜園

耕地桑柘間地肥菜常熟爲問葵藿資何如廟堂肉

逢謝偃

紅顏愴爲別白髮始相逢唯餘昔時淚無復舊時容

田家春望

出門何所見春色滿平蕪可歎無知己高陽一作酒徒

閑居

柳色驚心事春風厭索居方知一椀酒猶勝百家書

封丘作

州縣才難適雲山道欲窮搗糜慚黠吏棲隱謝愚公

九曲詞三首

許國從來徹廟堂連年不為在疆場將軍天上封侯印御史臺中異姓王
萬騎爭歌楊柳春千場對舞繡駢驎到處盡逢歡洽事相看總是太平人
鐵騎橫行鐵嶺頭西看邈邈取封侯青海只今將飲馬黃河不用更防秋

營州歌

營州少年厭一作漢一作原野狐一作裘蒙茸獵城下虜酒千鍾一作不醉人胡兒十歲能騎馬

玉真公主歌

常言龍德本天仙誰謂仙人每學仙更道玄元指李日多於王母種桃年

仙宮仙府有真仙天寶天仙秘莫傳為問軒皇三百歲何如大道一千年

和王七玉門關聽吹笛一作塞上聞笛

胡人吹笛戍樓間樓上蕭條海一作月關借問落梅凡幾曲從風一夜滿關山一作塞上聽吹笛云空淨胡天牧馬還月明羌笛戍樓聞折柳花何處落風吹一夜滿關山

別董大二首

十里黃雲白日曛北風吹雁雪紛紛莫愁前路無知己天下誰人不識君

六翮飄飄私自憐一離京洛十餘年丈夫貧賤應未足今日相逢無酒錢

送桂陽孝廉

桂陽年少西入秦數經甲科猶白身即今江海一歸客他日雲霄一作萬里人

送李少府時在客舍作

相逢旅館意多違暮雪初晴候雁飛主人酒盡君未醉薄暮途遙歸不歸

聽張立本女吟

危冠廣袖楚宮妝，獨步閑庭逐夜涼。自把玉釵敲砌竹，清歌一曲月如霜。

初至封丘作

可憐薄幕官遊子，獨臥虛齋思無已。去家百里不得歸，到官數日秋風起。

除夜作

旅館寒燈獨不眠，客心何事轉悽然。故鄉今夜思千里，愁鬢明朝又一年。

李峴

李峴信安郡王禕之第三子，樂善下士，以門蔭入仕。歷京兆府尹、天寶中揚國忠惡其不附，已出爲長沙太守。時京兆兩災，米麥踊貴，百姓謠曰：欲得米粟賤，無過追李峴。其爲政得人心如此。乾元二年，拜中書侍郎、同平章事。坐言事切直，謫蜀州刺史。代宗召爲禮部尚書，尋復知政事。初收東京，按治逆黨，多所全活。終衢州刺史。集一卷，今存詩一首。

劍池

聞閭葬日勞人力，贏政穿來役鬼功。澄碧尚疑神物在，等閑雷雨起潭中。

李栖筠

李栖筠字貞一，世爲趙人。吉甫之父，舉進士高第，調冠氏主簿。太守李峴視若布衣，交擢殿中侍御史，爲李峴三司判官。三遷吏部員外郎、判南曹，累進工部侍郎。元載忌之，出爲常州刺史，以治行加銀青光祿大夫，封贊皇縣子。拜浙西都團練觀察使，尋爲御史大夫，力抗權邪，卒贈吏部尚書。栖筠喜獎善而樂人攻己，短爲天下士所歸，稱贊皇公。詩二首。

張公洞

一徑深窈窕，上升翠微中。忽然靈洞前，日月開仙宮。道士十二人，往還馭清風。焚香入深洞，巨石如虛空。夙夜備蘋藻，詔書祠張公。五雲何裴回，玄鶴下蒼穹。我本道門子，願言出塵籠。掃除方寸間，幾與神靈通。宿昔勤夢

想昇之在深衷遲迴將不還章綬繫我躬稽首謝真侶辭滿歸崆峒

投宋大夫

十處投人九處違家鄉萬里又空歸嚴霜昨夜侵人骨誰念高堂未授衣

徐浩

徐浩字季海越州人少舉明經工草隸以張說薦爲麗正殿校理三遷右拾遺張守珪表佐幽州募改監察御史歷憲部郎中肅宗即位拜中書舍人時天下事殷詔令俱出其手文詞贍給加尚書右丞除國子祭酒尋貶廬州長史代宗徵還仍拜中書舍人遷工部侍郎嶺南節度觀察使又爲吏部侍郎集賢殿學士爲李栖筠所彈貶明州別駕終彭王傅卒贈太子少師世稱其書法如怒猊抉石渴驥奔泉詩二首

寶林寺作

茲山昔飛來遠自琅琊臺孤岫龜形在深泉鰻井開越王屢登陟何相傳詞才塔廟崇其巖規模稱壯哉禪堂清海潤高閣無恢莫照耀珠吐月鏗轟鐘隱雷揆余久纓弁末路遭遭迴一素滄海曲六年稽嶺限逝川惜東駛馳景憐西頽腰帶愁疾減容顏衰悴催賴居茲寺中法士多瓊能洗心聽經論禮足蠲凶灾永願依勝侶清江乘度杯

謁禹廟

獻滄敷四海川源滌九州旣膺九命錫乃建洪範疇鼎革固天啟運與匪人謀肇開宅土業永庇昏熱憂山足靈廟在門前清鏡流象筵陳玉帛容衛儼戈矛探穴圖書朽早宮堂殿修梅梁今不壞松栢古仍留負責故鄉近竭來申狙羞爲魚知造化歎鳳仰徽猷不復聞夏樂唯餘奏楚幽婆娑非舞羽鏗鞳異鳴球盛德吾無間高功誰與儔灾淫破凶惡祚聖擁神休出谷鶯初語空山後獨愁春暉生草樹柳色暖汀洲思賢題與重榮殊衣錦遊宦情同械繫生理任桴浮地極臨滄海天遙過斗牛精誠如可諒他日寄冥搜

薛令之

薛令之閩之長溪人肅宗爲太子時令之以右補闕兼侍讀積歲不遷乃棄官徒步歸鄉里及肅宗即位以舊恩召而令之已前卒詩二首

男兒臧軻徒搔首入市脫衣且沽酒行路難權門慎勿干平人爭路相摧殘春秋四氣更一作迎換人專何須再
三歎君不見雀爲鷓鴣爲鳩東海成田谷爲岸負薪客歸去來龜反顧鶴裴回黃河岸上起塵埃一本作起塵一作塵一作塵一作塵
相逢未相識何用強相猜行路難故山應不改茅舍漢中在白酒杯中聊一歌蒼蠅蒼蠅奈爾何

燕銜泥

雙燕碌碌飛入屋屋中老人喜燕歸裴回繞我牀頭飛去年爲爾逐黃雀雨多屋漏泥土落爾莫厭老翁茅屋
低梁頭作窠梁下栖爾不見東家黃鸝鳴噴噴地盤瓦溝鼠穿壁蒙家大屋爾莫居驕兒少婦採爾雛并旁寫
水泥自足銜泥上屋隨爾欲

王迴

王迴家鹿門號白雲先生與孟浩然善詩一首

同孟浩然宴賦一作題

屈宋英聲今止己江山繼嗣多才子作者于今盡相似聚宴王家其樂矣共賦新詩發宮徵書于屋壁彰厥美

李肇

李肇宗室子官弘農太守宗正卿賈至常爲撰制詞詩一首

尚書都堂瓦松

華省祕僊蹤高堂露瓦松葉因春後長花爲雨來漢影混鶯鶯色光含翡翠容天然斯所寄地勢太無從接棟
臨雙闕連甍近九重寧知深澗底霜雪歲歲封

敬括

敬括字叔弓河東人少以文詞得鄉舉進士又應制登科累官右拾遺內供奉殿中侍御史天寶末以不附楊國
忠出爲刺史遷給事中兵部侍郎大理卿大曆初詔選循良爲近輔以括爲同州刺史入爲御史大夫卒詩一首

省試七月流火

前庭一葉下言念忽悲秋變節金初至分寒一作火正流氣含涼夜早光拂夏晝收助月微明散沿河麗景浮禮
標時令爽詩興國風幽自此觀邦一作正深知王業休